



~~V16120830~~

~~6-10.5.40~~



**ARISTOTELIS
ARS RHETORICA
AB ANTONIO
RICCOBONO**

**RHODIGINO I. C. HUMANITATEM
in Patauino Gymnasio proficiente
latine conuersa.**

*Eiusdem Riccoboni explicationum liber, quo Aristotelis loca
obscuriora declarantur, & Rhetorica praxis explicatur in
orationib. Ciceronis pro Marcello, & pro Milone, ac oratione
Demosthenis ad epistolam Philippi ab eodem latina facta.*

**ARISTOTELIS ARS POETICA
ab eodem in latinam linguam versa.**

Cum eiusdem de re Comica disputatione.

CVM PRIVILEGIO.



**VENETIIS, Apud Paulum Meietum,
Bibliopolam Patauinum, 1579.**

6.5. B. 16

ILLVSTRISS. VIRO,
STEPHANO BATOREO

TRANSYLVANO

patrono suo,



Antonius Riccobonus Rhodiginus
felicitatem dicit.



OMNIBVS notissimum,
atq. exploratissimum est,
uir Illustrissime, inter ma-
gna hominum nobiliũ de-
cora, & ornamenta nihil
illustrius esse, quàm litterarum studium;
qua quidem eis suadent laudem, & hone-
statem, eorum animos reddunt omni virtu-
te fulgentes, eosdem inflammant ad Reip.
commodum, dignitatemq. tuendam, at
que augendam, multa q. ipsis exempla
proponunt ad intuendum, & imitandum
in omni genere virtutis. Id honestissimum
studium in clarissima natione uestra cum
antea flagrans fuit, tum eo maxime tem-



pore exardescere uisum est, cum Stephanus Batoreus, patruus tuus, admirabili ingenio, ac sapientia praeclitus, maximo omnium applausu factus est Transsylvania Princeps; qui in principatu suo nihil antiquius habuit, quam ut homines doctrina praestantes maximis premiis afficeret, & beneficentia sua prope singulari ad litterarum laudem omnes incitaret, studiaque omnia optimarum artium foueret, custodiret, atque amplificaret. Nimirum intellexit sapientissimus uir, prudentiam assidue litterarum studiis partem in Rep. instar oculorum omnia prospicere, quae pertinere ad eius incolumitatem uideantur; ut quantum litterati homines adiuuantur, tantum adiumenti importari Reip. existimetur. Hinc effectum est, ut plurimi Transsylvani, quos si enumerare omnes uellem, non breuem epistolam scribere, sed longam historiam contexere necesse haberem, maximam sibi doctrinae gloriae comparauerint, & in dies maiorem propter amplissima praemia ipsis proposita comparaturi esse iudicentur.

dicentur. Qua fama celebritate cum is,
cuius res gestas uniuersus terrarum orbis
admiratur, maximus uir, patruus tuus,
declaratus esset Polonia Rex, in ipso belli
ardore, quod necessario gerendum fuit ad
illud Regnum incolume conseruandum, lit-
terarum non oblitus, mandauit, ut pra-
excellētissimi ex omni terrarū parte Do-
ctores maximis premijs Cracouiam inuita-
rentur: suamq; in humaniores litteras
propensionem ostendit ex eo, quòd longe
maiora Doctōrib. humanitatem profitenti-
bus, quàm ceteris omnibus stipendia per
nuntios suos proponere uisus est. Neque ue-
ro si alios semper, quos regendos accepit, ad
praclara litterarum studia maxime inci-
tauit, ullo unquam tempore defuit nobilif-
simis propinquis suis; ut inter ceteros tibi
maximi Herois Andrea fratris sui filio,
quem ille tamquàm filium singulariter
amans post mortem charissimi fratris in
hoc clarissimo Gymnasio uoluit erudiri om-
nibus optimis artibus, quibus nobilium
ingenia iuuenum solent informari, uten-

tem duce, & socio studiorum tuorum Vol-
fango Kouaciocio, uiro eruditissimo, ac
eloquentissimo, quo neminem uidi un-
quam diligentiorē, magis sollicitum,
laboriosiorē, maxime uero, ubi de tuis
commodis, atque utilitatibus ageretur.
Noŭi equidem eum tum sapientia, tum
eloquentia studiosissimum, atque in philo-
sophia studio ad omnem excellentiam pro-
gressum, litterisq; gracis, & latinis, at
que adeo etiam ijs, quas sibi Hetrusci uen-
dicant, doctissimum, & in recta scribendi
ratione adeo præstātem, ut non solum ijs,
qui praua barbarie omnia infuscant, lon-
ge antefendus, sed equandus etiam ijs,
qui purius, & elegantius scribunt, meo
quidem iudicio uideatur: at in maximis
eius ornamentis semper posui, quòd mira-
morum suauitate amplitudini tuæ profue-
rit; quæ fuit causſa, cur illustriss. domus
tua eius honori mirabiliter fauerit, eumq;
serenissimus Polonia Rex patruus tuus ab
illustrissimo Transſyluania Principe pro-
pter excellētem præstantiam suam accitū
ad

IV

ad celsam, in qua nunc ipse fulget, Magni, ut appellant, Cancellarij dignitatem miserit; cuius amantissimis, fidelissimisq; consilijs cum pareres, dici non potest, quas faces in animis omnium accenderes ad te amandum, atq; observandum, quam occasionem omnib. praberet tui amplissimi nominis predicandi, qua praesidia tibi parares ad maximas res obeundas. Tu prater litterarum studia, in quibus mihi & publice, & priuatim operam dabas, Patriitiorum Venetorum, atque adeo etiam aliorum nobiliorum iuuenum, qui in hoc Gymnasio erant, consuetudinem cum maxima tua laude, & mansuetudinis, benignitatis, omniumq; uirtutum admiratione sequutus es, ac eam humanitatem & morum facilitatem adhibuisti ad Doctores, quos audiebas, cohonestandos, ut non solum publicos, & priuatos eorum labores praesentiae tuae auctoritate, tamquam numine aliquo honorares, sed illorum etiam nobilissimorum iuuenum, quibuscum uersabaris, amorem eis benignissime concilia

res. Quæ maxima benignitas tua effecit, ut, cum summus tibi usus esset cum Iacobo Boncompagno, viro illustrissimo, atque excellentissimo, Patavi tunc optimas artes studiosissime persequente, & ad rerum magnarum administrationem, quo diuinitus uocabatur, aditum sibi parante, me eius amplitudini tradideris complectendum, eiq; aucto suprema sanctissimi parentis dignitate non uulgariter commenda ueris. Quamobrem me omnia tibi debere profiteor, quæ à gratisimo proficisci animo possint; cumq; tua explendi multo maxima in me merita mihi facultas non detur: tamen cum eum esse ingratum existimem, qui eò nihil reddat, quia minimum possit, posteaquàm artem Rhetoricam Aristotelis latine conuertere, eamq; edere decreui, tuo præclarissimo nomini ipsam esse consecrandam censeo, tibiq; memoriam renouandam eorum, quæ sæpe à me audiui. Non enim uereor, quin tibi grata futura sint, quæ philosophus omnium grauisissimus Aristoteles scripsit de ratione dicendi, maxi-
me

V

me vero in ea lingua, qua potissimum de-
ctaris; quem scriptorem prope diuinum
nulla alia de caussa multis parum cognitū,
nisi quod obscure conuersus uideatur, & si
alij eruditissimi uiri interpretati sunt: ta-
men mihi quoque interpretandum esse exi-
stimauī, ut eius doctrinam sane egregiam,
& singularem auditoribus meis clariorem
redderem, ac interpretandi munus, quod
nix in breue illud curriculum cadit, quo
publice disputamus, hōc modo sane illustrio-
re, & ad iuuenum studia accommodatiore
obirem. Itaque conatus sum omnium quā-
facillime tres Aristotelis libros interpreta-
ri; & maioris facilitatis caussa eorum par-
ticulas, quasi stellas quasdam huius ma-
gni cæli, quo eloquentia uniuersitas contine-
tur, dinumerare; ac integro etiam expli-
cationum libro obscuriora loca declarare.
Quæ omnia quoniam tibi gratissima futu-
ra esse intelligo, tamquāmaximo eloquē-
tia patrono; idcirco ad te mitto, & in tuo
preclarissimo nomine edo, ut cognoscas me
tuis officijs in perpetuū obstrictum, quacū-
que

que possum, omnia ad tuam amplitudinem
colendam efficere, maiora sine dubio, &
qua potero, & cum potero effecturum, ut
nec tua obliuisci benignitatis, nec ea, qua
à tua possunt benignitate proficisci, neglige
re unquam uidear. Vale Patavij kal.
Mart. MDLXXIX.

V2

ARGVMENTVM
ARTIS RHETORICAE
ARISTOTELIS.




VM ars Rhetorica tres in primis oratoris partes exornet, inuentionem, quæ fidem complectitur, elocutionem, & partium dispositionem; cumque inuentionis ratio triplex artificium comprehendat, demonstrationis, morum, affectuum; & cum demonstratio oratoria sit enthymema, & exemplum, ac ducatur partim à propositionibus, quæ vniuscuiusque generis propriæ sunt, partim à communibus, partim à locis Topicis: progressus est Aristoteles à magis proprijs ad communiora; & idcirco tradita definitione Rhetoricæ, diuisa fide, & enthymemate, ac exemplo mire exornato, libro primo enumerauit propositiones singulorum generum proprias, quas ipse appellauit formas, quibus aliquid probari possit in genere deliberatio esse utile, uel perniciosum; in demonstratio honestum, uel turpe; in iudiciali
iu.

iustum, uel iniustum. Libro autem secundo complexus est tum communia generibus caussarum, tum communia omnibus. Communia generibus caussarum sunt mores, affectus, propositiones quædam, ut eius, quod fieri, uel non fieri potest, futuri, uel non futuri, facti, uel non facti, magni, uel parui, quæ omnia caussarum generibus videntur convenire. Communes omnibus sunt loci Topici, qui præter genera caussarum omnibus quæstionibus conueniunt. Nec tractauit coniunctim de propositionibus proprijs, & communibus: quia uoluit magis propria à minus proprijs distinguere; & iudicauit mores, & affectus esse magis proprios caussarum, ubi maxime animi conciliantur, & concitantur, quàm locos Topicos, qui ualent ad quamlibet quæstionem pertractandam. Ac prius egit de moribus; & affectibus, quàm de propositionibus, quæ sunt caussarum generibus communes, quia in ratione demonstrationis hæ uidebantur coniungendæ cum locis Topicis, cum quibus maximam habent affinitatem. Quamquam nos facilitatis causa in nostro explicationum libro totam demonstrationem oratoriam unum in locum conduximus. Duæ
igi-

igitur sunt partes libri secundi, vna de magis propriis, altera de communioribus; & ob id post tractationem morū, affectuum, & propositionum causis communium, antequam agatur de locis, legitur in hunc modum; Reliquum est exponere fidem omnibus communem, quoniam dictum est de propria. Et scripsit primum de moribus oratoris: inde de affectibus: præterea de moribus auditorum: quia affectus etiam considerantur tamquam mores, quatenus scilicet ad eos accommodatur oratio, cum affectus proprie dicantur in Rhetorica, quatenus in animis auditorum excitantur, uel tranquillantur. Quamobrem seruiunt & pro moribus, & pro affectibus, & ideo interiecti sunt inter primam, & secundam partem moratæ orationis. Itaque primum præcepit tres mores in oratore exprimendos esse, prudentiam, probitatem, benevolentiam: deinde multa tradidit de affectibus, & quidem mirabili quodam ordine, ut de vnoquoque affectu post eius definitionem facile intelligatur, qui, erga quos, & quas obres afficiantur, ac quo modo quisque affectus excitetur: præterea docuit ad quattuor morū genera, qui spectari in auditoribus solent, orationem accom-

accommodādam esse, affectuum, habituū ;
ætatum, fortunę; quę est secunda ratio mo-
ratę orationis. Nam tertia pertinet ad elo-
cutionem, de qua Aristoteles libro tertio ,
& nos coniunctim cum alijs partibus, ut in-
stitutum nostrum retineremus seruādę fa-
cilitatis. Addidit Aristoteles propositio-
nes caussarum generibus communes. Et
in ultima parte libri secundi locos exem-
plorum, & enthymematum. Atque hęc est
prima pars Rhetoricę & ordine, & dignita-
te, nempe de rebus. secunda est de uerbis,
& continet omnem elocutionis rationem,
in qua considerantur tum uerba simplicia,
tum coniuncta. & in simplicibus tum pro-
pria, & immutata, & domestica, tum trās-
lata, tum epitheta, tum diminutiuā, tum frigi-
da, tum imagines. & in coniunctis tum elo-
cutio emendata, tum tumida, tum decora,
tum numerosa, tum fusa, & uersa, tum urba-
na, tum conueniens. Quemadmodum autē
prima pars Rhetoricę est de rebus, & secū-
da de uerbis: sic tertia est de partib. oratio-
nis, & earum dispositione. de qua Arist. tra-
didit demonstratiua procœmia duci à laude,
uituperatione, suasionē, dissuasionē, ijs, quę
referuntur ad auditorem; iudicialium unū
munus esse propriam indicare rem, cuius
gratia

gratia oratio instituta est, alia esse cōmunia, & medicamenta ducta ab Oratore, ab aduersario, ab auditore, à re ipsa; deliberatiua sumi ab obiectione criminis, à depulsione, ab amplificatione, à diminutione, ab ornatu. Sic narrationes conuenire generi demonstratiuo non continenter, sed in partibus; iudiciali continenter; deliberatiuo nullo modo, nisi assumptas. sic fidei demonstratiuæ esse propriam amplificationem; deliberatiuæ exemplum; iudicialis enthymema. sic perorationis munus esse, ut bene constituat auditorem, ut amplificet, ut concitet, ut memoriam renouet. Atq; hæc omnia libro tercio, cuius prima pars est de elocutione: secūda de partiū dispositione.



LECTORIBVS.

IX



VM hæc nostra con-
uersio in multis di-
screpet ab aliorum
cōuersionib. & idi-
care omnia longissimū sit: ope-
repretium esse duximus, pau-
ca quædam notare, ex quib. du-
ci argumentum de ceteris om-
nibus possit; & reliqua diligē-
tiæ uestræ relinquere, qui faci-
le poteritis, quid profecerimus
iudicare, si hanc ipsam conuer-
sionem cum aliis conferre uo-

b lucitis.



lueritis. Nulli certe labori, ut
uobis utiles essemus, peperci-
mus; & maiora in dies conabi-
mur, ut studia uestra, quantum
possumus, adiuuemus. iterim
aliquorum locorum, ratio-
nem accipite.





ARISTOTELIS artis rhetorice] omisimus illud, quod non nulli addiderunt, AD THEODECTEM, propterea quod in hoc ipso opere citantur libri Theodectij. nam libro tertio sic legitur; Principia vero periodorum

pag. 1. *E*

pag. 169.

ferme in Theodectijs enumerata sunt. unde optimi interpretes collegerunt, Theodectios ab his diuersos fuisse. Quamquam non defuerunt, qui interpretati sunt Theodectios non ad Theodectem, sed Theodectis, quemadmodum Cicero, Nicomachia non ad Nicomachum, sed Nicomachi, quod patri potuerit similis esse filius; ut repugnare non videatur hos libros esse ad Theodectem, & in ipsis citari Theodectios, id est Theodectis. Id quod nos a veritate alienum esse arbitramur, non minus, quam id, quod scripsit Cicero de Nicomachijs; ut quemadmodum certissimum est, contra quam sentit Cicero, libros Nicomachios esse ad Nicomachum, & non Nicomachi, quod in eis Aristoteles citet alia sua opera, de quibus non dubitatur: sic Theodectios intelligendos esse ad Theodectem sine ulla dubitatione existimemus.

Rhetorica conuenientiam habet cum Dialectica] De hoc principio vide quid scripserimus in libro explicationum nostrarum.

pag. 122.

Alij consuetudine, & habitu] In quibusdam libris legitur, καὶ ἀπὸ ἐξέως. quæ lectio nobis placuit.

pag. 1.

Exiguam ipsarum particulam] legitur αὐτῆς, & αὐτοῦ, & αὐτῶν. Nos vltimam lectionem sequuti sumus, ut illa vox referatur ad artes orationum.

pag. 2.

Fides enim sola] putamus minus latine exprimi probationes per fides, in quibus sonare nerui

b 2 solent

solent,quàm per fidem,cum recte dicamus facere fidem, & non fides pro persuadere argumentis. Iam,cum de probatione, non de lyra agatur,tam etsi vox græca pluralis sit, non videmus tamen, cur per vocem singularem declarari non possit; quemadmodum è conuerso,vbi agitur de morata oratione,pro singulari græca dicimus latine mores, vt linguæ seruemus proprietatem. Vbiq̃ue igitur loco pluralis vocis fidem posuimus.

pag.3.

Cum eadem sit uia, & ratio in deliberatiuis] *περὶ τὰ δημηγορικὰ* conuertimus in deliberatiuis facilitatis causa.

pag.7.

Quòd cōmunior sit] legimus, *ὅτι κοινότερον*. Qui ponunt in arte probitatem eius, qui dicit, quasi mores nihil conferant ad id,quod fidem facit. Sed potentissimam propemodum, vt ita dicā, fidem continent]legitur, *τιθέασι*, & *οὐ τιθέασι*, primam lectionem vetus translatio sequuta est, & nos quoque sequuti sumus. Verum, siue cum negatione,siue sine negatione legatur,intelligentum est, non nullos aut non posuisse in arte dicentis probitatem, cuius probitatis opinio oratione parta sit: aut posuisse in arte dicentis probitatem, cuius probitatis opinio oratione parta non sit.legitur etiam *ὥς οὐδὲν συμβαλλομένου*, & *συμβαλλόμενον & συμβαλλομένην*. Nos cum Victorio primam lectionem sequuti sumus, vt reprehendantur magistri illi, qui ita ponebant in arte probitatem dicentis, vt nisi, qui diceret, probus esset,nihil valere ad persuadendum moratam orationem arbitrantur,quam tamen Aristoteles dicit potentissimam propemodum fidem cōtinere. Vltimam lectionem vetus translatio expressit, & M. Antonius Muretus lib. 1. variarum lectionum probauit. Nos vt non despicimus cum Victorio,
sic

sic non tam facilem arbitramur , quam putat Muretus, vt aliqui ponant in arte rem illam, quæ nihil conferat ad finem artis, & probitas, quæ potest intelligi opinione hominum anticipata, ac sine oratione, sit idem, ac mores, qui sine dubio hoc in loco oratione expressi intelliguntur.

Fides vero illa, quæ demonstrat, aut apparet demonstrare, quemadmodum in Dialecticis est: aut inductio, aut syllogismus, aut qui apparet syllogismus: sic etiam in Rhetoricis. Nam exemplum quidem est inductio, enthymema vero syllogismus. Ac enthymema quidem] Nihil immutauimus, vt veterem lectionem, & translationem sequeremur, etiam si Muretus legat in hunc modum; Fides vero illa, quæ demonstrat, aut apparet demonstrare, sicut in Dialecticis, vna quidem inductio est, altera vero syllogismus. Ac enthymema quidem: putat enim cetera esse inculcata, quæ nobis visa non sunt relinquenda, cum sententiam Aristotelis apertius declarent.

pag. 8.

Alterum vero vt vniuersale ad id, quod singulariter se habet, quemadmodum si quis diceret signum esse hunc hominem febri laborare, quia frequenter anhelet] Hoc signum non appellauimus tertium, vt quidam fecerunt; quod viderimus non fuisse ita appellatum ab Aristotele, & animaduertimus esse potius secundum, cum alterum sit vt singulare ad vniuersale: alterum vt vniuersale ad singulare. Neque ex superioribus tecmerij exemplis vllam dubitationem cepimus; quæ tantum afferuntur ad declarandum primum genus signorum innominatorum, vt intelligatur, quomodo differant huiusmodi signa ab illis, quæ solui non possunt. Quæ exempla, si liceret, libenter transferrem in priorem tecme

pag. 12.

rij tractationem, vt magis distingueretur disputā
di genus quodammodo perplexum, quo primum
explicatur tecmeriū, deinde suis exemplis decla
ratur signum innominatum singulare, inde tradū
tur exempla tecmerij, postremo exprimitur signū
innominatum vniuersale.

pag. 13.

Et qui magis ea attingunt secundum modum,
non decenter recedunt à se ipsis] Hic hellenismū
expressimus, vt nihil immutaremus; & cū in qui
busdam libris legatur, *ὁ δὲ δεινός*, huiusmodi le
ctionem sequuti sumus.

pag. 16.

Ac primum quidem sumere oportet, cuiusmo
di in bonis, aut malis is, qui deliberat, versetur]
conuertimus, Qui deliberat, & non Qui suadet,
quod Aristoteles non solum significet eum, qui
suadet, sed etiam eum, qui dissuadet; etiam si
caussa deliberatiua apud Quintilianū suatoria,
& apud Ciceronem suasio appelletur à principa
li parte, vt etiā demonstratiua dicitur exornatio.

pag. 24.

Nam qui expertus morbi nō sit, neque robustus,
non erit perturbationis expertus. Et qui non sit in
dolens, vitam non producet. Neque sine fortu
na poterit durare] Victorius legit, *οὐτ' ἂν ἐν τυ
χῇ* neque prospera fortuna vtens, & interpreta
tur sic; Nisi enim morbo uacet, ac vires etiam, quā
tā in ea ætate optari possunt, adsint, non erit ex
pers molestiarum, neque dolorum, nec uitam pro
ducere poterit, nec vllō modo secundam fortunā
retinere. Christoph. Rufus ita corrigendū putat,
οὐτ' ἂν μὴ ἐν τυχῇ διαμείνῃ. Muretus li. 7. varia
rū lectionum delet illud *οὐτ'*, & legit *ἀνευ τύχης*
sine fortuna in hunc sensum; Nam expertus morbi
non existens neque robustus, non erit sine mole
stia. Neque indolens, & longēus sine fortuna
constiterit, quam lectionem etiam alij sequuti
sunt

III
sunt. Nos nihil delemus, & hunc sensum colligi-
mus; In bona senectute requiruntur tum corporis,
tum fortunæ bona. Nam sine corporis virtutibus
sanitate, & robore non habebit indolentiam, quæ
est prima proprietas bonæ senectutis; & si non sit
indolens, non habebit longevitatem, quæ est secū-
da proprietas. præterea sine bonis fortunæ care-
bit longævitate. Ergo requiruntur utraque
bona.

His autem positis, necesse est, ut & sumptiones
bonorum bonæ sint, & depositiones malorum: cō-
sequitur enim illud, ut non habeamus malum si-
mul: hoc autem, ut habeamus bonū posterius; &
pro minore bono maioris sumptiones] Legimus
sumptiones, & non sumptio: facilis enim est mu-
tatio in voce græca additione vnius litteræ; & tol-
litur perturbatum loquendi genus; Necesse est
bonas esse, & adeptiones bonorum, & depulsiones
malorum, & pro minore bono maioris adeptio.

pag. 26.

Ut autem de singulis dicam, necesse est, ut hæc
bona sint; felicitas, quia per se electione digna
est, & sibi sufficiens, & propter ipsam multa eli-
gimus; iustitia, fortitudo, temperantia, magnani-
mitas, magnificētia, & alij eiusmodi habitus] Fu-
gimus hellenismum illum; Necesse est bona esse
hæc, felicitas, iustitia, fortitudo, & quæ sequun-
tur.

Et, si maximum superat maximum, etiam gene-
ra superant genera, & si quæcunque genera supe-
rant genera, etiam maximum superat maximum]
Conuertimus αὐτὰ genera facilitatis causa. In-
telligi. n. genera constat ex illis verbis, quæ paul-
lo infra leguntur, ἀνάλογον γὰρ ἔχουσιν αἱ ὑπὲρ
καὶ τῶν γενῶν, καὶ τῶν μέγιστον ἐν αὐτοῖς, ubi τῶν
γενῶν valet Ipsorum, & ἐν αὐτοῖς. in generib. Ipsa

pag. 30.

ergo apud Aristotelem sunt genera, etiam si hoc in loco aliter accipiantur, ac in Dialectica. Quæ causa fuit, cur ipsum Aristotelem libro primo Ethicorum faciliorem reddiderimus, conuertendo sic; omnes enim scientiæ boni alicuius appetentes, & inquirentes id, cuius indigent, relinquunt cognitionem generis. Latine enim si legamus ipsius, erit obscurior locus. & infra; Si generale bonum cognorit. non verbum de verbo; Si ipsum bonum.

pag. 33.

Necesse est maximas esse virtutes, quæ alijs utilissimæ sint, siquidem virtus facultas est, quæ beneficia facit. Idcirco iustos, & fortes maxime honorant; horum enim virtus in bello: illorum vero etiam in pace utilis est. Deinde etiam liberales. Nam effundunt, & de pecunijs non certant. Si legatur liberalitas, & non liberales, videbitur oratio aliquantisper perturbata.

pag. 39.

Et quarum rerum pœnæ maiores] Sequuti sumus explicationem Victorijs, ut in hac forma loquatur Aristoteles de maiori malo, cum consideret maius modo bonum, modo malum; etiam si despicienda non sit illorum interpretatio, qui *ζηυίας* intelligunt iacturas, ut Philosophus doceat, illa bona esse maiora, quorum iacturæ maiores sunt; & respiciat locum, quem libro tertio Topicorum appellat *ἀπὸ τῶν ἀποβολῶν*, id est ab abiectionibus, de quo legitur in hanc sententiam; Similiter autem in abiectionibus & in contrarijs. Nam si abiectio, vel contrarium est fuga dignus, ipsum est electione dignius. quod notavit Christophorus Rufus. vir, ut mihi quidem visus est, non minus modestus, quàm doctus in libro, quem inscripsit Antexegemata.

pag. 44.

Et in quem primum encomium factum est, ut
in

in Hippolochum] Cum, quis fuerit hic Hippolochus ignoretur, sunt, qui putent legendum esse Antilochum, ut intelligatur is, qui se obiecit in periculum mortis, ut seruaret Nestorem patrem suum; & interfectus est à Memnone filio Aurore Aethiope, dū defenderet patrem ab illius fortitudine. quod canit Pindarus in Pythijs. & is, de quo scripsit Xenophon in libello de uenatione in hunc modum; Antilochus pro patre moriens tantum gloriæ consequutus est, ut apud Græcos solus prædicetur patris amator. Nos veterem lectionem immutare ausi non sumus.

Et, si ex ipso copiam non habes, cum alijs debes comparare, ut faciebat Isocrates, cum in forensi causarum dictione minus versaretur] legitur διὰ τὴν συνήθειαν. & διὰ τὴν ἀσυνήθειαν. Nos ultimam lectionem expressimus; ex qua hunc sensum colligimus, Isocratem comparatione usum esse, non ex iudicialis dictionis consuetudine, quia causas in foro non est solitus dicere, etiā si forenses orationes scripserit; sed quia cum consuetudinem non haberet dicendi causas in foro, commodius exercebat præcepta generis demonstratiui in scriptionibus, cum quibus conuenit genus demonstratiuū maxime meditatū, & ad scribendum aptissimum, ut tradit Aristoteles libro tertio; & idcirco cum meditate scriberet, utebatur comparatione propria generis demonstratiui, quæ meditatione aliqua videtur indigere; ut exemplum eius recte nobis proponat Aristoteles, qui quoniam in forenses contentiones descendere non consueverat, non solum in exornationibus, verum etiam in quibuslibet scriptionibus excelleret, ubi comparatio fieri commodius potest, quàm cum in foro dicitur, vel derepente, vel exiguo

exiguo temporis spatio ad cogitandum dato.

pag. 45.

Lex vero est, una propria : altera communis. Voco propriam , secundum quam scriptam ciui liter agunt] Existimamus minus idonee legem, & ius ciuile appellari priuatum, quod à iuriscō- sultis diuiditur in publicum, & priuatum.

pag. 57.

Qui parati sunt fortunam belli rursus tentare] Nobis placuit sententia illorum , qui legendum putarunt, οἱ οὐκ ἀναμάχεται, et non, ut communi ter legitur, οἱ οὐκ ἀναμάχεται.

pag. 79.

Et, si non sentiant ipsos indigere] Quidam cō uerterunt, Nos indigere. Nobis placuit illud spe ctare, ut uerba congruerent voci Irascuntur , ad quam hi loci referuntur.

Quæ enim curamus, ea non latent] Alij; Quos enim curamus, non latent] . Nos genus neutrū retinuimus propter uocem λαμβάνει, quæ quam uis singularis, conuenit cum neutra plurali, non sic cum virili, aut muliebri, ut notissimum est.

pag. 81.

Causa uidetur esse, quod impudentia est manifesta negare] Non nulli loco causæ conuerte- runt signum. Nos exprimendam esse uocem græ cam αἰτιον existimauimus.

pag. 82.

Neque enim fieri potest, ut simul timeant, & irascantur] Alij; Ut simul timeamus, & irasca mur. Nos uoluimus ita conuvertere, ut uerba con gruerent illis uocibus, unde pendent; Lenes esse.

pag. 87.

Sit ergo metus molestia quædam, & perturba- tio ex phantasia futuri mali] Sunt, qui vertunt, ἐκ φαντασίας ex opinione. tamen φαντασία enu- meratur inter animi facultates rationis expertes etiam bestijs communes: δόξα uero inter ratione præditas, quæ in solis hominibus reperiuntur.

pag. 116.

Idcirco explicatum est, & quomodo, & per quæ orationes moratas faciamus] Illud ὥστε conuerti- mus

mus. Idcirco, & non, ut alij conuerterunt, Quare, propter orationis ἀκολουθίαν.

Omnino enim accusans debet esse melior reo] Alij; Melior esse uult eo, qui accusatur: Nos sequuti sumus facilitatem, cum βούλεται apud Aristotelem idem significet, quod debet. Id quod non intelligere Di. Thomas quibusdam uisus est, cum illum locum Aristotelis in libro secundo Physicorum explicauit, βούλεται γὰρ οὐ πᾶν εἶναι τὸ ἔσχατον τέλος, ἀλλὰ τὸ βέλτιστον.

pag. 133.

Constituta autem est ex hoc loco ars Coracis: si enim culpæ non sit obnoxius, quemadmodum si cum debilis existat, de uerberatione arguatur, non est uerisimile, & si sit obnoxius, quemadmodum si cum robustus existat, nec est quidem uerisimile] si uerba contextui græco respondeant, aliquantisper perturbata uidebuntur, nisi aliquid suppleamus, ut quidam interpretes faciunt.

pag. 144.

Disceptator putat, si sic solutum sit] Alij; Qui uero iudicat, arbitratur, si eo modo solutum sit. Nos dictionem uero sustulimus propter sermonis ἀκολουθίαν, cum hellenismus patiatur, ut sæpe dictio δὲ abundet.

pag. 145.

De exemplis quidem, & sententijs] Alij; Quoniam autem tria sunt, quæ tradere de oratione oportet, de exemplis quidem, & quæ sequuntur. Nos omisimus priora uerba, sequuti sententiam illorum, qui ex principio libri tertij negligentia alicuius librarij huc fuisse transposita obseruarunt.

pag. 148.

Nondum autem constat de ipsis ars, quoniam etiam id, quod pertinet ad elocutionem, sero prodiit. Et uidetur esse res leuis, si recte existimetur] Nobis placuit ita conuertere, ut quemadmodum

pag. 150.

modum in contextu græco, sic etiam in latino illud, videtur esse res levis, possit referri ad artem actorum, de qua agebat Aristoteles. quod observatum fuisse à doctissimo Robortello alibi notavimus.

pag. 452.

In nudis autem orationibus multo paucioribus, uti licet] Muretus corrigit πολλῶν ἐλάττωσιν. πολλῶν ἐλάττω εἰσιν. quam viri litteratissimi correctionem non despiciamus.

pag. 153.

Nam cauent, tanquam ab insidiatore] Legimus, ut Muretus, pro διαβάλλονται διευλαβούνται.

pag. 162.

Et Tabulares multifores apertiones] Sic interpretatus est Lampridius vir græcis litteris quamdoctissimus, cuius observationes in artem Rhetoricam ab eius voce excerptas ostendit mihi vir optimus, & litteratissimus Matthæus Macinus, qui cum mihi propter eius integerrimos mores, ac singularem doctrinā summus est usus. Itaque sic dictum est à poetis, Tabulares multifores apertiones; cum dicendum esset, Multa apertio ianuæ ex tabulis factæ. Victorius tamen putat locum corruptissimum esse, & ita corrigit, ut legatur non δελτούμεναι δὲ, sed δέλτου μὲν αἱ δὲ, non πολύθυροι, sed πολύθρηνοι διαπτυχαί, id est epistolæ (vult. n. epistolā appellari δέλτον) hæc lucuosæ complicationes, uel, ut alij vertunt, Epistolæ hæc lectuosæ volumina. eamque correctionem colligit ex Iphigenia in Tauris. Nos, ut corrigentis ingenium, & solertiam maxime laudamus, sic, cum vetustissima lectio ferri potest, nihil immutamus.

pag. 165.

Ex rhythmis uero herous grandis, & dictioni accommodatus, & indigens harmoniæ] Verba Aristotelis sunt, καὶ λεκτικός, καὶ ἁρμονίας. δέος. μένος.

μενος. Victorius legit οὐ λεκτικός, id est non aptus solutæ orationi, & indigens concentu, id est uacuum à numero, quem libenter recipit soluta oratio. Vincentius Madius in suis in artem Poeticam Aristotelis annotationib. legit, ἀλλὰ λεκτικῆς ἀρμονίας δεόμενος, sed solutæ orationis harmonia carens. Maioragius nihil immutat, & hoc modo explicat, ut uterque pes & herous, & iambus appelletur λεκτικός, sed diuersa ratione, nempe iambus, quod passim ab omnibus usurpetur, & in omnium orationem cadat, & quotidiano sermoni simillimus sit: herous, quod elegantem, & venustam orationem reddat, si cum iambo, reliquisque numeris quadam harmonia temperetur. Illud autem ἀρμονίας δεόμενος ualet apud eum, Qui eget temperatione, & permutatione aliorum numerorum, quoniam per se nimis est elatus, & grandis. Alij interpretantur canorum, & requirentem harmoniam. Nos in tanta interpretum uarietate ad uerba græca interpretationem nostram quàm maxime potuimus, accommodauimus, & nihil duximus immutandum, sat habentes monere uarias interpretationes.

Sed hæc pauca sufficiant.

Errata grauiora sic corrigito , in leuioribus
iudicium adhibero.

Pag.6. uers. 1. munus. 8. 16. partim propter igno-
rantiam , partim propter arrogantiam . 13 . 26.
sint. 24 . 5. Qui uero stringere, & tenere, luctator .
Atqui plaga pelleret, pugil. 48. 20. expleatur. 51.
26. gaudent 63. 35. Semiobolos. 134. 21. Dodonis.
159. 33. ratione . 175. 3. perijones. 186. 25. num.
206. 31. θεοφῆς. 208. 32. deficiendo. 210. 4. prauos,
216. 1. cōius. 26. contrarii. 219. 21. sophisticis. 220.
25. plana. 255. 22. Etenim alia eorum sunt in Rhe-
torica, ut etiam in Dialectica methodo syllogis-
morum, alia in alijs artib. 274. 28. iudicari . 281.
30. de. 302. 15. impudentia. 311. 35. Elocutionis.
318. 1. defendendos. 319. 27. proaulium. 349. 5. Ha-
lum.

RECEIVED

XVI

1914

1000

1000

1000

1000

1000

1000

1000

1000

1000

1000

1000

1000

1000

1000


1000

1000

1000

1000

1000



ARISTOTELIS

ARTIS RHETORICAE,

ANTONIO RICCOBONO

Interprete,

Liber Primus.



PROOEMIUM.

RHETORICA conuenientiā
habet cum Dialectica: ambæ
enim in eiusmodi rebus versan-
tur, quæ communiter quodam-
modo cognoscuntur, & nullius
sunt scientiæ definitæ. Quam-
obrem etiam omnes quodāmo-
do ambarum participes sunt. Omnes enim qua-
dā tenus & exquirere, & sustinere rationem, & de-
fendere, & accusare conantur.

*Rhetorica,
& Dialectica
similes in-
ter se.*

Ac ex imperita quidem hominum multitudine
alij temerè hæc faciunt: alij consuetudine, & ha-
bitu. Quoniam vero ea utroque modo fieri con-
tingit; manifestum est etiam licere eadem facere
certa via, & ratione: quia contingit causam in-
tueri, cur finem consequantur tum qui hæc fa-
ciunt consuetudine, tum qui casu. Iam uero om-

*Rhetorica,
& Dialectica
artes.*

A nec

*Rhetorica
ab alijs im-
perfecte tra-
cta.*

nes confessi fuerint huiusmodi esse artis munus.

Ac qui artes quidem orationum ad hoc usque tempus composuerunt, exiguam ipsarum particulam confecerunt.

Fides enim sola continet id, quod artificiosum est: alia vero additamenti sunt loco. At hi nihil quidem de enthymematibus dicunt, id quod est corpus fidei: de ijs vero, quæ sunt extra rem, tradunt plurima. Criminatio enim, & misericordia, & ira, & huiusmodi animi perturbationes, de re non sunt, sed ad iudicem referuntur.

Quòd si in omnibus iudicijs eueniret, perinde ac etiam nunc in nonnullis ciuitatib. euenit, maxime vero in ijs, quæ bene sunt institutæ; ad dicendum nihil haberent. omnes enim partim arbitratur sic legibus cauere oportere; partim hoc institutum retinent, & prohibent extra rem dicere, ut etiam in Areopago. Et rectè quidem sic statuunt: non enim oportet iudicem peruertere, ad iram excitando, vel inuidiam, vel misericordiam: quia id simile est, ac si quis, quæ usus est regula, eam peruersam reddat.

Præterea vero apparet, eius, qui controuersatur, nullum aliud esse munus, nisi ut demonstraret rem esse, vel non esse, vel factam, vel non factam esse. At vero, utrum magna, an parua res sit, utrum iusta, an iniusta, quæcunque legislator nō distinxit. ipsum nempe iudicem oportere cognoscere, & non discere ab ijs, qui controuersantur. Maxime igitur conuenit recte latas leges, quæcunque possunt, omnia ipsas distinguere, & quàm paucissima ijs, qui iudicant, relinquere. primum, quia facilius est vnum habere, & paucos, quàm multos, qui bene existiment, & possint legem ferre, ac ius conformare. Deinde quia legum lationes fiunt

ex longi temporis considerationib. at iudicia de-
repente; vt difficulter illi, qui iudicant, iustitiæ, &
vtilitatis rectam habeant rationem. Atque quod
omnium est maximum, quia legislatoris iudiciũ
non est de reb. singularibus, nec de presentib. sed
de futuris, & de vniuersalib. At cõcio, & Iudex de
præsentibus, ac definitis iudicant, quibuscum &
amor, & odium, & propria vtilitas sæpenum-
ro coniuncta est, vt non amplius possint id, quod
verum est, satis perspicere, sed propria iucunditas,
aut molestia iudicium obscuret. Igitur de alijs,
quemadmodum dicebamus, quàm paucissimis o-
portet dominum constituere disceptatorem. Ve-
rum de re facta, aut non facta, futura, aut non fu-
tura, existente, aut nõ existente, omnino discepta-
toribus statuendum est. fieri enim non potest, vt
hæc legislator prouideat.

Iam si hæc ita se habent, apparet, ea, quæ sunt
extra rem, illos præcipere, quicunque in alijs reb.
versantur, vt quid habere procemium oporteat,
aut narrationem, aut aliarum particularum vnã-
quamque. Nihil enim in ipsis aliud tradunt, nisi
quomodo afficiant disceptatorem. De fide vero
artificiosa demonstrant nihil, hoc est, vnde ali-
quis fieri enthymematicus possit.

Etenim hæc ipsa de caussa, cum eadem sit via,
& ratio in deliberatiuis, & iudicialibus, sitq; pul-
chrior, ac ciuiliior deliberationis traditio, quàm
ea, quæ de contractibus est; de illa quidem ni-
hil dicunt: at de litigando omnes præcepta tra-
dere conantur; quia minus prodest, ea, quæ sunt ex-
tra rem, dicere in deliberatiuis; ac minus malitio-
sa est concio, quàm de iure disceptatio, quòd com-
munior sit. hic enim disceptator de proprijs iudi-
cat, vt nihil aliud opus sit, nisi demonstrare rem

ita se habere, ut is, qui consulit, ait. In iudicialibus vero id non sufficit; sed operæpretium est, auditorem arripere: de alienis enim iudiciū est; ita ut, dum se ipsos spectant, & ad gratiam audiunt, se dent illis, qui controuersantur, non autem iudicent. Itaque multis in locis, ut prius dicebamus, lex prohibet extra rem dicere. ibi autem ipsi disceptatores hoc custodiunt satis.

Quoniam vero apparet, artificiosam methodū ad fidem pertinere; & fides demonstratio quædam est; (nam tunc maxime fidem habemus, cum demonstratum esse arbitramur) & demonstratio oratoria est enthymema; & hoc, ut simpliciter dicam, ad fidem faciendam potentissimum est; & enthymema est syllogismus quidam; & videre ea, quæ ad syllogismum æque omnem pertinent, Dialecticæ est, vel ipsius vniuersæ, vel partis aliquius: non est dubium, qui maxime hoc potest intueri, ex quibus & quomodo syllogismus conficiatur, eum etiam maxime enthymematicum fore; cum assumpserit, & in cuiusmodi rebus versentur enthymemata, & quas habeant differentias ad logicos syllogismos. Nam videre verum, & simile vero, ad eandem pertinet facultatem. Simul autem & homines ad verum natura conformati sunt satis, & plerunque veritatem consequuntur. Quamobrem ad probabilia cōijcienda se habere, eius est, qui eodem modo se habet etiam ad veritatem. Apparet igitur alios præcipere, quæ sunt extra rem, & qua de causâ magis deflexerint ad iuris disputationem.

Vtilis autem est Rethorica;

1 Propterea quod natura sunt meliora vera, & iusta, quàm contraria. Quare, si, prout conuenit, iudicia non exercentur, necesse est per ipsa superari,

Cognoscenda est Dialectica, ut Rhetorica cognoscatur

Rhetorica utilis

rari, atque hoc reprehensione dignum est.

2 Præterea vero apud non nullos, nec si exquisitissimam habeamus scientiam, facile est per illā dicendo persuadere. Ad doctrinam enim pertinet oratio, quæ à scientia proficiscitur, id autē præstari non potest: sed ex communibus necesse est duci fidem, & rationem, quemadmodum etiam in Topicis de collocutione cum imperita hominum multitudine dicebamus.

3 Deinde vero oportet contraria persuadere posse, quemadmodum etiam in Syllogismis, non ut utrunque faciamus (mala enim persuadere non oportet) sed ut ne lateat, quomodo se habet, & ut altero iniuste ipsis rationibus utente, soluere eas possimus. Ac ex alijs quidem artibus nulla syllogismo contraria concludit. Dialectica vero, & Rhetorica solæ id faciunt. similiter enim sunt ambæ contrariorum. Atqui res subiectæ non similiter se habent: sed veræ, & meliores, ut simpliciter dicam, semper sunt aptiores ad syllogismum, & persuasionem.

4 Ad hæc absurdum est, ut copore quidem turpe sit non posse sibi ipsi opitulari, oratione vero turpe non sit, quæ hominis magis propria est, quam usus corporis.

Quòd si obijciatur, valde nociturum esse eum, qui iniuste utatur huiusmodi rationum facultate, hoc iam commune est aduersus omnia bona præter virtutem, & maxime aduersus utilissima, ut robur, valetudinem, diuitias, disciplinam militarem. His enim aliquis profuerit maxime, si iuste utatur, & nocuerit, si iniuste.

1 Ac non esse quidem vnius alicuius generis de finiti Rhetoricam, sed similem Dialecticæ.

2 Atque esse utilem apparet.

*Pōt Rhet.
in bonam,
& malam
partem ad-
hiberi, ut
omnia bona
utilissima.*

*Colligit Ari
Stoteles qua
stor.*

3 Neq; vero persuadere esse minus ipsius, sed videre, quæ in quaque re possunt apponi ad persuadendum, quemadmodum etiam in alijs artibus omnibus. Neque enim sanum facere est munus Medicinæ, sed quatenus fieri potest, eatenus perducere. licet enim etiam illos, qui sanitatem recuperare non possunt, tamen bene curare.

4 Ad hæc autem eiusdem esse videre tum appositum ad persuadendum, tum quod videtur appositum; ut etiam in dialectica tum syllogismum, tum qui videtur syllogismus. Sophisticus enim æstimatur non ex facultate, sed ex prælectione. In dicendi tamen ratione æque orator censebitur ex scientia, ac ex prælectione. At in differendi arte sophista quidem est ex prælectione: dialecticus vero non ex prælectione, sed facultate.

COMMUNIA QVAEDAM Rhetoricæ.



AMVERO de ipsa methodo conemur dicere, & quomodo, & ex quibus ea, quæ proposuerimus, consequi poterimus. Rursus igitur tanquam de integro ordientes, cum definierimus, quid ipsa sit, de reliquis dicamus.

*Quid sit
Rhetorica.*

Sit ergo Rhetorica facultas videndi in quaque re, quod contingit, esse idoneum ad faciendam fidem. Hoc enim nullius alterius artis munus est. Nam ex alijs vnaquæque in re sibi subiecta docendi, & persuadendi exercet facultatem, quemadmodum Medicina in sanabili, & morbofo. & Geometria in affectionibus, quæ magnitudinibus accidunt. & Arithmetica in numero. Similiter vero etiam

etiam artes, & scientiæ reliquæ. At Rhetorica de re data, vt ita dicam, videtur id, quod idoneum est ad faciendam fidem posse intueri. Quæ causla est, cur etiam asseramus, ipsam haudquaquam vim artificiosam habere in genere aliquo proprio definito.

Fides autem vna est non artificiosa: altera artificiosa. Res non artificiosas appello, quæcunque non sunt à nobis excogitatae, sed ante erant, vt testes, q̃stiones, syngraphæ, & eius generis reliquæ. Artificiosas vero, quæcunque fieri potest, vt methodo, & opera nostra comparentur. Quare illis quidem vt i oportet: has vero inuenire.

Ac fides illa, quæ ratione excogitatur, triplex est. Nam partim consistit in moribus eius, qui dicit: partim in eo, vt aliquo modo auditor afficiatur: partim in ipsa ratione, propterea quòd aliquid demonstretur, vel demonstrari videatur. Ac propter mores quidem fidem habent, quæties oratio ita prolata sit, vt fide dignum reddat eum, qui dicit. probis enim magis, & celerius credimus, in omnibus quidem rebus simpliciter, sed in ijs præcipue, in quibus certi nihil habetur, verum opinio est dubia. Oportet vero etiam id accidere propter orationem, & non quia anticipatum opinione sit, eum, qui dicit, esse quibusdam moribus præditum. Neq; enim faciendū est, vt non nulli faciūt ex dicendi artificibus, qui ponunt in arte probitatem eius, qui dicit, quasi mores nihil cōferant ad id, q̃ fidē facit. Sed potētissimā propemodū, vt ita dicam, fidem continent. Propter auditores autē, quoties in affectum ab oratione perducti sint. Nō enim similiter iudicamus, dum mœremus, & gaudemus, aut amamus, & odio habemus. Qua de re etiam sola conari præcepta tradere asserimus eos.

Fides duplex nō artificiosa, artificiosa.

Fides artificiosa triplex demonstratio, affectus, mores.

qui nunc de arte conscribunt. Atque hæc quidem singillatim declarabuntur, cum de affectibus dicemus. Propter rationes vero, cum verum, aut id, quod apparet, demonstrauerimus ex ijs, quæ in quaque re sunt idoneæ ad faciendam fidem.

Quoniam vero fides ex his proficiscitur; apparet tria hæc consequi eius esse, qui possit syllogismo concludere, & qui speculari de moribus ac virtutibus, & tertio loco, qui de affectibus, nempe quid sit unusquisque ex affectibus, & qualis, & ex quibus excitetur, & quomodo. Quo fit, ut Rhetorica sit tanquam agnatum quiddam Dialecticæ, & eius, quæ de moribus est, traditionis, quam iustum est appellare Politicam. Quare Rhetorica subit personam Politicæ, & qui hanc sibi vendicât, partim propter ignorantiam partim propter alias causas humanas. Est enim Dialecticæ particula quædam, & similitudo, quemadmodum etiâ exordientes dicebamus. Neutra enim ipsarum est scientia de aliqua re definita quærens, quomodo se habeat: sed ipsæ facultates sunt quædam parandi rationes. Ac de earum quidem facultate, & quomodo ipse se habeant inter se, dictum est propemodum satis. Fides vero illa, quæ demonstrat, aut apparet demonstrare, quemadmodum in Dialecticis est aut inductio, aut syllogismus, aut qui apparet syllogismus: sic etiam in Rhetoricis. Nam exemplum quidem est inductio: enthymema vero syllogismus. Ac enthymema quidem voco oratorium syllogismum. exemplum vero oratoriani inductionem. Omnes autem demonstrando fidem faciunt aut exemplis vtentes, aut enthymematibus, & præter hæc quodammodo nihil habent. Quare, si omnino necesse est, cum, qui demonstrare aliquid velit, syllogismo, aut indu-

ctio

*Rhetorica
tanquã agna-
tum Diale-
cticæ, & po-
liticæ.*

*Demonstra-
tio fit enthy-
mema, &
exemplo.*

et tunc utriusque (id quod nobis ex Analyticis manifestum est) necessario verumque illorum cum utroque horum idem est. Quæ vero sit differentia exempli, & enthymematis, apparet ex Topicis. Ibi enim de syllogismo, & inductione dictum est prius.

Nempe cum in multis, & similibus demonstratur rem ita se habere, ibi quidem inductionem esse, hic vero exemplum. At, cum quibusdam existentibus aliud quid ex his evenit, præter hæc, eò quod hæc sint, vel in uniuersum, vel plerumque, ibi quidem syllogismum hic vero enthymema vocari.

Apparet autem speciem Rhetoricæ utrumque bonum habere. Nam, quemadmodum in Methodicis dictum est, sic etiam in his res se habet. Sunt enim aliæ quidem exemplorum plenæ orationes; aliæ vero enthymematum; quemadmodum etiam oratores alij quidem exemplis delectantur; alij vero enthymematibus. Et orationes quidem, quæ exemplis constant, non minus valent ad persuadendum; quæ vero enthymematibus magis perturbant. Causam autem ipsorum, & quomodo utroque utendum, dicemus posterius. nunc vero de his ipsis apertius, & distinctius disseramus.

Quoniam enim, quod appositum est ad faciendam fidem alicui appositum est; & unum quidem statim existit idoneum ad faciendam fidem, ac per se credibile; alterum vero, eo quod demonstrari eiusmodi argumentis videatur; & nulla ars considerat singulare, ut Medicina, quid Socrati salubri sit, vel Calliæ, sed quid homini sic affecto, vel hominibus sic affectis; (hoc enim artificiosum est; singulare autem infinitum est, atque ad scientiam minime accommodatum) nec Rhetorica quidem singulare probabile intuebitur, ut Socrati.

Inductio est exemplum quid.

Syllogismus, & enthymema quid.

Enthymematis materia, itemque exempli.

erati, vel Hippia, sed quod hominibus sic affectis, quemadmodum etiam Dialectica. Etenim illa Syllogismo concludit non ex quibuscumque (apparent enim quædam etiam ijs, qui delirant) sed ipsa quidem ex ijs, quæ indigent ratione: Rhetorica vero ex ijs, quæ in consultationem venire consueverunt. Est autem munus ipsius & de eiusmodi rebus de quibus consultamus, & artes non habemus; & apud eiusmodi auditores, qui non possunt ex multis contueri, neque longius ratiocinari. Ac consultamus quidem de ijs, quæ videntur posse se utroque modo habere. De ijs vero, quæ fieri non potest, ut vel facta sint, vel futura sint, vel se habeant aliter, nemo consultat, qui scilicet recte existimet. Nullo enim alio modo, nisi sic, contingit consulere. Contingit autem concludere syllogismo, & colligere, alia quidem ex prius syllogismo conclusis: alia uero ex non conclusis quidem syllogismo, sed indigentibus syllogismo, propterea quod non sint probabilia. Ac necesse est, illud ad consequendum esse difficile propter longitudinem. nam supponitur disceptator esse simplex: hæc vero minus apposita ad faciendam fidem, propterea quod sint nec ex confessis, nec ex probabilibus. Quare necessarium est, enthymema esse, ut etiam exemplum, de ijs, quæ ita contingunt, ut sæpe se habeant aliter, exemplum quidem inductionem, enthymema vero syllogismum. Et ex paucis, ac sæpe paucioribus, quam ex quibus primus syllogismus existit, si quid enim horum notum sit, non oportet dicere. Nam id ipse supplet auditor, quemadmodum cum Doricus vicerit coronarium certamen; satis est dicere, eum vicisse olympia. esse autem olympia coronarium certamen, non oportet adiungere. nam id omnes cognoscunt.

Quo-

*Forma enthymema-
ris.*

Quoniam autē necessaria sunt pauca, ex quibus oratorij syllogismi conficiuntur (multa enim, de quibus iudicia, ac deliberationes existunt, contingit etiam aliter se habere; quæ enim agunt, de ijs consultant, & deliberant; quæ vero aguntur, omnia huiusce generis sunt, & nihil horum prope dixerim, est ex necessitate; quæ autem plerumque accidunt, & contingunt, necesse est syllogismo concludi ex ijs, quæ eandem naturam habent, necessaria vero ex necessarijs; id quod manifestum est nobis ex Analyticis) apparet, ex quibus enthymemata ducuntur, alia quidem necessaria futura esse, plurima vero, quæ plerumque ita se habent. Ex verisimilibus enim, & signis enthymemata ducuntur; ut necesse sit horum utrumque cum utroque illorum idem esse. Verisimile enim est, quod sit plerumque, non simpliciter, quemadmodum definiunt nonnulli, sed quod in ijs, quæ aliter se habere contingit, sic se habet ad illud, cui est verisimile, ut vniuersale ad singulare.

Ex signis autem vnum quidem ita se habet, ut singularium aliquid ad vniuersale: alterum vero, ut vniuersalium aliquid ad singulare. Atque ex his quod necessarium est, tecmerium dicitur: at quod necessitatem non habet, caret nomine, quo distingui possit. Ac necessaria quidem voco, ex quibus fit syllogismus. Quamobrem ex signis tecmerium eiusmodi est. Nam, cum contingere non arbitrantur ut id, quod dictum sit, solvatur, tunc putant se asserere tecmerium: tanquàm demonstratum, ac terminatum: quia tecmar, ac terminus idem sunt iuxta antiquam linguam. Est autem ex signis vnum quidem ut singulare ad vniuersale, non secus ac si quis diceret, signum esse sapientes esse iustos, quia Socrates, & sapiens fuit, & iustus.

Atque

*Enthymema ex verisimilibus et signis.
Verisimile quid.*

Signorum species.

Atque hoc quidem signum est, sed solui potest, etiam si quod dictum est, verum sit: syllogismo enim comprehendi non potest. Hoc autem necessarium est, ut si quis diceret, aliquē agrotare, quia febrē habet; aut aliquā peperisse, quia lac habet, quod ex signis solum tecmerium nominatur: solū enim si verum sit, solui non potest. Alterum vero ut vniuersale ad id, quod singulariter se habet, quē admodum si quis diceret, signum esse aliquem febri laborare, quia frequenter anhelet. Atque hoc solui potest, etiam si verum sit. Contingit enim etiam nō laborantem febri anhelare. Tgitur, quid sit verisimile, & quid signum, & tecmerium, & quid inter se differant, adhuc dictum est. Apertius vero etiam de his, & qua de causa alia syllogismo concludi possint, alia non possint, in Analyticis disputatum est.

Forma exempli.

Iam diximus exemplum esse inductionem, & cuiusmodi sit inductio. Est autem neque tanquā pars ad totum, neque tanquā totum ad partem, neque tanquā totum ad totum; sed tanquā pars ad partem, simile ad simile, cum ambo quidem eidem generi subijciantur, sed alterum altero notius sit. Exemplum est, quemadmodum Dionysium affectare tyrannidem, cum postulet custodiam, quia Pisistratus prius affectans postulauit custodiam, & cum eam obtinuisset, tyrannidem occupauit. Et Theagenes Megaris. Et alij, quoscunque sciunt, omnes fiunt exemplum Dionysij, quem nondum sciunt ob id postulare. Omnia autem hæc eidem vniuersali sub sunt, quod affectans tyrannidem custodiam petit. Ac vnde quidem ducatur fides, quæ videtur demonstratiua, dictū est.

Entymematum varietas.

Enthymemata vero valde differunt inter se. idque omnes ferme maxime latet. Quod etiam eu-
nit

nit in dialectica methodo syllogismorū . Etenim alia eorū sunt in Rhetorica, vt etiam in dialectica methodo syllogismorum : alia in alijs artibus & facultatibus, quæ partim extant , partim nondum compertę sunt. Quæ nobrem etiam latent auditores; & qui magis ea attingunt, secundum modū, non decenter recedunt à se ipsis . Magis autem , quod dicitur, aperietur, si id pluribus fuerit explicatum .

Iam voco dialecticos, & oratorios syllogismos, de quibus dicimus esse locos. Atque hi sunt communiter de rebus iustis , & naturalibus , & de ciuilibus , & de multis , quæ specie inter se differunt; qualis est locus maioris, & minoris : nihil enim magis ex hoc -syllogismus colligetur, aut enthymema proferetur , de rebus iustis , quàm naturalibus, aut de quacunque re. Atq; hæc specie inter se differunt. propria vero, quæcunque existunt ex propositionibus vnicuique speciei, aut generi insitis; vt de rebus naturalibus sunt propositiones, ex quibus neque enthymema, neque syllogismus existit de rebus moralibus & de his alijs, ex quibus non existet de rebus naturalibus, idque similiter se habet in omnibus. Atque illa quidem neminem reddent in aliquo genere prudentem , quia nullam certam materiam habent, Hæc vero quò quis meliora eligat, ad propositiones conficiendas , clam efficiet scientiam à Dialectica , & Rhetorica diuersam . Nam, si incidat in alicuius .artis principia , non amplius erit Dialectica, & Rhetorica, sed illa ipsa, cuius habeat principia. Sunt autem plurima enthymemata ex his formis ducta, quæ singulares sunt, & propriæ: ex communibus vero pauciora . Quemadmodum igitur etiā in Topicis; sic in his libris distinguendæ sunt
 enthy-

*Enthymema
 tum loci, &
 formæ.*

enthymematum, & formæ, & loci. Voco autem formas, propositiones proprias vniuscuiusque generis. At locos, qui sunt communes similiter omniū. Ac prius quidem formas explicemus. Sed primū genera Rhetoricæ assumamus, vt cum ea distinxerimus, quot sint, de his ipsis separatim elemēta, ac propositiones colligamus.

Formæ Rhetoricæ triū generū ex auditoriō distinctione.

Iam vero Rhetorica tres formas habet: totidē. n. existunt auditores orationū. Etenim oratio cōstat ex tribus, tū ex eo, qui dicit, tū ex eo, de quo dicit, tū ex eo, ad quē dicit. Ac finis ad hunc ipsum refertur, id est ad auditorē. Necesse autē est auditorē esse aut auscultatorem, aut disceptatorē. & quidē disceptatorem aut rerū præteritarum, aut futurarum, est vero, qui res futuras disceptat, vt concio: qui præteritas, vt iudex: qui facultatē, vt auscultator; ita vt ex necessitate tria sint genera orationū oratoriārū, deliberatiuū, iudiciale, demonstratiuū.

Partes generum.

Ac deliberationis quidem vna pars est suasio: altera dissuasio: semper enim tum qui priuatim deliberant, tum qui publice concionantur, horum alterum faciant. Iudicij vero vna pars est accusatio; altera defensio. horum enim alterum eos, qui controuersantur, facere necesse est. At demonstratiui vna pars est laus; altera vituperatio.

Tempora generum.

Tempora etiam vnicuique horum accomodantur; deliberanti quidem futurum: nam de futuris deliberat aut suadens, aut dissuadens. Litiganti vero præteritum. Nam de rebus factis vnus accusat, alter defendit. At demonstratiuo præsens quidem maxime proprium est (ex ijs enim, quæ insunt, omnes laudant, aut vituperant) sed assumūt etiam præterita, quæ in memoriam reuocant, & futura, quæ coniectant.

Fines generum.

Finis præterea vnicuique horum diuersus est;
&

& cum tria sint genera, tres etiam sunt fines; deliberanti quidem utile, & perniciosum. Etenim suadens, ut melius suadet: dissuadens, ut peius dissuadet. Alia autem ad hoc simul assumit, vel iustum vel iniustum, vel honestum, vel turpe. Litigantibus vero iustum, & iniustum, cum alia etiam hi ad hæc simul assumant. At laudatibus, & vituperantibus honestum, & turpe. Alia autem & hi ad hæc referunt.

Signum vero est, unicuique cum finem esse, qui dictus est, quod de alijs interdum non controuersabuntur; ut litigans, se non fecisse, aut non nocuisse: at, se iniuste fecisse nunquam confitebitur. nihil enim esset, cur iudicium haberetur. similiter etiam, qui deliberant, alia quidem sæpenumero dimittunt: se vero inutilia deliberare, aut ab utilibus, dissuadere, non confitebuntur. Non esse autem iniustum finitimos in seruitutem redigere, & nullam iniuriam inferentes, sæpenumero non cogitant. Eodem modo etiam qui laudant, & qui vituperant, non considerant, utiliane aliquis egerit, an perniciofa: sed in laude sæpe ponunt, aliquem neglecto eo, quod sibi prodesset, honesti aliquid egisse; quemadmodum Achillem laudant, quod sodalem Patroclum adiuuerit, quamuis sciret ea de causa se mori oportere, cum liceret viuere. At illi eiusmodi quidem mors honestior fuit: sed viuere utile. Apparet autem ex his, quæ dicta sunt, necesse esse, de his prius ut propositiones habeantur. Tecmeria enim, & verisimilia, & signa sunt propositiones oratoriarum. Etenim omnino syllogismus ex propositionibus existit; enthymema vero syllogismus est, ex ijs, quæ prius dictæ sunt, propositionibus constitutus.

Et quoniam fieri non potest, ut facta sint, vel ut

*Probantur
proprij fines*

Cum formis

in

*coniungen-
da sunt pro
positiones ,
communes .*

in futurum fiant ea, quæ fieri nō possunt, sed ea, quæ possunt; nec fieri potest, vt facta sint, vel in futurum fiant ea, quæ nec facta sunt, nec erunt; necessarium est, tum deliberanti, tum litiganti, tū demonstratiuo habere propositiones de eo, quod fieri, vel non fieri potest; & an factum sit, nec ne; & an erit, nec ne. Præterea vero, quoniam omnes tū qui laudant, & qui vituperant, tum qui suadent, & qui dissuadent, tum qui accusant, & qui defendūt, non solum ea, quæ dicta sunt, conantur demonstrare, sed etiam rem magnam esse, vel paruam eam, quæ est vel bona, vel mala, vel honesta, vel turpis, vel iusta, vel iniusta, siue per se dicant, siue inuicem ex altera parte comparent: manifestum est, oportere etiam de magno, & paruo, & maiori, & minori, propositiones habere, tum in vniuersum, tum de vnaquaque re, vt quodnam sit maius bonum, vel minus, aut iniuria, vel ius, & similiter de alijs. De quibus igitur necessario oporteat propositiones assumere, dictum est. post hæc vero horum vnumquodq; separatim est distinguendum; vt de quibus deliberatio sit; & de quibus demonstratiuæ orationes; tertio autem de quibus iudicia.

DE GENERE DELIBERATIVO.

*Formæ de-
liberatiuæ
sunt de re-
bus ita con-
singētibus,
vt ad nos re-
ferantur.*



Primum quidem sumere oportet, cuiusmodi in bonis, aut malis is, qui deliberat, versetur; quoniam nō in omnibus, sed in ijs, quæ fieri, & non fieri contingit. Quæ vero ex necessitate vel sunt, vel erunt, vel non possunt esse, vel fieri, de his non est deliberatio. Iamvero nec
de

de omnibus, quæ fieri contingit : (sunt enim bona quædam & natura, & quæ fiunt à fortuna, quæ & fieri, & non fieri contingit, de quibus non præstat deliberare) sed de ijs certe, quæ cadunt sub consultationem. eiusmodi vero sunt, quæ referri ad nos possunt, & quorum principium, ut oriantur, pendet a nobis. Nam usque eò considerando progredimur, donec inueniamus, ea ne agere nos ipsi possimus.

Ac non est quidem in præsentia quærendum, ut singula diligenter enumerentur, & ea in formas digerantur, de quibus statuere soliti sunt, atque, ut de ipsis quantum fieri potest, ex veritate disputetur: propterea quòd id non est Rhetoricæ artis, sed prudentioris, ac verioris, & quia nunc etiam multo plura ipsi data sunt, quàm postulare propriæ contemplationes videantur. Quod enim etiam prius diximus, verum est, Rhetoricā compositā esse tū ex Analytica scientia, tum ex Politica, quæ in moribus versatur, similem vero esse partim Dialecticæ, partim sophisticis disputationib.

Quod si quis vel Dialecticam, vel hanc non tantum facultates, sed scientias conatus fuerit instruere, Latenter naturam ipsarum demolietur, eò quòd concinnans transeat in scientias subiectarum quarundam rerum, non autem solummodo rationum. Verumtamen, quæcunque melius est, ut explicentur, ac præterea scientiæ Politicæ meditationem relinquunt, nunc etiam dicamus.

Ferme enim res maximæ, de quibus omnes cōsultant, & de quibus illi, qui deliberant, concionantur, quinque numero sunt.

Atque hæ sunt de apparationibus pecuniarū :
Et de bello, & pace:

Præterea vero de custodia regionis :

B

Et

*Rhetorica
contenta esse
debet illis,
quæ eò
data sunt.*

*Nec Rhetorica,
nec Dialectica est
scientia, sed
facultas.*

*Formæ deliberati-
onæ sunt potissi-
mæ de quin-
que.*

Et ijs, quæ importantur, & exportantur :

Et legum latione.

*De appa-
rationibus pe-
cuniarum.*

Quare qui deliberaturus fuerit de apparationi-
bus pecuniarum, cum scire oportebit vestigalia
ciuitatis, quæ, & quanta sint, vt, si quid desit, ad-
iungatur, &, si quod minus sit, augeatur. præterea
vero sumptus omnes ciuitatis, vt, si quis superua-
caneus sit, tollatur, &, si quis maior sit, minor ef-
ficiatur. Non enim solum ad ea, quæ habent, ad-
iungendo, ditiores fiunt, sed etiam de sumptibus
detrahendo. Atque hæc non solum ex rerum pri-
uatarum experientia licet contueri, sed necessa-
rium est etiam eorum, quæ alij inuenerunt, histo-
ricum esse ad eam, quæ de his habeatur, delibe-
rationem.

*De bello &
pace.*

At de bello, & pace oportebit scire facultatem
ciuitatis, & quanta iam existat, & quam existe-
re contingat, & qualis sit ea, quæ habeatur, &
quæ possit adiungi. Præterea vero bella quo mo-
do, & quæ gesserit. Atque hæc ipsa scire necessa-
rium est, non modo quæ sunt propriæ ciuitatis, ve-
rum etiam finitimorum, vel etiam quibuscum
bellare gloriosum est, vt cum potentioribus qui-
dem pax exerceatur, cum minoribus vero bella-
re ipsius in arbitrio sit. Et scire facultates vtrum
similes an dissimiles stat. Consistit enim etiam
in hac parte, vt plus possideamus, aut inferiores si-
mus. Necessarium vero est harum quoque rerum
caussa non solum propria bella animaduertisse,
sed etiam aliorum, quem euentum habuerint. si-
milia enim naturam habent ut ex similibus fiât.

*De custo-
dia regionis*

Præterea vero de custodia regionis oportebit
non latere, quomodo custodiatur, sed & multitu-
dinem scire custodiæ, & formam, & loca præsidio-
rum. Hoc autem esse non potest, nisi quis sit pe-
ritus

ritus regionis; ut, si minor sit custodia, quàm opus sit, augeatur, & si qua sit superuacanea, tollatur, atque oportuna loca magis seruentur.

Tum de re cibaria quantum sumptum in eam sufficit facere ciuitati, & quanta sit ea, quæ ibi nascitur, & ea, quæ importatur, & quarum rerum indigeant exportatione, & quarum importatione, ut earum causa conuentiones, & pactiones fiant. Cum duobus enim necessarium est ciues culpa carentes custodire, tum cum potentioribus, tum cum ijs, qui ad has ipsas res utiles sunt.

Securitatis autem causa hæc quidem omnia posse perspicere necesse est: sed non minimū est intelligere legum lationem. In legibus enim consistit salus ciuitatis. Quare necessarium est scire, quot sint formæ Rerump. & quales formæ cuique Reip. prosint, & à quibus naturam habeant, ut corrumpantur, tum proprijs ciuitatis, tum contrarijs. Dico autem à proprijs corrumpi, quia præter optimam Remp. ceteræ omnes tum si remittantur, tum si intendantur, corrumpuntur; quemadmodum Democrazia non solum si remittatur, debilior fit, ut tandem ad Oligarchiam peruentura esse videatur, sed etiam si intendatur nimis; ut & grypitās, & simitas non solum si remittantur, perueniunt ad medium, sed etiam si fiant nimis grypa, vel sima, ita rem disponunt, ut nec nares quidem esse videantur. Vtile vero est ad legum lationes nō solum intelligere, quæ Resp. prosint, cum quis ex præteritis contemplat, sed etiam scire quæ apud alios extiterūt, quales qualibus congruant. Quare manifestum est, ad legum lationem terræ peregrinationes utiles esse. hinc enim licet accipere gentium leges: ad ciuiles vero deliberationes historias eorum,

De ijs, quæ importantur, & exportantur.

De legum latione..

qui de actionibus conscribunt. Hæc autem omnia ad Politicæ, non Rhetoricæ munus pertinent. Ac res quidem maximæ, quas tenere oportet cum, qui deliberaturus est, tam multæ sunt.

*Formæ deliberatiue
sunt ex ijs,
quæ pertinent
ad felicitatem, vel
partem eius.*

Ex quibus vero oporteat tum de his, tum de alijs suadere, aut dissuadere, rursus dicamus. Ferme autem tum priuatim cuique, tum communiter omnibus scopus quidam est, quod spectantes & eligunt, & fugiunt; isq; est, ut summam dicam, tum felicitas, tum ipsius particulæ. Quare sumamus exëpli gratia, quid sit, ut simpliciter dicā felicitas, & ex quibus existāt particulæ ipsius. Etenim de hac, & de ijs, quæ ad hanc referuntur, & de ijs, quæ huic contraria sunt, omnibus existunt tum suasiones, tum dissuasiones. Quæ enim hanc, vel particularum aliquam parant, vel maiorem ex minori efficiunt, oportet agere. Quæ vero corrumpunt, vel impediunt, vel contraria efficiunt, non agere.

*Felicitas
quid sit.*

Sit igitur felicitas bona actio cum virtute: vel sibi sufficiens vita: vel vita iucundissima cum securitate: vel bona constitutio possessionum, & corporum cum facultate, quæ ipsas res conseruet, atque efficiat. Ferme enim ex his vnum, vel plura felicitatem esse, omnes confitentur.

Partes felicitatis.

Quod si felicitas eiusmodi est, necesse est, ipsius partes existere, nobilitatem, multorum amicitiam, bonorum amicitiam, diuitias, bonam prolem, multam prolem, bonam senectutem. deinceps corporis virtutes, ut sanitatem, pulchritudinem, robur, magnitudinem, facultatem certandi, gloriam, honorem, bonam fortunam, virtutem, aut etiam partes ipsius, prudentiam, fortitudinem, temperantiam, iustitiam.


stitiam . Sic enim aliquis sibi sufficientissimus sit , si ei adsint , tum quæ in ipso , tum quæ extra sunt bona . Non enim præter hæc alia existunt , Ac in ipso quidem sunt , quæ in animo , & quæ in corpore sunt . Extra autem nobilitas , & amici , & pecuniæ , & honor . Præterea vero congruere arbitramur , vt adsint facultates , & fortuna . Sic enim maxime secura sit vita . sumamus igitur similiter , quid horum unumquodque sit .

Ac nobilitas quidem genti , ac ciuitati est , si sint indigenæ , & antiqui , & duces primi illustres , & ex ipsis nati sint multi illustres in ijs rebus , quæ cadunt sub æmulationem . Priuata vero nobilitas est , vel à uiris , vel à fœminis , & cum legitime utrique orti sunt , & , quemadmodum in ciuitate , si primi clari sint vel in virtute , vel diuitijs , vel alia earum rerû , quæ honoratur , & multi illustres sint ex genere , tum viri , tum mulieres , tum iuuenes , tum senes .

De nobilitate .
10 .

Bona proles , & multa proles non sunt incerta . Est autem in communi quidem bona proles , & multa proles , si sit multa , & bona iuuentus . bona vero ex corporis virtute , vt magnitudine , pulchritudine , robore , certandi facultate . Quod ad animum attinet , temperantia , & fortitudo sunt iuuenis virtutes . Priuatim aut bona proles , & multa proles est , si proprij liberi multi sint , & tales existant tum fœminæ , tum mares . Fœminarum vero virtus est , quoad corpus quidē pulchritudo , & magnitudo : at , quoad animū , temperantia , & operis studium sine illiberalitate . Similiter autem tum priuatim , tum communiter , & in viris , & in fœminis oportet quærere , vt vnaquæque ex huiusmodi rebus insit . Quibuscunque enim res ad fœminas pertinentes sunt vitiosæ ,

De bona & multa prole .



vt Lacedæmonijs, ferme ex dimidio felices non sunt.

De diuitijs.

Diuitiarū partes sunt numi, multitudo terræ, locorum possessiones, & supellestiliū possessiones, & pecorum, & seruorum, qui multitudine, & magnitudine, & pulchritudine differant. Hæc autem omnia manifestum est & secura, & liberalia, & vtilia esse oportere. Vtilia vero magis sunt fructuosa. At liberalia, quæ sunt ad voluptatem. Fructuosa autem dico, à quibus fructus sunt. Voluptaria vero, à quibus præter vsum nihil efficitur, quod æstimatione dignum sit. Terminus autē securitatis est, si res possessæ sint eo in loco, & eo modo, vt in possidentis arbitrio sit ipsarum vsus. Ac terminus, vt aliquid sit proprium, vel non sit, est, cum ex habentis arbitrio pender alienare. Voco alienationem, donationem, & venditionem. Omnino diuitem esse, consistit magis in eo, vt quis vtatur, quàm vt possederit. Etenim diuitiæ sunt actus, & vsus eiusmodi rerum.

De bona fama.

Bona fama est, si quis existimetur ab omnibus esse studiosus, vel habere aliquid tale, quod omnes appetunt, vel multi, vel boni, vel prudentes.

De honore.

Honor est signum beneficæ opinionis. Honorantur autem iuste quidem, & maxime illi, qui beneficium contulerunt. Veruntamen etiam honoratur, qui potest beneficium conferre. Beneficium vero est, vel ad salutem, & quæcunque sunt causa, cur simus, vel ad diuitias, vel ad aliquid ex alijs bonis, quorum non est facilis possessio, vel omnino, vel ibi, vel aliquando. Multi enim propter illa, quæ parua existimantur, honorem consequuntur, sed loci, & occasiones sunt causæ. partes vero honoris sunt sacrificia, monumenta in metris, vel sine metris, præmia, delu-

delubra, præfessiones, sepulchra, statuae, nutrimenta publica, deinceps res barbaricæ, vt adorationes, & excessiones, dona apud quosque honoranda. Etenim donum est possessionis donatio, & honoris signum. Quamobrem & studiosi pecuniæ, & studiosi honoris dona appetunt. Vtraque enim pars habet ea, quorum indigent. Etenim donum affert possessionem, quam appetunt studiosi pecuniæ, & habet honorem, quem studiosi honoris. Corporis virtus est sanitas; eaque sic intelligenda est, vt morbi expertes sint, qui corporum vsum habeant. Multi enim sani sunt, vt Herodicus, quem nemo sanitatis causa felicem dixerit propter abstinentioniam omnium rerum humanarum, aut certe plurimarum.

De sanitate.

Pulchritudo diuersa est in vnaquaque ætate. Ac iuuenis quidem pulchritudo est, si habeat corpus vtile ad labores, & ad cursum, & ad vim, cum iucundus visu existat ad voluptatem. Quamobrem quinquertiones pulcherrimi sunt, qui simul ad vim, & ad velocitatem nati sunt. Vigentis vero, si corpus habeat vtile ad labores bellicos, ac iucundus esse videatur cum terrore. Senis autem si idoneus sit ad labores necessarios, atque indolens, propterea quod nihil habeat eorum, quæ senectutem offendunt.

De pulchritudine.

Robur est facultas mouendi alterum arbitrio suo. Necesse autem est mouere alterum vel trahendo, vel pellendo, vel tollendo, vel deprimendo, vel collidendo, ita vt robustus vel his omnibus, vel horum aliquibus robustus sit.

De robore.

Magnitudinis virtus est, vt quis superet multos longitudine, vel profunditate, vel latitudine, cum existat ita maior, vt ne tardiores efficiat motiones propter exuperantiam.

De magnitudine.

De facultate certandi.

Certandi virtus corporis constat ex magnitudine, & robore, & velocitate. etenim velox robustus est. Nam qui crura quodammodo proijcere, & mouere velociter, & longe potest, dicitur cursor. Qui pugil vero stringere, & tenere, luctator. At qui plaga pelleret. Qui autem vtrisque his, pancratiasticus. Verum qui omnibus his, quinquertio.

De bona senectute.

Bona senectus requirit tarditatem senectutis cum indolentia. Neque enim si quis velociter senescat, bonam senectutem habet. Neque si vix quidem, sed dolenter. Est vero & ex ijs virtutibus, quæ sunt corporis, & ex ijs, quæ fortunæ. Nam qui expertus morbi non sit, neque robustus, non erit perturbationis expertus. Et qui non sit indolens, vitam non producet. Neque sine fortuna poterit durare. Est vero etiam separatim à robore, & sanitate quædam alia diu viuendi facultas. multi enim sine virtutibus corporis diu viuunt. verum diligens disputatio de his non est utilis ad ea, quæ in præsentia disputantur.

De amicitia.

Multorum amicitia, & bonorum amicitia non sunt incerta, allata amici definitione, ut amicus sit eiusmodi, quicumque eorum, quæ arbitratur bona esse illi, cui est amicus, effector est propter illum. Iam cui multi sunt tales, est multorum amicus: cui vero est bonus uiri, bonorum amicus.

De bona fortuna.

Bona fortuna est, si quorum bonorum fortuna est causa, hæc efficiantur, & existant vel omnia, vel plurima, vel maxima. Causa autem est fortuna nonnullorum quidem, quorum etiam artes sunt, multorum vero minime artificiosorum, ut quæcunque naturam habent causam, & ut sint præter naturam, contingit. Nam sanitatis quidem causa ars est: at pulchritudinis, & magnitudinis
natura

natura . Omnino ex bonis talia sunt à natura ,
in quibus inuidia versatur . Ac fortuna caussa
est bonorum præter rationem ; vt si alij fratres de
formes sint , hic autem pulcher ; aut alij thesaurũ
non viderũt , hic autem inuenit : aut si telum atti-
git eum , qui prope erat , hunc autem non attigit
aut si solus non venit , qui semper ventitabat , qui
autem semel venerunt , perierunt . omnia enim
eiusmodi videntur esse bonæ fortunę euentus .

De virtute quoniam maxime proprius locus
est in genere demonstratiuo , cum de laude ser-
monem habebimus , differemus .

Ac in quæ quidem intueri oporteat eos , qui
suadent , tanquam futura , aut præsentia , & in
quæ eos , qui dissuadent , apparet . Contraria enim
horum sunt .

Quoniam vero scopus propositus est deliberan-
ti id , quod vtile est ; & consultant non de fine ,
sed de ijs , quæ referuntur ad finem ; & hæc sunt
utilia in actionibus ; & utile est bonum : sume-
re oportebit elemēta de bono , ac vtili simpliciter .
1 Iam bonum sit , quod ipsum sui caussa electio-
ne dignum est .

2 Et propter quod eligimus aliud .

3 Et quod appetunt omnia , aut omnia sensum
habentia , aut mentem , aut , si eis mens daretur .

4 Et quæcunque mens vnicuique dictauerit .

5 Et quæcunq; mens , quæ de vnoquoque est ,
unicuique dictauerit , vnicuique bonum est .

6 Et quo præsentē bene se habet , & sibi suffi-
ciens est .

7 Et quod sibi sufficiens est .

8 Et quod idoneum est ad talia efficienda , & cu-
stodienda .

9 Et quod talia consequuntur .

*Virtutis
tractatio re-
ijcitur ad ge-
nus demon-
stratiuum .*

*Formæ deli-
beratiue bo-
norum con-
fessoria .*

Et

10 Et quæ idonea sunt ad prohibenda contraria; & quæ ad corrumpenda.

*Hoc ad no-
nam formã.
Hoc ad oſta
nam.*

Consequuntur autem dupliciter. Nam uel simul: uel posterius, ut disciplinam quidem posterius scientia: sanitatem uero simul uita.

Ac idonea sunt ad efficiendum tripliciter; partim ut sanū esse sanitatem: partim ut cibaria sanitatem; partim ut exerceri, quod plerumq; efficit sanitatem.

*Bona gene-
raliora ex
superiorib.
formis.*

His autem positis necesse est, ut & sumptiones bonorum, bonæ sint, & depulsiones malorum. Consequitur enim illud, ut non habeamus malum simul: hoc autem ut habeamus bonum posterius, & pro minore bono maioris sumptiones, & pro maiore malo minoris. Nam id ipsum, in quo maius superat minus, sit illius quidem sumptio, huius uero depositio. Et uirtutes necesse est, ut sint bonum. Nam his bene afficiuntur, qui eas possident; & ipsæ idoneæ sunt ad bona efficienda, & agenda. de unaquaq; autem & quæ, & cuiusmodi sit, separatim dicendum est. Et ut uoluptas bonum sit: omnia enim animalia ipsam natura appetunt. Quare necesse est, ut & iucunda, & honesta bona sint; illa enim uoluptatis sunt efficientia: honesta uero partim iucunda sunt; partim ipsa per se electione digna sunt.

*Bona minus
generalia.*

Vt autem de singulis dicam, necesse est, ut hæc bona sint; felicitas, quia per se electione digna est, & sibi sufficiens; & propter ipsam multa eligimus. Iustitia, fortitudo, temperantia, magnanimitas, magnificentia, & alij eiusmodi habitus; sunt enim uirtutes animi. & sanitas, & pulchritudo; sunt. n. uirtutes corporis, & conficientes multorum, ut sanitas, & uoluptatis, & uitæ. Quamobrem etiā res optima uidetur esse, quia causa est
duo-

duorum, quæ apud multitudinem maxime honorantur, uoluptatis, & uitæ. diuitiæ, quia sunt uirtus possessionis, & conficientes multorum. Amicus, & amicitia. Etenim p se electione res digna est amicus, & conficiens multorum. Honor, gloria. Etenim iucunda sunt, & conficientia multorum; & consequitur ipsa plerumq; , ut adsint illa, in quibus honorantur. Facultas dicendi, agendi; quia conficientia sunt hæc omnia bonorum. deinceps ingenium. memoriæ, docilitas, velox animi motus, omnia eiusmodi; quia hæ facultates sunt bonorum conficientes. Similiter uero scientiæ omnes, & artes. Et uiuere: si enim nulum aliud bonū sequeretur, est res per se electione digna. & iustum; nā est quoddā communiter utile. Atq; hæc quidē ferme sunt bona confessā.

In controuersis autem ex his sunt syllogismi.

- 1 Cui contrarium malum est, id bonum est.
- 2 Et cuius contrarium inimicis prodest; ut si timidos esse maxime prodest inimicis, manifestū est, fortitudinem rem maximi emolumenti esse ciuibus.
- 3 Et omnino quod inimici uolunt, uel quo gaudent, huic contrarium emolumento esse apparet. Itaq; recte dictū est, Gaudebit certe Priamus. Id autem non semper est, sed plerumq; ; quia ni hil impedimento est, quominus aliquando idē contrariis proffit. unde illud in ore hominum uersatur, quodd mala cōciliant homines, quoties ambo bus sit idem perniciosum.
- 4 Et cuius non est exuperantia, id bonum: quod autem est maius, quàm oportet, malum.
- 5 Et cuius causa multum laboratū est, & multū infumptum. Iam enim bonum uidetur; iamq; ut finis tale habetur, & finis multorum; finis autem

ba-

*Formæ deli-
berationis bo-
norum con-
trouersorū.*

Lib. I. II.

bonum est. unde illa dicta sunt ; Et certe famam Priamo ; & , Turpe manere diu ; & prouerbum illud, In foribus hydriam.

6 Et quod multi appetunt, & quod apparet pugna dignū. quod enim omnes appetunt, etiam id bonum erat. multi autem tāquā omnes uidētur.

7 Et quod laudandum est ; quia nemo non bonum laudat.

8 Et quod inimici, & improbi laudant. iā enim quasi omnes cōfidentur, cum etiam illi cōfiteantur, qui male affecti sunt. Nam rem cōfidentur, propterea quòd apparet ; ut & improbi, quos amici uituperant, & probi, quos inimici laudant. Quā obrem Corinthij existimarunt, se conuicio affectos esse à Simonide, qui scripsit, Verum Corinthios non accusat illum.

9 Et quod ex prudentibus aliquis, uel bonis uiris, uel mulieribus praeiudicauit, quemadmodum Vlyssē Minerua, & Helenam Theseus, & Alexandrum Dea, & Achillem Homerus.

10 Et oīno quæ praelectione digna sunt: praeligūt. n. ut faciant, tū ea, quæ dicta sunt, tū mala inimicis, tū bona amicis, tū quæ fieri possunt. Atq; hæc sunt duob. modis; & quæ fiunt, & quæ facile fiunt. Facilia uero sunt, quæcunq; uel sine dolore, uel breui temporis spatio fiunt. Difficile .n. definitur uel dolore, uel longitudine temporis.

11 Et, si, ut uolūt. Volunt autem uel nullū malū, uel malum minus, quā bonum. Hoc uero cūciet, si uel lateat pœna, uel parua sit.

12 Et propria.

13 Et quæ nemo.

14 Et eximia : sic enim honor adest magis.

15 Et congruentia ipsis. Talia autem sunt, tum quæ conueniunt p. genus, tū propter facultatē.

Et

16 Et quæ deficere arbitrantur, etiã si parua sint: nihil enim minus ea præeligunt, ut faciant.

17 Et quæ bene deducuntur in actum: fieri. n. possunt, ut facilia. Bene autem deducuntur in actum, quæ omnes, uel multi, uel similes, uel minores recte egerunt.

18 Et quæ grata facient amicis, & quæ odiosa facient inimicis.

19 Et quæcunq; quos admirantur, præeligunt, ut faciant.

20 Et in quibus ingeniosi sunt, & experti; facilius enim arbitrantur, se recte acturos.

21 Et quæ nemo improbus: ea enim sunt magis laudanda.

22 Et quæ cupiunt: non enim solum iucundius esse, sed & melius apparet.

23 Et maxime in quibus sunt singuli tales, quem admodum studiosi uictoriæ, si aderit uictoria; studiosi honoris, si honor; studiosi pecuniarum, si pecuniæ; & alij eodem modo. Ac de bono quidẽ & utili ex his sumere fidẽ oportebit.

Quoniã autẽ sepe qui consentitur utrumq; utile esse, de eo, quod utilius est, cõtrouersantur: sequitur deinceps, ut dicamus & de maiore bono, & utiliore.

1 Iam superans quidem sit tantum, & amplius.

2 Et maius quidem semper, & plus sic se habet ad minus: magnum uero, & paruum, & multum, & paucum ad multorum magnitudinem.

3 Et superans quidem magnum: at deficiens paruum. Et multum, & paucum itidem.

Igitur, quoniam dicimus bonum esse, & quod ipsũ propter se, & non propter aliud eligendum est, & quod omnia appetunt; & quod ea, quæ mentẽ, ac prudentiam acceperint, eligerent; & quod idoneũ est ad efficiendum, ac custodiendum; & quod con-

*Formæ delã
beratiue la
norum com
paratorum.*

consequuntur talia ; id autem , cuius causa res est, finis est ; finis vero, cuius causa alia sunt, ipsique bonum est , quod ad ipsum accommodatum est : necesse est etiam plura uno, & paucioribus connumerato uno, vel paucioribus maius bonum esse ; propterea quod superat : at superatur, quod inest .

2 Et, si maximum superat maximum , etiam genera superant genera. & , si quaecunque genera superant genera, etiam maximum superat maximum. quemadmodum si maximus vir maxima muliere maior est , etiam omnino viri mulieribus maiores sunt . & , si omnino viri mulieribus maiores sunt, etiam vir maximus maxima muliere maior est . proportionem enim respondent exuperantiae generum, & , quae in generibus sunt, maximorum.

3 Et quoties illi quidem hoc consequens est : huic uero nequaquam illud . Consequens vero est vel simul, vel deinceps, uel facultate . inest enim usus consequentis in usu alterius.

Et consequens simul est , si est sanus, ut uiuat. At posterius, si discit, ut sciat. Facultate vero, si sacrilegus est, ut furripiat : qui enim sacrilegus fuerit, etiam furripiet .

4 Et quae magis ipsum superant , maiora sunt : necesse enim est, superare etiam maius.

5 Et efficientia maioris boni, maiora sunt: hoc enim significabat esse efficiens maioris.

6 Et cuius efficiens maius, itidem: si enim salubre electione dignius est, quam iucundum, etiam maius bonum est . & sanitas , quam voluptas , maior .

7 Et quod magis eligendum per se , quam quod non per se, ut robur, quam salubre. hoc enim non propter se: illud vero propter se; id quod erat bonum.

Et

8 Et si alterum quidem sit finis; alterum vero nō finis. hoc enim propter illud . illud vero propter se , quemadmodum exerceri , ut bene se habeat corpus .

9 Et minus indigēs altero, vel alteris: sibi enim sufficiens magis. Minus vero indiget, pauciorib. vel facilioribus indigens .

10 Et quoties vnum quidem sine hoc non sit, vel non possit fieri ; alterum vero sine hoc sit, vel possit fieri : sibi enim magis sufficit non indigēs. Itaque apparet maius bonum esse.

11 Et si vnum principium sit : alterum vero non principium.

12 Et si vnum sit caussa: alterum vero non caussa, propter idem. Nam sine caussa, vel principio nō potest esse, vel fieri .

13 Et ex duobus principiis , quod est à maiore principio, maius est.

14 Et ex duabus caussis, quod est à maiore caussa, maius est.

15 Et è conuerso ex duobus principiis maioris principium maius.

16 Et ex duab. caussis maioris caussa res maior .

Manifestum igitur est ex ijs , quæ dicta sunt , *Hoc refertur ad vnde* vtroque modo maius esse ; & si vnum principium, *cimam, & duodecimz* alterum vero non principium . & si vnum non principium, alterum vero principium . Etenim si *formam .* nis maior, & non principium. quemadmodū Leodamas accusans Callistratum dixit iniustius egisse eum, qui consuluerit, quàm qui egerit, non. n. actum fuisset, nisi consuluisse. Rursus vero Chabriam, eum, qui egerit, quàm qui consuluerit: nō enim factum esset, nisi extitisset ille, qui ageret. Nam propter hoc consilium est, vt agant .

17 Et rarius , quàm copiosum, ut aurum, quàm ferrum,

ferrum, cum minus bonum sit: maior enim est possessio, proptereaquod difficilior.

18 Alio autem modo copiosum, quàm rarum: quia usus superat. quod enim sæpe habetur, superat, quod raro. Vnde dicitur, Optima quidem aqua.

19 Et omnino difficilius, quàm facilius, quia rarius.

20 Alio autem modo facilius, quàm difficilius: ita enim se habet, ut volumus.

21 Et cui quod est contrarium, maius est.

22 Et cuius priuatio maior.

23 Et virtus, quàm non virtus:

24 Et vitium, quàm non vitium, maius est. Nam illa quidem sunt fines: hæc vero non fines.

25 Et quorum opera honestiora sunt, vel turpiora, ipsa maiora sunt.

26 Et quorum vitia, & virtutes maiores sunt, etiam opera maiora sunt, siquidem ut causæ, & principia se habent, ita etiam euenta. & ut euenta, ita etiam causæ.

27 Et quorum exuperantia electione dignior, vel honestior; quemadmodum exquisite videre electione dignius est, quàm odorari. Etenim visus, quàm odoratus. Et esse studiosiorem sodalium, quàm pecuniarum honestius est. Quare etiam studium sodalium, quàm pecuniarum.

28 Et contra rerum meliorum exuperantiæ meliores, & rerum honestiorum honestiores.

29 Et quarum rerum cupiditates honestiores, vel meliores: maiores enim appetitiones sunt rerum maiorum.

30 Et rerum honestiorum, vel meliorum cupiditates meliores, & honestiores propter idem.

31 Et quarum rerum scientiæ honestiores, uel
me-

Pindarus
in 1. ode
olymp.

meliores, etiam illæ honestiores, & meliores. vt enim scientia se habet, ita etiam id, quod verum est, præcipit autem vnaquæque, quod suum est.

32 Et rerum meliorum, & honestiorum scientiæ ex proportionem eadem de causa.

33 Et quod iudicarent, vel iudicarunt prudentes, uel omnes, vel multi, vel plures, vel optimi, bonum, vel maius esse, necesse est illud sic se habere, vel simpliciter, vel quatenus ex prudentia iudicarunt. Est uero hoc commune etiam in alijs. Etenim quid, & quale, & quantum sic se habet, vt scientia, & prudentia affirmauerit. Verum de bonis diximus. Nam definitum est bonum, vt sit illud, quod res, quæ prudentiam acceperint, eligerent singillatim. Manifestum igitur est, etiã maius esse, quod magis prudentia eligit.

34 Et quod inest melioribus. uel simpliciter, uel quatenus meliores sunt, quemadmodum fortitudo, quàm robur.

35 Et quod eligeret melior, aut simpliciter, aut quatenus melior; vt iniuria affici magis, quàm afficere. id enim, qui iustior est, eligeret.

36 Et voluptarium, quàm minus voluptarium; voluptatem enim sequuntur omnia, & propter ipsam appetunt delectari. His autem definitum est bonum, & finis. Voluptarium uero magis est, tum minus molestum, tum diutius voluptarium.

37 Et honestius, quàm minus honestum. est enim honestum aut iucundum, aut per se dignum electione.

38 Et quorum ipsi ipsis, aut amicis causa esse malunt, ea sunt maiora bona: quorum uero minime volunt, maiora mala.

39 Et diuturniora, quàm minus diuturna.

40 Et firmitiora, quàm minus firma. superat enim

C vsus,

usus, illorū quidem tempore, horum uero uoluntate. Nā quādo uolūt, adest magis usus rei firmæ.

41 Et tanquam ex coniugatis, & similibus casib. etiā alia consequuntur; quemadmodū si quod fortiter agitur, honestius ē, & dignius electione, quā quod temperanter, et fortitudo electione dignior, quā temperantia, & fortem esse electione dignius, quā temperantem.

42 Et quod omnes eligūt, quā quod non omnes.

43 Et quod plures, quā quod pauciores. Nam bonum erat, quod omnes appetunt. Quare etiam maius bonum, quod magis appetunt.

44 Et quod illi, qui controuersantur, uel qui inimici sunt, uel iudicantes, uel quos isti iudicant: illud enim est, perinde ac si omnes affirmarent: hoc uero perinde ac si potētes, & scientes.

45 Et interdum, cuius omnes participes sunt, id maius: dedecus enim est, participem non esse.

46 Interdum uero, cuius nemo, aut cuius pauci, quia rarius.

47 Et laude digniora, quia honestiora.

48 Et quarum rerum honores maiores, itidem. Nam honor tanquā precium quoddam est.

49 Et quarum rerum pœnæ maiores.

50 Et maiora cōfessis, & ijs, quæ magna apparēt.

Lib. 9. II.

51 Et quæ diuidūtur in partes. ipsa maiora apparent: pluriū enim apparet exuperantia. unde & poeta ait, illam, ut Meleager exurgeret persuasit se dicentem;

Quot mala cōcurrūt, quoties sūt oppida capta.

Occidunt homines, testisq; incendia miscent.

Ast alij abducunt natos.

52 Et sit componantur, ac construuntur, ut Epicharmus facit, tum propter idem, quod euenit diuisioni; nam compositio exuperantiam demonstrat.

erat multam: tum quod apparet principium
magnum, & causa.

53 Quoniam uero diuturnius, & rarius, est maius,
etiam occasiones, & ætates, & loci, & tempora, &
facultates res magnas reddunt. si enim supra facul-
tatem, & supra ætatem, & supra similes, & si sic,
uel ibi, uel tunc; habebit magnitudinem & hone-
storum, & bonorum, & iustorum, & contrariorum.
unde & epigramma Olympionice;

His humeris dura imposita mihi corbe redibam.

Ex Argo pressus piscibus ad Tegeam.

Et Iphicrates se ipsum encomio ornauit, dicens,
Ex quibus extiterunt hæc.

54 Et natiuum quam ascitum: difficilius enim. Vnde
& poeta ait; Sum mihi met doctor.

55 Et eius, quod magnum est, maxima pars; ut Pe-
ricles funebrem orationem habens dixit, si iuue-
tus ex ciuitate sublata sit, id perinde esse, ac si Ver-
ex anno sublatum sit.

56 Et in maiore necessitate utilia, ut in senectute,
& morbis.

57 Et ex duobus quod propius accedit ad finem.

58 Et quod ipsi, quam quod simpliciter.

59 Et id, quod fieri potest, quam id, quod fieri non
potest. illud. n. est ipsi bonum: hoc uero nequaquam.

60 Et quæ consistunt in fine uitæ. nam fines ma-
gis, quam quæ referuntur ad finem, bona sunt.

61 Et quæ sunt ad ueritatem, quam quæ ad opinionem.
Est autem terminus eius, quod ad opinionem est, si
latiturus esset, cum non electurum. Quamobrem, ut quis
beneficio afficiatur, quam ut afficiatur, uidetur esse di-
gnius electione. illud. n. est si lateat eliget: ut autem
beneficio afficiatur, si lateat, non uidetur esse electurus.

62 Et quæcunque magis esse, quam uideri uolunt. sunt
enim magis ad ueritatem. Quamobrem & iustitia

*Lib. 22.
odys.*

aiunt rem paruam esse, quia ut quis videatur, quàm ut sit, electione dignius est. De sanitate vero id non accidit.

63 Et vtilius ad multa, ut ad vitam, & bonam vitam, & voluptatem, & rerum honestarum administrationem. Quamobrem & diuitiæ, & sanitas, res esse maximæ videntur: omnia enim hæc ipse habent.

64 Et minus molestum, & quod est cum voluptate. sunt enim plura vno. Quare & voluptas bonum est, & indolentia.

65 Et ex duobus quod eidem adiunctum, maius efficit totum.

66 Et quæ non latent præsentia, quàm quæ latent: ad veritatem enim hæc tendunt. Quamobrem diuitem esse apparebit maius bonum, quàm videri.

Vide Demosthenem contra Timocratem.

67 Et quod amandum est; & aliquibus quidem solum, aliquibus vero cum alijs. Itaque non æqualis poena est, si quis altero oculo videntem cecauerit, & duos habentem. quod enim amandum est, & solum, sublatum est.

De rebus publicis.

Ac ex quibus quidē oporteat fidem tum suadendo, tum dissuadendo afferre, ferme dictum est.

Iam, ut persuadere, & egregie deliberare possimus, maxime, ac potissimum assumere omnes Resp. debemus, & vniuscuiusq; mores, ac instituta, vtiliaq; distinguere. Nam omnes persuadentur eo ipso, quod vtile est. Vtile vero est, quod ciuitatem conseruat. præterea dominatus est domini enunciatio. Ac dominatus ex Rebusp. distincti sunt. Quot enim sunt Resp. tot etiam dominatus. Atqui Resp. sunt quatuor, Democratia, Oligarchia, Aristocratia, Monarchia. Quare dominatus, & id ipsum, quod iudicat, harum erit

par-

particula, aut harum totum. Democratia est Resp. in qua sortes distribuunt magistratus. Oligarchia, in qua qui censibus valent. Aristocratia, in qua qui disciplina. Disciplinam autem voco à lege constitutam. nam qui in legibus institerunt, in Aristocratia dominantur. Necessè vero est hos optimos apparere, vnde etiam huiusmodi nomen accepit. Monarchia secundum nomen est, in qua vnus omnium dominus est. Atq; ex ijs, quæ Monarchiæ nomine continentur, illa quidem, quæ ordinem quendam habet, Regnum est: at indefinita Tyrannis. Neque vero, qui sit cuiusque Reip. finis, oportet latere, eligunt. n. ea, quæ referuntur ad finem. Ac Democratia quidem finis est libertas. Oligarchiæ vero diuitiæ, At Aristocratia, quæ pertinent ad disciplinam, & instituta. Tyrannidis autem custodia. Manifestum igitur est, mores, qui pertinent ad cuiusque finem; & instituta, & vtilia distinguenda esse, siquidem eligunt ad eum referentes. Et quoniam fides sit, non solum demonstratiua oratione, sed etiam morata (nam eò quia apparet quibusdam moribus præditus is, qui dicit, ei fidem habemus id est si bonus appareat, vel amicus, uel vtrunq;) mores vniuscuiusq; Reip. tenere nos oportebit, Vniuscuiusque enim mores in vnaquaque maxime idoneos esse ad faciendam fidem, necesse est. Ex eisdem vero hæc ipsa accipientur. Nam mores apparent ex prælectione. prælectio vero refertur ad finem.

Ac quæ quidem oporteat appetere illos, qui suadent, tanquam futura, vel præsentia, & vnde oporteat fidem sumere de vtili, præterea vero de moribus Rerump. & institutis, tum quibus, tum quomodo abundabimus, quantum erat præsentia

tempori accomodatum, dictum est: exquisitè enim de his in politicis est disputatum.

DE GENERE DEMONSTRATIVO.

*Cur agendū
de honesto,
& virtute.*



Consequens est, ut dicamus de virtute, & vitio, & honesto, & turpi: res enim huiusmodi propositas habet, qui laudat, & qui vituperat. Continget vero simul, dum de his dicemus, ut etiam illa aperiamus, unde aliquibus moribus præditi existimabimur; quæ erat secunda fides. Ex iisdem enim nos ipsos, & alium efficere fide dignum poterimus propter virtutem.

Quatuor præcipue laudantur.

Quoniã uero contingit, & iocose, & serio laudare sæpenumero non solum hominẽ, aut Deum, sed etiam inanimata, & aliorũ animalium quodlibet; eodem modo etiam de his propositiones sumendæ sunt. Itaque quodammodo de his quoque exempli gratia disputemus.

Honestum quid sit.

Ac honestum quidẽ est, quod cū per se eligendum sit, laudabile est. uel quod cum bonum sit, propter bonitatem iucundum est.

Honestatis primæ formæ generalior.

Quod si hoc honestum est, ut uirtus honesta sit, necesse est: bona enim cum sit, laudabilis est.

Virtus uero ut uidetur, facultas est, quæ parat bona, & quæ conseruat, & facultas, quæ beneficia facit multa, & magna, & omnia in omnibus.

At partes uirtutis sunt, iustitia, fortitudo, temperantia, magnificentia, magnanimitas, liberalitas, mansuetudo, prudentia, sapientia.

Necesse uero est. maximas esse uirtutes. quæ alijs utilissimæ sint, siquidẽ uirtus facultas est, quæ bene-

beneficia facit. Idcirco iustos, & fortes maxime honorant. horum enim virtus in bello: illorum vero etiam in pace ipsis utilis est.

Deinde etiam liberales. Nam effundunt, & de pecunijs non certant, quas maxime alij appetunt.

1 Iustitia est p quā quæ sua sunt, singuli habent, & vt lex iubet. Iniustitia, per quam aliena, non vt lex iubet.

2 Fortitudo est, per quam actores sunt operum honestorum in periculis, & vt lex præcipit; atque administri legis. Timiditas contrarium.

3 Temperantia est virtus, per quam ad voluptates corporis sic se habent, ut lex præcipit. Intemperantia contrarium.

4 Liberalitas est, quæ benefacit in pecunijs. Illi beralitas contrarium.

5 Magnanimitas est virtus effectrix magnorum beneficiorum: Pusillanimitas contrarium.

6 Magnificencia est virtus effectrix magnitudinis in sumptib. Paruificencia contrarium.

7 Prudentia est virtus rationis, per quam bene consultare possunt de bonis, & malis ijs, quæ ad felicitatem dicta sunt pertinere.

Ac de virtute quidē, & vitio in vniuersum, deq; particulis virtutis dictū est, quod præsentī tēpori satis sit. De alijs vero non est difficilis disputatio.

Apparet enim necesse esse, vt etiam ea, quæ efficiunt virtutem, honesta sint.

Et quæ efficiuntur à virtute. eiusmodi autem sunt & signa virtutis, & opera.

Et quoniam signa, & huiusmodi res; quæ sunt boni opera, aut perpeffiones, honesta sunt.

1 Necesse est, vt etiam quæcunq; fortitudinis, opera aut signa fortitudinis, aut fortiter gesta sunt, ea honesta sint.

*Honesti se-
cūda, & ter-
tia forma
generalior.*

*Alia honesti
formae
minus genere
valens.*

2 Et iusta, & quæ opera iuste se habent. perperissio-
nes vero minime. Inter virtutes. n. hæc sola est, in
qua non semper, quod iuste se habet, honestum
est. verum, cum aliquis damnatur, turpius est, si id
fiat iuste, quàm si iniuste.

3 Et de alijs uirtutibus similiter,

4 Et in quibus præmium est honor, honesta sunt:

5 Et in quibus honor magis, quàm pecuniæ.

6 Et quæcunq; ex ijs, quæ electione digna sunt,
non sui causa aliquis agit.

7 Et simpliciter bona, quæcunq; pro patria ges-
serit aliquis, negligens suum ipsius commodum.

8 Et naturaliter bona.

9 Et quæ non ipsi bona sunt: ipsius enim gratia
talia sunt.

10 Et quæcunq; contingit, ut mortuo adsint ma-
gis, quàm uiuenti. quæ enim uiuenti adsunt, con-
tinent magis id, quod sui gratia est.

11 Et quæcunq; opera aliorum sunt causæ, quia
miuns sui causa sunt.

12 Et quæcunq; bonæ actiones sunt erga alios,
& non erga se.

13 Et erga eos, qui benefecerunt; quia id ius-
tum est.

14 Et beneficia, quia non sunt erga se.

15 Et contraria ijs, in quibus uerecundantur. Ete-
nim qui turpia dicunt, & faciunt, & q. dicturi sunt,
& facturi sunt, uerecundantur, ut cecinit Sappho.
Nam cum Alcæus diceret; Volo aliquid loqui:
sed me prohibet pudor; respondit; Si incensus es
scs bonarum rerum desiderio, aut honestarū, neq;
dicere id, quod malum est, lingua tentaret, nequa
quam tibi oculos occuparet pudor, sed de re iusta
loquereris.

16 Et de quib. anguntur, cum minime timeant,
quia.

quia hoc modo afficiuntur de bonis illis, quæ ad gloriam referuntur.

17 Et eorum, qui natura meliores sunt, etiã honestiores sunt uirtutes, & opera; ut uiri, quàm mulieris.

18 Et quæ alijs magis, quàm ipsis uoluptaria sunt. Quamobrẽ iustum, & iustitia res honesta est.

19 Et magis inimicos ulcisci, quàm non ulcisci, & non reconciliari, quàm reconciliari. Etenim par pari referre, iustum est. quod autem iustum est, honestum est. ad fortitudinem uero pertinet non cedere.

20 Et uictoria, ac honor ex rebus honestis sunt. Nam electione digna sunt, etiam si nullũ fructum ferant; & uirtutis excellentiam declarant.

21 Et memorabilia.

22 Et quæ memoria sunt digniora.

23 Et quæ cum, qui non uiuat, sequuntur,

24 Et quæ honor consequitur,

25 Et quæ excellunt.

26 Et quæ solus aliquis possidet, honestiora sunt. ualde enim memorabilia sunt,

27 Et possessiones non frugiferæ, quia liberaiores.

28 Et quæ propria singulorum sunt, honesta sũt.

29 Et quæcunq; signa eorum sunt, quæ apud quosq; laudantur; ut Lacedæmone alere comam, honestum est. Nam libertatis est signum. Non enim facile potest, qui comam alit, ullum obire seruale munus.

30 Et nullam exercere artem operosam: quia pertinet ad libertatem non uiuere ad alterius arbitrium.

31 Sumere etiam, oportet ea, quæ uicina sũt illis, quæ habentur, quasi eadem sint, & ad laudem, &

ad

ad uituperationem; ut si cautum, & animosum uocemus timidum, & insidiosum; & stolidum bonum; & indolentem lenem; & semper unumquodque ex consequentibus secundum id, quod optimum est; ut si iracundum, & furiosum appellemus simplicem; & contumacem magnificum, & gradem, & qui sunt in exuperationibus perinde ac essent in uirtutibus, ut audacem fortem; & prodigum liberalem. Nam multis uidebitur ita esse, & simul ex causa uini habebit paralogismi. Etenim si ubi non est necesse, ad pericula paratus est, multo paratior uidebitur, ubi honestum erit pericula subire. Et si paratus est, ad largiendum quibuscumque, etiam paratus erit ad largiendum amicis. est enim excellentia uirtutis omnibus benefacere.

32 Considerare uero etiam oportet, apud quos laus sit: non enim, quemadmodum dicebat Socrates, difficile est Athenienses apud Athenienses laudare. Dicendum est autem, quod apud quosque in honore est, ut apud Scythas, aut Laconas, aut philosophos, & omnino quod in honore est, reducendum est ad honestum, siquidem, esse vicinum uidetur.

33 Et quaecumque prout conuenit; ut si digna gestis maioribus & rebus ante gestis: pertinet enim ad felicitatem, & honestum est, honorem adaugere, aut si praeter quam conuenit, in id, quod melius, & honestius est, ut si moderatus sit, qui prospera fortuna utatur; qui uero aduersa, magnanimus; aut si qui euaserit maior, etiam melior & placabilior sit. Atque eiusmodi est illud Iphicratis, Ex quibus in qua. & illud Olympionicae, His humeris dura imposita mihi. & illud Simonidis Quaque parentem habuit regem, fratresque, uirumque. Et quoniam ex actionibus manat laus, & boni viri proprium est, quod sit ex praelectione; conandum

nandum est ostendere, cum, quem laudamus, actio-
 re esse ex præelectione. Atq; vtile est, si appareat,
 cum sæpe egisse. Quamobrem sumenda sunt, quæ
 casu, fortuitoq; contigerunt, quasi ex præelectio-
 ne facta sint. Nam si multa, & similia proferan-
 tur, id videbitur esse signū virtutis, & præelectio-
 nis. Laus autem est oratio, quæ indicat magnitu-
 dinem virtutis. ergo demonstrare oportet eiusmo-
 di esse actiones. Encomium vero operum est. At
 quæ circum sunt, pertinet ad fidem; vt nobilitas,
 & eruditio. verisimile enim est ex bonis bonos or-
 tos esse, & hoc modo educatum huiusmodi esse.
 Itaq; etiam encomio celebramus eos, qui egerūt.
 opera autem signa habitus sunt, quoniam lauda-
 remus etiam eū, qui non egisset, si talem esse cre-
 deremus. Beati vero, & felicitis effectio inter se ea-
 dem sunt: at cum his non eadem: verum, quem
 admodum felicitas virtutem, sic felicitis effectio
 hæc ipsa continet.

34 Atq; communis forma est laudi, & consilijs.
 Quæ enim consulendo præciperes, ea transposita
 dictione encomia fiunt. Quoniā igitur tenemus,
 quæ agere, & qualem esse oportet, si ea, tanq̃ præ-
 cepta dicamus, dictione transponere, & conuertere
 debemus, ut si quis dixerit, non oportere valde
 gloriari iis, quæ à fortuna proficiuntur, sed iis,
 quæ propria sunt. Ac præcepti quidem vim hoc
 habet; illud vero laudis. Valde glorians non iis,
 quæ dantur à fortuna, sed proprijs. Quāobrem,
 cum laudare vis, vide, quid præciperes; & cū præ-
 cipere, vide, quid laudares. dictio vero necessario
 opposita erit, cum vnū quidē prohibens, alterum
 vero non prohibens transponetur.

35 Utendum est autem etiam multis eorum; quæ
 pertinent ad amplificandum; vt si solus, vel pri-
 mus,

mus, vel cū paucis, vel hic maxime fecit: omnia enim hæc honesta sunt; & quod vim habet ex temporibus & occasionibus: res enim eiusmodi sunt præter id, quod secundum cōueniens expectatur. & si sape idē recte egit, magnum enim id esse, & non à fortuna existimabitur, sed proprium. Et si ea, quæ suadent, & honorant, propter hunc inuenta sunt, & parata. Et in quem primum encomiū factum est, vt in Hippolochum, & Harmodio, ac Aristogitoni statuas in foro fuisse collocatas. similiter vero etiam in contrariis. Et si ex ipso copiam non habes, cum alijs debes comparare. ut faciebat Isocrates, cum in forensi causarū dictione minus versaretur. Cū illustribus vero faciēda collatio est. Nā id habet vim amplificandi, & honestū est, si bonis viris melior sit. Ac iure in laudes cadit amplificatio. cōsistit. n. in excellētia, & excellentia est rerum honestarum. Quamobrem, si non cum illustribus: at certe cum alijs est comparandum, siquidem excellentia indicare virtutē videtur. Omnino autem ex ijs formis, quæ omnibus orationibus communes sunt, amplificatio aptior est ad demonstratiuas: assumunt enim actiones confessas, vt nihil aliud reliquum sit, nisi magnitudinem adiungere, & pulchritudinem. Exempla vero ad deliberatiuas. Nam ex rebus ante gestis, dum futura conijcimus, de eo, quod agē dum est, iudicium facimus. At enthymemata ad iudiciales. Etenim causam, & demonstrationem factū maxime recipit, propterea quod obscurum sit.

Ac vnde quidem laudes, & vituperationes ferre oēs ducantur, & in quæ intuendo, laudare, & vituperare oporteat & ex quib. encomia cōficiantur, & probra; hæc sunt. His enim cognitis cōtraria patent; quia vituperatio ex cōtrariis existit.

DE GENERE IVDICIALI.



DE accusatione autem, & defensione ex quot, & cuiusmodi rebus oporteat confici syllogismos, consequens est, ut differamus. Iam uero assumenda sunt tria; vnum Quarum & quot rerum causa iniuria afficiant: alterum, Quomodo ipsi affecti sint. tertium Quales homines afficiant, & quomodo se habentes. Cum igitur definiuerimus, quid sit iniuria afficere, cætera persequamur. Iam iniuria afficere sit nocere, sponte, contra legem.

*Tria assu-
menda.*

*Iniuriam fa-
cere quid sit*

Lex vero est, vna propria: altera communis. voco propriam, secundum quam scriptam ciuili-ter agunt: & communem ea omnia, quæ non scripta confiteri omnes videntur.

Sponte autem faciunt, quæcunque scientes, & non coacti faciunt. Ac quæcunque quidem sponte faciunt, non omnia præligentes faciunt. Quæcunque vero præligentes, omnia sponte, & scientes. nemo enim id ignorat, quod præligit.

Vitium uero, atque incontinentia causa est, quæ obrem nocendi prælectionem habeant, & committendi mala contra legem. Si qui enim improbitate laborent, aut vna, aut pluribus in eo, in quo improbi sunt, etiam agunt iniuriose; ut illiberalis in pecunijs, intemperans in voluptatibus corporis, mollis in rebus ad desidia pertinentibus. timidus in periculis: deserunt enim propter metum, qui simul periclitantur: ambitiosus propter honorem, iracundus propter iram, studiosus victoriæ propter victoriam, amarus propter vltionem.

tionem. imprudens, propterea quòd decipitur in eo, quod iustum, & bonum est. impudens propter despicientiam existimationis, & similiter ex alijs vnusquisq; in vnaquaq; ex subiectis rebus. Verù hæc manifesta sunt, partim ex ijs, quæ dicta sunt de virtutibus, partim ex ijs, quæ de affectibus explicabuntur.

*Quarum re-
rum causa
sunt iniu-
ria,*

Restat autem dicere, cuius rei causa, & quomodo se habentes, iniuria afficiant, & quos. Ac primum quidem explicemus, quæ nam expetamus, & qualia fugiamus, dum afficere iniuria conamur. Manifestum enim est, accusatori quidem cōsiderandum esse, quot, & qualia ex ijs, aduersario insint, quæ expetentes oēs iniuria proximos afficiunt: defensori vero, quot, & qualia ex ijs non insint. Iam oēs agunt omnia, partim quidem non per se: partim uero per se. Ac non per se quidem partim per fortunam agunt: partim ex necessitate. Atq; hæc partim vi: partim natura. Quare omnia, quæcunq; nō per se agunt, aut sunt à fortuna, aut natura, aut vi. Quæcunq; uero per se, quorum ipsi sunt causæ, alia sunt per consuetudinē: alia per appetitiōē; & ex his alia per appetitiōem participantem ratiocinationis: alia per expertem ratiocinationis. Est aut voluntas cum ratione appetitio boni: nemo enim vult, nisi id, qd bonū esse existima uerit. Appetitiones uero expertes ratiocinationis sunt ira, & cupiditas. Quare necesse est, omnia, quæcunq; agunt, propter septē causas euenire; propter fortunā, propter vim, propter naturam, propter cōsuetudinē, propter ratiocinationem, propter iracundiam, propter cupiditatem.

*Non sunt di-
uidenda a-*

Verum diuidere, quæ aguntur, ex ætatib. vel habitibus, vel alijs quibuscunq;, superuacaneū est. Si. n. contingit iuuenib. ut iracundi sint, vel cupidi;
non

non propter ætatem res eiusmodi agunt, sed propter iram, & cupiditatem. Neq; diuites, & pauperes propter diuitias, & paupertatem: sed contingit quidem pauperibus, propter indigentiam cupere pecunias: diuitibus vero propter licentiam cupere non necessarias voluptates. Verum agunt quoque isti non propter diuitias, & paupertatem, sed propter cupiditatem. Similiter uero etiam & iusti, & iniusti, & alij, qui ex habitibus agere dicuntur, propter hæc omnia agunt: aut enim propter ratiocinationem, aut propter affectum; sed partim propter mores, & affectus bonos: partim propter contrarios. Contingit tamen, ut hi quidem habitus talia consequentia habeant; illi uero talia. Etenim, ut statim exemplum habeamus, temperans fortasse propter temperantiam, & opiniones, & cupiditates bonas consequentes habet de voluptatibus, intemperans uero contrarias de his ipsis. Quamobrem huiusmodi sunt diuisiones omitterendæ. Considerandum uero est, quæ res quas consequentes soleant habere. Nam si albus sit, aut niger, aut magnus, aut paruus, rerum eiusmodi nihil esse consequens constitutum est. Si uero iuuenis, aut senex sit, aut iustus, aut iniustus, iam aliqua est differentia, & omnino quæcunque ex rebus contingentibus efficiunt, ut hominum mores differant; quemadmodum diues ne esse, an pauper existimetur, differt aliquid; & aduersa ne fortuna, an prospera uti. Atq; hæc quidem posterius dicemus. nunc uero de reliquis primum dicamus.

Ea fiunt à fortuna, quorum causa indefinita est, quæque non propter rem aliquam fiunt, nec semper, nec plerumque, nec ordinate. Hæc autem patent ex definitione fortunæ.

Natura sunt ea, quorum causa in ipsis est & ordinate:

Etiones ex a-
taibus.

Neque ex
fortunis.

Neque e
habitibus
animi.

Neque ex
habitibus cor
poris.

Que fiant à
fortuna.

*Quæ nasci-
ra.*

dinate : aut enim semper, aut plerunq; , eodem modo eueniunt. Quæ enim præter naturam sunt, de ijs non est exacte disputandum, utrum aliqua secundum naturam fiant, an aliam ob causam. Videbitur uero etiam fortuna eiusmodi rerum causa esse.

Quæ vi.

Ea fiunt vi, quæ præter cupiditatē, aut ratiocinationem per ipsos agentes fiunt.

*Quæ consue-
tudine.*

Consuetudine fiunt ea, quæcunque idcirco faciunt, quia sæpe fecerunt.

*Quæ pro-
per ratioci-
nationem.*

Ea fiunt propter ratiocinationē, quæ uidentur utilia esse ex bonis, quæ dicta sunt, aut tanquam finis, aut tanquam ea, quæ referuntur ad finem, quoties aguntur propter id ipsum, quod utile est. Nonnulla enim etiam intemperantes utilia agūt, uerum nō p.p id, quod utile est, sed p.p uoluptatē.

*Quæ pro-
pter iram.*

Propter exandescentiam, & iram fiunt ea, quæ pertinent ad ultionem. Differt autem ultio à castigatione. Nā castigatio patientis causa est. Ultio efficientis, ut scilicet expleatur. Ac in quo quidē sit ira, in ijs, quæ de affectibus tradentur, perspicuum erit.

*Quæ pro-
pter cupidi-
tatem.*

Propter cupiditatem aguntur, quæcunq; apparent iucunda. Quod uero est ex assuefactione, & consuetudine, in rebus iucundis ponitur. Multa enim eorum, quæ natura iucunda non sunt, quoties assueuerint, iucunde faciunt. Quare, ut breuiter dicam, quæcunq; per se agunt, omnia sunt aut bona, aut quæ uidentur bona, aut iucūda, aut quæ uidentur iucunda. Et, quoniam quæcunq; per se agunt, sponte agūt, at non sponte, quæcunq; non per se; omnia, quæcunque sponte agunt, erunt bona, aut quæ uidentur bona, aut iucūda, aut quæ uidentur iucunda. pono enim & liberationē maiorum, aut eorum, quæ uidentur mala, aut pro
maiore

maiore minoris assumptionem inter bona. Eligenda enim quodammodo sunt. & liberationem molestorum, aut eorum, quæ videntur molesta, aut pro maioribus minorum assumptionem eodem modo inter iucunda. Sumendum igitur est, quod, & qualia iucunda sint. Ac de vtili quidem in delibetatiis supra dictum est. Nunc vero dicamus de iucundo. Existimandum autem est, sufficere definitiones, si sint de vnaquaque re neque exactæ, neque obscuræ. Iam positum sit nobis, voluptatem esse motionem aliquam animi, & constitutionem subitam, ac sensibilem in insitam naturam. si igitur voluptas eiusmodi est, constat etiam iucundum esse, quod habet vim efficiendæ eius, quæ dicta est, affectionis. Molestum vero, quod habet vim corrumpendæ, aut contrariæ efficiendæ affectionis.

*Proponitur
agendum de
iucundo.*

1 Ergo necesse est, iucundum esse, ire plerunque ad id, quod secundum naturam est, maxime vero, cum assumpserint suam ipsorum naturam, quæ fiunt secundum ipsum.

2 Et consuetudines: fit enim consuetum quasi natura insitum. consuetudo vero res similis est naturæ. Nam vicinitatem habet id, quod sæpe fit, cum eo, quod semper. Atqui natura quidem est eius, quod semper fit: consuetudo vero eius, quod sæpe.

3 Et non violentum. vis enim præter naturam est. Quamobrem necessitates molestiam habent & recte dictum est. Insuaue est etenim, fieri quod cunque necesse est. Curationes autem, & studia, & contentiones dictum est molestas esse, quia necessitatem habent, & violentæ sunt res eiusmodi, nisi homines assueuerint. Sic enim consuetudo affert iucunditatē: res vero contrariæ iucundæ sunt. Quamobrem ocationes, & cessationes à labore, &

D non

non curantiæ, & lusus, & requietes, & somnus ex rebus iucundis existunt: nihil enim horum ad necessitatem est.

*Cupiditas
quid.*

*Cupiditatis
diuisio.*

4 Et cuius fuerit cupiditas, id omne iucundum est. Cupiditas enim est appetitio rei iucundæ. Cupiditatum autem aliæ quidem sunt rationis expertes: aliæ vero cum ratione. Voco rationis expertes, quas nequaquam suscipiunt ex eo, quod aliquid existiment. Tales sunt, quæcunque natura esse dicuntur: ut quæ insunt propter usum corporis, ut alimenti sitis, & fames, & in vnaquaq; specie alimenti cupiditas, & quæ cernuntur in ijs rebus quæ gustatu percipiuntur, & quæ in rebus venereis, & in ijs omnino, quæ pertinent ad tactus delectationem, & in odoratu suauitatis, & auditu, & aspectu. Cum ratione dico esse cupiditates, quas scunquæ ex eo, quod persuasi sint, concipiunt, multa enim & perspicere, & possidere concupiscunt, cum audiuerint, & persuasi sint.

Quoniam vero iucunditatis perceptio posita est in sentienda aliqua affectione, & phantasia est sensus quidam debilis; & ei, qui recordatur, quiq; sperat, consequens est phantasia quædam eius rei, cuius meminit, aut spem habet; si hoc ita est, patet et vehementes inesse voluptates ijs, qui recordantur, & sperant, siquidem sensus quoque inest.

Quare necesse est, omnia iucunda consistere aut in sensu rerum præsentium, aut in memoria præteritarum, aut in spe futurarum: sentiunt enim res præsentis, recordantur præteritis, sperant futuras. Ac quæ quidem memoria custodiuntur, iucunda sunt, non solum, quæcunque tunc, cum aderant, iucunda erant, sed nonnulla etiam non iucunda, si quæniat præterea quippiam honestum, & bonum. Vnde illud dictum est.

Ve-

Verum delectat saluum meminisse laborum.
& illud.

Nam delectatur, memor est, quicūq; dolorum, *Lib. 15.*
Cum res est multas passus, multasq; peregit. *odyss.*

Atq; huius rei causa est, quia iucundum est ēt
malum non habere. Ex ijs vero, quę in spe sunt,
illa iucunda sunt, quę præsentia videntur aut o-
blectare, aut multum iuuare, aut sine molestia iu-
uare, omnino quęcunque præsentia oblectant,
plerunque etiam eos, qui sperant, & recordantur,
oblectant.

6 Quamobrem & irasci iucundum est, quemad *Lib. 18. II.*
modum Homerus cecinit de excandescencia, Dul-
cios effuso quę melle. Nemo enim irascitur ei,
qui vindicari nō posse videatur. ijs vero, à quibus
multum superantur potentia, aut non irascuntur,
aut minus irascuntur.

7 Et maximam cupiditatum partem voluptas
quædam consequitur. Nam dum aut recordatur,
quemadmodum potirentur, aut sperant fore, vt
potiantur, voluptate quadam perfunduntur; quę
admodum qui in febribus sitim habent, & dum
recordantur, se bibisse, & dum sperant, se bibitu-
ros, gaudent, & qui amant, siue colloquantur, si-
ue scribant, siue faciant aliquid, semper de re il-
la, quam amant, geudant. In omnibus enim his re-
bus eiusmodi dum recordantur, quodammodo se
rem amatam sentire arbitrantur. Et hoc amoris
initium omnibus efficitur, quoties non solū præs-
enti gaudent, sed absentes etiam in memoriam
reuocantes amant. Quamobrem & quoties ali-
quis molestia afficitur, eo quod amicus non ad-
sit; & in luctibus, & lamentationibus quædam
voluptas exoritur. Molestia enim est in eo, quod
ille non adsit: voluptas vero in eo, quod recor-

detur, & videat quodammodo illum, & quæ ageret, & qualis esset. Quare etiam illud dictum est.

Lib. 23. 11.

Sic ait, & cunctis lachrymarum accedit amor.

8 Et vlcisci iucundum est. quod enim, si non consequamur, molestum est, id si consequamur, iucundum est. Qui vero irascuntur molestiam habent incredibilem, nisi vlciscantur; sperantes autem se vlturos, gaudent.

9 Et vincere iucundum est, non solum studiosis victoriæ, sed etiam omnibus: phantasia enim excellentiæ gignitur, cuius omnes cupiditate ardent, aut remissius, aut vehementius.

10 Et quoniam vincere iucundum est, necesse est et ludos iucundos esse, tum qui pertinent ad pugnas, tum ad tibias, tum ad contentiones: sæpenumero enim in ipsis accidit vincere. & ludos talorum, pilæ, alæ, & tesserarum. de ludis serijs similiter; alij enim iucundi sunt, si quis sit assuefactus: alij statim iucundi, ut venatio, & vniuersa ferarum insectatio. Etenim ubi certamen est, ibi etiam victoria est.

11 Quare & iudicialis, & contentiosa disputatio iucunda est, ijs, qui assuefacti sint, & potentes sint.

12 Et honor, & gloria est ex rebus iucundissimis, propterea quod oritur cuique phantasia, se esse eiusmodi, & studiosum, idque magis, quoties id dicunt illi, quos ipse existimat vera dicere. Eiusmodi vero sunt vicini magis, quam longinqui: & familiares, & noti: & ciues, quam externi: & presentes, quam futuri: & prudentes, quam imprudentes: & multi, quam pauci. Verissimilius enim est, ut hi, qui commemorati sunt, vera dicant, quam contrarij: quoniam illorum, quos aliquis valde contemnit, ut puerorum, aut belluarum, non curat honorem, aut existimationem, ipsius scilicet existimationis gratia: nam, si curat; propter aliquid aliud

aliud curat :

13 Et amicus est ex rebus iucundis. Nam & amare iucundum est, quia nemo amans vini est, qui non gaudeat uino: & amari iucundum; phantasia enim etiam ibi est, sibi adesse bonum, quod omnes concupiscunt, qui eam sentiant. Amari vero est ipsum per se carum esse.

14 Et suspici iucundum est, propterea quod ea in re honor adhibeatur.

15 Et adulari, & adulator res iucunda est: adulator enim videtur admirator, & videtur amicus.

16 Et eadem agere, sæpe iucundum est: consuetum enim erat iucundum.

17 Et permutare iucundum est: permutare enim naturæ accommodatum est. Nam idem semper exuperantiam efficit habitus constituti. Vnde dictum est; Permutatio omnium dulcis. ob hanc. n. causam etiam ea, quæ interposito temporis spatium fiunt, iucunda sunt, tum homines, tum res. Est enim permutatio ex præsentis statu. simul autem & rarum est, quod temporis spatium fit.

*Eurip. i o
refle.*

18 Et discere, & admirari, iucundum est plerumque. Nam in admiratione cupiditas est discendi. Quare admirabile excitat desiderium. At in discendo erigimur in eum statum, qui naturalis est.

19 Et benefacere, & beneficium accipere est ex rebus iucundis. Nam beneficium accipere est consequi ea, quæ concupiscunt. Benefacere vero, habere, & excellere, quæ ambo appetunt.

20 Et quoniam iucundum est, quod valet ad benefaciendum, hominibus etiam iucundum est, corrigere eos, qui proximi sunt.

21 Et inchoata perficere.

22 Et, quoniam tum discere iucundum est, tum admirari, necesse est etiam iucundum esse omne

D 3 eiusmodi,

eiusmodi, quod imitando expressum est, qualis pictura, & statuaria, & poetica, & quicquid imitando bene expressum sit, etiam si iucundum non sit illud, cuius imitatio est. Non enim ea in re gaudet, sed ratiocinatur hoc esse illud. Quare contingit aliquid discere.

23 Et rerum inclinationes; & vix seruari ex periculis: omnia enim hæc admirabilia sunt.

24 Et quoniam id, quod secundum naturam est, iucundum est, & quæ cognata sunt, secundum naturam inuicem sunt; omnia cognata, & similia sunt plerumque; iucunda; ut homo homini, & equus equo, & iuuenis iuueni. unde et puerbia prolata sunt, quæ æqualis æqualē delectat; & semper simili simile amicū, & cognouit fera feram: & semper graculus cum graculo, & quęcunque alia eiusmodi.

25 Et quoniam omne simile, & cognatum sibi ipsi iucundum est, maxime autem ipse erga se ipsum quisque sic affectus est; necesse est, omnes sui amantes esse, aut magis, aut minus. omnia enim erga se maxime hoc modo se habent.

26 Et quoniam omnes sui amantes sunt, necesse est omnibus iucunda esse, quæ sua sunt, ut opera, orationes.

Quamobrem amantes sunt plerumque; assentatorum, & amatorum, & bonorum, & liberorum: opera enim ipsorum sunt liberi.

27 Et inchoata perficere iucundum est: ipsorum enim opus iam fit.

28 Et quoniam principem esse, iucundissimū est, etiam videri sapientem esse, iucundum est: ad principatum enim pertinet sapere. est autem sapientia rerum multarum, & admirabilium scientia.

29 Præterea vero quoniam plerumque; amantes honoris sunt, necesse est, & principem esse, & increpare

pare proximos, iucundum esse.

30 Et in quo ipse sibi optimus videtur, ibi assidue versari, quemadmodum Euripides ait;

Nam quisque ad id frequens adest,
Magnamque in illo temporis partem terit,

In quo ipse se præstantiorem existimet.

31 Eodem modo, quoniã ludus est ex rebus iucundis, & omnis animi remissio, & risus ex rebus iucundis, necesse est et ridicula iucunda esse, & homines, & orationes, & opera. Disputatum autem est de ridiculis separatim in iis, quæ de poetica scripta sunt. Ac de iucundis quidem hæc dicta sint. Molesta autem ex contrariis patent.

Quomodo autem se habentes, & quos iniuria afficiant, in præsentia explicemus.

1 Ac ipsi quidem iniuria afficiunt, quoties arbitrantur fieri posse, ut res agatur.

Et fieri posse, ut à se ipsis agatur.

Et si arbitrantur se latituros, cum egerint.

Aut si non latuerint, se pœnam non duros.

Aut duros quidem, sed ita, ut lucro minus sibi damnum sit, aut ijs, quorum curam habent.

Ac quæ quidem sint ea, quæ posse fieri videantur, & quæ non posse fieri, in ijs, quæ posterius tradentur, explicabitur: communia enim sunt omnibus partibus Rhetoricæ.

Ipsi vero arbitrantur se maxime posse iniuria afficere sine ullo damno, qui valent in dicendo, & in agendo, & in experientia multarum contentionum, & si eis multi amici sint. & si diuites. & maxime quidem si ipsi valeant in ijs, quæ dicta sunt; potentiam se habere arbitrantur. sin minus, cum eis existant amici eiusmodi, aut ministri, aut socii; quia his freti possunt & agere, & latere, & pœnam non dare, & si amici sint ijs, qui iniuriã pa-

D 4 tiuntur,

*A quibus
fiunt iniuriæ.*

tiuntur aut iudicib. Etenim amici parū cauti sunt ad iniuriā patiendam, & prius reconciliantur, q̄ iudiciū persequantur. Iudices vero gratificantur iis, quibus amici sunt; & omnino absoluunt, aut certe paruis pœnis afficiunt.

Apti vero ad latendum sunt, & contrarij criminationib. vt debilis de verberatione; & pauper, & deformis de adulterio. Et qui nimis sunt in aperto, & in oculis: incauta enim sūt, propterea q̄ nemo illa existimet. Et tanta, & talia, quæ admiserit nemo: incauta enim etiam talia sunt. Nam omnes vt morbos, ita iniurias vsitatas cauēt. Quo autem morbo nondum laborauerit, cum nemo reformidat. Et quibus nemo est inimicus, aut multi sunt inimici. illi enim putant se latituros, propterea quod non cauētur; hi vero etiam latēt quia nō vidētur aggressuri fuisse eos, qui cauēt. & quia habent defensionem, se non fuisse aggressuros. Et quibus existit occultatio, aut modus, aut locus, aut alienatio in promptu.

Et quibuscunq;, si non lateant, existit depulsio iudicij, aut dilatio temporis, aut corruptiones iudicum. Et quibus si fiat damnum, est depulsio solutionis, aut dilatio temporis, aut si quis propter inopiam nihil habiturus sit, quod amittat. Et quibus lucra quidem aperta sunt, aut magna, aut vicina: damna vero aut parua, aut obscura, aut longinqua. Et cui non est pœna æqualis vtilitati. id quod Tyrannis videtur habere. Et quibus iniuriæ lucra sunt, damna vero probra solum. Et quibus è contra iniuriæ quidem in laudem aliquam conuertuntur, quemadmodum si contingat, simul vindictam facere pro patre, aut matre, vt Zenoni: dāna vero sint, vt pecuniarū, aut exilij, aut alicuius eiusmodi rei. Ambo. n. iniuriā faciunt, & utroque modo

modo se habentes, non tamen iidem, sed contrarij moribus.

2 Et qui sæpenumero aut latuerunt, aut nullum damnum habuerunt.

3 Et sæpe lapsi opinione. sunt. n. aliqui etiam in eiusmodi rebus. sicut in bellicis, qui parati sunt fortunam belli rursus tentare.

4 Et quibus protinus id, quod iucundum est, accidat; qđ vero molestū, posterius: aut lucrū prius; dānū vero posterius. Intēperantes aut eiusmodi sunt. Ac in tēperātia est in oībus quæ appetūt.

5 Et quib. è conuerso, quod molestū est, iam adfit, aut damnum: quod vero iucundum, & vtile, posteriora, & diuturniora sint. continentes enim, & prudentiores eiusmodi res sequuntur.

6 Et quibus contingat, ut uideantur egisse propter fortunam, aut propter necessitatem, aut propter naturam, aut propter consuetudinem, & omnino errasse, non autem iniuriam fecisse.

7 Et qui possint consequi æquitatem.

8 Et quicunq; indigentes sunt. dupliciter autem sunt indigentes: aut enim tanquā rei necessariæ, ut pauperes, aut tāquam exuperantię, ut diuites.

9 Et q. sūt bonę admodū existimatiōis. Et q. admodū malę. illi qđē tanq. qui nō existimabuntur iniuriā fecisse: hi vero tanquā q. non existimabuntur esse peiores, q. adhuc in hominū opinione sint.

Ac ipsi quidem sic se habentes ad faciendam iniuriam aggrediuntur.

1 Iniuria vero afficiunt eos, & iis rebus præditos, quarum ipsi indigent, aut ad necessarios vitę *Quibus fiat iniuria.* usus, aut ad exuperantiam, aut ad volupratem.

2 Et longinquos, & vicinos. horum enim comprehensio velox est: illorum uero ultio tarda, ut qui spoliant Carthaginenses.

Et

3 Et eos, qui non cauent, nec obseruant, sed creduli sunt: facile enim est omnes latere.

4 Et socordes: uiri. n. industrij est ius persequi.

5 Et uerecundos: non enim de lucro pugnares sunt.

6 Et qui à multis iniuriam passi sunt, & ius persequuti non sunt; quasi sint secundū prouerbiū Mysorum praeda.

7 Et quos nunquā amplius, & quos sæpe iniuria affecerunt; quia utrique incauti sunt. illi qui dem, ut nunquā iniuria affecti: hi uero, ut qui non amplius putant se iniuria affectum iri.

8 Et calumnia affectos, & qui afficiantur idoneos tales. n. non praeligunt, cū timeant iudices, nec possunt persuadere; ex quibus sunt, qui odio habentur, & quibus inuidetur.

9 Et aduersus quos habent pretextum, uel maiorum, uel suū ipsorum, uel amicorum, quod aut malefecerint, aut facturi fuerint, uel sibi ipsis, uel maioribus uel ijs, quos caros habent: ut enim prouerbiū ait, pretextu tantū improbitas indiget.

10 Et inimicos, & amicos; quia hos sit facile iniuria afficere: illos incundum.

11 Et qui amicis carēt, & non ualent in dicēdo, nec in agendo: aut enim non conantur inuadere; aut reconciliantur; aut nihil proficiunt.

12 Et quibus non est utile tempus consumere, expectando uel iudicium, uel solutionem; ut sūt peregrini, & opifices; nā ob res paruas trāsigunt, & facile huiusmodi homines mitigantur.

13 Et qui multas iniurias intulerunt, uel tales, quales patiuntur: quiddam enim uidetur uicinum esse ei, quod non facit iniuriam, quoties aliquis talem iniuriam passus est, qualem consuevit etiam ipse facere; ut exempli grātia si quis uerberet

beret eum, qui consuevit contumeliam facere.
 14 Et qui malefecerunt, uel facere uoluerunt,
 uel uolunt, uel facturi sunt: habet enim & iucū
 ditatem & honestatē; & uicinum est hoc ei, quod
 non uidetur iniuriam facere.

15 Et quos iniuria afficiēdo gratificabuntur uel
 amicis uel ijs, quos admirātur, uel ijs, quos amāt,
 uel omnino ijs, ad quorum arbitriū ipsi uiuunt,
 & apud quos licet consequi æquitatem.

16 Et quibus crimen obtulerint, & à quibus se-
 iūcti sint, ut Callipus fecit ī Dionē. Etenim talia
 uicina sunt ei, quod iniuriā facere non uidetur.

17 Et qui ab alijs lēdētur, si eos ipsi nō lēserint;
 quasi non amplius liceat consultare; ut dicitur
 Aenesidemus Gelonimississe cotabia, cum seruitu-
 tem induxisset, propterea quod præuenisset, quasi
 & ipse facturus fuisset.

18 Et quos si iniuria affecerint, poterunt mul-
 ta iusta agere, tanquam facile sanaturi; ut dixit
 Iason Thessalus, Oportere se nonnulla iniusta
 facere, ut posset etiam multa iusta facere.

1 Et in ijs; in quibus omnes, uel multi iniuria
 afficere consueuerunt: putant enim se ueniam
 consequuturos.

*In quib. po-
 tissimum in-
 iuria fiant.*

2 Et in ijs, quæ facilia sunt ad occultandum. ta-
 lia autem sunt, quæcunq; uel celeriter cōsumun-
 tur, ut esculenta; uel facile commutantur, aut
 figuris, aut coloribus aut tēperamentis; uel quæ
 multis in locis abdere in prōptu est. Talia uero
 sunt, quæ facile portantur, & quæ in paruis locis
 abduntur, Et quibus indifferentia, & similia mul-
 ta prius possidebat is, qui iniuriam facit.

3 Et quæcunq; pudet dicere eos, qui iniuriam
 passi sunt; quales sunt propriarum mulierum con-
 tumeliæ, aut in se, aut in filios.

Et,

4 Et, quæcunq; uidebitur tractare studio litium is, qui ius persequatur. huiusmodi autem sunt parua, & in quibus uenia est.

Ac quemadmodum quidem se habentes iniuria afficiant, & in cuiusmodi rebus & quos, & quamobrem ferme hæc sunt.

Distinguamus autē iniurias omnes: & iuste susceptas actiones, atq; hinc primum ordiamur.

*Iusta definita
ta ad duas
leges & duo
bus modis
ad homines.*

Iusta, & iniusta definita sunt ad duas leges, & ad eos, ad quos referuntur, duobus modis.

Dico autem legem partim propriam, partim communem. propriam quidem singulis inter ipsos definitam; eamq; aut non scriptam, aut scriptam: communem uero secundum naturam. est enim quoddam natura commune iustum, & iniustum, quod omnes augurantur, etiam si nulla societas inter eos intercedat, nullaq; pactio; quæadmodum Sophoclis Antigone uidetur dicere, iustum esse, interdictum sepelire Polynicē, quasi natura iustum sit. Hoc namq; non hodie, & heri, at semper fuit. Nec quisq; homo scit, eius ortus unde sit. Et ut Empedocles dicit de non interficiendo, quod animatum est: id enim non quibusdā quidē iustum est, quibusdā uero non iustū.

Sed lex sūma hæc ē, extensa per æthera magnū.

Aerāq; immensum, cunctis mortalibus alma. Et ut dicit in Messeniaca Alcidas.

Ad eos uero, ad quos sunt definita, duobus modis se habent. Nam ea, quæ oportet agere, aut nō agere, pertinent aut ad communitatem, aut ad unum ex ijs, qui communitatis participes sunt. Quamobrem & iniurias, & iustas actiones, dupliciter contingit persequi, uel iuste suscipere. Et enim aut ad unū definitum, aut ad communitatem pertinent. Qui enim committit adulterium, aut aliquem

aliquem uerberat, iniuria afficit unū ex definitis: qui uero non militat, iniuria afficit cōitatem.

Iam, cū omnes iniurias distinxerimus, ut aliæ referantur ad communitatem; aliæ ad alium, uel ad alios; cum repetiuerimus, quid sit iniuria affici, reliqua explicemus. Est autem iniuria affici ab ijs, qui sponte agūt, iniusta pati. Iniuria enim afficere definitum est prius, esse quiddam sponte.

Et quoniam necesse est, qui iniuriam patitur, eum noxam accipere, & quidem non sponte accipere: iam noxæ ex superioribus constant: bona enim, & mala distincta sunt per se superius, & quæ spōte agunt homines, nempe quæcunq; scientes.

Quare necesse est omnia crimina, aut ad communitatem, aut ad priuatum referri:

Aut ignorante illo, qui cōmittit, & non spōte agente, aut sponte, & sciente.

Et ex his alia præligente, alia propter affectum. Ac de ira quidem dicetur in ijs, quæ de affectibus disputabuntur. cuiusmodi uero res præligant, & quomodo se habentes, iam dictum est.

Et, quoniam sæpe qui confitētur, se fecisse, aut litis inscriptionem non confitētur, aut id in quo est litis inscriptio, ut accepisse quidem, sed non furatum esse; & fuisse priorē, qui percusserit, sed non intulisse contumeliam; & concubuisse, sed non commisisse adulterium; aut furatū esse, sed non commisisse sacrilegiū, non enim Dei aliquid sustulisse; aut coluisse quidem, sed non publicū; aut collocutum esse cum hostibus, sed non prodisse, propterea oportebit etiam, cū de his agetur definire, quid sit furtum, quid contumelia, quid adulterium, ut siue esse, siue non esse demonstrare uelimus. iustum declarare possimus. Omnes autē res eiusmodi de eo sunt, utrum iniustum sit,

&

*Iniuria affi
ci quid.*

*Cognoscēdæ
sunt noxæ
ex superiorib.
bus.*

*Criminum
distinctio.*

*Status defini
mus.*

& paruum, an non iniustum id, de quo controuersia est. Nā in prælectione posita est improbitas, & iniuriæ illatio. Eiusmodi uero nomina prælectionē significant, ut contumelia, & furtum. Non enim si uerberauit, omnino contumeliā fecit. sed si alicuius rei causa, ut dedecorandi illum, aut percipiendi uoluptatem. Neq; omnino si clam accepit, furatus est: sed si propter noxam furatus est, & ut sibi ipsi ascisceret. Eadem aliorum, quæ etiam horum est ratio.

De lege non scripta.

Et quoniam iustorum, & iniustorum duæ species traditæ sunt; alia enim scripta, alia non scripta existunt; de ijs, quidem, de quibus scriptæ sunt leges, dictum est: non scriptorum uero duæ species habentur.

Atq; hæc sunt partim secundum exuperantiam uirtutis, & uitij, in quib. existūt probra, & laudes ignominia, & honores, & dona, ut gratiā habere ei, qui benefecerit, & adiutorē esse amicis & quæcunq; alia eiusmodi: partim supplementum propriæ legis, & scriptæ. Acquum enim uidetur iustum esse; & Acquum est, quod præter scriptam legem iustum est.

Contingit autem hoc partim inuitis, partim uolentibus legum latoribus. Inuitis quidem, quoties aliquid eos latuerit: uolentibus uero, quoties distinguere nō possint, sed necesse habeāt in uniuersum dicere, etiam si non semper ita se res habeat, sed plerunq; , & quæcunq; non est facile distinguere propter infinitatem, ut uulnerare ferro, & quanto, & quali: deficeret enim tempus eum, qui singula dinumeraret, si igitur sit indefinitum id, quod oportet lege sancire, necesse est ipsum simpliciter dicere. Quare si quis annulum habens manum sustulerit, & aliquem percusserit,

is quidem secundum legem scriptam reus est, & iniuriam fecit, sed reuera non fecit. Atq; hoc æquū est. Quod si ita se habet, apparet, cuiusmodi res sint æquæ, & nō æquæ, & cuiusmodi homines non æqui. Nam in quibus oportet ueniam dare, illæ res æquæ sunt. Et non iudicare digna æquali pœna errata, & iniurias; neq; errata, & infortunia. sunt aut infortunia, q̄cunq; sunt præter rōnem & non ab improbitate. Errata uero, quæcunq; nō præter rationē, & nō à malitia. At iniuriæ quæcunq; non præter rationem, & à malitia: quæ. n. propter cupiditatem, sunt, à malitia sunt.

Et æquum est, rebus humanis ignoscere: & non ad legem, sed ad legislatorem respicere; & non ad orationē, sed ad sententiā legislatoris respicere, & nō ad actionē, sed ad p̄lectionē; & nō ad partem, sed ad totum; nec cuiusmodi aliquis nunc, sed cuiusmodi semper, aut plerunq; & meminisse magis, quibus bonis affectus sit, q̄ quibus malis; & magis bona, quæ acceperit, quàm quæ fecerit; & eum, qui iniuriam accipiat, patientē esse; & malle uerbis iudicari, quàm factis; & malle ad arbitrium, quàm ad iudicium ire.

Nam arbiter æquum intuetur: iudex uero legem; & ob id arbiter inuētus est, ut equū ualeat.

Ac de æquis quidem hunc in modum habita explicatio sit.

I. Iniuriæ autem maiores sunt, quæcunq; à maiori existunt iniustitia. Quamobrem & minimæ maxime sunt; quemadmodum Melanopum Callistratus accusabat, quod fraudasset tribus semibolis sacris templi constructores. In ipsa uero iustitia contrarium euenit. Atq; hæc existunt ex eo, quod facultate excellant. Nam qui tres sacros e miobolos furatus est, aliā faceret quæcunque ini-

*Arbiter dī
fert à Iudice*

*Maiores &
minores ini-
uria.*

iniuriam. Ac aliquando quidē hoc modo maior iudicatur; aliquando uero ex noxa.

2 Et cuius non est æqualis pœna, sed omnis minor.

3 Et cuius non est medicina: difficilis enim res est, atq; eiusmodi, ut fieri nequaquā possit.

4 Et cuius non potest iudicium obtinere ille, qui passus est: res enim est, quæ curari nō potest. Nam iudicium, & castigatio medicina sunt.

5 Et, si is, qui passus est, & iniuriam accepit, ipse se ualde castigauit: adhuc enim, qui tectit, dignus est, qui magis castigetur; ut Sophocles cū causam diceret pro Euctemone, quoniā occidit se ipsum, qui contumeliam passus erat, dixit se non æstimaturum minoris, quàm quo se ipsum ille, qui passus erat, æstimauit.

6 Et quā solus, uel primus, uel cū paucis fecit.

7 Et sæpe in eadē re peccare, magna iniuria est.

8 Et propter quam quæsitæ sunt, & inuēta, quæ prohibent, & quæ puniunt; ut Argis puniunt eum, propter quem lex lata est; & eos, propter quos carcer ædificatus est.

9 Et magis ferina iniuria, maior.

10 Et quæ magis ex prouisione.

11 Et quā audientes timēt magis, quā miserātur.

12 Ac ea quidem oratoria sunt, quòd multa sustulit iura, aut transgressus est, ut iusiurandum, dexteram, fidem, connubium: multarum enim iniuriarum exuperantia est.

13 Et quod ibi, ubi castigantur, qui iniuriam inferunt id, quod faciunt falsi testes. ubi enim iniuriosus non erit, si & in foro?

14 Et in quibus est pudor maxime.

15 Et si eum iniuria afficiat, à quo beneficio affectus est: plures enim iniurias facit, tum quòd male

faciat, tum quòd non benefaciat.

16 Et id, quod est contra iura non scripta: melioris enim hominis est, non esse iustum propter necessitatem. Ac scripta quidem sunt ex necessitate: non scripta uero nequaquam.

17 Alio autem modo si còtra scripta. Nam qui in rebus metuendis iniuriam facit, & in ijs, quæ pœnæ obnoxia sunt, etiam iniuriam faciet in ijs, quæ non sunt obnoxia.

Ac de iniuria quidē maiore, & minore dictū ē.

DE FIDE NON ARTIFICIOSA.



Equitur, ut excurramus fidem, quæ dicitur arte carens; quia propria ipsa sit rerum iudicium.

Quintuplex autem est, leges rectes, pacta, quaestiones, iusiurandum.

Ac primū quidem dicamus de legibus quomodo ei, qui suadet, & qui dissuadet, & qui accusat, & qui defendit, ipsis utendum sit.

1 Apparet .n. si lex scripta contraria sit factō, utendum esse iure communi, & æquis tanquam iustioribus & quòd iudicare optima mente utendo, nihil aliud est, nisi non omnino scriptis uti. & quòd æquum quidem semper manet, & nunq̃ immutatur, neq; lex communis; est enim secundum naturam: scriptæ uero leges sæpe. Vnde dictum est in Antigone Sophoclis, cū illa scilicet defendit se egisse contra legem Creontis, sed nō contra non scriptam;

Hoc nanq; non hodie, aut heri, at semper fuit. Ideo ego non timeo uiri illius minas.

Et quod iustum est uerum quiddā, & utile, sed

E non

*Fides non artificiosa quā
tuplex.*

De legibus.

*Lex scripta
facto contra
ria reprehē
ditur qua
tuor modis.*

non quod uidetur. Quare quæ scripta est, non est lex : non enim obit munus legis.

et q̄ iudex est tanq̄ argentarius, ut discernat adulterinum iustum à uero.

et quòd melioris uiri est uti non scriptis, quàm scriptis, & stare illis, quàm his.

2 Et si qua in re lex scripta contraria sit legi, quæ probetur; uel ipsa sibi ipsi; ut hæc quidem aliquando iubet rata esse, quæcunq; homines pepigerunt: illa uero uetat pactiones fieri contra legem.

3 Et si ambigua sit, ita ut torqueas, & uideas, in utram deductionem quadrare iustum possit, aut utile, & sic eo utaris.

4 Et si res illæ, de quibus lata lex est, non amplius maneat; lex uero maneat: conandum tibi est, ut id declares, & pugnes hac ratione contra ipsam.

*Lex scripta
cum factocō
sentiens pro
batur.*

Si uero lex scripta ad factū accommodata sit, tunc dicendum est, optima mente non esse, ut iudicet contra legem, sed ut si ignoret id, quod lex dicit ne peieret.

Et neminē eligere bonū simpliciter, sed quod sibi bonum est.

Et nihil interesse, legē nō ferri, & nō obseruari.

Et in alijs artibus utile non esse agere captiose, ut contra medicum: quia non tantum nocet error medici, quātum si quis non obedire principi assuescat.

Et studere se esse legibus sapientiozem, esse id, quod in probatis legibus prohibetur.

Ac de legibus quidem hæc dicta sint.

De testib.

Quod attinet ad testes, duo corū sūt genera.
1 Nā alij sunt antiqui: alij noui; & ex his alij participes periculi: alij extra periculum. Voco
anti-

antiquos, & poetas, & alios omnes illustres uiros quorum iudicia clara sunt. ut Athenienses Homero teste uisi sunt de Salamine. & Tenedij nuper Periandro Corinthio aduersus Sigeenses. & Cleophon cōtra Critiā elegis Solonis usus est, dicens olim petulantem extitisse familiam eius; non. n. unq̃ cecinisset Solon, Dic flauo Critiæ, ut studeat parere parenti. Ac de rebus præteritis, eiusmodi sunt testes.

De futuris uero etiā interpretes oraculorū, ut Themistocles, ligneum murū significare nauibus pugnandum esse. præterea uero prouerbia ex eo, quod dictum est genere testimonia sunt; ut si quis consulat, ne paretur amicus, qui senex sit, ei attestatur prouerbum, In senem beneficium ne conferas. Et ut tollat filios, quorum etiam parentes sustulerit, Stultus, qui natos occiso patre relinquit. Noui sunt, quicunq; illustres iam aliquid iudicarunt; ut Eubolus in iudicijs eo usus est contra Charetem, quod Plato dixit aduersus Archibium, Illud increbuit in ciuitate, ut homines se improbos esse fateantur. Et participes periculi noui sunt testes, si uisi fuerint falsum dicere. Ac huiusmodi quidem testes illud tantūmodo testantur, Factū sit, nec ne; sit nec ne; de qualitate uero nihil testantur, ut iustum ne an iniustum; utile, an inutile. Qui uero longinqui sunt, de his etiam sunt dignissimi fide. Antiqui uero dignissimi fide, quia incorrupti. Et certa fides ducitur à testimonijs.

Cum quis testes non habeat, poterit dicere, ex uerisimilibus iudicandū esse; & hoc significare optima mente esse.

Nec licere argento uerisimilia corrumpere.

Nec uerisimilia argui, quòd falsum dicant.

Cum testes habeat, aduersus eum, qui non habeat, dicet, uerisimilia iudicio subiecta non esse. Et nihil opus fore testimonijs, si rationes satis rem probarent.

2 Sunt autem testimonia partim de ipso, partim de aduersario.

3 Et alia quidē de facto: alia uero de moribus. Quare apparet nunq̄ fore, ut testimonio utili careamus. quia si non adsit de facto, quod aut ipsi faueat, aut controuersanti aduersetur; at de moribus ipsius aderit ad ostendendam probitatem, uel de moribus controuersantis, ad ostendendam improbitatem.

4 Alia uero de teste, aut amico, aut inimico, aut medio;

5 aut probato, aut infami, aut medio; & quæcunq; aliæ eiusmodi differentię ex iisdem locis ducendæ sunt, ex quibus etiam ducimus enthymemata.

De pactis.

De pactis eatenus orationis usus est, quatenus auget illa, aut diminuit, aut fide efficit digna, aut indigna. si pro se faciant, fide digna, & rata, si pro aduersario, contra. Atq; ad ea quidem fide digna, aut indigna efficienda idem ualet, quod ad testiū tractationē. quales enim sunt, qui i inscripti sūt, aut qui asseruant, talem fidem ipsa habent pacta. Cum autem cōstat pactū existere, si pro se faciat, augendum est; quod pactum lex est priuata, & secundum partem.

Et pacta quidem non efficiunt legem ratam: leges uero pacta efficiunt rata, quæ cum lege conueniant.

Et omnino lex ipsa est quoddam pactū. Quare quicūq; pacto fidem non habet, & pactum tollit, leges tollit. præterea aguntur multa ex contractibus

bus & quæ sponte aguntur, ex pactis sunt. Quare si pacta irrita fiant, hominū inter se usus tollitur. Itemq; alia, quæcunq; huic disputationi conueniunt, satis clara sunt.

Quod si pactum contrarium sit, faciatq; cum eo, qui controuersatur, primum ea conueniunt, quibus aliquis aduersus legem cōtrariam pugna uerit: absurdum enim est, putare legibus quidē parendum non esse, quoties non recte latæ sint, sed qui rulerunt, fraudem fecerint, pactis uero necessario parendum.

Deinde illud, Iusti dispensatorem esse iudicem; ut nihil aliud sit ei considerandum, nisi id quod iustius est.

Et iustum quidē nō licere peruertere nec fraude, nec necessitate; quia natura factū sit; pacta uero fieri & à deceptis, & à coactis. Ad hæc cōsiderandū est, an cōtraria sint alicui ex legibus scriptis, alicui ex communibus & iustis, & honestis.

Præterea, an alijs pactis posterioribus aut prioribus. aut enim posteriora rata sunt, & priora irrita: aut priora recta sunt, & posteriora falsa, utroque enim modo erit utile. Deinde expedit uidere, si qua in parte iudicibus aduersentur & quæcunq; alia eiusmodi: hæc enim similiter ad cognoscendum facilia sunt.

Quæstiones testimonia quædā sunt. fidē uero uidetur habere, quia aliqua iſit in eis necessitas. Nō est igitur difficile, earum uim intelligere, & quæ de eis dici possunt, explicare. Nam si pro nobis faciant, eas āplicare licet, quod solæ ueræ sint ex genere testimoniorum.

Si nobis aduersentur, & pro aduersario faciant, earum ueritatē poterit aliquis euertere, de uni

*De quæ-
stionibus.*

uerso dicens genere quæstionum. Nihil enim minus, qui coguntur, falsa, quàm uera dicunt. Nam ea, quæ uera sunt, occultant, qui dolorem tolerant, & qui facile mentiuntur, ut citius requiescant. oportet autem habere potestatem referendorum ad huiusmodi res exemplorum, quæ illis, qui iudicant, cognita sunt.

De iureiurando.

Iurisiurandi ratio quadripartita est; aut enim offert, & accipit: aut neutrum facit: aut vnum quidem, alterum uero nequaquam; & ex his aut offert quidem, non autem accipit: aut accipit, non offert. præterea uero uidendum est, an iuratum iam fuerit, siue ab ipso, siue ab alio.

Ac non offert quidem, quòd facile peierant.

Et quòd cum quis iurauerit, pecunias nequaquam reddit. ipse uero arbitratur fore, ut damnationem conficiat etiam hominibus non iuratis.

Et quòd melius est iudicum periculum subire, quia his quidem credat, illi uero nequaquam.

Non accipit uero, quòd pro pecunijs iurandum est.

Et quòd si ille improbus esset, iuraret, quia melius est, alicuius rei causa esse improbum, quàm nullius: iuratus enim pecunias habebit: iniuratus uero nequaquam.

Quare non iurare eueniet propter virtutem, non propter periurium.

Quadrat etiam illud Xenophanis, quòd ipsa prouocatio nō est æqualis impio aduersus pium. sed similis, ac si robustus debilem ad verberandum, vel ad vapulandum prouocaret.

Si accipit, dicet, se sibi credere, illi uero nequaquam, ut etiam illud Xenophanis inuertat, simili-

simile esse, si impius offerat, pius iuret. Et graue esse, se nolle iurare ijs de rebus, de quib existimat dignum esse iuratos iudices sententiam ferre.

Si offert, dicet, pium esse, uelle Deis rem committere. Neq; opus esse alios iudices rogare, cum ipsi iudicium offerat.

Et absurdū esse cum nolle iurare ijs de rebus, de quibus iudicat dignum esse alios iurare.

Et, quoniam manifestum est, quomodo de singulis dicendum sit; patet etiam, quomodo dicendum de ijsdem, si copulētur, ut si ipse quidem uelit accipere, at non offerre, & si offerat quidem, accipere uero recuset, & si uelit accipere, & offerre. & si neutrum uelit.

Ex ijs enim, quæ dicta sunt, necesse est, ut hæc ipsa copulentur. Itaq; necesse etiam est, ut rationes ex ijsdem copulentur.

Quod si ab ipso contrarium iuratum fuerit, ipse dicet non esse periuriū, propterea quod qui iniuriam facit, sponte agit, & peierare est iniuriā facere. at quæ ui, & quæ fraude fiūt, nō spōte fiūt.

Hic igitur etiam concludendum, periurium in mente, non in ore consistere.

Si ab aduersario iuratum fuerit, dicet, eū, qui non stet illis, quæ iurauerit, omnia subuertere, quia hæc etiam de caussa legibus utantur iurati iudices.

Et in hunc modum; Nos quidem dignum existimamus, stare uos ijs, quæ iurati iudicetis, ipsi uero non stabimus?

Et quæcunq; alia dixerit aliquis amplificando.

Ac de fide quidem artis experte tam multa dicta sint.

Finis Libri primi.

E 4

ARI-

ARISTOTELIS⁷³

ARTIS RHETORICAE.

ANTONIO RICCOBONO

Interprete.

Liber Secundus.

DE MORIBVS, ET AFFE-
CTIBVS.



RX quibus quidem rebus oporteat
tum suadere, tum dissuadere,
tum vituperare, tum laudare,
tum accusare, tum defendere;
& cuiusmodi opiniones, ac pro-
positiones utiles sint ad cōficien-
dam harum rerum fidem, ha-
ecenus dictum est. De his enim, & ex his enthy-
memata ducuntur, ut proprie in vnoquoque gene-
re loquamur. Quoniam vero iudicationis causa
Rhetorica est (etenim tum consilia iudicant, tum
iudicium est iudicatio) necesse est non solum
ad orationem respicere, quomodo demonstrati-
ua futura sit, & fide digna: verum etiam orato-
rem, & iudicem aliquibus moribus præditum cō-
parare. Multum enim interest, primum quidem
in consilijs: deinde vero etiam in iudicijs, tum
si aliquibus moribus ornatus appareat orator, tū
si existiment erga ipsos aliquo modo cum se habe-
re; tum vero si & ipsi affecti aliquo modo sint.

Ac

*Repetis quæ
superiore li-
bro tradita
sunt.*

*Cum demon-
stratione co-
gnoscedi mo-
res, & affe-
ctus.*

Ac oratorem quidem quibusdam moribus præditum apparere consilijs prodest magis: auditorem vero aliquo modo affectum esse, iudicijs. non enim eadem videntur amantibus, & odio habentibus, neque irascentibus, & leniter se habentibus, sed vel omnino diuersa, uel magnitudine diuersa. Amanti enim videtur is, de quo iudicationem habet, aut non iniuste agere, aut parum iniuste agere. Odio autem habenti contrarium. Ac concupiscenti quidem, & bene speranti si sit futurum iucundum, etiam videtur fore, & bonum fore: affectus vero experti, ac dubitanti contrarium.

DE MORIBVS ORATORVM.

*Tres mores
in oratore
exprimēdi.*



VR igitur ipsi oratores fide digni sint, tres sunt causæ; tot. n. existunt, præter demonstrationes, propter quæ fidem præstamus. hæc autem sunt prudentia, & virtus, & beneuolentia. Nam falsum sequuntur, in ijs, de quibus dicunt, vel consultant, aut propter hæc omnia, aut propter horum aliquid. Aut enim propter imprudentiam non recte id existimant: aut recte existimantes propter improbitatem, quæ ipsis videntur, non dicunt: aut prudentes quidem, ac probi sunt, sed non beneuoli. Itaque contingit, ut qui cognoscunt, optima consilia non dent. Ac præter hæc nihil habetur. Necessè igitur est, qui habere omnia hæc videatur, cum esse apud eos, qui audiunt, fide dignum. Iam, vnde prudentes, & virtute præditi appareant, sumendum est ex iis, quæ de virtutibus explicata sunt: ex iisdem enim & alterum aliquis, & se ipsum eiusmodi

eiusmodi comparabit. De beneuolentia autem, & amicitia dicendum erit nunc in ijs, quæ pertinent ad affectus.

DE AFFECTIBVS.



Vnt vero affectus, propter quos cum se immutent, differunt in iudicationib. quos sequitur molestia, & voluptas, ut ira, misericordia, metus, & quæcunq; alia eiusmodi, & his contraria.

Oporteret autem diuidere ea, quæ de vnoquoq; tradentur, in tria, ut quærat exempli causa de ira, tum quomodo affecti iracundi sint; tum quibus irasci consueuerint, tum in quibus: si enim vnum, vel duo ex his teneamus, & non omnia, fieri non poterit, ut iram excitemus. Similiter vero etiam de alijs. Quemadmodum igitur & in ijs, quæ ante dicta sunt, descripsimus propositiones: sic etiam in his faciemus, & ipsa diuidemus eo, qui dictus est, modo.

Iam uero sit ira appetitio cum dolore, eius, quæ apparet ultionis propter eam, quæ apparet despicientiam vel in se, vel in suorum quempiam non conuenienter.

Et quoniam ira huiusmodi est, ut is, qui irascitur, semper alicui singulare irascatur, necesse est, ut Cleoni, sed non homini.

Et quia sibi, aut suorum alicui aliquid fecit, aut facturum fuit.

Præterea vero ut aliqua voluptas omnem iram consequatur ex spe vlciscendi. iucundum enim est, existimare, se consequuturum esse, quod appetit, nemo autem appetit, quæ videntur fieri non posse.

At

*Affectus
qui.*

*Tria tradē
da de mo-
quoque affe-
ctu.*

Ira quid sit.

*Ira aduer-
sus singula-
ria.*

*Ira oritur
ex facto, vel
delibera-
tione facti.*

*Voluptas
quædam se-
quitur irā.*

At, qui irascitur, appetit, quod à se fieri potest.
 Quamobrem recte dictum est de ira;

Lib. 13. 11.

Dulcior effuso quæ melle in pectore crescit.
 Consequitur enim voluptas quædam & ex hoc, &
 ex eo quia cogitatione in vlciscendo versantur.
 Quæ igitur tunc fit phantasia, voluptatem parit,
 ut etiam, quæ in somnijs.

Et, quoniam Despicientia est actus opinionis
 in eo, quod nihil æstimandum videtur (etenim
 mala, & bona digna esse studio arbitramur, &
 quæ ad hæc referuntur, quæ vero sunt nihil, aut
 admodum parua, nulla re existimamus digna
 esse) tres sunt species despicientiæ tum contem-
 ptio, tum incommodatio, tum contumelia.

*Tres spe-
 cies despi-
 cientiæ.*

Cōtempzio.

Qui enim contemnit, despicit, & paruifacit;
 quæ enim arbitrantur nulla re digna esse,
 ea homines contemnunt, quæ vero nulla re digna
 sunt, ea illi paruifaciunt.

*Incommoda-
 tio.*

Et qui incommodat, contemnere videtur: est
 enim incommodatio impedimentum, quod sit
 voluntatibus non ut aliquid sibi eueniat, sed ut
 ne illi.

Quoniam igitur non spectat, ut sibi aliquid
 eueniat, paruifacit. id enim manifestum est,
 quia nec obfuturum existimat; nam timeret, &
 non paruifaceret: nec profuturum vlla in re,
 quæ vllum habeat momentum: nam curasset, ut
 esset amicus.

Contumelia

Et qui contumeliam infert, paruifacit. Est
 enim contumelia, nocere, & molestum esse in
 ijs, in quibus dedecus patienti contingit, non
 ut sibi aliquid aliud eueniat, nisi quod euenit,
 sed ut voluptatem percipiat. Etenim par pa-
 ri referentes contumeliam non faciunt, sed
 vlciscuntur. Causa vero voluptatis est contu-
 meliam

meliam inferentibus, quod arbitrantur malefaciendo se magis excellere. Quamobrem iuvenes, & diuites contumeliosi sunt. excellere enim se arbitrantur contumeliam inferendo. Contumeliæ vero est, non æstimare. Et qui non æstimat, paruifacit. Quod enim nulla re dignum est, nullam habet æstimationem neque mali, neque boni. Quamobrem irascens ait Achilles.

Non æstimauit, quoniam donum abstulit ipse,

Lib. 1. Il.

Et, Tanquam non æstimandum profugum.

Lib. 9. Il.

ut qui propter hæc irascatur.

Conuenire autem arbitrantur se magnifici ab inferioribus, secundum genus, secundum facultatem, secundum virtutem, & omnino secundum id, in quo aliquis longe excellit; quemadmodum in pecunijs diues pauperi, & in dicendo, eloquens ei, qui dicendo non valet, & imperans ei, cui imperatur, & qui existimatur esse dignus, qui imperet, ei, qui dignus, cui imperetur. Quamobrem dictum est;

*Qui debeas
magnificere
conueniēter.*

Ab Ioue natorum iracundia maxima regum, Et alibi.

Lib. 2. Il.

Lib. 2. Il.

Quinetiam deinceps iram sub pectore seruat,

Lib. 1. Il.

Donec perficiat. molestiam enim habent propter excellentiam. Præterea à quibus aliquis putat oportere benigne fieri. Isti autem sunt, quos beneficio affecit, vel afficit, aut ipse, aut suorum aliquis, aut propter ipsum vel vult, vel voluit.

Iam igitur ex his apparet, quomodo se habentes ipsi irascantur, & quib. & propter quæ.

1 Ipsi quidem irascuntur, quoties dolcant. Nam dolens appetit aliquid.

Qui irascitur.

2 Igitur siue directo obstiterit aliquis, quemadmodum

modum sitienti ad bibendum; siue non directo idem similiter facere videatur; & si refragetur aliquis, & si non suffragetur; & si qua alia in re turbarit hoc modo se habentē: omnib. irascitur.

3 Quamobrē ægrotantes paupertate laborātes, amātes, sitientes, omnino cupientes, & non recte agētes, iracundi sunt, & qui concitentur idonei.

4 Maxime quidem aduersus eos, qui rem præsentem paruifaciunt, vt ægrotans quidem in ijs, quæ pertinent ad morbum; paupertate autem laborans in iis, quæ ad paupertatem; bellator in iis, quæ ad bellum; amator in ijs, quæ ad amorem; similiter vero etiam in alijs; præparatur enim quisq; ad suā cutusq; iram ab inhærente affectu.

5 Et, si acciderit, contra quā expectabat: molestiam enim affert maiorem, quod multum, & præter opinionem accidit: quemadmodum etiam delectat, quod multum præter opinionem accidit, si sit, quod vult.

6 Quamobrem ex his apparent & horę, & tempora, & affectiones, & ætates, quales ad iræ commotionem faciles sint, & quando, & vbi, & vt, cum magis in his sunt, magis etiam commouentur.

Ac ipsi quidem sic se habentes facile ad iram concitantur.

*Quibus ira
scantur.*

1 Irascuntur autem & ijs, qui irrident, & ijs, qui subsannant, & ijs, qui illudunt.

2 Et ijs, qui nocent in eis, quæ contumeliæ signa sunt. necesse autem est, vt talia sint, quæ neque pro aliqua re, neque vtilia agentibus sunt. Iam enim videntur esse propter contumeliam.

3 Et ijs, qui maledicunt, & ijs, qui contemnant in ijs, quibus ipsi maxime student; vt qui in philosophia cupiunt alios superare, si quis in philosophiam inuchatur; qui vero in forma corpo-

ris,

ris, si quis in formam; similiter uero etiam in alijs. Atque hæc multo magis, si suspicentur ipsa non adesse sibi, uel non omnino, uel non firme, uel non existimari.

4 Et amicis magis, quàm non amicis: arbitrantur enim conuenire magis se ab ipsis beneficio affici, quàm non affici.

5 Et ijs, qui consueuerint ipsos honorare, aut ipsorum curam habere, si non amplius ita consuetudinem habeant. etenim ab his arbitrantur se contemni: idem enim facerent.

6 Et ijs, qui beneficium non reddunt, uel par non tribuunt. & ijs, qui contraria faciunt, ac ipsi faciunt, si inferiores sint. contemnere enim eiusmodi omnes videntur. Atque hi quidem contemnunt, ut eos, qui inferiores sint: illi uero tanquàm ab inferioribus beneficio affecti.

7 Et iis, qui in nulla sunt exultatione, si despiciant. Positum enim est iram esse despicientiæ aduersus non conuenienter se gerentes. conuenit autem inferioribus non contemnere.

8 Et amicis, si non benedicant, aut faciant; & præterea magis, si contraria faciant; & si non sentiant ipsos indigere; ut Antiphontis Plexippus Meleagro: quia non sentire, despicientiæ signum est; quæ enim curamus, ea non latent.

9 Et ijs, qui gaudent rebus aduersis; & omnino ijs, qui bono animo sunt in ipsorum rebus aduersis. etenim uel inimici, uel despicientis signum est.

10 Et ijs, qui, si molesti sint, id non curant. Quobrem & mala nunciantibus irascuntur.

11 Et ijs, qui aut auscultant de ipsis, aut spectant ipsorum mala: similes enim sunt aut iis, qui parafaciunt, aut inimicis. Amici enim condolent.

Spectantes

Spectantes vero propria mala omnes dolent.

12 Præterea paruifacientibus apud quinque ; apud eos, quibuscum de honore concertant ; apud eos, quos admirantur ; apud eos, quibus volunt se admirationi esse ; apud eos, quos reuerentur ; apud eos, qui ipsos reuerentur . inter hos, si quis paruifaciat, irascuntur magis.

13 Et paruifacientib. in eiusmodi reb. quas nō adiuuare ipsis turpe est, ut parentes, filios, vxores, subditos .

14 Et gratiam non agentib. præter conueniens enim est despicientia.

15 Et dissimulatione vtentibus apud eos, qui serio agunt : pertinet enim ad contemptionem dissimulatio.

16 Et benemeritis de alijs, si non etiam de ipsis benemeriti sint. etenim pertinet ad contemptionem non estimare ipsum esse dignum iis, quibus omnes dignos æstimet.

17 Conficiens vero iræ etiā obliuio est, ut quæ est pene etiam nominum ; despicientiæ enim etiam obliuio videtur signum esse. Nam propter non curantiam fit obliuio : non curantia autē despicientia est.

Ac quibus quidem irascātur, & quomodo se habentes, & propter cuiusmodi res, dictum est.

*Quomodo
excitesur
ira.*

Manifestum autem est oportere parare ipsos oratione tales, quales cum existunt, iracunde se habent ; & aduersarios iis rebus affines, in quibus irascuntur, & tales, qualib. irascuntur.

Quoniā vero irasci, & leniri contraria sunt, & ira, & lenitas ; sumendum est, & quomodo se habentes lenes sint, & erga quos leniter se habeant, & per quæ leniantur. Iam sit lenitas constitutio, & remissio iræ.

Si

8 Si igitur irascuntur despicientibus despicientia vero est sponte; manifestum est, lenes esse & ijs, qui nihil horum faciunt, vel non sponte faciunt, vel apparent tales.

*Quib. lenes
sint.*

2 Et volentibus contraria ijs, quæ fecerunt.

3 Et quicumque etiam in ipsos tales sunt: nemo enim videtur se despiciere.

4 Et confitentibus, & quos penitet: requiescunt enim ab ira, quasi illi loco pœnæ molestia afficiantur in ijs, quæ facta sunt. Signum vero habetur in castigatione famulorum: inficientes. n. & contradicentes magis castigamus: verum aduersus confitentes se iuste castigari, excalescentes conquiescimus. Causa videtur esse, quod impudentia est manifesta negare; impudentia vero despicientia, & contemptio est. Quos igitur valde contemnimus, propter eos pudore non afficimur.

5 Et se submittentibus, nec contradicentibus. videntur enim confiteri se esse inferiores. At inferiores timent. Qui vero timeat, nemo paruifacit. Requiescere autem iram aduersus se submittentibus, etiam canes manifestum faciunt, non mordentes eos, qui prostrati sunt.

6 Et serio agentibus cum serio agentibus. Videtur enim serio agi, & non contemni.

7 Et ijs, qui in re maiori gratificati sunt.

8 Et rogantibus ac deprecantibus, submissiores enim sunt.

9 Et contumeliosis, ac subsannantibus. atque parui facientibus. aut nullius, aut non bonorum, aut non talium, quales ipsi sunt omnino aut ex contrariis oportet considerare ea, quæ pertinent ad lenitatem.

10 Et ijs, quos timet, & propter quos pudore afficitur. Nam quoad ita se habent, non irascuntur: sed i

F enim

enim non potest, ut simul timeant, & irascantur.

11 Et ijs, qui fecerunt per iram, aut non irascuntur, aut minus irascuntur: non enim propter despicientiam videntur egisse. nemo enim, qui irascatur, despicit. etenim despicientia uocat dolore: ira vero cum dolore est.

12 Et ijs, qui propter ipsos pudore afficiuntur.

Lenes qui.

1 Et qui contrario modo se habent, ac illi, qui irascuntur, profecto lenes sunt; quemadmodum in ludo, in risu, in festo, in felici die, in recta actione, in saturitate, omnino in indolentia, & voluptate sine contumelia, & in spe æqua.

2 Præterea vero qui commorati sunt in ira, nec recenter irascuntur: sedat enim iram tempus.

3 Sedat autem & alterius iram maiorem poena de alio prius sumpta. Quamobrem recte Philocrates, dicente quodam, dum populus irasceretur, quid te non defendis? Nondum, inquit. Verum quando? Cum alium videro in crimen vocatum. Lenes enim fiunt, quando in alium iram consumpserunt; quemadmodum contigit in Ergophili casu. Magis enim ei succensentes, quam Callistheni, eum dimiserunt, propterea quod Callisthenem pridie morte multauerant.

4 Et, si conuicerint.

5 Et, si maius malum passi sint, quam attulissent ijs, qui irascuntur: putant enim se quasi poenam sumpsisse.

6 Et, si se iuste agere arbitrantur, & iuste pati. non enim oritur ira aduersus iustum: quia non amplius putant se pati præter id, quod conuenit; ira autem erat id ipsum. Quamobrem oratione oportet prius castigare: minus enim moleste ferunt, dum castigantur, etiam serui.

Et

7 Et si putant fore, vt non sentiant agi ab ipsis, aut pro ijs, quæ passi sunt. ira enim singularium est; idq; patet ex definitione. Quamobrem recte scriptum est, Dicitō Vlyssēm euersorem vrbis. Quasi non ultus esset, si non sensisset, & a quo, & pro quo. Quare neque alijs, quicunque non sentiunt, irascuntur, neq; mortuis amplius; quippe qui passi sint extremum, & non sint dolituri, neq; sensuri. id quod appetunt illi, qui irascuntur.

lib. 9. Odyss.

Itaq; bene de Hectore poeta, dum uellet Achillem mitigare ab ira aduersus mortuum, Mutam equidem terram furibundus verberat.

Lib. 24. Il.

Manifestum igitur est, iis, qui uolunt lenire, ex his locis dicendum esse, parantibus quidem ipsos eiusmodi; illos vero, quibus irascuntur, aut metuendos, aut reuerentia dignos, aut bene meritos, aut inuitos, aut valde dolētes reb. factis.

*Quomodo
leniendum.*

Iam quos ament, & odio habeant, & quam ob causam, dicamus, cum definiuerimus, quid sit amicitia, & amare. Sit igitur amare, uelle alicui, quæ putat bona, illius causa, sed non ipsius, & pro uiribus eorum effectorem esse. Amicus vero est amans, & redamans. Et amici putantur, qui sic se habere inuicem existimantur.

Amare quid

Amicus qui

1 His positis necesse est, amicum esse, simul lætantem bonis, & simul dolentem molestis, non propter aliquid aliud, sed propter illum. Secutis enim ijs, quæ uolunt, gaudent omnes. contrarijs vero dolent. Quare voluntatis signum sunt dolores, & voluptates.

*Qui ament,
& redamentur.*

2 Et quib. iam sunt eadem bona, & mala.

3 Et qui sunt ijsdem amici, & qui sunt ijsdem inimici: necesse enim est, vt hi eadem uelint. Quare qui uult etiam alij, quæ sibi uult, ei esse amicus uidetur.

F a Et

Quos amēs.

1 Et eos amant, qui benefecerunt aut ipsis, aut ijs, quos caros habent, aut si valde, aut si prompte, aut si in talibus temporibus, & ipsorum causā; aut eos, quos putant uelle benefacere.

2 Et amicorum amicos.

3 Et amantes eos, quos ipsi amant.

4 Et qui amantur ab iis, qui amantur à se ipsis.

5 Et inimicos eisdem.

6 Et odio habentes eos, quos ipsi odio habent.

7 Et qui odio habentur ab eis, qui odio habentur à se ipsis. Omnibus enim his esse eadem bona videntur, ac sibi ipsis, ut velint, quæ ipsis bona sunt; id quod erat amici.

8 Præterea beneficos in pecunias, & in salutē. Quāobré liberales, & fortes honorant, & iustos. Tales autem existimant non viuentes aliunde. Et tales sunt, qui viuunt ex labore, & inter hos, qui ex agricultura, & opifices maxime.

9 Et temperantes, quia non iniusti.

10 Et ab agendo remotos propter idem.

11 Et quibus volumus amici esse, si uelle videantur; sunt autem eiusmodi tum boni ex virtute, tum qui bona existimatione sunt aut apud omnes, aut apud optimos, aut apud eos, qui suspiciuntur ab ipsis, aut apud eos, qui suspiciunt ipsos.

12 Præterea iucundos in communi vita, & communi consuetudine. Tales vero sunt & faciles, & non reprehensores peccatorum, & non studiosi victoriæ, neq; litigiosi. omnes enim tales pugnaces sunt. pugnaces autem velle contraria videntur. & dextri in eludendo, & in sustinendo. eisdē enim rebus ambo student, ac is, qui proximus est; tum qui possunt lacerari, tum qui eleganter lacerantur.

Et

13 Et laudantes præsentia bona, & ex his maxime quæ timent non adesse ipsis.

14 Et mundos in visu, in vestitu, in tota vita.

15 Et non exprobratores nec peccatorum, nec beneficiorum: ambo enim contentiosi.

16 Et non memores malorum, neque obseruatores criminum, sed, qui reconcilientur, idoneos: quales enim existimant esse erga alios, tales etiam erga ipsos putant.

17 Et non maledicos, neque scientes mala propinquorum, neque ipsorum, sed bona: bonos enim hoc facit.

18 Et non aduersantes irascentibus aut serio agentibus. pugnaces enim tales sunt.

19 Et se habentes erga ipsos aliquo modo, ut admirantes ipsos, & existimantes studiosos, & gaudentes ipsis.

20 Et affectos ira maxime in ijs rebus in quibus maxime ipsi volunt aut suspici, aut videri studiosi, aut iucundi.

21 Et similes.

22 Et eadem profitentes, si non impedian, neque ex eodem sit uita. Sic enim fit illud, Figulus figulo.

Hesiodus.

23 Et appetentes eadem, quorum contingit simul ipsos participes esse: sin minus, id etiam sic accidit.

24 Et apud quos sic se habent, ut pudore non afficiantur eorum, quæ sunt ad opinionem, cum minime contemnant.

25 Et apud quos pudore afficiuntur eorum, quæ sunt ad veritatem.

26 Et quibuscum de honore concertant, & quorum æmulationem appetunt, & non inuidiam, aut eos amant, aut eis amici esse volunt.

27 Et quibus bona procurarent, nisi ipsis maiora mala futura essent.

28 Et volunt amici esse eis, qui amant similiter absentes, & praesentes. Quamobrem tales etiam erga mortuos, omnes amant.

29 Et omnino ualde studiosos amicorum, & non derelinquentes: maxime enim ex bonis amant amicos bonos.

30 Et non fingentes, apud se ipsos. tales autem sunt etiam sua ipsorum vitia dicentes. Nam dictum est, apud amicos nos pudore non affici eorum, quæ sunt ad opinionem. Si igitur is, quem pudet, non amat, is, quem non pudet, amanti similis est.

31 Et non metuendos.

32 Et quibus confidimus: nemo enim cum, quem metuit, amat,

Species amicitiae.

Quæ efficiunt amicitiam.

Quæ efficiunt inimicitiam.

Ira differt ab inimicitia, et odio.

Species autem amicitiae sunt sodalitas, familiaritas, & cognatio, & quaecunque talia.

Conscientia uero amicitiae sunt gratia & non rogatum fecisse, & cum fecerit, non indicasse. Sui enim causa sic uidetur, & non propter alterum.

De inimicitia uero, & de odio constat contemplandum esse ex contrariis. Et conscientia inimicitiae sunt ira, incommodatio, contumelia.

1 Ac ira quidem est ex ijs, quæ sunt ad se ipsum: inimicitia uero etiam sine ijs, quæ ad se ipsum. si enim existimemus esse talem, odio habemus.

2 Et ira quidem semper aduersus singularia est, ut Calliam, Socratem: odium uero etiam aduersus genera. furem enim quisque odio habet, & sycophantam.

3 Et ex his duabus rebus illa quidem tempore sanabilis: hæc uero insanabilis.

Et

4 Et illa appetit molestia afficere : hæc malo potius . Sentiri enim vult , qui irascitur . huius uero nihil interest . sunt autem molesta omnia eiusmodi , vt sentiantur : Et quæ maxime mala sunt , minime sub sensum cadunt , iniustitia , & imprudentia ; non enim molestia afficit vitij præsentia .

5 Et illa quidem est cum molestia : hæc uero non cum molestia : qui enim irascitur , molestia afficitur ; qui odio habet , non afficitur .

6 Et ille quidem , si multa fiant , miserescit : hic uero nullius . ille enim vult talionem pati eum , cui irascitur : hic non esse .

Ex his igitur aperte contingit inimicos , & amicos demonstrare , qui sunt , & facere , qui non sunt , et dissoluere , qui dicunt se esse , & ducere eos , qui aut propter iram , aut propter inimicitiam cōtrouersantur , in vtram quis præligat partem .

Qualia uero metuant , & quos , & quomodo se habentes , sic apparet . Sit ergo metus molestia quædam , & perturbatio ex phantasia futuri mali , uel idonei ad interimendum , uel molesti . Non . n . omnia mala metuntur , quemadmodum ne fiat iniustus , aut tardus , sed quæcunque uel molestias magnas , uel interitus possunt afferre & hæc , quæ non longe , sed prope apparent , ut futura sint . Nam quæ admodum longe , non metuntur : sciunt enim omnes se morituros esse ; sed quia non prope , non curant .

1 Quòd si metus huiusmodi est , necesse est , ut ea sint metuenda , quæcunque apparent facultatem habere magnam interimendi , uel afferendi detrimenta ad molestiam magnam perducentia .

2 Quamobrem & signa huiusmodi rerum metuenda :

*Vsus eorū,
quæ de amo
re , & odio
tradita sūt.*

*Metus quid
sit .*

*Quæ sine
metuenda .*

7 Et quos metuunt præstantiores ipsis, propter eandem causam.

8 Et qui præstantiores ipsis sustulerunt.

9 Et qui inuasērunt inferiores ipsis: aut enim iam metuendi sunt, aut cum creuerint.

10 Et ex ijs, qui iniuriam passi sunt, & ex inimicis, vel aduersarijs non ad excandescendum proclines, & libere loquentes, sed mansueti, & dissimulatores, & malitiosi: obscuro enim sunt, an prope sint ad maleficiendum. Quare nunquā manifesti sunt, quia longe absunt.

11 Ex omnib. aut metuendis illa magis metuenda sunt, quæcumq; si errauerint, corrigi nō cōtingit, sed aut omnino fieri non possunt, aut non in ipsorum, sed in aduersariorum sunt potestate.

12 Et quorū auxilia nō sunt, vel nō facilia sunt.

13 Vt autem simpliciter dicam, metuenda sunt, quæcumque cum alijs eueniunt, vel euentura sunt, miserabilia existunt.

Quæ igitur metuenda sint, & quæ metuant, ferme, ut ita dicam, maxima hæc sunt.

Quomodo vero affecti ipsi metuant, nunc dicamus. Ergo si metus est cum expectatione patiendi aliquam perturbationem ad interimendū idoneam, apparet neminem metuere ex ijs, qui arbitrantur nihil se passuros, neque ea, quæ non arbitrantur, se passuros, neque eos, à quibus non arbitrantur, neque tunc, cum minime arbitrantur.

Neceffe igitur est metuere eos, qui arbitrantur aliquid se passuros, & qui ab his, & hæc, & tunc.

Non arbitrantur autem se passuros neq; qui existūt in magnis prosperitatibus, & existere existimantur; quamobrem contumeliosi sunt, & paruifactores, & audaces; efficiunt autem tales diuitiæ, robur, multitudo amicorum, potentia.

Neque

*Quæ magis
metuenda.*

*Qui metu-
ant, & non
metuant.*

Neq; qui existimant iam se passos esse atrociora omnia, & qui obliguerunt ad futurum, ut qui iam tympano torquentur. sed oportet aliquam subesse spem salutis in ea re, de qua angantur. Si gnium autem est, quia metus reddit paratos ad consulandum: atqui nemo consultat de rebus desperatis.

*Quomodo
metus mo-
uendus.*

Quare oportet tales parare, cum melius fuerit eos metuere, quod tales pati possunt, quia alij maiores passi sunt. & ostendere similes pati, aut passos esse, & ab iis, à quibus non arbitrabantur, & hæc & tunc, cum minime arbitrabantur.

*Fidentia
quid.*

Quoniam autem metus apparet, quid sit, & metuenda, & quomodo singuli se habentes timeant, apparet etiam ex his & fidere quid sit, & in quibus fidentes versentur, & quomodo affecti fidentes. Fidentia enim contraria est metui, & quæ fidentiam afferunt, iis, quæ metum. Quare est spes cum phantasia rerum salutarium ut prope existentium; metuendarum vero uel non existentium, vel longe existentium.

*Quæ fidentia
asserat.*

1 Quæ vero fidentiam afferunt sunt & atrociora longe, & fidentiam afferentia prope.

2 Et si adsint emendationes.

3 Et auxilia uel multa, uel magna, uel utraq;

4 Et si neque iniuriam acceperint, neque iniuriam intulerint.

Ob quos fident.

1 Et, si competitores vel non sint omnino, uel non habeant facultatem, uel facultatem habentes sint amici, vel beneficium fecerint, uel acceperint.

2 Vel si plures sint, quibus eadem prosint, vel præstantiores, vel utrique.

Qui fident.

1 Ipsi autem hoc modo se habentes fidetes sunt, si multa se recte egisse arbitrentur, & non passos esse.

Vel

2 Vel si sæpe inciderint in atrociam, & euaserint: bifariam enim homines fiunt expertes perturbationis, vel quòd experti non sint, vel quæ auxilia habeant; ut in periculis, quæ habentur in mari, & imperiti tempestatis futuris fidunt, & auxilia habentes propter experientiam.

3 Et quando similibus non sit res metuenda, neque inferioribus, & quibus præstantiores se esse arbitrantur. ijs autem arbitrantur, quos vicerunt, siue ipsos vicerint, siue ipsos præstantiores, siue ipsis pares.

4 Et si existere ipsis arbitrètur plura, & maiora, quibus excellentes metuendi sunt. Hæc autem sunt multitudo pecuniarum, & robur corporum, & regionis, & amicorum, & eorum, quæ ad bellum parantur, vel omnium, vel maximorum.

5 Et si iniuriam fecerint aut nemini, aut non multis, aut non iis, à quibus metuant.

6 Et omnino si ea, quæ ad Deos pertinent, ipsis egregie se habeant & alia, & quæ sunt à signis, & oraculis. Fidentiam enim affert ira. At non iniuriam facere, sed iniuriam accipere est efficiens iræ. numen autem existimatur auxiliari ijs, qui iniuriam accipiunt.

7 Et quoties priores impetum facientes vel nihil se pati, vel passuros esse, vel recte acturos arbitrantur.

Ac de metuendis quidem, & fidentiam afferentibus dictum est.

Qualia uero sint ea, quorum pudet, & non pudet, & apud quos, & quomodo se habentes, ex his erit manifestum. Sit autem pudor dolor quidam, & confusio in iis malis, quæ videntur pertinere ad existimationis offensionem, aut præsentibus, aut præteritis, aut futuris. Impudentia vero despicientia

Pudor quid sit.

spicientia quædam, & uacuitas perturbationis in his ipsis.

*Quarum re-
rum pudeat.*

1 Quòd si pudor est is, qui definitus est, necesse est pudere talium malorum, quæ videntur turpia esse ipsis, aut iis, quorum curam ipse habet. Talia autem sunt quæcunque opera à vitiositate proficiuntur.

2 Ut abijcere clypeum: nam id proficiscitur à timiditate.

3 Et fraudare deposito: nam ab iniustitia:

4 Et concumbere, quibuscum non oportet; aut ubi non oportet; aut quando non oportet: nam ab intemperantia.

5 Et lucrari à rebus paruis, aut à turpib. aut ab impotentibus, ut pauperibus, aut mortuis, unde & prouerbium, Etiam à mortuo ferre: nam à sordib. & ab illiberalitate.

6 Et non auxiliari, dum possis, in pecunias, aut minus auxiliari. & auxilium accipere à minus abundantib. Et mutuum requirere, quando videtur petere. Et petere, quando repetere. Et repetere, quando petere. Et laudare, ut uideatur petere. Et repulsam passum nihil minus: nam omnia hæc illiberalitatis sunt signa.

7 Laudare autem præsentē, adulationis signum est. Et bona quidem laudando extollere, mala uero obscurare. Et dolere uicem dolentis. Et alia omnia eiusmodi: nā adulationis signa sunt.

8 Et non tolerare labores, quos seniores, aut delicati, aut maiori licentia præditi, aut omnino impotentiores tolerant. nam omnia sunt signa mollietiei.

9 Et ab altero affici beneficio, & sæpe, & quæ fecerit, exprobrare: nam sunt omnia pusillanimitatis, & humilitatis signa.

Et

10 Et de se dicere, ac polliceri, & aliena esse sua affirmare: nam arrogantia est.

11 Similiter autem & in vnoquoq; aliorū vitiorum, quæ in more sunt, opera, & signa, & similia: nam turpia, & pudenda sunt.

12 Et ad hæc rerum honestarum, quarum oēs participes sunt, aut similes omnes, aut plurimi, participem non esse. Similes autem dico eiusdē nationis, ciuitatis, ætatis, cognationis, omnino æquales. Turpe enim iam est, non esse participē, vt eruditionis quadam tenus, & aliarum rerum si militer. Omnia vero hæc magis, si propter se ipsum appareant accidisse: sic enim sunt à vitio magis, si ipse sit causa eorum, quæ affuerunt, aut adsunt, aut affutura sunt.

13 Patientes autem, aut passos, aut passuros talia, pudet eorum, quæcunq; ad existimationis offensionem pertinet, & probra. hæc autē sunt, quæcunq; ad ministeria aut corporis, aut operū turpiū, ex quib. est cōtumeliæ perperessio. Et quæ ad intemperantiā & voluntaria, & nō voluntaria. Quæ vero ad vim, non voluntaria: nam ab ignauia, aut timiditate proficiscitur tolerantia, & ipsū non vlisci.

Quorum igitur pudet, hæc, & talia sunt.

Quoniā vero pudor est phātasia de offensione existimationis, & huius ipsius gratia, sed non corū, quæ inde eueniūt, ac nemo existimationis curā habet, nisi propter eos, qui existimant: necesse est pudere eorum, quorum rationem habet. Rationem autem habet eorum, qui suspiciunt, & quos suspicit, & à quib. vult suspici, & quibuscū de honore contendit, & quorum non contemnit existimationē. Ac suspici quidem uolunt ab ijs, & suspiciunt eos, qui habent aliquod bonum ex ijs, quæ preciosa sunt, aut à quib. aliquid valde requi-

*Quorum ha-
minum pu-
deat.*

requirunt ex ijs, quorum illi sunt domini; aut amatores. De honore autem contendunt, cum ijs, qui similes sunt. Et curant prudentes, ut eos, qui vera loquuntur. Tales aut sunt tum senes, tum eruditi.

2 Et eorum quæ sunt in oculo, & quæ in aperto, unde etiam existit prouerbum, Verecundiam in oculis esse. & ob id eorum, qui semper affuturi sunt, magis pudet; & eorum, qui attendunt ipsos: propterea quod ambo ante oculos sunt.

3 Et eorum, qui non sunt iisdem obnoxij: manifestum enim est, contraria his videri.

4 Et qui non ignoscunt ijs, qui apparent peccare: quæ enim aliquis ipse facit, ea dicitur in proximis non stomachari. Quare, si non faciat, manifestum est cum stomachari.

5 Et qui libenter, quæ sciunt, multis commemorant. nihil enim differt non videri, ac non enunciarı. commemorant autem libenter, tum iniuriam passi, propterea quod obseruant, tum maledici: si enim etiam eos, qui non peccant, multo magis eos, qui peccant.

6 Et quibus occupatio est in proximorum peccatis, ut subsannatorib. & comicis: maledici enim quodammodo ipsi sunt, & procliues ad enuncıandum.

Et à quibus nunquam repulsam tulerunt: affecti enim sunt, ut qui suspiciuntur. Quamobrem & eorum, qui prius aliquid petierunt, pudet, ut qui nondum existimationem amiserunt apud ipsos. Tales autem sunt & qui iamdiu volunt amici esse: quæ enim optima sunt, viderunt. Quamobrem bene se habet responsio Euripidis ad Syracusios. Et ex antiquis familiaribus, qui nullius rei conscij sunt.

7 Pudet autem non solum corū, quæ diximus, pudet

pu dendorum, sed etiam signorum, vt non solum cum in re Venerea uersantur, sed etiam cum existunt signa rei Venereæ. & non solum cum faciunt turpia, sed etiam cum dicunt. Similiter autem nō solum pudet eorum, quæ dicta sunt, sed etiam eorum, qui indicaturi sunt ipsos, vt famulorum, & qui ipsis amici sunt. Omnino autem non pudet eorum, quorum multi contemnūt existimationem, quod ad ueritatem attinet. neminē enim pudet belluarum, & puerorum; neque in eisdem rebus pudet notorum, & ignotorum, sed notorum quidem in ijs, quæ ad ueritatem existimantur: longinquorum uero in ijs, quæ ad opinionem tantum.

*Quos ph-
deas.*

1 Ipsos uero sic affectos pudet. primum quidē, si aliqui perinde se habuerint erga ipsos, ac diximus esse eos, quorum pudet. Erant autem isti aut qui suspiciuntur, aut qui suspiciunt, aut à quibus uolunt suspici, aut à quibus requirunt aliquam rem opportunam, quam non obtinebūt, si nullius existimationis extiterint. & isti aut uidentes, vt Cydias de Sami colonia concionatus est: petebat enim, vt existimarent Athenienses circumstare Græcos, vt uidentes, & non dumtaxat audituros, quæ decreuissent, aut si in promptu sint tales, aut sensuri sint. Quamobrem & conspici illi, qui aduersa fortuna utuntur, se ab æmulis nolunt: æmuli enim suspiciunt.

2 Et quando habeant ea, quæ dedecorent opera, & actiones aut suas ipsorum, aut proauorum, aut aliorum aliquorum, quibuscum sit aliqua ipsis propinquitas. & omnino eorum, quorum ipsos pudet. Sunt autem isti, qui dicti sunt, & qui ad ipsos referuntur, quorum magistri, aut consiliarij fuerunt.

Et, si

3 Et, si sint alij similes, quibuscum de honore concertant: multa enim pudore affecti propter tales faciunt & non faciunt.

4 Et qui conspiciuntur, & in aperto versabuntur cum conscijs, ebs magis pudet. Vnde & Antiphon poeta cū tympano torquendus esset à Dionysio, videns vna morituros se obnubere, vt ex ianua egressi sunt, dixit, Quid obnubitis? an, ne cras aliquis horum vos videat?

Ac de pudore quidem hæc: de impudentia vero manifestum est nos abundaturos esse ex contrariis.

Gratia quid Constat autem, tum quibus gratiam habeāt, tum ob quæ, tum quomodo se habentes, cum definiuerimus gratiam. Sit igitur gratia, per quam is, qui possidet, dicitur gratificari ei, qui indiget, non pro vlla re, neque ut aliquid eueniat ei, qui tribuit, sed vt aliquid ei, qui indiget.

Magna gratia qua. Magna autem, si aut eorum, qui valde indigēt, aut rerum magnarum, & difficilium, aut in talib. tēporib. aut solus, aut primus, aut in primis.

Indigentia. Ac indigentia sunt appetiones, & ex his illæ potissimum, quæ coniunctum dolorem habent rei, quæ non suppetit. eiusmodi vero sunt cupiditates, vt amor, & in corporis cruciatibus. & in periculis. etenim qui versatur in periculo, concupiscit, & qui in dolore. Quamobrem ijs, qui paupertate laborant, & exulant, etiam si res paruas tradiderint, propter magnam indigentiam, & temporis occasionem, gratiam tribuerunt, vt qui in Lyceo prebuit fiscellam. Necessè igitur est in res tales tributionem facere: sin minus, in pares, aut maiores.

Quomodo amplifice--tur gratia. Quocirca quia apparet & quando, & ob quæ fiat gratia, & quomodo se habentibus ex his apparatum

paratum faciendum esse manifestum est, demonstrando illos aut esse, aut fuisse in eiusmodi indigentia, ac dolore; hos vero dedisse in eiusmodi necessitate, tale aliquid tribuentes.

Apparet vero etiam unde diminuere contingat gratiam, & efficere gratię expertes.

*Quomodo
diminuitur.*

1 aut enim quod sua causa tribuunt, aut tribuerunt (id autem non erat gratia)

2 aut quod casu fecerunt:

3 aut coacti sunt:

4 aut quod magis reddiderunt, quàm dederunt, siue scientes, siue nequaquam: utroq; enim modo est aliquid pro aliquo. Quamobrem nec sic quidē erit gratia.

Et de omnib. categorijs consideratio habēda.

*In omnes ca-
tegorias in-
suendum.*

Nam gratia est {
aut quia hoc :
aut tantum:
aut tale :
aut quando :
aut ubi.

1 Signū uero est, si rem minorē non tribuerunt.

2 Et si inimicis aut easdem res, aut pares, aut maiores tribuerunt: manifestum enim est, ne hæc quidem nostri causa esse.

*Signa ani-
mi non bene
uoli.*

3 aut si res utiles tribuit sciens: quia nemo confitetur, se indigere uilibus.

Ac de tribuenda quidem gratia, & non tribuenda, dictum est.

Qualia uero miseraabilia sint, & quos misereantur, & quomodo ipsi se habentes, dicamus.

Sit igitur misericordia molestia quædā in eiusmodi malo, quod appareat habere vim interitus, & molestiæ afferendæ, eius, qui eo sit indignus, quod etiam ipse se passurum expectet, aut aliquē suorum; idq; , quando propinquum appareat.

*Quid sit mi-
sericordia.*

G Mani.

*Qui miser
sunt.*

Manifestum enim est, necesse esse, qui misera-
turus est, eum talem esse, ut putet mali aliquid pas-
surum aut se, aut aliquem suorum, & eiusmodi
malum, cuiusmodi dictum est in definitione, aut
simile, aut propinquum.

2 Quamobrem neque omnino perditii miseran-
tur: nihil enim amplius se passuros putant: passi
enim sunt.

3 Neque qui putant, se valde felices esse: sed cō-
tumeliam faciunt. si enim omnia putant sibi adesse
se bona, manifestum est, eos putare, se nihil mali
passuros. etenim hoc in numero est bonorum.

4 Sunt autem tales, ut putent se passuros, tum
qui iam passi sunt, & euaserunt.

5 Tum senes & propter prudentiam, & propter
experientiam,

6 Tum debiles, & timidiore etiam magis.

7 Tum eruditi: considerati enim sunt.

8 Tum quibus sunt parentes, & liberi, aut uxo-
res: propria enim hæc sunt, & possunt pati, quæ
dicta sunt.

9 Tum qui neque in fortitudinis affectu exi-
stunt, quemadmodum in ira, & fidentia: hi enim
de futuro non considerant.

10 Neque in affectione, quæ contumeliosa sit:
etenim isti nō considerant, se aliquid passuros esse:
sed inter hos medij.

11 Neque rursus metuentes valde: neque enim
miserantur metu perculsi, propterea quod in pro-
prio affectu versentur.

12 Et, si putant aliquos esse æquos: putans enim
neminem, omnes esse malo dignos existimabit.

13 Et omnino, quando sic se habet, ut memine-
rit res eiusmodi accidisse aut sibi, aut suis, aut pu-
tet fore, ut accidant aut sibi, aut suis.

Ac

Ac quemadmodum quidem se habentes miserentur, expositum est.

Quæ vero miserentur, ex definitione patent.

1 Quæcunque enim ex molestis, & tristibus habent vim interimendi, omnia miserabilia sunt, & quæcunque habent vim perdendi.

2 Et quorum malorum fortuna est causa magnitudinem habentium.

3 Sunt autem tristitia, & interitum afferentia mortes, & verberationes, & corporum cruciatus, & sequestus, & morbi, & alimenti indigentia.

4 Quorum uero malorum fortuna est causa, sunt priuatio amicorum, paucitas amicorum.

5 Quamobrem & diuelli ab amicis, & familiaribus miserabile est. Turpitudine, imbecillitas, debilitas.

6 Et unde conueniebat effici aliquid boni, inde aliquid mali contigisse. Et sæpe id contigisse. Et, posteaquam passus sit, boni aliquid factum esse, ut Diopirhi ea, quæ à rege missa sunt, quod mortuo missa sint. Et nihil boni factum esse; aut eorum, quæ facta sunt, non esse fructum. Ob quæ igitur miserentur, hæc, & talia sunt.

1 Miserantur vero & familiares, si non valde coniuncti sint necessitudine. Erga hos autem, ut erga se ipsos passuros, se habent. Quamobrem & Amasis in casu filij, qui ad moriendum perducebatur, lachrymas non effudit, ut asserunt: sed in casu amici, qui mendicabat, effudit. hoc enim est miserabile: illud vero atrox. Nam atrox diuersum est à miserabili, & habet vim pellendæ misericordiæ, ac sæpe in contrarium utile est.

2 Præterea miserantur, si ipsum atrox prope sit.

3 Et similes miserantur ætate, moribus, habitibus, dignitatibus, generibus. Nam in omnibus his magis apparet, quod etiam ipsi potest contingere.

Quæ miserentur.

Quos miserentur.

4 Omnino enim oportet assumere, quæcunq; si bi ipsis metuunt, ea alijs cum fiüt, ipsos miserari.

5 Quoniam vero miserabiles sunt perturbationes, quæ prope apparent; at quæ facta sunt ad decē millia annorū, aut futura sunt, ea neq; sperantes, neq; recordantes, aut omnino non miserantur, aut non similiter miserantur: necesse est, qui representantur figuris, & vocib. & vestitu, & omnino simulatione, miserabiliores esse: faciūt enim, ut p̄p̄inquū malū appareat, ante oculos proponentes, aut tanquā futurum, aut tanquā factum.

6 Et quæ facta sunt nuper, aut breui futura sunt, miserabiliora sunt propter idem.

7 Et signa, & actiones, ut vestes eorum, qui passi sunt. & quæcunque talia sunt.

8 Et sermones eorum, qui in perturbatione existunt, ut qui iam animam efflant,

9 Et maxime uirtute præditos esse, cū in talibus temporibus existunt: omnia enim hæc ad efficiendam miserationem aptiora sunt, propterea quia prope apparent; quasi ille indignus sit, & ante oculos perturbatio appareat.

Stomachatio, & misericordia opponuntur.

Opponitur autem maxime ei, quod miseratur, id, quod dicunt stomachari. Nam dolori, qui habetur propter indignas res aduersas, opponitur quodammodo, & per eosdem mores dolor, qui habetur propter indignas res secundas. & utræq; perturbationes sunt bonorum morum. oportet. n. vicem dolere eorum, qui indigne male agunt: stomachari uero ijs, qui bene. iniustum enim est, qđ sit præter dignitatem.

Stomachatio & inuidia inter se distinguuntur.

Quamobrem etiam Deos dicimus stomachari. Existimabitur uero etiam eodem modo opponi inuidia miserationi, quasi vicina, & eadem existens cum stomachatione: uerum diuersa res est. Nam

Nam inuidia quoque est molestia turbulenta, & propter prosperū euentum, sed non indigni, verū æqualis, & similis. Vtriq; uero similiter oportet existere illud, nō ut cōtingat ipsi aliquid aliud, sed ut perturbetur propter ipsum proximum. Nō enim amplius erit illud quidē stomachatio, hoc vero inuidia, sed metus, si ob id existat molestia, & perturbatio, quōd ipsi aliquid mali futurū sit ex illius prosperitate.

Differunt a metu.

Apparet autem contrarias perturbationes consecuturas esse has ipsas. Qui enim molestia afficitur ob eos, qui indigne male agunt, lætabitur, aut molestiæ vacuus erit ob contrarios, qui male agunt; quemadmodum ob paricidas, & sicarios, quando supplicio afficiantur, nemo bonus molestia affectus fuerit. oportet enim propter tales eodem modo, ac propter bene agentes secundum dignitatem: ambo enim iusta sunt; & faciunt, ut vir æquus gaudeat: necesse enim est, eum sperare fore, ut quæ simili existunt, etiam sibi existant. Atque omnia hæc ad eosdem mores pertinent: contraria vero ad contrarios. Idem enim est malis alienis gaudens, ac inuidus. Ex quo enim quispiam molestia afficitur, dum illud oritur, aut præsens est; propter eiusdem priuationem, & corruptionem necessarium est eum gaudere. Quamobrem hæc omnia arcendæ misericordiæ uim habent. differunt uero dictis de causis. Quare omnia similiter utilia sunt ad reddenda non miscrabilia.

Stomachationem, & inuidiā cōsequitur cōtrarij affectus.

Ac primum quidem de stomachando exponamus, quibus stomachentur, & ob quæ, & quomodo ipsi se habentes. postea uero agamus de alijs.

Apparet autem id ex ijs, quæ dicta sunt. Si enim stomachari est molestia affici ob eum, qui appa-

Stomachari quid sit.

reāt indigne bene agere ;

*Ob quæ Sto-
machentur.*

Primum quidem manifestum est non licere stomachari propter omnia bona. nemo enim si iustus, aut fortis sit, aut si virtutem consequatur, ei stomachabitur : neque enim miserationes propter horum contraria existunt, sed propter diuitias, & potentiam, & res eiusmodi, quibus ut simpliciter dicam, digni sunt boni, & qui natura habent bona, ut nobilitatem, & pulchritudinem, & quæcunque sunt talia.

*Quib. Sto-
machentur.*

I Quoniam vero antiquum apparet esse propinquum naturali, necesse est, habentib. idem bonum, si paullo ante consequuti sint, & ob id bene agant, magis stomachari : aptiores enim sunt ad excitandam molestiā, qui nuper dicescunt, quā qui antiquitus, & ob genus. Similiter uero etiā qui sunt in magistratu, & potentes, & habentes multitudinem amicorum, & probitatem liberorū, & quicunq; eiusmodi sunt. Et si ob hæc aliquid aliud boni ipsis euenerit, eodem modo. Etenim tunc, cum imperium habent propter diuitias, magis idonei sunt ad afferendam molestiam nouas diuitias possidentes, quā antiqui diuites. similiter uero etiam in alijs. Et causa est, quod illi quidē videntur habere ea, quæ sua sunt: hi uero nequaquam: quod enim semper ita apparet se habere, uerum uideretur. Quare alteri non videntur habere, quæ sua sunt.

x Et quoniam unumquodque bonum non quolibet dignum est, sed quædam est analogia, & cōuenientia, ut arma pulchra non conueniunt iustis, sed foris, & coniugia eximisa non nuper dicescentibus, sed nobilibus, idcirco si existens bonus rem sibi conuenientem non consequatur, id habet vim mouendę stomachationis.

Et

3 Et inferiorem cum superiore controuerfari; maxime quidem si sint eidem rei dediti; unde & illud dictum est.

Aiacis vero declinabat pugnam Telamonidæ. *Lib. 11. 12.*
Iupiter enim ei stomachabatur, quod cum viro præstantiore pugnaret. Sin minus, etiam quocumque modo inferior cum superiore controuerfetur; quemadmodum si musicus cum iusto, melior enim est iustitia, quàm musica.

Quibus igitur stomachentur, & propter quæ, ex his patet. hæc enim, & talia sunt.

1 At ipsi sunt stomachosi, si digni sint maximis bonis, & ea possideant: non enim iustum est, eos, qui non sunt similes, existimari similibus dignos. *Qui stomachentur.*

2 Deinde uero si sint boni, & uirtute præditi: iudicant enim bene, & odio habent iniustum.

3 Et, si sint studiosi honoris, & appetentes quadam actionum. & maxime in iis rebus studiosi honoris sint, quos alij, cum indigni sint, consequuntur.

4 Et omnino qui existimant se dignos ijs rebus, quibus alios non existimant, stomachosi sunt eis, & ob eas. Quamobrem mancipiorum similes, & prauis, & non cupidi honoris, stomachosi non sunt: nihil enim eiusmodi est, quo se dignos esse putent.

Apparet autem ex his, propter quos aduersam fortunam habentes, & male agentes, aut non consequentes, quod cupiunt, gaudere, aut sine molestia esse oporteat. Ex ijs enim, quæ dicta sunt, opposita manifesta sunt. Quare si tales præparatis oratio, petentes uero, ut sui misericordia habeantur, & ob quæ habeatur, ostenderit indignos esse, qui consequantur, dignos uero, qui non consequantur; fieri non potest, ut miseratio existat.

*Invidia
quid.*

Manifestum est autem & ob quæ inuideant, & quibus & quomodo se habentes; siquidem inuidia est molestia quædam propter eam, quæ apparet, prosperitatem eorum, quæ dicta sunt, bonorum, erga similes, non ut aliquid ipsi existat, sed propter illos.

*Qui inui-
deant.*

1 Inuidebunt enim tales, quib. sunt aliqui similes, aut apparent. Similes uero dico genere, cognatione, ætate, habitu, existimatione, copijs.

2 Et quibus parum deest, quin omnia existant. Quamobrem agentes magna, & prosperam fortunam habentes, inuidientiores sunt: putant enim, omnes suas res eripere.

3 Et qui eximie honorantur aliquam ob rem, & maxime ob sapientiam, aut felicitatem.

4 Et studiosi honoris inuidientiores sunt, quàm non studiosi.

5 Et qui sequuntur sapientiæ gloriam; studiosi enim sunt honoris ob sapientiam.

6 Et omnino qui amant gloriam aliqua in re sunt in ipsa inuidientiores.

7 Et pusillanimi: omnia enim ipsis videntur esse magna.

*Ob quæ bo-
na inuideant.*

Ob quæ uero inuideant bona, dicta sunt

1 In quibus enim amant gloriam, & de honore contendunt, operibus, & appetunt gloriam.

2 Et quæcunque bonæ fortunæ sunt euentus; ferme in omnibus inuidia est.

3 Et maxime quæ ipsi aut appetunt, aut putant oportere se habere.

4 Aut in quib. ipsi possessione paullisper superant, aut paullisper deficiunt.

*Quib. inui-
deant.*

1 Apparet uero etiam, quib. inuideant: simul enim dictum est: ijs enim, qui propinqui sunt & tempore, & loco, & ætate, & existimatione, in-
uident;

uident; vnde dictum est, Quod cognatum est, etiā scit inuidere.

2 Et quibuscum de honore contendunt. Nam de honore contendunt cum ijs, qui dicti sunt. cū ijs vero, qui sunt ad decem millia annorum, aut cum ijs, qui erunt, aut cum mortuis, contendit nemo. neque cum iis, qui sunt ad Herculeas columnas. neque à quib. putant longe se vinci aut apud se, aut apud alios. neque quibus se longe præstare eodem modo, & cum his, & de talibus. Quoniam vero cum ijs, qui competitores sunt, & riuales, & cum ijs omnino, qui eadem appetunt, de honore concertant; necesse est his potissimū inuidere. vnde illud dictum est; Et figulus figulo.

Apud Hesiodum lib. 1.

3 Et ijs, qui celeriter, ij, qui uix adepti sunt, aut nequaquam adepti sunt id, quod voluerunt, inuident.

4 Et quibus consequutis id, quod cupiunt, aut recte agentib. dedecus accidit ipsis. Sunt autem isti, qui propinqui sunt, & similes; manifestum. n. est, ipsorum culpa eos non adipisci, quod bonum est. Quare hoc cum molestum sit, efficit inuidiā.

5 Et ijs, qui habent ea, aut consequuti sunt, quæ ipsis conueniebant, aut consequuti fuerant olim. Quamobrem seniores iuniorib. inuident.

6 Et qui multos sumptus fecerunt in eandem rem, ijs, qui paucos, inuident.

Iam uero manifesta sunt et ea, propter quæ tales gaudent, & in quib. & quomodo se habentes. vt enim non habentes, molestia afficiuntur: sic habentes ex contrarijs uoluptatem percipient. Quare si ipsi ita conformati fuerint, & sint tales illi, qui digni existimantur, qui misericordiam obtineant, aut bonum aliquod cōsequatur, quales

quales illi, qui dicti sunt: manifestum est eos à principibus misericordiam nequaquam consequuturos. Quomodo autem se habeant æmulantes, & qualia æmulentur, & quibus hinc manifestum est. Nam, quoniam æmulatio est molestia quædam propter præsentiam quæ appareat, bonorum honoratorum, & eorum, quæ assumere ipsi contingit, in similib. natura, non quòd alij, sed quòd non etiam ipsi sint. ideo æmulatio bona est, & bonorum; inuidere vero malum, & malorum. ille enim se præparat propter æmulationem ad bona adipiscenda: hic vero ne proximus habeat, propter inuidiam.

Æmulatio quid.

differt ab invidia:

Qui æmulantur.

1 Iam uero necesse est, procliues ad æmulandū esse existimantes se ipsos dignos bonis, quæ non habent. nemo enim se dignum existimat ijs, quæ apparent fieri non posse. Quamobrem iuuenes, & magnanimi tales.

2 Et quibus existunt talia bona, quæ honoratis uiris digna sunt. Hæc autem sunt diuitiæ, & multorum amicitia, & magistratus, & quæcunq; talia sunt, tanquā enim ipsis conueniat esse probis, quia conueniunt, probe se habentibus ex bonis talia æmulantur.

3 Et quos alij dignos existimant.

4 Et quorum proau, aut cognati, aut domestici, aut natio, aut ciuitas honorata est, in his rebus æmulatores sunt. domestica enim arbitrantur ipsis esse, & se his dignos existimant.

Ob quæ æmulantur.

Si uero æmulanda sunt honesta bona;

1 necesse est & uirtutes esse tales.

2 Et quæcunque alijs utilia, & idonea ad benefaciendū. honorant enim benefaciētes, & bonos.

3 Et quorum bonorum fructio proximis est, ut diuitiæ & pulchritudo magis, quā sanitas.

Ap-

1 Apparet uero etiam, qui æmulandi sint. qui enim hæc, & talia possident, æmulandi sunt. Hæc autem sunt, quæ diximus, ut fortitudo, sapientia, magistratus. Nam qui magistratum gerunt, in multos esse benefici possunt; Imperatores, oratores, omnes, qui talia possunt.

2 Et quibus multi similes volunt esse, aut multi familiares, aut amici multi, aut quos multi suspiciunt, aut quos ipsi suspiciunt.

3 Et quorum laudes, & encomia dicuntur aut à poetis, aut à scriptorib. orationum.

Contemnunt uero contrarios. Nam contraria est æmulationi contemptio: & id, quod est æmulari, ei, quod est contemnere. Necesse autem est, sic se habentes, ut ipsi æmulentur aliquibus, aut ipsis aliqui, procliues esse ad contemnendum tum hos, tum ob hæc, quicunque contraria mala habent bonis æmulandis. Quamobrem sæpenumero contemnunt prospera fortuna videntes quoties sine honoratis bonis adest ipsis fortuna. Ex quibus igitur affectus excitentur, & dissoluantur, unde fides existit, de iis dictum est.

DE MORIBVS AVDITORVM.



Moribus autem quales sint secundum affectus, & habitus, & ætates, & fortunas, post hæc explicemus. Dico quidem affectus iram, cupiditatem, & talia, de quibus diximus prius. Habitus uero, virtutes, & vitia. De his etiam dictum est prius, & qualia præeligant singuli, & qualium sint effectores. Actates autem sunt, luuentus, & vigor, & senectus. Fortunas præterea

Quibus æmulentur.

Mores auditorum sunt quattuor generum.

terea dico nobilitatem, diuitias potentiam, & his contraria, atque omnino prosperam fortunam, & aduersam fortunam.

Mores iuuenum.

1 Ac iuuenes quidem moribus sunt cupidi, & parati ad ea efficienda, quæ concupiuerint. Et ex cupiditatibus, quæ circa corpus uersantur, sectatores maxime earum, quæ sunt circa res venereas. Et incontinentes huius ipsius rei. Et in horas mutabiles. Et fastidiosi in cupiditatibus. Et valde quidem concupiscunt; celeriter uero sedantur. Ac ut enim voluntates eis sunt, & non perdurantes, cuiusmodi sunt ægrotantium sitis, & fames.

2 Et excandescentes, & acute excandescences, & parati ad impetum sequendum; & obnoxij sunt iræ. Nam propter studium honoris non possunt pati se paruifieri, sed moleste ferunt, si iniuria se affici existiment.

3 Et studiosi honoris quidem sunt, sed magis studiosi uictoriæ: excellentiam enim concupiscit iuuentus; & uictoria excellentia quædam est. Et hæc ambo magis existunt, quàm ut sint studiosi pecuniarum: Minimum uero sunt studiosi pecuniarum, propterea quod nondum indigentiam experti sunt, quemadmodum se habet Pittaci apophthegma in Amphiaræum.

4 Et non malorum morum, at bonorum; propterea quod nondum multa mala conspexerunt.

5 Et credulij; quia nōdum in multis decepti sunt.

6 Et bonæ spei; ut enim temulenti, sic iuuenes calidi sunt natura; simul uero etiam, quia nondum in multis opinione lapsi sunt. & uiuunt, ut plurimum, spe. Nam spes futuri est, memoria uero præteriti, iuuenes autem futuri multum habent, præteriti uero parum. primo enim tempore se meminisse nihil arbitrantur, sperare aut omnia.

Et

7 Et sunt idonei, qui decipiantur propter id, quod dictum est; sperant enim facile.

8 Et viriliores, iracundi enim, & bonæ spei. quorum illud efficit, ut ne metuant; hoc vero, ut confidant. nemo enim, qui irascitur, metuit. Sperare autem aliquid boni afferendæ fidentia vim habet.

9 Et uerecundi; nondum enim honesta alia arbitrantur; sed eruditi sunt à lege sola.

10 Et magnanimi; nondum enim à vita depressi sunt; sed rerum necessariorum experientiam non habent. & existimare se dignum magnis magnanimis est, hoc autem est eius, qui bene sperat.

11 Et magis eligunt agere honesta, quàm utilia: moribus enim viuunt magis, quàm ratiocinatione. est autem ratiocinatio eius, quod utile est: virtus vero eius, quod honestum.

12 Et studiosi amicorum, & studiosi sodalium magis, quàm aliæ ætates, propterea quòd gaudet conuictu. Et nihil iudicant ad utilitatem. Quare nec amicos quidem.

13 Et omnia in maius, & uehementius peccata faciunt contra dictum Chilonis: omnia enim nimis agunt. nam amant nimis, & nimio odio habent, & alia omnia similiter, quippe qui putant se scire omnia, & asseuerant. hæc autem causa est, cur omnia nimis.

14 Et iniurias inferunt ad contumeliam, non ad malitiam.

15 Et misericordes sunt, propterea quòd existimant omnes bonos, & meliores: sua enim ipsorum innocentia ceteros metiuntur. Quare indigna ipsos pati existimant.

16 Et studiosi risus. Quamobrem etiam faceti. Nam facetiæ erudita contumelia sunt.

Ac iuuenum quidem tales sunt mores.

Sc-

*Mores senio-
rum.*

- Seniores uero, & qui uigorem remiserunt, ferme ex contrarijs, ut plurimum, habent mores.
- 13 1 Quoniam enim multorum annorum uitam duxerunt, & in plurib. decepti sunt, & errarunt, & res ferme omnes prauæ sunt, neque affirmant aliquid, & longe minus omnia, quàm oportet. Et putant quidem: sciunt autem nihil. Et contro uersantes adiungunt semper Forsan, & Fortasse, & omnia dicunt sic; asseueranter autem nihil.
- 4 2 Et sunt malorum morum: Esse autem malorum morū significat omnia in peius interpretari.
- 3 Præterea suspiciosi sunt, quia increduli; & increduli, quia periti.
- 13 4 Et neque magno amore, neque magno odio prosequuntur propter eandem causam: sed secundum præceptum Biantis, & amant tanquam odio habituri; & odio habent, tanquā amaturi.
- 10 5 Et pusillanimi, propterea quòd depressi sunt in uita: neque enim magni, neque eximij aliquid, sed ea, quæ ad uitam pertinent, cupiunt.
- 11 6 Et parum liberales: vnum enim est ex necessarijs patrimonium; &, cum periti sint, simul sciunt, quàm difficilis sit acquisitio, & facilis amissio.
- 6 7 Et timidi, & omnia prætimentes: contrario enim modo affecti sunt, ac iuuenes. refrigerati enim sunt: at illi calidi sunt. Quare viam aperuit senectus timiditati. Nam timor refrigeratio quædam est.
- 3 8 Et studiosi vitæ, & maxime in ultimo tempore: propterea quòd cupiditas est rei absentis; & cuius sunt indigentes, id maxime cupiunt.
- 10 9 Et queruli magis, quàm oportet: pusillanimitas enim quædam etiam hæc est.
- 11 10 Et ad utile viuunt, sed non ad honestum, magis

gis quàm oportet, propterea quòd sui ipsorum amantes sunt : vtile enim bonum est ipsi : honestum vero simpliciter.

11 Et inuerecundi magis, quàm uerecundi : nam quia non curant similiter honestum, & utile, paruifaciunt, quid videatur.

12 Et malæ spei, quia periti: nam ut plurimum res malæ sunt. cadunt igitur plerunque in peius. & præterea, quia timidi. Et memoria magis, quàm spe uitam ducunt. Nam quod futurum est vitæ, exiguum est: præteritum vero multum. Est autem spes futuri: memoria uero præteritorum. id quod est ipsis causa est loquacitatis: narrat. n. præterita. Nā recordātes uoluptatem percipiūt.

13 Et excandescunt quidem acute, sed imbecilliter.

14 Et cupiditates eorum partim defecerunt, partim debiles sunt. Quare neque cupidi sunt, neque effectores ex cupiditatibus. sed ex lucro. Quocirca etiam temperati apparent tales: cupiditates. n. remiserunt; & seruiunt lucro.

15 Et magis vitam ducunt ratiocinatione, quàm moribus. Ratiocinatio enim est eius, quod utile est: mores uero virtutis.

16 Et iniuriose se gerunt magis ad malitiam, quàm ad contumeliam.

17 Misericordes uero etiam senes sunt, sed non eadem de causa, ac iuuenes. illi enim, quia humani, hi uero, quia debiles: omnia enim existimant sibi proxima esse, quæ patiantur. hoc autem erat misericordis. unde queruli sunt.

18 Et non faceti, neque studiosi ridiculorum: contraria enim sunt querulum esse, & studiosum risus.

Ac iuuenes quidem, & seniores eiusmodi sunt mori-

moribus præditi. Quare quoniã omnes recipiunt orationes, quæ conuenienter suis ipsorum moribus habentur & similes; non est incertũ, quem admodum cum aliqui vtantur orationibus tales appareant etiam ipsi, & orationes.

*Mores uero
viri.*

Vigentes autem apparet interiectos inter hos moribus futuros, detrahendo utrorumque exuperationem;

- 1 qui neq; valde confidunt: id enim est audacię.
- 2 Neque nimis metuunt, pulchre ad vtrunque se habentes.
- 3 Neque omnibus credunt.
- 4 Neque omnibus non credunt; sed secundum veritatem iudicant magis.
- 5 Et neque viuunt ad solum honestum.
- 6 Neque ad solum utile; sed ad vtrunque.
- 7 Et neque ad parsimoniam.
- 8 Neque ad luxuriam; sed ad conueniens.
- 9 Similiter vero etiam ad excandescentiam.
- 10 Et ad cupiditatem.

Et temperantiam cum fortitudine, & fortitudinem cum temperantia coniunctam habent. Nam hæc inter iuuenes, & senes distributa sunt: iuuenes enim fortes sunt, & intemperantes: seniores uero temperantes, & timidi.

11 Vt autem in vniuersum dicam, quæcunque ex commodis sibi inuicem distribuerunt iuuentus, & senectus, ea ipsi habent.

12 Quæcunque uero excedunt, aut deficiunt, eorum quod moderatum est, & conueniens.

Viget autem corpus à triginta annis usq; ad quinque & triginta: animus uero circiter vnde quinquaginta.

Ac de iuuentute quidem, & senectute, & vigore, quales mores quæque ætas habeat, tam multa

ta dicta sint.

De bonis autē, quæ existunt à fortuna, propter quæ accidunt hominibus etiam mores cuiusdā modi, deinceps disputemus.

1 Ac nobilitatis quidem mores sunt, honoris cupidiores esse, qui eam possederit. Omnes. n. cum aliquid ipsis existit, id accumulare soliti sunt. nobilitas uero nihil aliud est, nisi dignitas quædam maiorum.

Nobilium mores.

2 Et procliuē esse ad contēnendos similes maioribus ipsorum, propterea quæ hæc remota, quæ propinqua honoratiora sunt, & ad gloriandum idonea.

Nobile autem secundum generis virtutem.

Nobile quid Generosum quid.

Generosum vero secundum id, ut non deficiat à natura. Id quod plerumque nobilibus nō accidit, sed sunt multi abiecti. prouētus enim est in generibus uirorum, quemadmodum in ijs, quæ oriuntur in agris, & non nūquam, si sit bonū genus, ad aliquod tempus exoriuntur uiri eximij, & deinde rursus retrofertur. Deficiunt uero genera bono ingenio prædita ad infaniores mores, ut qui originem traxerunt ab Alcibiade, & à Dionysio superiore. Stabili uero ingenio prædita ad stoliditatem, atque socordiam, ut qui a Cimone, & Pericle, & Socrate.

Diuitias qui mores consequantur, uidere omnibus in promptu est.

Diuitum mores.

1 Contumeliosi enim sunt.

2 Et contumaces, patientes aliquid à possessione diuitiarum. perinde enim affecti sunt, ac habentes omnia bona. diuitiæ enim sunt tanquā precium quoddam estimationis aliorum bonorum. Quam obrem apparent omnia venalia ipsarum esse.

3 Et delicati.

4 Et arrogantes.

H De-

Delicati quidem propter delitias, & ostentationem felicitatis.

Arrogantes vero, & elati, propterea quòd omnes soliti sunt uersari in eo, quod amatur, & suspiratur ob ipsis. & quia existimant alios æmulari, quæ etiam ipsi. Simul autem, & merito his modis affecti sunt, quòd multi indigent habentium. unde & illud à Simonide dictum est de sapientibus. & diuitibus apud coniugem Hieronis interrogantem, utrum melius eueniret, ut quis esset diues, an sapiens. Ut diues sit, inquit. Sapientes enim dixit se videre, qui versarentur in foribus diuitum, & quia existimant, se dignos esse, qui imperent: putant enim se habere ea, quorum causa dignum est imperare. atque, ut paucis multa complectar, diuitiæ sunt morum dementis felices.

5 Differunt autem mores in ijs, qui nuper posfederunt, & qui antiquitus; eò quòd omnia magis, & mala peiora habent noui diuites: nam imperitia diuitiarum est, nouum diuitem esse.

6 Et iniurias inferunt non malitiosas, sed partim quidem contumeliosas, partim vero incontinentiæ plenas, ut in uerberatione, & adulteriū.

*Potentium
mores.*

Similiter vero de potentia ferme plerique mores apparent.

1 Habet enim potentia partim eosdem mores, quos diuitiæ: partim meliores.

2 Sunt enim potentes studiosiores honoris.

3 Et viriliores moribus, quàm diuites: propterea quòd ea appetunt opera, quæcunque licet ipsis agere propter potentiam.

4 Et magis dediti studio: propterea quòd in sedulitate sunt, dum coguntur considerare ea, quæ pertinent ad potentiam.

5 Et grandiores, quàm grauiores: reddit. n. eos
cla-

clariore dignitas. Quamobrem moderate agūt.
Est autem granditas mollis, & elegans grauitas.
6 Et, si iniuriam faciunt, non sunt iniuriosi in
paruis, sed in magnis.

1 Prospera fortuna habet pro morib. particu-
las earum rerum, quæ dictæ sunt. nam ad has re-
ferūtur, quæ videntur esse maximę fortunæ pro-
speritates.

*Fortunate-
rū mores.*

2 Præterea prospera fortuna facit, ut meliore
conditione simus in ijs, quæ pertinent ad bonam
prolem, & ad bona secundum corpus.

3 Igitur superbiores quidem sunt.

4 Et inconsideratiores propter prosperam for-
tunam.

5 Vnus autem mos melior bonam fortunam
consequitur, quod Deos colunt, & ad rem diuinam se
habent aliquo modo credentes propter bona, quæ
sunt à fortuna.

Ac de moribus quidem secundum ætatem, &
fortunam dictum est. contraria enim ijs, quæ ex-
posita sunt, ex contrarijs apparent, vt pauperis, &
infelicitis mores, & impotentis.

*Orationum
usus refer-
tur ad iudē
cium.
etiā vnus.*

Quoniam vero usus orationum, quæ ad persua-
sionem appositæ sunt, dirigitur ad iudicium; quæ
enim percepimus, & iudicauimus, de his non est
opus amplius oratione; dirigitur autē, siue apud
Vnum aliquis dicens suadeat, aut dissuadeat, vt
admonentes faciunt, aut persuadentes; nihil. n.
minus disceptator est vnus; nam quem oportet
persuadere, is est, ut simpliciter dicā, disceptator;
siue aduersus controuersantem, siue ad subiectā
materiam aliquis dicat, simili modo; oratione
enim uti necesse est, & tollere contraria, aduer-
sus quæ, ut aduersus cōtrouersantem verba facit;
similiter vero etiam in demonstratiuis, tanquam

*in oī causā
rum genere*

H 2 enim

*Disceptrator
proprie i in
dicialib. &
deliberati-
nis.*

enim ad disceptatorem oratio constituta est ad auscultatorem; omnino autem solus, ut simplici ter dicam, disceptator est, qui iudicat in ciuilib. contentiōib. ea, de quibus quæstio est; quærun- tur enim, quomodo se habeant ea, quæ uersantur in controuersia, & de quib. consultant; de morib. uero secundum Resp. in deliberatiuis dictum est prius: idcirco explicatum est, & quomodo, & per quæ orationes moratas faciamus.

DE PROPOSITIONIBVS

communib. oratoriæ demonstrationis.



PT, quoniam circa unumquodq; genus orationum diuersus, quidam finis erat, ac de ijs omnib. dictæ sunt opiniones, & propositiones, ex quibus fidem ducunt consulentes, tum demonstrantes, tum controuersantes;

præterea uero ex quibus moratas orationes contingit reddere, de his etiam est disputatum: reliquum est nobis, ut cōmunia omnib. explicemus.

*Propositio -
nes commu-
nes.*

1. Omnibus enim necessarium est adhibere in orationibus ea, quæ sunt de eo, quod fieri, & nō fieri potest.

2. Et alios quidem conari ostendere futurum.

3. Alios uero factum esse.

4. Præterea uero de magnitudine quærendum est in omnibus orationib. utuntur enim omnes imminuendi ratione, & amplificandi; tum consulentes, siue suadeant, siue dissuadeant: tum laudantes, aut uituperantes: tum accusantes, aut defendentes. His autem explicatis conabimur dicere communiter tum de enthymematibus, tum de exemplis; ut cum reliqua addiderimus, ad finem perducamus

camus id, quod initio propositum est.

4 Ex communibus autem amplificare demon-
stratiuis apertissimum est, ut exposuimus.

3 Factū vero iudicialib. de his etiam iudiciū est.

1 Atque id quod fieri potest,

2 Et futurum deliberatiuis,

Ac primum quidem de iis, quæ fieri, & non fie-
ri possunt, dicamus.

1 Si igitur contrariū vel esse, vel fieri pōt, & cō-
trariū videbitur eē posse, quæadmodū si fieri pōt,
ut homo conualuerit, & c, ut ægrotauerit eadem. n.
est facultas cōtrariorū, quatenus cōtraria existūt.

2 Et, si fieri potest simile, etiam simile.

3 Et, si difficilius fieri potest, etiam facilius.

Et, si fieri potest virtute præditus, vel pulcher,
etiam omnino fieri potest: difficilius enim est,
domum pulchram, quā domum fieri.

4 Et, cuius principium fieri potest, etiam finis:
nihil enim sit neque incipit fieri eorum, quæ fie-
ri non possunt; quemadmodum ut diameter sit
symmeter, neq; inciperet fieri, neque fit.

5 Et cuius finis, etiam principium fieri potest:
omnia enim ex principio fiunt.

6 Et si fieri potest id quod posterius est, vel ori-
tur, etiam prius, quemadmodum si fieri potest, ut
sit vir, etiam, ut sit puer: prius enim illud sit. & c, si
fieri potest, ut sit puer, etiam ut sit vir: principium
enim illud est.

7 Et quorū amor, vel cupiditas natura ē, nemo
n. amat ea, quæ fieri non pāt, nec cupit plerunq;

8 Et quorū scientiæ sunt, & artes, possunt ea &
esse, & fieri.

9 Et quorum principium ut oriantur, in iis est,
quæ nos coegerimus, & persuaserimus; hæc vero
sunt, quib. meliores sumus, vel domini, vel amici,

*Propositio-
nes eius, qd
fieri potest.*

10 Et quorum partes fieri possunt, etiam totum fieri potest.

11 Et quorum totum fieri potest, etiam partes plerunque: si enim obstragulum, & ligula, & solea fieri possunt, etiam calcei fieri possunt: & si calcei, etiam obstragulum, & ligula, & solea.

12 Et, si genus totum eorum, quæ fieri possunt, etiam forma.

13 Et, si forma, etiam genus; quemadmodum si fieri potest navis, etiam triremis; & si triremis, etiam navis.

14 Et, si alterum eorum, quæ natura inter se conferuntur, etiam alterum; quemadmodum si duplum, etiam dimidium; & si dimidium, etiam duplum.

15 Et, si sine arte, vel apparatione potest fieri aliquid magis potest per artem, & diligentiam. unde & ab Agathone dictum est; Atqui alia quidem fortuna facere, alia uero necessitate, & arte nobis suppetit.

16 Et quod fieri potest à deterioribus, vel inferioribus, vel imprudentioribus, etiam magis a contrariis, quemadmodum etiam Isocrates dixit, Graue esse Euthynum didicisse, ipsum vero inuenire non potuisse.

Ea uero quæ fieri non possunt, manifesta sunt ex contrariis eorum, quæ dicta sunt.

Propositiones facti.

Factum autem sit, nec ne, ex his considerandum. 1 Primum quidem, si quod minus natura aptum est, ut fiat factum est, etiā quod natura aptius est, factum erit.

2 Et si posterius solitum fieri factum est; etiam prius factum est, quemadmodum si obliuionem cepit, etiam aliquando hoc didicit.

3 Et, si potuit, ac voluit, fecit: omnes enim quādo,

do, cum possint, uolunt, faciunt. nam impedimen-
tum nullum est.

4 Et, si uoluit, & nihil extra prohibuit :

5 Et, si potuit, ac iratus fuit.

6 Et, si potuit, ac concupiuit : plerunque enim,
quæ appetunt, si possint, etiam faciunt ; mali
quidem propter intemperantiam : boni vero, quo-
niam ea, quæ æqua sunt, concupiscunt.

7 Et, si debuit fieri, & facere.

8 Et, si ante facta sunt, quæcunque nata sunt an-
te illud, aut illius causa, ut si fulsit, etiã tonuit.
& si conatus est, etiam fecit.

9 Et, si quæcunque naturam habent, ut poste-
rius fiant, aut id, cuius causa fiunt, factum est, &
quod prius, & huius est causa, ut si tonuit, etiam
fulsit. & si fecit etiam conatus est. Ex his autem
omnibus alia quidem ex necessitate sunt : alia ue-
ro plerunque ita se habentia. Quod autem non
est factum, apparet ex contrarijs eorum, quæ di-
cta sunt.

Ac de futuro ex ijsdem res est manifesta.

1 Etenim quod est in potestate, & voluntate, *Propositio 2*
erit. *nes sunt.*

2 Et quod est in cupiditate, & ira, & ratiocina-
tione cum facultate, erit. propterea si in procin-
ctu est, ut fiat, uel futurum sit, erit. Etenim ple-
rumque fiunt magis, quæ futura erant, quàm non
futura.

3 Et, si ante facta sunt, quæcunque ut prius fiât,
naturam habent ; quemadmodum si nubilatum
est, verisimile est, pluiturum.

4 Et, si quod est huius causa, factum est, etiam
hoc verisimile est, factum iri, ut si fundamentum,
domus.

De magnitudine autem, & paruitate rerum, &

maiori, ac minori, & oīno magnis, & paruis, ex ijs quæ ante dicta sunt, res ipsa constat. Dictum est enim in deliberatiuis de magnitudine bonorum & de maiori simpliciter, & minori. Quare, quoniam in unaquaque oratione propositus est finis id, quod bonū est, quemadmodū utile, & honestum, & iustum; apparet ex illis sumendas esse omnibus amplificationes: quærere enim aliquid præter hæc de magnitudine simpliciter, & excellentia, inanis est disputatio; quia aptiores sunt ad usum res singulares, quàm uniuersales.

Igitur de eo, quod fieri potest, & non potest, & utrum factum sit, an non factum, & erit, an non erit, præterea uero de magnitudine, & paruitate rerum hæc dicta sint.

DE DEMONSTRATIONE

Oratoria ex exemplis.



Elíquum est exponere fidem omnibus communē, quoniam dictum est de propria. Est autē cōmunis fides genere duplex, exemplum, & enthymema: sententia enim pars enthymematis est. primum igitur de exemplo dicamus. Nam exemplum inductioni simile est, & inductio principium est.

Exemplorum uero formæ duæ sunt. Nam una quidem exempli forma est, dicere res gestas: altera uero ipsum fingere. Atque huius quidem una pars est parabola: altera uero logi, quemadmodum Aesopici, & Libyci.

Exemplū autem est eiusmodi aliquid, ut si quis diceret oportere aduersus Regem parari, & non finire

*Exemplorū
forma.*

*Exēplū rei
factæ.*

finere cum Aegyptum in potestatem redigere, propterea quia Darius non prius traiecit, quam Aegyptum cepit; cum autem cepisset, traiecit. Iterum Xerxes non prius irrupit, quam occupauit; cum autem occupasset, irrupit. Itaque & nunc, si ceperit, traiciet. Quare non permittendum.

Parabola uero etiam, quæ Socratica sunt, quæ admodum si quis diceret, non oportere sorte datos magistratû gerere. Simile enim esse, ac si quis athletas sortiatur, non qui possint decertare, sed qui obtigerint. aut ex nautis quem oporteat gubernare, sortitus fuerit, quasi deceat obtingentem, non autem scientem.

Logus est, qualis Stesichori aduersus Phalarim, & Aesopi de duce populari: Stesichorus enim, cû Himerenses ducem cum summo imperio elegerissent, & tradituri essent custodiam corporis, alia fatus dixit ipsis logum, quemadmodum equus solus pratum tenuit; cum autem veniret ceruus, & corrumpere pabulum, uolens ceruum punire, interrogauit hominem quendam, an posset ceruum pœna afficere. ille autem affirmauit, dummodo equus acciperet frenum, & ipse eum cõscēderet, tenens iacula. Cum autem equus conditionem accepisset, & ipse eum conscendisset, loco puniendi is confestim seruiuit homini. Sic uero etiam vos, uidete, inquit, ne volentes hostes punire, eadem patiamini, quæ equus: frenum enim iam habetis, cum elegeritis ducem cum summo imperio; si uero etiam custodiam traderitis, & conscendere permiseritis, confestim Phalaridi seruietis.

Aesopus uero cum patronus esset duci populi de capite causam habentem, dixit, Vulpem, cum

*Exemplum
rei fictæ
quod dicitur
parabola.*

*Exemplum
rei fictæ,
quod dicitur
Logus.*

traij-

traijceret flumen, decidisse in voraginem; cum exire non posset, longo temporis spatio male affectam esse; & multas caninas muscas ei adhæsisse; herinaceum autem uagantē, ut uidet ipsam, misericordia captum, interrogasse, Num caninas muscas ab ipsa abigeret. Eam uero non permisisse. & quærēte illo, Qua de causa, dixisse, Quoniā istæ quidem plenæ mei iam sunt, & parum sanguinis sugunt; si uero has abegeris, aliæ veniētes famelicæ exhaurient mihi reliquum sanguinis.

Igitur etiam Vobis, inquit, viri Samij, iste non amplius nocet: diues enim est. si uero hunc inter feceritis, alij venient pauperes, qui publica depeculantes uobis ea dilapidabunt.

De usu exemplorum.

Sunt autem logi concionibus accommodati, & habent bonum hoc, quod res quidem inuenire similes, quæ gestæ sint, difficile est. logos uero facilius: fingere enim oportet, ut etiam parabolas, si quis possit simile intueri, quod facilius est ex philosophia. Facilius igitur apparantur, quæ sunt ex logis: sed faciliora ad consultandum, quæ sunt ex rebus gestis: similia enim plerunque sunt futura præteritis.

Oportet autem uti exemplis, non habentem quidem enthymemata, tanquam demonstrationibus. habentem uero, tanquā testimonijs, adhibendo ea pro epilogis in enthymematibus: præposita enim similia sunt inductionibus, & Rhetoricis non est accommodata inductio, nisi in paucis: subiecta uero testimonijs. Ac testis ubique ad persuadendum aptus. Quamobrem præponentem quidem necesse est multa dicere: subiicientem uero etiam vnum satis. Testis enim fide dignus etiam vnus utilis est.

Iam quot species sint exemplorum, & quomodo

modo ipsis, & quando vtendum, dictum est.

DE DEMONSTRATIONE

Oratoria ex sententijs.



De sententiæ autem dictione res maximè constabit, cum dictum fuerit, quid sit sententia, & de cuiusmodi rebus, & quando, & quibus conueniat vti sententiæ dictione in orationibus.

*De sententiâ
quatuor pro
ponuntur.*

1. Est autem sententia enunciatio non de singularibus, quemadmodum, Qualis Iphicrates, sed de vniuersalibus, neque de omnibus vniuersalibus, vt Rectum curuo contrarium esse, sed de ijs, quorum actiones sunt, & ea, quæ eligimus, aut fugimus ad agendum. Quare, quoniam entymema de his ferme est syllogismus, & conclusiones entymematû, & principia ablati syllogismo, sententiæ sunt. vt Nequaquã oportet, quicumque natura vir prudens factus est, cum filios suos eximè sapientes instruere. Hæc igitur sententia est. Addita vero causa, & quomobrem sit, totum erit entymema. vt, Nam præter aliam ignauiam, quam habent, inuidiam ciuium aperiuunt infestâ. & illud, Nemo omnino felix est. & Nemo hominum est liber, sententia. cû eo autem, quod sequitur, entymema; aut enim pecuniarum seruus est, aut fortunæ.

*Eurip.
Medea*

*Eurip.
Hecuba.*

2. Iam, si sententia est id, quod dictum est, quatuor species esse sententiæ necesse est. Aut enim cum epilogo erunt. aut sine epilogo. Ac demonstrationis quidem indigentes sunt, quæcunq; præter opinionem aliquid dicunt, aut controuersum. Quæcunque vero nihil præter opinionem, sine epilogo

epilogo. Ex his autem necesse est, alias quidem propterea quod ante cognitæ sunt, nihil indigere epilogo, in hunc modum; Viro autem optimum est valere, sicut nobis uidetur. Apparet enim multis sic. Alias uero, simul cum dicuntur, manifestas esse ijs, qui intuiti fuerint, ut Nemo amator, qui non semper amet.

*Eurip.
Troas.*

Ex ijs uero, quæ sunt cum epilogo, aliæ sunt enthymematicæ pars, quemadmodum, Nequam oportet, quicumque vir prudens natura factus est.

Aliæ enthymematicæ quidem, sed non enthymematicæ pars; quæ etiam probantur in primis. Sunt autem hæc, in quibus si attendas, tanquam impressa cernitur causa, quemadmodum in hoc; Immortalem iram ne serues mortalis existens. Dicere enim. Non oportet iram seruare semper, sententia est. quod uero additur, Mortalem existentem, dicit quamobrem. Simile uero etiam illud, Mortalia oportet mortalem, non immortalia mortalem sapere.

3 Apparet igitur ex ijs, quæ dicta sunt, tum quod species sint sententiæ, tum in cuiusmodi re unaquæque conueniat. Nam de controuersis, aut de ijs, quæ sunt præter opinionem non sine epilogo uti sententia oportet, sed aut præponendo epilogum loco conclusionis, ut si quis diceret. Ego quidem, quoniam neque inuidiæ subijci, neque ignauum esse oportet, nego eruditioni operam esse dandam. Aut dicendo prius hoc priora dicere.

De ijs autem, quæ præter opinionem sunt, sed in certa adiiciendo, quamobrem, concinne. Conueniunt uero in eiusmodi rebus etiam Laconica

ca apophthegmata , atque ænigmata , ut si quis diceret, quod Stesichorus apud Locrenses dixit , Non oportere contumeliosos esse, ne cicadæ humi canant.

Ac ætate quidem senioribus conuenit sententiam dicere , sed de ijs, quorum, qui dicit , peritus est : quia eiusmodi non existentem dicere sententiam indecorum est, quemadmodum etiam fabulam dicere . de ijs uero , quorum est , imperitus, res stulta , atque inerudita . Ac signum idoneum est, quod rustici maxime sunt sententiarum compositores, & facile eas proferunt .

Dicere uero in uniuersum de re , quæ uniuersalis non sit, conuenit in conuestione, atq; indignatione , & in his aut cum exordiaris , aut cum demonstraueris.

Ac uti oportet etiam peruulgatis, & communibus sententijs, si utiles sint . Etenim quia sunt communes quasi consentientibus omnibus uidentur recte se habere . ut adhortanti ad periculum subeundum eos, qui sacrificium non fecerint, Vnum augurium optimum defendere patriam. & eos, qui inferiores existunt, Mars belli communis . Et ad tollendos inimicorum filios , qui nullam iniuriam faciunt , Stultus, qui natos occiso patre relinquit . Præterea etiam aliqua ex prouerbijs sententiæ sunt , ut prouerbum, Atticus inquilinus.

lib. 12. 11.

Lib. 17. 11.

Stasimus ,

Et oportet sententias dicere etiam contra ea , quæ in ore multitudinis sunt posita .

Dico autem in ore multitudinis posita , quemadmodum illud , Nosce te ipsum . & illud , Ne quid nimis , quando aut mores apparituri sunt meliores , aut cum affectu dicitur.

dicitur. Cum affectu est, si quis, dum irascitur, diceret. Falsum esse illud, quod oportet se cognoscere. Nam si iste se cognosceret, nunquam petisset ut imperaret. Mores vero meliores apparent, si dicatur. Non oportere ut aiunt, amare tanquam osurum, sed magis odio habere, tanquam amaturum.

Ac oportet dictione prælectionem aperire: sin minus, causam subijcere, quemadmodum aut sic dicendo, Oportere amare, non ut aiunt, sed tanquam semper amaturum: insidiatoris enim alterum est. aut sic, Non placet mihi, quod dicitur; oportet enim uerum amicum amare tanquam semper amaturum. Neque illud, Nequid nimis; oportet enim malos nimio odio habere.

4 Afferunt uero orationibus auxilium magnū; vnum quidem, propter vanitatem auditorum. gaudent enim si quis dicens in vniuersum incidat in opiniones, quas illi habent in parte. Iam, quod dico, manifestum sic erit; & simul, quomodo ipsas venari oporteat. Sententia enim est, quemadmodum dictum est, enunciatio in vniuersum, gaudent autem, cum in vniuersum dicitur id, quod in parte ipsi existimant; quemadmodum si quis vicinis vteretur, aut filiis improbis, probaret, qui diceret, Nihil vicinitate molestius, aut Nihil demētius filiorum procreatione. Quare oportet spectare, cuiusmodi res ante existimauerint. sic postea in vniuersum de his dicere.

Ac sententiæ dictionem habere oportet cum usum hunc, qui dictus est, tum illum alterum meliorem, quod moratas efficit orationes. Mores vero habent orationes illæ, in quib. manifesta est prælectio: Sententiæ enim omnes hoc faciunt; propterea quod qui sententiam dicit, enunciat in
vni-

vniversum de rebus præligendis. Quare si bonæ sint sententiæ etiam faciunt, ut, qui dicit, boni s moribus præditus appareat.

& quid sit :

Ac de sententiâ quidē

{ & quot species ipsius :
& quō vtendum sit ipsis :
& quam vtilitatem habeāt, tā multa dicta sint.

D. E. D E M O N S T R A T I O N E

Oratoria ex enthymematib.



Amuero de enthymematibus dicamus, quomodo ea oporteat quærere, & præterea eorum locos: diuersa enim vtriusque horum species est. Ac enthymema quidem syllogismus esse aliquem, dictum est prius, & quomodo syllogismus, & quid differat a Dialecticis. Neque enim longe, neq; omnia assumendo, oportet colligere. illud enim obscurum est propter longitudo; hoc uero nugatoriū, propterea quod manifesta dicuntur, quæ causa est, cur magis idonei sint ad persuadendum ineruditi, quam eruditi inter vulgares, quemadmodum poetæ dicunt, Ineruditos apud turbā concinnius dicere. illi enim communia, & quæ sunt in vniversum, dñt: hi vero, quæ sciunt, & quæ propinqua sunt.

Quare non ex omnibus, quæ probabilia sunt, sed ex definitis dicere oportet, nempe aut iudicantibus, aut ijs, quos approbant. manifesto autem sic apparere aut omnibus, aut plurimis. & nō solum colligere oportet ex necessarijs, sed etiam ex ijs, quæ plerunque se habent.

Ac

*Non longe
nec omnia
sumenda.*

*Dicendum
ex definitis*

*Querenda,
quæ in re in
sunt.*

Ac primum assumendum est, de quo oportet dicere, & syllogismo concludere, siue ciuili syllogismo, siue quocunque necessarium esse de hoc tenere ea, quæ insunt, uel omnia uel non nulla: nā nihil tenens, ex nihilo posses colligere.

*In genere de
liberatio.*

Dico autem exempli gratia, quomodo possemus consulere Atheniensibus utrum bellandum, an non bellandum sit, non tenentes, quæ potentia ipsorum sit, utrum naualis, an pedestris, uel utrunque, & ipsa quanta, & reditus qui, uel amici, uel inimici; præterea uero quæ bella gesserint, & quomodo, & alia huiusmodi?

*In demon-
stratio.*

Ac laudare eos, si non teneamus prælium nauale ad Salaminē, aut pugnam in Marathone, aut quæ pro Heraclidis gesta sunt, aut aliquid aliud tale? Nam ex insitis, aut ex ijs, quæ videntur inesse, honestis laudant omnes. Similiter uero etiam uituperant ex contrarijs, considerantes, quid eiusmodi in ipsis insit, aut uideatur inesse, quemadmodum quod Græcos ad seruitutem redegerunt, & subegerunt, qui simul bellum gesserant aduersus barbarum, & optime se gesserant, Aeginetas, & Patidæatas. & quæcunque alia talia, & siquid aliud peccatum eiusmodi insit in ipsis.

In iudiciali.

Eodem autem modo & accusantes, & defendentes, dum ex insitis considerationem habent, accusant, & defendunt.

Ac nihil interest, fiat ne hoc de Atheniensibus an Lacedæmonijs, de homine, an Deo: Etenim consilium danti Achilli, & laudanti, & uituperanti, & accusanti, & defendenti eum, assumenda sunt ea, quæ insunt, aut uidentur inesse, ut ex his dicamus laudantes, aut uituperantes, siquid honesti insit, aut inhonesti: accusantes, aut defendentes, siquid iusti insit, aut iniusti: consulentes,

res, siquid vtilis, aut perniciosi. Similiter autem his & de re quacunque, vt de iustitia, bonum nè, an non bonum, ex ijs, quæ insunt iustitiæ, aut bono.

*In questio
ne infinita.*

Iam uero quoniam & omnes uidentur in hūc modum demonstrare siue accuratius, siue negligentius syllogismo concludant (non enim ex omnibus assumunt, sed ex ijs, quæ in vna quaque re insunt) & propter rationem; manifestum enim est fieri non posse alio modo, vt demonstretur: apparet necessarium esse, quemadmodum in Topicis, ut circa unumquodque teneantur selecta de ijs, quæ contingunt, & oportunissima sunt. de ijs vero, quæ de repente fiunt, quærat eodē modo, ut spectentur non indefinita, sed insita, de quibus oratio habetur, & comprehendantur plurima, ac rei proxima. Nam quò plura habeantur insitorum, eò facilius est, vt res demonstretur: quò uero propiora, & minus communia, eò magis proprium demonstrationis.

*Tenenda se
lecta.*

*Plurima in
sita, ac pro-
xima.*

Dicimus autem communia, cum quis laudat Achillem, quòd homo sit, & quòd ex semideis, & quòd ad Ilium militauerit: hæc enim etiam alijs insunt multis. Quare nō magis iste Achillē laudat, quàm Diomedem.

Propria uero, quæ nemini alij acciderunt, nisi Achilli, vt interfecisse Hectorem fortissimum Troianorum, & Cycnum, qui prohibebat omnes exscendere, cum esset inuulnerabilis.

& admodum iuuenem, ac iniuratum militasse, & quæcunq; alia eiusmodi.

Ac vnus quidem locus selectionis est, & primus iste Topicus.

DE LOCIS TOPICIS
enthymematum.

*Elementum,
& locus en-
thymematis
idem.*

*Enthymema-
tum due
species.*



Elementa vero enthymematum dicamus. dico autem idem elementum, & locum enthymematis. Ac prius dicamus, de quibus necessariū est prius dicere.

Sunt enim enthymematū duæ species. nam alia valent ad demonstrandum rem esse, aut non esse: alia valent ad refutandum. & differunt, ut in Dialecticis Elenchus, & Syllogismus. Est autem enthymema, quod ualet ad demonstrandum, colligere ex confessis. quod uero ualet ad refutandum, colligere ex inconfessis. Ac nobis quidem ferme de singulis formis vtilibus, & necessarijs habentur loci: selectæ enim sunt de vnoquoq; propositiones. Quare ex quibus locis oportet ducere enthymemata de bono, aut malo, aut honesto, aut turpi, aut iusto, aut iniusto, & de moribus, & affectibus, & habitibus, eodem modo nobis parati sunt prius loci. Iam uero alio modo in vniuersum de omnibus assumamus, & dicamus, adnotantes, tum qui ad refutandum, tum qui ad demonstrandum valeant. & eos, qui sunt apparentiū enthymematū, cum tamen enthymemata non sint, siquidem neq; syllogismi. Hæc cum fuerint demonstrata, de solutionib. & obiectionibus explicabimus, unde eas ducere oporteat ad enthymemata labefactanda.

*Loci Topi-
ci, qui valent
ad demon-
strandum.*

Est autem unus quidem locus ex ijs, qui valent ad demonstrandū, A contrarijs. oportet enim videre, an contrariū contrario insit, an non insit, resu-

refutanti quidem, an non inſit: cōfirmanti uero, an inſit; ut temperanter agere bonum eſſe; intemperanter enim agere pernicioſum.

Aut quemadmodum in Meſſeniaca; ſi enim bellum cauſa eſt præſentium malorum, pace oportet correctionem adhibere.

Alcidamas.

Si enim ijs, qui inuiti male egerunt, iuſtum nō eſt irasci, neque etiā, ſi coactus aliquis benefecerit alicui, conueniens eſt gratiam habere.

At ſi inter mortales falſum dicere appoſitum eſt ad perſuadendum, exiſtimare oportet etiam contrarium, multa uera mortalibus euenire, quæ fide carent.

2 Alius ex ſimilibus caſib. Similiter enim oportet ineſſe, aut non ineſſe, quemadmodum, Non omne iuſtum bonum eſſe; alioquin etiam quod iuſte: uerum iuſte mori non eligendum.

3 Alius ab ijs, quæ conferuntur ad ſe inuicem. Si enim in altero ineſt, ut honeſte, & iuſte fecerit, in altero etiam, ut paſſus ſit.

Et, ſi ut iuſſerit, etiam ut fecerit.

Et quemadmodū publicanus Diomedon de uetigalibus. ſi enim uobis non eſt turpe vendere, neque nobis emere.

Et, ſi ei, qui paſſus eſt, accidit, ut honeſte, & iuſte paſſus ſit, etiam ei, qui fecit. Et, ſi qui fecit, etiam qui paſſus eſt.

Licet uero in hoc captionē facere: ſi enim iuſte necatus eſt, iuſte paſſus eſt; uerum fortalle non à te: Quamobrem oportet conſiderare ſeparatim, an qui paſſus eſt, dignus fuerit, qui pateretur, & qui fecit, dignus fuerit, qui faceret. deinde uti in utram partem conuenerit: non nunquā enim differt hoc, & nihil prohibet, ut in Alcmeōne Theodeſtis; Matrem tuam nemo mortalium

odio habebat? Affirmat uero respondens.

Sed distincte considerare oportet, Quærente vero Alpheisibœa, Quomodo? Assumens dixit; Necari quidem decreuerunt, verum me non interficere. & quemadmodum iudicium de Demosthene, & ijs, qui interfecerunt Nicanorem. Quoniam enim iuste necasse iudicati sunt, existimatus est iuste necatus. Et de eo, qui Thebis necatus est, de quo mandatum est iudicium, Num dignus esset, qui moreretur, quasi non iniustum esset mori, qui iuste moreretur.

- 4 5 Alius à maiori, & minori, quemadmodum si neque dii omnia sciunt, multo minus homines. Hoc autem est; Si cui magis inesse deberet, non inest, profecto neque cui minus. Illud autem, Proximum cædit, quicumque etiam patrem, ab eo est; Si quod minus inest, etiam quod magis inest, in utram partem oportebit demonstrare, siue esse, siue non. Præterea, si neque magis, neq; minus. Vnde dictum est; Et tuus quidem miserandus pater, cum amiserit filios; Oeneus autem non, cum amiserit filium præstantissimū Græciæ.

Et, si nō fecit iniuste Theseus, neq; Alexāder.

Et, si non Tyndaridæ, neque Alexander.

Et, si Patroclum Hector, etiam Achillem Alexander,

Et, si non alij artifices mali, neq; philosophi.

Et, si non Imperatores mali, quod sæpe vincuntur, neque sophistæ.

Et, si oportet priuatum vestræ gloriæ curam habere, & uos Græcorum.

- 7 Alius in tēpus intueri, ut Iphicrates fecit in ea oratione, quā habuit aduersus Harmodium; si prius quam facerē, postulasset, ut statua donarer, si fecissem; mihi illam concessissetis;

nunc

hunc, cum fecerim, non concedetis? Ne igitur beneficium expectantes promittatis, beneficium autem accepto denegetis.

Et rursus ut Thebani Philippo aditum darent in Atticam, si priusquam opem ferret cōtra Phocenses, postulasset, promississent: absurdum est, si propter ea quia neglexit, & credidit, traicere non permisissent.

8 Alius ex dictis secundum ipsorum mores aduersus eum, qui dixit. Eminent autem hic modus, quemadmodum in Teucro. Vsus est eo ipso Iphicrates contra Aristophontem, cum quæreretur, num proditurus esset naues propter pecunias; isq; id negaret, Ergo tu Aristophon existens, non proderes: ego uero prodidi, existens Iphicrates? Oportet autem illum existimari iniuriosiores: sin minus, ridiculum apparebit, si aduersus Aristidem accusantem hoc aliquis diceret: sed conuenit id in exiguam fidem accusatoris: Omnino enim accusans debet esse melior reo. Hoc igitur semper conuincendum est. In vniuersum autem absurdus ille est, qui obiurgat alios in ijs, quæ ipse faciat, aut facturus esset. vel suadet facere, quæ ipse non faciat, nec facturus esset.

9 Alius à definitione, in hunc modum, Demonium nihil est aliud, nisi Deus, aut Dei opus. Atqui quicumq; existimat Dei opus esse, hunc necesse est existimare etiam Deos esse.

Et ut Iphicrates, Generosissimum esse optimū. Etenim Harmodio, & Aristogitoni nihil prius extitit generosi, quàm generosi aliquid egissent. & se propinquiorem esse; Nam opera mea propinquiora sunt operibus Harmodij, & Aristogitonis, quàm tua.

Et, quemadmodum in Alexandro, omnes confelluros esse non esse temperatos, qui vno corpore contenti non sint, quo perfruantur.

Et causa, quamobrem negauit Socrates se iturum ad Archelaum. Dixit enim esse contumeliam non posse referre eum, qui accepit beneficium, perinde ac eum, qui maleficium: omnes. n. hi definitionem adhibentes, & assumentes prius, quid sit, syllogismo concludunt ea, de quibus dicunt.

10 Alius à quòtupliciter, vt ī Topicis de eo recte.

11 Alius à diuisione, quemadmodum si omnes trium rerum causa iniuriosi sunt; nempe aut huius causa, aut huius, aut huius: & propter duas fieri non potest, ut fuerint iniuriosi: propter tertiam autem ne ipsi quidem dicunt.

12 Alius ab inductione, vt ex Peparethia; de liberis ubique mulieres verum discernunt: hoc enim Athenis Mantix oratori controuersanti de filio mater indicauit; hoc item Thebis, Ismenia, & Stilpone controuersantibus Dononis demonstrauit Ismenia filium; & ob id Thessaliscū esse Ismenia existimarunt.

Et rursus ex lege Theodectis; iis, qui male curarunt alienos equos, non committunt suos. Neque ijs, qui euerterunt alienas naues. Si igitur res similiter se habet in omnibus, neque ijs, qui male custodiuerunt alienam salutem, debemus uti ad nostram.

Et ut Alcidas, quòd omnes honorant sapientes. Parij igitur Archilochum, quamuis male dicum honorarunt: & Chij Homerum, non existentem ciuem: & Mytilenxi Sapphonem, etiam existentem foeminam: & Lacedæmonij Chilonem in Senatorum numerum receperunt existen-

tes parum studiosi bonarum litterarum : & Itali Pythagoram , & Lampsaceni Anaxagoram , existētem peregrinum , sepeliuerunt , & adhuc honorant.

Et Athenienses usi legibus Solonis felices fuerunt : & Lacedæmonij legibus Lycurgi : & Thebis, simul atque præsides philosophi electi sunt, felix illa ciuitas fuit.

13 Alius à iudicio de eodem, aut simili, aut contrario, maxime quidem, si omnes, & semper iudicarunt : sin minus, at saltem plurimi, aut sapientes, aut omnes, aut plurimi, aut boni, aut si ipsi iudicantes aliàs ita iudicarunt, aut quos ipsi approbant, aut contra quos iudicium esse non potest, vt dominos, aut cōtra quos nō est honestū iudicare ut Deos, aut patrem, aut præceptorē.

ut in Mexidemidem dixit Autocles ; si seueris deabus honestum fuit in Areopago causam dicere ; cur Mexidemidi non erit ?

Aut quemadmodum Sappho, Mori malum esse : Dei enim sic iudicarunt ; alioquin mortui essent.

Aut quemadmodū Aristippus, aduersus Platonem iactantius quiddam dicentē, vt putabat ; Atqui sodalis noster, inquit, nihil eiusmodi, significans Socratem.

Et Hegesippus Delphis perēunctatus Deum, qui prius Olympiæ oraculum habuerat, num ipsi eadem uiderentur, quæ patri, quasi turpe esset contraria dicere.

Et Helenā, ut Isocrates scripsit, uirtute præstantem fuisse : Theseus enim iudicauit.

Et Alexandrum, quem deæ iudicē elegerunt.

Et Euagoram, uirtute præstantem fuisse, ut Isocrates ait, quia Conon, cum aduersa fortuna

uteretur, omnes alios omisit, & ad Euagorā venit.
 14 Alius à partibus, ut in Topicis, Qualis motus animus? aut enim hic: aut hic. Exemplum ex Socratis Theodecte; Quale templum violauit, quos Deos non coluit ex ijs, quos ciuitas existimat?

15 Alius, quoniam in plurimis rebus accidit, ut sequatur eas aliquid boni, & mali, à consequēti suadere, aut dissuadere, & accusare, aut defendere, & laudare, aut uituperare. ut eruditionē illud mali cōsequitur, ut ei inuideatur: illud vero boni, ut sapientē hominem reddat. Non igitur oportet erudiri, quia non oportet inuidiæ subijci. Oportet igitur erudiri, quia sapientem esse oportet. Iste locus est Callippi ars, quæ assumpsit & id, quod fieri potest, & alia, ut dictum est.

16 Alius, quando de duobus oppositis suadere, aut dissuadere oporteat, eodem, qui dictus est, modo, uti in utramque partem. Differt autem, quòd ibi quidem quæuis opponuntur: hic vero contraria; ut sacerdos non sinebat filium cum populo agere: si enim inquit, iusta dicas, homines te odio habebunt: si vero iniusta, Dei. Immo oportet cum populo agere: si enim iniusta dicas, homines te amabunt: si vero iusta, Dei. Hoc autem est idem cum eo, quod dicitur; Oleum, & salem emerē. Et hæc est inuersio, quando duorum contrariorum utriusque bonum, & malum cōsequens est, ut contraria sint utraque verisque.

17 Alius, quoniam non eadem laudant aperte, & occulte; sed aperte quidem iusta, & honesta maxime laudant; priuarim autem utilia magis uolunt: ex his conari alterum colligere; hic enim locus est potentissimus inter eos, qui sunt præter opinionem.

Alius

18 Alius ab eo, quòd contingit ex proportione, quemadmodum Iphicrates, cogentibus filium ipsius, qui erat iunior ætate, munus obire, quia magnus esset, dixit, si ex pueris, qui magni sunt, existimant viros; ex viris, qui parui sunt, pueros esse constituent. Et Theodectes in lege, si ciues facitis stipendiarios milites, vt Strabacem, & Charidemum propter probitatem, in exilium non pelletis ex stipendiariis militibus, qui nefarie se gesserunt.

19 Alius, si quod contingit, sit idem, etiam ea, ex quib. cõttingit, esse eadem; quemadmodum Xenophanes dicebat, similiter esse impios, qui asserunt Deos nasci, ac eos, qui dicunt mori: utroque enim modo contingit, non esse aliquando Deos. & omnino quod contingit ex utroque, assumere tanquam idem semper. Debetis autem iudicare non de Socrate, sed de professione, an oporteat philosophari. Et dare terram, atq; aquã nihil esse aliud, nisi seruire. Et participes esse communis pacis facere, quod imperatum est. Assumendum autem, utrum sit utile.

20 Alius ab eo, quòd non idem semper ipsi eligunt posterius, ac prius, sed è conuerso, ut hoc enithymema; si fugientes quidẽ pugnabamus, vt restitueremur; restituri fugiemus, ne pugnemus: aliquando .n. manere, ut pugnarent, elegerunt: aliquando uero pugnare, ut manerent.

21 Alius, si non factum sit id, cuius gratia sit, affirmare huius causa esse, aut factum esse; quemadmodum si quis dare alicui, ut auferens molestus esset. unde & illud dictum est, Multis Fortuna non ex beneuolentia conferens magnas dat prosperitates, sed ut illi insigniores accipiant calamitates. Et illud ex Meleagro Antiphontis.

Non

Non ut occidant feram, sed ut testes fiant uirtutis Meleagri in Græcia. Et illud ex Aiace Theodectis, quod Diomedes præelegerat Vlyfsem non honoris causa, sed ut haberet comitem se ipso minorem.

22 Alius, communis & controuersantibus, & cōsulentibus considerare, quæ suadeant, & dissuadeant, & quorum causa & agant, & fugiant: hæc enim sunt, quæ si adsint, oportet agere; quemadmodum si fieri potest, & facile est, & utile, aut ipsi, aut amicis aut perniciosum inimicis, & noxiū, aut minor noxa, quàm res. Et suadent quidem ex his, ac dissuadent ex contrarijs. Ex ijsdem autem his & accusant, & defendunt. Ex dissuadentibus quidem defendunt. Ex suadentib. vero accusant. Est autem locus iste tota ars tum Pamphili, tum Callippi.

23 Alius ab ijs, quæ fieri quidem videntur, sed fidem non habent; quod ita visa non essent, si nō essent, aut prope essent. & quod magis: aut enim existentia, aut uerisimilia existimant. Si igitur incredibile, & non uerisimile, uerum erit. Non enim quia est uerisimile, & appositum ad persuadendum, uidetur ita, ut Androcles Pitheus legem accusans dixit, cum obstreperent ipsi dicenti, Indigent leges lege corrigente: etenim pisces sale. Atqui neque uerisimile, neque appositum ad fidem est, qui aluntur in sale, eos indigere sale. Et oliuæ oleo. Atqui incredibile est ex quibus oleum fit, ea oleo indigere.

Loci ad refutandum appositii.

1 Alius, qui ualet ad refutandum, Repugnantia considerare, siquid repugnans sit ex omnibus, & temporibus & actionib. & sermonibus separatim quidem in controuersantem in hunc modum, Et ait quidem se amare uos, sed conspirauit cum

Tri-

Triginta. Separatim uero in se ipso; Et ait me esse litigiosum, neque potest demonstrare, me intentasse iudicium ullum. Separatim uero in se ipso, & controuersante; Et hic quidem nihil unquam dedit mutuo: ego uero multos uestrum liberaui.

2 Alius in calumniam uocatis & hominibus & actionibus, quæ non existimentur, dicere causam paradoxî. Est enim aliqua causa, quamobrem appareat, quemadmodum, cum quædam affecta esset calumnia, propterea quod suum ipsius filium complecteretur, videbatur concumbere cum adolescente: dicta uero causa, soluta est calumnia. & quemadmodum in Aiace Theodectis Vlysses dicit apud Aiace, quamobrem cum fortior existat Aiace, non tamen uideatur.

3 Alius à causa, & si existat esse, & si non existat, non esse. Simul enim sunt causa, & cuius causa; & sine causa nihil est; ut Leodamas se defendens dicebat, accusante Thrasybulo, cum notatum esse infamia in arce, verum abrasisse, dominantibus Triginta, Non contingit, inquit: magis enim credidissent mihi Triginta scripta inimicitia cum populo.

4 Alius considerare, num licuit melius, aut licet, quàm ea, quæ deliberat, aut agit, aut egit. Apparet enim, si ita se non habet, non egisse: nemo enim sponte mala, & sciens præeligit. Est autem hoc falsum: sæpe enim hoc fit posterius manifestum, quemadmodum esset melius agere: prius uero incertum.

5 Alius, simul considerare, quando aliquid agendum sit, cōtrarium ijs, quæ acta sunt; quemadmodum Xenophanes Eleatis rogantibus, num sacrificarent Leucotheæ, & lugerent, nec ne; consuluit,

luit, si existimarent deam, ne lugerent, si hominem ne sacrificarent.

6 Alius locus, ab ijs, in quib. peccatum est, accusare, aut defendere, quēadmodum in Carcini Medea. Hi quidem accusant, quod filios occiderit. neque enim eos apparere. peccauit enim Medea in filiorum missione. Illa uero se defendit, quod non filios, sed Iasonem interfecisset. Hoc enim si non fecisset, peccasset, si modo alterum fecisset. Est autem locus iste, & enthymematis species tota prior Theodori ars.

7 Alius à nomine, ut Sophocles, Aperte ferrea, & ferens nomen. & ut in laudibus Deorum solent dicere. & ut Conon Thrasibulum nominabat vere Thrasibulum. & Herodicus Thrasymachum sic, semper Thrasymachus es. & Polum sic; semper tu Polus es. Et Draconem legumlatorem, quod non hominis leges essent, sed draconis, quia aspere. & ut Euripidis Hecuba in Aphroditem, Ac nomen recte demetriæ initiū deæ. & ut Cheremō Pētheus futurę calamitatis nomē ferē.

Quæ enthymemata magis probentur.

Probantur autem magis ex enthymematibus ea, quæ valent ad refutandum, quàm quæ ad demonstrandum: propterea quod enthymema, quod ualet ad refutandum, est collectio contrariorum in angusto: quę uero iuxta se posita sunt, apparēt magis. Ex omnibus autem tum qui ad refutandū, tum qui ad demonstrandum ualent syllogismis, perturbant maxime quęcunque sunt talia, ut cū incipiunt proferri, ea auditores prouideant, non ea de causa, quia ipsa in promptu sint: simul enim & ipsi præsentes gaudent sibi ipsis; & quæ eatenus subsequuntur, ut simul ipsi ea cognoscant, ac dicta fuerint.

Quoniam aut contingit, hunc quidem esse syllogismum

ogismus, illum uero non esse, sed apparere; necesse est etiam enthymema hoc quidem esse enthymema, illud uero non esse, sed apparere, siquidem enthymema syllogismus est quidam.

Loci apparentium enthymematū in dictione.

Loci aut sunt apparentium anthymematum ;
 1 Vnus quidē i dictione. Atq; huius una pars est, ut in Dialecticis, cum quis nihil syllogismo concluderit, in modum conclusionis extremū dicere. Non est hoc, & hoc. Necesse igitur est hoc, & hoc. Et in enthymematibus contorte, & opposite dicere, apparet enthymema. talis enim dictio cāpus est enthymematis, & tale uidetur esse à figura dictionis. Est autem utile ad dicendum syllogistica dictione, syllogismorum multorū capita dicere. Hos quidem seruauit: illos uero ultus est: Græcos autem in libertatem vēdicauit. horum enim unumquodq; ex aliis demonstratum est. Atq; ex his coniunctis, aliquid confici apparet.

2 Altera uero pars est in homonymia, ut dicere uirtute præstantem esse Myn, à quo honoratissima omnium festiuitas. Nam mysteria sunt omniū honoratissima festiuitas. Aut si quis canem encomio exornans, cœlestem complectatur, aut Pana, quia Pindarus ait, ò beate, quem magnæ deæ canem uarium uocant Olympij. Aut nullum esse canem ualde in honoratum esse. Quare canē esse, honoratum. & dicere cœnomicum Mercurium esse maxime inter Deos: solus enim uocatur cœnus Mercurius. Et logum esse rem præstantissimam, quia boni uiri non pecunijs, sed logo sunt digni. logo enim esse dignum non simpliciter dicitur.

3 Alius, quod disiunctum est coniungendo dicere, aut quod coniunctum est, disiungendo: quoniā enim idem uidetur esse, cum sæpe idem non existat,

existat, vtrum vtilius erit, id oportet facere. Atq; hoc Euthydemii oratio est, quemadmodum scire tritem in piræo esse, quia unūquodq; nouit. Et scientem elementa cognoscere carmen: idem enim carmen est. Et quia bis tantum morbosum est, neque vnum salubre esse affirmare: absurdum enim est, ut duo bona, vnum malum sit. Sic igitur ualet ad refutandum. ita vero ad demonstrandum: non enim unum bonum, duo sunt mala. Ac totus locus captiosus est. Rursus illud Polycratis in Trasibulum, Triginta tyrannos sustulit: coniungit enim. Aut illud in Oreste Theodectis: ex distinctione enim est. Iustum est, si quæ interficiat maritum, eam mori. & filium patrem vlcisci. Atque hæc facta sunt. Nam si quis coniunxerit, fortasse non æquum. erit etiam à defectione, quoniam tollitur à quo.

4 Alius locus est, cum indignatione confirmare, aut infirmare. Hoc uero est, quando quam rem non demonstrauerit factam esse, eam amplificet: efficit enim, ut non appareat, aut non fecisse, quando causam dicens amplificat, aut fecisse, quando accusans irascitur. Non tamen est enthymema: decipitur enim auditor, quod fecerit, aut non fecerit id, quod demonstratum non est.

Loci enthymematum adumbratorum in re.

1 Alius à signo. neque enim hoc sub syllogismum cadit; quemadmodum si quis diceret, cuius tibus profunt amatores: Harmodij enim, & Aristogitonis amor euertit tyrannum Hipparchum. Aut si quis diceret, furem Dionysium esse, quia improbus. Nam neque hoc cadit sub syllogismum: non enim omnis improbus est fur.

2 Alius propter id, quod accidit; ut quod dicit Polycrates in mures, quod opem tulissent, comedentes

dentes neruos, Aut si quis dicat, Ad cœnam uocari honorificentissimum: etenim quia non uocatus fuit Achilles, successit Achivis in Tenedo. At, quia non estimatus fuerat, successit. Accidit autem hoc ex eo, quia non uocatus fuit.

3 Alius à consequenti, ut in Alexandro, Magnanimū eum esse: nam contemnens multorum consuetudinem in Ida secum versatur. magnanimi enim eiusmodi sunt: Et quoniam se comit, & noctu uagatur, cum adulterum esse: adulteri. n. eiusmodi sunt. Similiter vero quia in templis mendici & cantant, & saltant, & quia exulibus licet habitare, ubi uolunt. quia enim iis, qui uidentur esse felices, hæc ipsa existunt, etiam ij, quibus existunt hæc, videbuntur esse felices. Differt autem, quomodo. Quamobrem & in defectionem cadit.

4 Alius à non causa, quasi causa; ut eò quòd simul, aut post eam factum sit: quòd enim est post eam, accipiunt, ut propter eam, & maxime qui sunt in Rebusp. ut Demades Demosthenis ad ministrationem publicam omnium malorum causam fuisse: post eam enim accidit bellum.

5 Alius, cum deficit. Quando, & Quomodo; ut iuste Alexandrum rapuisse Helenam: quia oprio ipsi data est à patre: non enim semper fortasse; sed primum, etenim pater eatenus fuit dominus. Aut si quis dicat, cedere liberos homines esse contumeliam, neque enim omnino: sed quando prior lacessuit iniuria.

6 Præterea ut in Existicis ab eo, quod est simpliciter, & non simpliciter, sit apparens syllogismus, sed quiddam. ut in Dialecticis, Esse; quod non est, quia id, quod non est, est id, quod non est. Et quod cognosci non potest, sciri posse, quia

quia quod cognosci non potest, sciri potest, id cognosci non posse. sic etiam in Rhetoricis est appa-
rens enthymema, ab eo, quod non simpliciter veri-
simile est, sed quiddam uerisimile, Atque hoc ge-
nerale non est, ut & Agathon inquit. Fortasse ali-
quis uerisimile esse dixerit, Mortalib. multa eue-
nire non uerisimilia. Fit enim id, quod est præter
uerisimile. Quare uerisimile etiam est, quod
præter uerisimile est. si autem hoc, quod non
est uerisimile, erit uerisimile, non autem simplici-
ter, sed ut in Eristicis, nisi addantur secundum
quid, & ad aliquid, & alicubi, patefaciunt uiam
fallacijs. Etiam hic præter uerisimile est, non sim-
pliciter, sed quoddam uerisimile. Constituta autē
est ex hoc loco ars Coracis: si enim culpæ non
sit obnoxius, quemadmodum si cum debilis exi-
stat de uerberatione arguatur, non est uerisimile,
& si sit obnoxius, quemadmodum, si cum robu-
stus existat, nec est quidem uerisimile, quia
futurum erat, ut uideretur uerisimile. Simili-
ter uero etiam in alijs; aut enim culpæ obno-
xium esse necesse est, aut non culpæ obnoxium.
Ac apparent quidem ambo uerisimilia; uerum
illud quidem est uerisimile: hoc uero non simpli-
citer, sed ut dictum est. Et hoc est inferiorem
causam facere superiorem. Atque hinc merito
molestè ferebāt homines Protagoræ professionē.

Etenim falsum est, & non uerum, sed apparens
uerisimile. & in nulla arte, nisi in Rhetorica, &
Eristica.

Ac de enthymematibus quidem & existentib.
& apparentibus dictum est.

DE DISSOLVTIONIBVS

Enthymematum.



E dissolutionibus autem consequens est iis, quæ dicta sunt, ut disputemus.

Licet uero dissoluere,

1 aut contra ratiocinando:

2 aut obiectionem afferendo.

1 Ac contra quidem ratiocinari manifestum est ex iisdem locis posse contingere: ratiocinationes enim ex probabilibus existunt: quæ aut probantur, multa contraria inter se sunt.

2 Obiectiones uero afferuntur, ut etiam in Topicis, quattuor modis.

aut enim ab eodem

aut à simili,

aut à contrario,

aut à iudicatis

1 Dico ab eodem, quemadmodum si enthymema esset, amorē bonū eē, dupliciter obici posset. aut enim in vniuersum dicendo, omnem indigentiam esse malum.

aut secundum partem, quia non diceretur Cautius amor, nisi existerent etiam amores mali.

2 A contrario obiectio offertur, quemadmodū si enthymema esset probum virum omnibus amicis bene facere. At neque improbus male.

3 A similibus. Si esset enthymema, qui malū acceperunt eos semper odio habere. At neque qui bonum acceperant semper diligunt.

4 Iudicia existunt à claris uiris, quæadmodum si quis enthymema proferret, temulentis oportere veniā dare, quia ignorātes peccāt, obiectio ē, Nō

K igitur

igitur Pittacus laudandus : non enim grauior es pœnas lege constituisset, si quis temulentus peccasset .

Enthymemata ducuntur ex quattuor

Et, quoniam ducuntur ex quattuor enthymemata, & hæc quattuor sunt

verisimile,
exemplum,
tecmerium,
signum ;

1 & quæ colliguntur ex ijs, quæ plerunq; fiunt, aut existentibus, aut quæ uidentur existere, sunt à uerisimilibus .

2 Quæ ex inductione rei similis, aut unius, aut plurium, quando aliquis, qui assumpserit vni uersale, concludat, deinde id, quod est in parte, ab exemplo .

3 quæ ex necessario, atq; existente, à tecmerio :

4 quæ ab eo, quod est in uniuersum, aut ab eo, quod est in parte, siue existat, siue non, à signis : apparet talia enthymemata semper licere dissoluere, afferendo obiectionem . dissolutio autem apparens, & non uera semper erit.

1 Non enim soluit, qui obijcit uerisimile non esse, sed qui necessarium non esse . Quamobrem semper est meliore conditione, qui defendit, quàm qui accusat propter hanc captionem .

Quoniam enim accusans demonstrat ex uerisimilibus (non est autem idem dissoluere, aut uerisimile non esse, aut necessarium non esse) semper uero habet obiectionem id, quod plerumque est, non enim esset uerisimile, sed semper, ac necessarium ; disceptator putat, si sic solutum sit, aut non esse uerisimile, aut non sibi iudicandum, cum decipiatur, ut dicebamus, non enim ex necessarijs solum oportet ipsum iudicare, sed etiam

ex verisimilib. hoc enim ē mēte optima iudicare. Non igitur sufficit, si soluerit, non necessarium esse, sed oportet soluere, verisimile non esse. hoc autem continget, si sit obiectio, frequētius fieri. Contingit autem esse talem duobus modis, aut tempore, aut rebus. potentissima autem est, si ab utrisque: si enim sēpius ita, id verisimilius est.

4 Soluentur autem signa, & quę à signo ducūtur enthymemata, etiā si existant, vt dictum est in superioribus: nullum enim signum sub syllogismum cadere manifestum est nobis ex Analyticis.

2 Ad exempla uero eadem dissolutio est, quę ad uerisimilia: si enim habeamus aliquid, quod non sic euenerit, solutum est, quia non necessarium. & si plura, aut sēpius aliter euenerunt: si enim plura, & sēpius sic, pugnandum est, aut id, quo de agitur, non esse simile, aut non similiter, aut differentiam aliquam habere.

3 Tecmeria uero, & quę tecmerijs constant enthymemata, dissoluere quidem non licet, eo quod sub syllogismum non cadant (manifestum est autem etiā hoc nobis ex Analyticis) sed relinquitur, ut ostendamus, non existere id, quod dicitur. Si uero appareat & existere, & tecmerium esse, iam hoc solui non potest. Iam enim omnia patefacta sunt demonstratione.

Amplificare autem, & diminuere, nō est enthymematis elementum (idem enim dico elementū, & locum; estque elementum, & locus, in quē multa enthymemata cadunt) sed amplificare, & diminuere sunt enthymemata ad demonstrandum magnum, aut paruum esse, quemadmodum etiā bonum, aut malum, aut iustum, aut iniustū

K 2 aut

Amplificatio, & diminutio non sunt loci enthymematis

aut unumquodque aliorum. Hæc autem omnia sunt, in quib. Syllogismi, & enthymemata uersantur.

Quare si nullum horum est enthymematis locus, neque amplificare quidem, & diminuere.

*Eadem vis
enthymema-
sum, quæ
uallē: ad sol-
uendum, &
quæ ad cō-
firmandū.*

Neque ea, quæ habent uim soluendi, enthymemata, diuersi generis sunt ab ijs, quæ habent vim confirmandi. Manifestum enim est, soluere eum, qui aut demonstrat, aut obiectionem affert. Sed contra demonstrat oppositum. quemadmodum si demonstrat, factum esse, iste non factum esse. sin autem non factum esse, iste factum esse. Quare nulla erit differentia; iisdem enim utuntur ambo: quia enim non est, aut est, enthymemata; afferūt. Obiectio autem non est enthymema; sed, quemadmodum in Topicis, dicere opinionem aliquam, ex qua erit manifestum, aut non esse syllogismo conclusum, aut falsi aliquid assumptum esse.

De exemplis quidem, & sententijs, & enthymematibus, & omnino ijs, quæ ad mētis conceptionem pertinent, & unde ijs abundabimus, & quomodo ea dissoluemus, dicta sint nobis tam

multa. Reliquum est explicare, quæ
pertinent ad elocutionem,
& dispositionem.

Finis Libri Secundi.

ARISTOTELIS

ARTIS RHETORICAE,

ANTONIO RICCOBONO

Interprete,

Liber Tertius.

DE ELOCVTIONE, ET SIMVL

DE ACTIONE.



QVONIAM tria sunt, quæ oportet præcipere de oratione; unum quidem, ex quibus ipsa fides existet: alterum vero de elocutione: tertium autem, quomodo conueniat ordinare partes orationis, ipsa quidem fides, dictum est, tum ex quot sit, quia ex tribus existit, & hæc cuiusmodi sit, & quamobrem hæc pauca: aut enim eo quod ipsi aliquo modo affecti sint iudicantes: aut eo quia existiment cuiusdammodi dicentes: aut eo quod demonstratum sit, omnes persuadentur. Dictum uero est et, enthymemata unde paranda sint. Nam existunt partim formæ enthymematum, partim loci. De elocutione uero consequens est dicere. Nō. n. sufficit habere, q̄ oportet dicere: sed necesse est et

Tria de oratione præcipienda.

L 3 hæc

hæc dicere,quemadmodum oportet, ualetq; multum ad id, ut is, qui dicit, cuiusdam modi appareat. Ac primum quidem quæsitum est secundum naturam, quod natura factum est primum, res ipsæ unde possint persuaderi. Alterum uero, quo modo eadem exponantur elocutione. Tertium autem, quod vim habet maximam, & nondum tentatum est, ea, quæ pertinent ad actionem. Nam in Tragicam, & Rhapsædiam sero uenit. Agebant enim ipsas Tragædias primum poetæ. Manifestum igitur est idem esse in Rhetorica, ac in Poetica, quod quidam alij tradiderunt, & Glauco Teius. Atque ipsa consistit in uoce, quemadmodum ea uti oporteat ad unumquemq; affectum, ut quando magna, & quando parua, & quemadmodum tonis, ut acuto, & graui, & medio. & quibus rhithmis ad unumquemq;. Tria enim sunt, de quibus considerant. & hæc sunt, magnitudo, concentus, rhithmus. Ac præmia quidem ferme accipiunt isti ex certaminibus. Et, quemadmodum magis ualent actores, quam poetæ; ita manifestum est idem euenire in ciuilibus certaminibus propter improbitatem Rerump. Nondum autem constat de ipsis ars, quoniam etiam id, quod pertinet ad elocutionem, sero prodijt. Et uidetur esse res leuis, si recte existimetur. At, cum ad opinionem tota Rhetorica traditio existat, eius cura suscipienda est non tamquam rei recte se habentis, sed tamquam necessariæ. quoniam iustum est, nihil amplius quærere circa sermonem, quam ut neque molestiam, neque iucunditatem afferamus. iustum enim est, ipsis decertare reb. Quare alia præter demonstrationem superuacanea sunt. uerum tamen multum ualent, ut dictum est, propter auditoris improbitatem.

Atque

*Fides.**Elocutio.**Actio.**Tria considerantur in uoce.*

Atq; id quidē, quod pertinet ad elocutionē, habet non nullam parvam necessitatem in omni doctrina . interest enim quiddam ad declarandum, itane, an ita dicas . non tamen tantopere : sed omnia hæc phantasia existunt, & ad auditorem.

Ac illa quidem cum prodibit, idem efficiet, atque histrionica . Conati autem sunt non nihil de ipsa dicere non nulli, ut Thrasymachus in Miserationibus.

Naturæ autem est ualere ad actionem, ac magis expertus artis . In elocutione uero ualet artificium . Quamobrem oratoribus, qui huius facultatem habent, existunt rursus præmia, quemadmodum etiam, qui actionis . Orationes enim, quæ scribuntur, plus ualent propter dictionem, quàm propter sententiam.

Ac ceperunt quidem poætæ mouere primum, ut natura tulit . nomina enim imitationes sunt . Existit uero etiam nobis uox, omnium partium aptissima ad imitationem . Quamobrem & artes constitutę sunt, tum rhapsœdia, tum histrionica, tum aliæ.

Quoniam uero poætæ dicentes inania, ex elocutione uidebantur hanc gloriam comparasse ; propterea poetica prima exitit elocutio, ut Gorgiæ . Et nunc etiam multi eorum, qui ineruditi sunt, tales arbitrantur pulcherrime disputare . At non est ita . sed altera orationis ; altera potius est elocutio . Euentus autem id manifestum facit : Neq; enim facientes Tragedias amplius utuntur eodē modo, sed quemadmodum ex Tetrametris ad Iambicum se contulerunt, quia inter alia metra hoc sermoni simillimū est, sic abiecerunt nomina, quæcunque sunt præter consuetudinem loquendi, & quibus primum ornabant, & adhuc etiam,

An elocutio necessaria.

Pauci quidam scripserunt de elocutione.

Conferuntur actio cum elocutione.

Elocutio oratoria diuersa est à poetica.

qui nunc exametra faciunt, abiecerunt. Quamobrem ridiculum est imitari eos, qui ipsi non amplius illo modo vtuntur. Quare apparet non omnia, quæcunque de elocutione licet dicere, exacte nobis esse explicanda, sed quæcunque de eius modi, qualem dicimus. de illa uero dictum est in iis, quæ sunt de Poetica.

DE VERBIS SIMPLICIBVS.

Elocutio debet esse perspicua, non humilis, nec elata.



Int ergo illa cogitata. & definita sit elocutionis virtus, vt perspicua sit. Signum enim est, quod oratio si non declaret, suum ipsius munus non obibit. & ut neque humilis, neque supra dignitatem, sed decora. Nam poetica fortasse, non humilis, sed, nec decora quidem orationi.

Adhibenda propria, & immutata.

Ex nominib. autem, & uerbis perspicuam quidam efficiunt propria. non humilem uero, sed ornatam. alia nomina, quæcunque dicta sunt in præceptis de poetica. Cum enim immutatur, efficitur, ut grandior appareat: quemadmodum enim homines ad peregrinos, & ad ciues, sic etiam ad elocutionem afficiuntur. Quamobrem oportet efficere peregrinum sermonem. admiratores enim sunt absentium. iucundum uero est admirabile. Ac in metris quidem & multa hoc faciunt, & conuenit illic facere. Plus enim excellunt res, & homines, de quibus habetur oratio: in nudis autem orationibus multo paucioribus uti licet; argumentum enim inferius est. quoniam & ibi, si seruus ornate loqueretur, aut ualde iuuenis, minus decorum esset, aut si de admodum paruis. Sed est etiam in his quod contrahitur, & dilatatur.

Quam-

Quamobrem oportet latere, dum id facimus, & non uideri fiste dicere, sed naturaliter. hoc enim appositum est ad persuadendum: illud uero contrarium. Nam cauent tamquam ab insidiatore, quemadmodum à vinis permistis. & ut Theodori uox affecta est ad aliorum histrionum vocem: hæc enim dicentis videbatur esse: illæ uero alienæ. Bene autem occultatur, si quis ex solito sermone seligens componat; id quod Euripides facit, & ostendit primus.

Cum autem nomina, & uerba sint ea, ex quib. oratio constat; & nomina tam multas habeant species, quàm multæ consideratæ sunt in præceptis de poesi: ex his quidem utendum est linguis, & duplicib. nominibus, & factis, raro, & paucis in locis. ubi uero, posterius dicemus. dictum enim est, quamobrem. Nam in maius, quàm decet, immutant.

Proprium autem, & domesticum, & translatio profunt tantum ad elocutionem nudorum sermonum. Signū uero est, q̃ his solis omnes utuntur. omnes enim translationib. loquuntur & domesticis, & proprijs. Quare manifestum est, si quis recte faciat, peregrinitatem fore, & posse latere, & perspicue dicere. hæc autem est uirtus oratoriæ orationis.

Ex nominibus uero sophistæ quidem homonymiæ sunt utiles. Nā circa has fraudē facit. poetæ uero synonymiæ. Dico autem & propria, & synonyma, ut & ire, & proficisci. hæc enim ambo & propria, & synonyma inuicem sunt.

Ac quid sit quidem unumquodq; horum, & quot species translationis, & quemadmodum ualeant potissimum translationes tum in poesi tum in orationibus dictum est, ut expon ebamus,

in

Domestica

*Inusitata
duplicia
facta.*

Homonymiæ

Synonymiæ

*De metapho
ra.*

in ijs, quæ de poetica conscripta sunt.

2 Tanto autem magis in orationibus oportet laborare de ipsis, quanto pauciora auxilia oratio habet, quàm metra.

3 Et perspicuum, & iucundum, & peregrinum maxime habet translatio.

4 Et non licet accipere ipsam ab alio.

5 Oportet uero & epitheta, & translationes congruentes dicere. Atque hoc erit ex proportionem. sin minus indecorum apparebit, propterea quodd contraria iuxta se posita maxime apparent. Sed oportet considerare, ut iuuenem decet purpura, sic quid deceat senem. non enim eadem decet uestis.

6 Et si ornare uelis, à melioribus in genere translationem ducere. & si uituperare, à peiorib.

Dico autem, ut, quoniam contraria sunt in eodem genere, exponere mendicantem quidem precari, precantem uero mendicare. quia utrunque petitio est, id est, quod dicitur, facere.

*id est, qui p
sacris Ma-
gnæ Matris
numos coge-
ret. qui in
sacris lam-
pada gesta-
ret.*

quemadmodum & Iphicrates Calliam Matragyrtam, non daduchum. ille autem dixit. non esse ipsum initiatum. Non enim Matragyrtam appellasset, sed daduchum. utrunque enim refertur ad deam. sed illud honoratum. hoc non honoratum.

Ac alij quidem sunt Dionysij assentatores: ipsi uero se artifices uocant. ambo enim hæc translationes. illa inquinantium: hæc contra.

Ac alij sunt prædones: ipsi uero se lucri facto- res nunc appellant,

Quamobrem licet dicere illum, qui iniuriam facit, peccare: illū uero, qui peccat iniuriā facere.

Et cum, qui furripuit, & sumpsisse, & popula- tum esse.

Illud

Illud autem, quod Telephus Euripidis inquit, indecorum, Remo imperare. Nam imperare maius est, quàm pro dignitate. Non igitur occultum est.

7 Est etiam in syllabis error, si non sint signa iucunda uocis, quemadmodum Dionysius Chalcheus in Elegis Clangorem Calliopes pœsim; quia ambæ sunt uoces. mala autem translatio ex uocibus significationis expertibus.

8 Præterea uero non oportet longe, sed ex cognatis, & conformibus transferre innominata cum nomine. quod dictum manifestum sit cognatum esse, ut in ænigmate illo probato, Virum uidi igne æs uiro agglutinantem: innominata enim est affectio. est autem utrunque appositio quædam. Quare dixit agglutinationem cucurbitæ applicationem.

9 Et omnino ex probe factis ænigmatibus licet translationes elegantes assumere. Translationes enim faciunt ænigmata. Quare manifestum est bene translatum esse.

10 Et ab honestis. Honestas autem nominis, ut Licymnius dicit, posita est in sonis, & significato. Et turpitudine eodem modo præterea tertia honestas existit, quæ soluit sophisticam rationē. Non enim est ut dixit Bryson, Neminem turpiter dicere, siquidem idem significat hoc pro illo dicere, hoc enim est falsum. Nam est aliud alio magis propriū, & similis, & accommodatius ad ponendam rem ante oculos. præterea non similiter sc̄ habens significat hoc, & illud. Quare sic etiam aliud alio honestius, & pulchrius ponendum est. ambo enim honestum quidem, & turpe significant: sed non quatenus honestum, aut non quatenus turpe. aut hæc quidē: sed magis, & minus.

nus. Translationes autem hinc ducendæ ab honestis aut uoce, aut facultate, aut aspectu, aut alio aliquo sensu. Differt uero dicere exempli causa roscodigitam auroram magis, quàm purpureodigitam, uel adhuc deterius rubrodigitam.

Epitheta.

Et in epithetis licet appositiones fieri à malo, aut turpi, quemadmodum *Matricida*. & licet à meliori, ut patris uindex. Et Simonides cum ipsi paruum daret præmium is, qui mulab. uicerat, noluit carmen facere, quasi grauaretur carmen facere in semiasinas. Vbi uero idoneum dedit, cecinit, *Saluete uolucrum filia equorum*.

Diminutina

Et idem diminuere. Est autem diminutio, quæ minus reddit & malum, & bonum, ut Aristophanes cauillatur in *Babylonijs* pro auro aurulum, pro toga togulâ, pro conuicio aut conuiciolum, & morbulum. oportet uero cauere, & tenere, atque obseruare modum in utroque.

Frigida elocutio.

Frigora in quattuor rebus fiunt secundum elocutionem.

1 In duplicibus nominibus, ut *Lycophron*, *Multiforme cælum magniceruicæ terræ.* & *litus angustiuuium*. & ut *Gorgias* dicebat, *Prochomusus* adulator. *Praueiuros*, & *probeiuros*, Et ut *Alcidas*, *Furore quidem animum repletum*, *igniuorum uero aspectum factum*. Et *Finiferentem* putauit *alacritatem ipsorum futuram*. & *Finiferentem suadelam orationum constituit*. & *Cœrulicolor maris solum*: omnia enim hæc poetica apparent propter duplicationem. Ac una quidem hæc causa est.

2 Altera uero, uti linguis; ut *Lycophron* *Xersem uirum Pelorium*. Et *Sciron Sinnis uir*. Et *Alcidas*, *Athyima* poesi: Et naturæ *atastham*. Et mera animi ira exacutum.

Tertium

3 Tertium in epithetis aut longis, aut intēpe-
stivis, aut frequentib. adhibendis. In poesi n. decet
dicere lac album. At in oratione partim indeco-
ra sunt: partim si sint nimia, arguunt, & manife-
stum reddunt, esse poesim: Et quoniam ipsa uti
oportet; immutat enim consuetum, & peregrinā
efficit elocutionem: saltē oportet intueri modū;
quoniam maius malum facit, quā si temere di-
cas. illa enim non habet, quod bene est: hæc ve-
ro habet quod male. Quamobrem Alcida man-
tis frigora apparent. non enim epithetis uritur,
ut condimentis, sed ut cibis. sic crebris, & ma-
ioribus, & apertis.

quemadmodum non sudorem, sed humidum
sudorem.

Nec ad Isthmia, sed ad Isthmiorum merca-
tum.

Et non leges, sed ciuitatum reginas leges.

Et non cursu, sed cursorio animi impetu.

Et non Museum, sed naturæ Museum cum ac-
cepisset.

Et tristem curam animi.

Et non gratiæ, sed popularis gratiæ opifex.

Et dispensator audientium uoluptatis.

Et non ramis, sed sylvæ ramis occultauit.

Et non corpus uelauit, sed corporis pudorem.

Et repræsentatricem animi cupiditatem. Hoc
autem simul & duplex, & epithetum est. Quare
poema efficitur.

Et sic immensam improbitatis exuperan-
tiam.

Quamobrē poetice dicentes cū indecoro ridi-
culū, & frigus immiscent, & obscurū propter lo-
quacitatē. quod. n. cognoscenti inculcas, dissol-
uit perspicuum offusione obscuritatis. Homines
autem

aurem duplicibus utuntur, quando aliquid sit sine nomine, & oratio facile iungi possit, ut diemterere. Sed si multum sit, omnino poeticū existit. Quamobrem utilissima res est duplex elocutio dithyraïbis: isti enim pleni strepitus sunt. Linguae autem Epicis: res enim grandis est, & superba. Translatio uero iambicis: his enim nunc utuntur, ut dictum est.

4 Efficitur præterea quantum frigus in translationibus. sunt enim translationes indecoræ, partim quidem propter ridiculum; nā etiam comici utuntur translationibus, partim propter rem nimis grādem, & Tragicam. Obscuræ autem, si longe petitz, ut Gorgias, pallidas, & exangues res. Tu uero hæc turpiter seminasti, male autem metisti. nimis enim poeticum est. Et ut Alcidas, Philosophiam propugnaculum legum. & Odyssæam pulchrum humanæ uitæ speculum. & nullum tale athyrma poesi afferens. omnia enim hæc parum ualent ad fidem propter illa, quæ dicta sunt. Illud autem Gorgiæ in hirundinem, cum aduersus eum uolans residuum demisisset, optime inter Tragicos: inquit enim, Turpe sane ò Philomela. Aui enim, si fecisset, non turpe: uirgini uero turpe. recte igitur conuicium dixit, cōmemorans, quod fuit, non quod est.

Imago.

Est uero etiam imago translatio: differt enim parum. Nam, cum inquit de Achille, Utque leo ruit; imago est; cum autem, Leo ruit, translatio. Etenim, quia ambo fortes sunt, transferendo appellauit Leonem Achillem.

Vtilis uero etiam imago est in oratione: sed raro, cum poetica sit. eliciendæ autem sunt, quomodo translationes: nam sunt translationes in eo ipso, quod dictum est, differentes.

Ac

Ac imagines sunt, ut quam Androtio in Idrieum, similem esse canibus, qui ex uinculis soluti sint: illi enim obuium mordent. & Idrieum solum ex uinculis difficilem esse.

Et ut Theodamas assimilabat Archidamum Euxeno qui nesciebat Geometriam exercere. Et ex proportione. Est enim & Euxenus Archidamus Geometricus.

Et illud in Politia Platonis, qui mortuos spoliant, eos similes esse canibus, qui lapides mordent, nec iacentes attingunt.

Et in populum, similem esse nauclero robusto quidem, sed surdastro.

Et in uersus poetarum, similes esse uenustis sine pulchritudine: illi enim, cum defloruerint, hi uero, cum dissoluti sunt, non apparent similes.

Et illa Periclis in Samios, similes esse ipsos infantibus, qui mansum recipiunt, sed plorantes.

Et in Bæotos, Similes esse ilicibus. ilices enim à se contundi: & Bæotos inter se pugnare.

Et Demosthenes in populum, similem esse nauçantibus in nauibus.

Et ut Democrates assimilauit oratores nutricibus quæ mansum deglutientes saliuam infantes inungunt.

Et ut Antisthenes Cephisodotum gracilem ethuri assimilauit, quia dum consumitur, iucunditatem affert.

Oës enim has & ut imagines, & ut translationes licet dicere. Quare quæcunque probatae fuerint, cum dictæ sint tanquam translationes, manifestum est ipsas etiam imagines futuras. & imagines translationes rationes indigentes. semper uero oportet, translationem ex proportione referre etiam in alteram partem. & in iis, quæ
eius-

eiudem generis sunt, ut si poculum est scutum Dionysi, etiam scutum dici debet poculum Martis. Ac oratio quidem ex his constituitur.

DE VERBIS CONIUNCTIS.

Elocutio emendata.



EST autem principium elocutionis, ut emendate loquamur. Atque id positum est in quinque. 1. Primum quidem in coniunctionibus, si quis reddiderit, pro ut naturam habent, ut inter se antecedant, & consequantur. quemadmodum aliquę requirunt, ut Quidem, & & Ego quidem, requirit Vero, & Ille uero. Oportet autem, quoad meminerit, referre inter se, neque longe separare, neque coniunctionem ante coniunctionem necessariam reddere: paucis. n. in locis conuenit. Ego uero, postquam mihi dixit, uenit enim Cleon rogans, atque obsecrans, profectus sum, cum assumpsissem illos, in his enim multę ante reddendam coniunctionem redditę sunt coniunctiones. Si uero multum interiectum est inter Profectus sum, obscurum est. Ac unum quidem, quod bene se habet, in coniunctionibus spectatur.

2. Alterum uero est, ut loquamur propriis nominibus, & non ambientibus.

3. Tertium, ut non ambiguus. Nisi quis contraria pręelgat, id quod faciunt, quando nihil habent, quod dicant, & simulant aliquid dicere: tales enim de industria hæc proferunt, ut Empedocles. Nam decipit circuitus, si multus existat, & afficiuntur auditores, ut uulgares inter ariolos, quando dicentibus ambigua annuunt.

Cræsus

Cræsus Halym penetrans magnam peruerter opum uim . Et quia omnino minor est error, per rei genera loquuntur arioli . Verbi gratia si quis in ludo paris, & imparis paria, aut imparia dicat magis, quàm quot habeat . & futurum esse, quàm quando. Omnia igitur hæc similia sunt. Quare fugienda sunt, nisi alicuius eiusmodi rei gratia.

4 Quartum, ut Protagoras genera nominum diuidebat in uirilia, & fœminina, & instrumenta . oportet enim reddere etiam hæc recte . Illa uero reuersa, & colloquuta discessit.

5 Quintum in nominandis multis, & paucis, & vno recte . Illi uero reuersi verberarunt me .

1 Omnino autem oportet, quod scriptum est, facile legi, & proferri posse . Est uero idem, quod multæ coniunctiones non habent . Nec quæ non facile est interpungere . ut quæ sunt Heracliti . Nam illa Heracliti interpungere operosum est, propterea quòd incertum est, utri adiaceat, posteriori ne, an priori, ut in principio ipsius libri. Inquit enim, Rationis huius existētis semper im periti homines fiunt . Incertum enim est, illud Semper, utri interpungendo adiungas.

2 Præterea ipsum non reddere efficit solēcismū, si non adiūgas ambobus, quod conuenit, quemadmodum aut strepitum, aut calorem . videns quidem non est commune : sentiens uero commune .

3 Obscuritas autem est, si non præponendo dicas, in medio multa inculcaturus, ut Debebam enim, loquutus cum illo hæc, & hæc, & sic proficisci . non autem, Debebam enim loquutus proficisci . deinde hæc, & hæc, & sic facta sunt .

Ad tumorem elocutionis valent hæc;

L

Ora-

Herod. 170.
Cic. de di-
uin. lib. 2.

Tumida elo-
cutio.

1 Oratione uti pro nomine, ut non circulum, sed planiciem à medio æqualem: ad cōcisionem vero contrarium, pro oratione nomen. Et, si turpe, aut indecorum sit, si in oratione sit turpe, nomen dicere: si uero in nomine, orationem.

2 Et translationibus declarare, & epithetis, uitando id, quod poeticum est.

3 Et multa facere, quod poetæ faciunt. existente uno portu tamen dicunt, Portus in Achai cos & Tabulares multiformes apertiones.

4 Et non coniungere, sed vtrique vtrunque adiungere. Huius mulieris, huius nostræ. si uero concise, contrarium, huius nostræ mulieris.

5 Et cum coniunctione dicere. Si vero concise, sine coniunctione non incōiūcta autem, vt Profectus, & Loquutus, Profectus Loquutus sum.

6 Et illud Antimachi utile, quæ non habet, dicere, ut ille facit in Teumesso; Est quidā uentosus paruus collis. augetur enim sic in infinitum. Atq; hoc tum in bonis, tum in malis valet, quod non habet, utrō modo sit vtile. vnde etiam nomina poetæ dicunt. Sine chordis, & sine lyra concentum: quia ex priuantibus inferunt. Probat autem hoc in translationibus, quod dictū est ex proportionē, ut dicere tubam esse sine chordis concentum.

Decora elocutio.

Decorum autem habebit elocutio,

1 si sit tum affecta:

2 tum morata:

3 tum proportionē respondens subiectis rebus.

3 Ac proportionē respondet, si neque de amplis summisse dicatur, neque de tenuibus grauiter, neque tenue nomen ornatus consequatur: sin minus, comœdia apparet, ut facit Cleophon. simi.

similiter enim aliqua proferebat, ac si diceret, Veneranda ficus.

1 Affecta consistit in eo, vt si contumelia sit, irati elocutio sit; si impia, & turpia sint, indignabunde, & caute dicat. si laudabilia, admirabunde; si miserabilia, humiliter; & aliis similiter. persuadet etiam rem domestica elocutio: capitur enim animus, quasi ille vere dicat. quia in talibus sic se habent. Quare arbitrantur etiam si non se habeat ita, ut dicit orator, rem ita se habere. & simul afficitur is semper, qui audit, cum eo, qui affecte dicit, etiam si nihil dicat. Quamobrem multi tumultum excitantes auditores turbant.

2 Et morata ipsa est ex signis demonstratio, quia consequitur conueniens cuique generi, & habitui.

Dico autem genus secundum ætatem, ut puer, aut uir, aut senex.

& mulier, aut uir.

& Laco, aut Thessalus.

Habitus autem, secundum quos cuiusdam modi in uita aliquis est: non enim secundum omnem habitum uitæ sunt cuiusdam modi. si igitur & nomina accommodata habitui dicat exprimet mores. Non enim eadem, neque eodem modo agricola, & eruditus loquitur.

1 Afficiuntur uero aliquantisper auditores eo ipso, quo affatim vtuntur scriptores orationū; Quis autem non intelligit? Omnes sciunt. Confitetur enim audiens pudore captus, ut eius particeps sit, cuius & alij omnes.

2 Oportune autem, & non oportune uti, omnium formarum commune est. Medela uero est in omni exuperatione, quod uulgo dicitur. oportet enim se ipsum increpare. nam videtur

merum esse, quoniam, quod facit, dicentem non latet.

3 Præterea non omnibus ex proportionem respondentibus uti oportet. Sic enim decipitur auditor. Dico autem, ut si nomina dura sint, non & voce, & uultu, & conuenientibus dicere. sin minus, apparet, quid unūquodque sit. sin autem hoc quidem, illud uero non, latens idem efficit. Si igitur mollia duriter, & dura molliter dicantur, sit minus appositum ad persuadendum.

2 Nomina autem epitheta, & duplicia plura, & peregrina maxime cōueniunt dicenti affecte: uenia enim datur irato, si dicat malum Cœliuagum, aut pelorium.

Et quando iam teneat auditores, & ad furorē traxerit, aut laudibus, aut uituperationibus, aut ira, aut amicitia, ut etiam Isocrates facit in Panegyrico ad extremum; Famam autem, & memoriam. Et, Qui tolerarunt oculis spectare. Loquuntur enim talia furorē perciti. Quare etiam recipere eodem modo se habentes manifestum est. Quamobrem & poesi conueniunt. diuina enim res est poesis. aut igitur sic oportet, aut cum ironia, ut Gorgias fecit, & illa in Phædro.

*Elocutio non
rurusa.*

Elocutionis autem figuram oportet neque metri cōpotem esse, neque rhythmi expertem. illud enim minus appositum est ad persuadendum: nam fictum uidetur esse, & simul etiam auocat, siquidem facit, ut attendatur, quando simile iterum reuertetur. Vt igitur præcones præoccupant pueri, quem eligat patronum is, qui manumittitur, Cleonem. Quod autem sine rhythmo est, sine termino est. oportet uero terminari; sed non metro. iniucundum enim

enim est, & non accommodatum cognitioni. Terminantur autem numero omnia. rhythmus uero figuræ elocutionis numerus est, cuius etiam metra segmenta sunt. Quamobrem rhythmum oportet habere orationem, metrum autem nequaquam: alioquin poema erit. Neque uero rhythmum exquisitè. Id autem fiet, si quadamtenus sit.

Ex rhythmis uero herous grandis, & dictioni accommodatus, & indigens harmoniæ. Iambus autem ipsa multitudinis elocutio est. Quamobrem maxime omnium metrorum dicentes effundunt iambica. At oportet grandioreni effici, & excitari.

Trochæus cordacior est. id manifestum faciunt Tetrametra: sunt enim Tetrametra uolubilis rhythmus,

Relinquitur pæan, quo usi sunt, incipientes à Thrasymacho. minime uero potuerunt dicere qui nam esset. Tertius autem est pæan, & iis, qui dicti sunt, coniunctus. ac tria ad duo est. Ex iis ille quidem unum ad vnum: hic uero duo ad vnum. Coniuncta est his rationibus sesquialtera. Atque hic est pæan.

Ac alij quidem & ob ea, quæ dicta sunt, abijciendi, & propterea quia metrici: pæan uero sumendus: ex solo enim eorum, qui dicti sunt, rhythmorum non existit metrum, ut maxime lateat. Nunc igitur quidem utuntur uno pæane etiam incipientes. oportet uero differre hinc à principio. Ac pæanis duæ species inter se oppositæ, quarum una quidem principio conuenit, ut etiam utuntur; iste uero est, quem incipit longa, ac terminant tres breues. De logena, siue Lyciam. & Auricome ò Hecate, na-

te Iouis.

Alter vero contra, quem breues incipiūt tres, ac longa terminat. Humum, & aquam, Oceanum & occuluit horrifera nox. iste autem finem efficit: brevis enim, propterea quod imperfecta existit, mutilum facit. Sed oportet in longa amputari, & manifestum esse finem, non per librarium, neque per paragraphen, sed per rhythmum. Ac elocutionem quidem oportere esse numerosam, & non expertem rhythmī, & qui rhythmī numerosam efficiant, & quomodo se habentes, dictum est.

Necesse autem est elocutionem esse aut fusam, & vinculo unam, vt in dithyrambis dilationes: aut uersam, & similem conuersionibus ueterum poetarum.

*Elocutio
aut sua, a-
ut uersa.*

Ac fusa quidem elocutio prisca est, Herodoti Thurijs hæc est historiæ expositio. Hac enim primum omnes, nunc uero non multi utuntur. Dico autem fusam, quæ nullum habet finem per se, nisi res, quæ dicitur, terminetur. est autem iniucunda propter infinitatem: finem enim omnes uolunt intueri. Quamobrem etiam cursores in flexionibus anhelant, & deficiunt. videntes autem terminum, non laborant prius. Atque hæc quidem est elocutio fusa.

Versa autem est, quæ habet periodos. Dico uero periodum, elocutionem habentem principiū, & finem per se, & magnitudinem facilem conspectu. Iucunda autem eiusmodi est, & quæ facile percipi potest; iucunda quidē, propterea quod contrario modo se habet, ac interminatum; & quia semper aliquid se habere arbitratur auditor, eò quod semper ipsi aliquid terminatum sit. Illud autem nihil præsentire esse, neque aperire,
iniu-

iniucundum est. Facilis uero ad percipiendum, quòd facile memoria retineri potest. idque, quia numerum habet in periodis elocutio, qui omnium est aptissimus ad memoriam. Quamobrè & metra omnes magis recordatur, quàm soluta: numerum enim habent, quo mensurantur.

Oportet uero etiam periodum sententia terminari, neque abrumpi, ut Sophoclis iambica, Calydon quidem hæc terrâ Pelopei soli. contrarium enim licet existimare, quàm si diuidatur, ut & in eo, quod dictum est, Calydonæ esse Peloponnesi.

Periodus autem una [quidem in colis est: altera uero simplex. Est in colis quidem dictio perfecta, & distincta, & quæ facile spiritu comprehenditur. non in dictione, ut & quæ dicta est periodus, sed tota. Cuius uero est altera pars eius. simplicem autem uoco unimembrem.

Oportet autem & cola, & periodos neque mutilas esse, neque longas. pusillum enim hæere sepe facit auditorem. Necessè enim est, quoties adhuc tendens ad id, quod ultra est, & ad modum termini, quem in se ipso habet, retrahitur, quodammodo fieri offensionem propter repulsionem. Longa uero efficiunt, ut deficiat, quemadmodum se conuertentes ultra terminum derelinquunt. n. & isti simul deambulantes. Similiter uero & periodi existentes longæ oratio fit; & simile anabolæ. Quare fit, quod iocatus est Democritus, Chius in Menalippidem, qui fecerat pro antistrophis anabolam. Nempe sibi mala fabricans vir, alteri mala fabricans. Longa uero anabola ei, qui fecit, pessima. Conuenit enim tale etiam dicere in eos, qui longis colis utuntur. Quæ uero nimis breuia cola habent, non sunt periodi.

in præceptis igitur agunt auditorem.

Elocutio autem, quæ est in colis, una quidem distincta est: altera uero opposita; Distincta quidem, ut Admiratus sum sæpenumero, qui coegerunt conciliabula, & instituerunt gymnica certamina. opposita uero, in qua in utroque colo aut cum contrario contrarium componitur, aut idem iungitur contrarijs in hunc modum;
 1 Verisque autem profuerunt & qui remanserunt, & qui sequuti sunt. illis enim plura ijs, quæ domi essent, acquisierunt: his uero satis eorum, quæ domi essent, reliquerunt. Contraria mansioni consecutio, ei, quod satis est, id, quod, plus est.

2 Quare & pecuniarum indigentibus, & uolentibus trui, possessioni fructio opponitur.

3 Et præterea contingit sæpe in his & prudentes aduersa fortuna uti, & imprudētes recte agere.

4 Statim quidem obtinuerunt præmia fortium. non multo uero post imperium maris assumpserunt.

5 Nauigasse quidem per terram: ambulasse uero per mare.

6 Cum Hellepontum quidem iunxisset, Athon uero perfodisset.

7 Et natura ciues existentes per legem ciuitate priuari.

8 Alij enim ipsorum male perierunt: alij uero turpiter seruati sunt.

9 Ac priuatim quidem barbaris seruis uti. pulchre uero multos ex socijs despiciere seruientes.

10 Aut habuit uos uiuētes, aut mortuos relicturos.

11 Et quod in Pitholaum quidam dixit, & Lycophronē in iudicio; Isti aut uos domi existētes uēdebant. profecti uero ad uos uenditi sunt.

Omnia

Omnia enim hæc efficiunt id, quod dictum est. Ac iucunda est eiusmodi elocutio,

1 quia contraria notissima, & iuxta se posita notiora sunt.

2 & quia videntur similia syllogismo: elenchus enim est collectio oppositorum. Atque eiusmodi quidem est oppositio.

Compar uero, si sint æqualia cola.

Et assimilatio, si similes exitus habeant utraque ex colis. Neesse uero est habere aut in principio, aut in fine.

Ac principium quidem semper nomina.

Finis uero extremas syllabas.

Aut eiusdem nominis casus.

Aut idem nomen.

In principio quidem sic; Agrum enim accipit agrum ab eo.

Placari donis, pacatiq̃ue ore fuerunt.

In fine autem; Non putarunt ipsum puerum peperisse, sed eius causam extitisse.

In cura quidem plurima, in spe uero minima.

Casus autem eiusdem, Dignus uero, qui statum habeat æream, non existens dignus ære.

Idem uero nomen, Tu illi, cum uiueret, dicebas male, & nunc scribis male.

A syllaba autem, Quidnam passus esses malū, si hominem uidisses ignauum.

Ac licet simul omnia idem habere, & idem esse oppositionem, & compar, & similiter desinens.

Principia uero periodorum ferme in Theode Etij enumerata sunt.

Sunt uero etiā falsæ oppositiones, quales faciebat Epicharmus. Interdum enim cum illis ego eram, interdum uero apud illos ego.

Iam,

*Urbana elo-
cutio.*

Iam, quoniam de his explicatum est, dicendū est, unde ducantur urbana, & quæ dicta probentur. Ac fingere quidem est ingeniosi, aut exercitari: demonstrare uero methodi huius.

Dicamus igitur, & enumeremus. Et principium hoc nobis erit, quòd facile discere omnibus natura iucundum est. Nomina uero significant aliquid. Quare quæcunque ex nominibus efficiunt, ut discamus, iucundissima sunt. Ac linguæ quidem incognitæ, propria uero scimus. Translatio autem facit hoc maxime. Cum enim dixit senectutem stipulam, fecit, ut disceremus & cognosceremus ex genere. ambo enim defloruerunt. Ac faciunt quidem idem etiam poetarum imagines. Quamobrem si recte adhibeantur urbanum apparet. Est enim inuago, quemadmodum dictum est prius, translatio differēs adiunctione. Itaque minus iucunda, quia longior, & non dicit hoc illud esse. Verum neque hoc quærit animus.

Iam necesse est & elocutionem, & enthymemata ea esse urbana, quæcunque faciunt, ut discamus celeriter. Quamobrem neque eminentia enthymemata probantur (eminentia uero dicimus omnibus nota, & quæ non oportet scrutari) neque quæcunque dicta ignorantur. sed quorū aut simul dictorum cognitio fit, etiam si prius non existeret, aut paullo post sequitur mentis agitatio. fit enim tamquam perceptio. illo uero modo neutrum. Ac secundum quidem sententiam eius, quod dicitur, talia enthymemata probantur.

Secundum elocutionem uero in figura quidē, si opposite dicatur in hunc modum; Et existimatis
uatis

uatis rebus bellum. Opponitur enim bellum pa-
ci. Nominibus uero, si habeant translationem,
& eam neque alienam: difficile enim contueri,
neque eminentem: non enim facit affectum.
Præterea si ante oculos ponant: cernere enim
oportet, quæ aguntur magis, quàm quæ futura
sunt. Præterea oportet tria hæc spectare, transla-
tionem, oppositionem, actum.

*Tres loci ur-
banorum in
dicto.*

Cum autem translationes quattuor existant,
probantur maxime, quæ sunt ex proportionem.

1 quemadmodum Pericles dixit, iuuentutem
mortuam in bello sic sublatam esse ex ciuitate,
ut si quis Ver ex anno tolleretur.

2 Et Leptines de Lacedæmonijs, Non oportere
pati, ut Græciæ alter oculus erueretur.

3 Et Cephisodotus, studente Charete ratio-
nes reddere, de Olynthiaco bello, ægre tulit,
cum diceret, in furno populum habentem ratio-
nes conari reddere.

4 Et cohortans aliquando Athenienses, ut fru-
mentatum irent in Eubœam, dixit, oportere exi-
re Miltiadis decretum.

5 Et Iphicrates, cum percussissent sædus Athe-
nienses cum Epidauro, maritimâq; ora, moleste
tulit, dicens, ipsos belli uiatica sustulisse.

6 Et Pitholaus Paralum clauam populi.

7 Sestum uero cellam frumentariam Piræci.

8 Et Pericles, Aeginam iubebat tollere, lippi-
tudinem Piræci.

9 Et Merocles dixit, se illo nihilo nequiores
esse, cum quendam nominasset, ex probis, illum
enim in tribus totis improbum esse, se in decē.

10 Et Alexandridæ iambicum, de filiabus cun-
stantibus nubere. Legitimum diem transgressæ
mihî nuptiarum uirgines.

Et

11 Et illud Polycæti in apoplecticum quendam
 Spcusippum, Eum non posse quietem agere à for-
 tuna in Peniesytingo morbo colligatum.

12 Et Cephisodotus, turremes appellabat pistrina uaria.

13 Canis autem cauponas Attica Phiditia.

14 Aclion uero, Effudisse ciuitatem in Siciliam:
 hoc enim translatum, & ante oculos.

15 Et Vsqeadeo, ut clamarit Græcia. & hoc ante
 oculos quodammodo, & translatio.

16 Et Cephisodotus cauere iubebat, ut multas
 facerent confictiones ipsas conciones.

17 Et Isocrates, ad eos, qui simul currunt, ad
 mercatus.

18 Et ut in oratione funebri, Quamobrem
 æquum erat, in sepulcro eorum, qui in Salami-
 ne occubuerunt, tonderi Græciam, tamquam si-
 mul sepulta cum uirtute ipsorum libertate: si
 enim dixisset, æquum esse lacrymare, sepulta si-
 mul uirtute, translatio esset, & ante oculos. At
 illud libertate cum uirtute, oppositionem ali-
 quam habet.

19 Et Iphicrates dixit, Via enim mihi oratio-
 num est per medias res gestas à Charere. Tran-
 slatio ex proportionem. & illud per medias, ante
 oculos ponit.

20 Et dicere, Aduocare pericula periculis auxi-
 liantia, ante oculos translatio.

21 Et Lycoeleon pro Chabria, Neque supplicem
 reuocantes ipsius imaginem æneam. Transla-
 tio enim in præsentem, sed non semper, uerum
 ante oculos. periclitantibus enim ipsis sup-
 plicat statua. Iam inanimatum animatum.

22 Monumentum operum ciuitatis.

23 Et quoquomodo meditantem semper, parua
 sapere:

sapere : me ditari enim est quiddam augere.

24 Et mentem Deum lumen accendisse in animo : ambo enim illuminant aliquid.

25 Non enim dissoluimus bella, sed differimus : ambo enim sunt futura & dilatio, & eiusmodi pax.

26 Et passionem dicere trophæum esse multo præclarior, quàm quæ in bellis fiunt : hæc enim pro paruo, & una fortuna : illa uero pro toto bello : ambo enim signa victoriæ.

27 Et ciuitates uituperatione hominum magnas penas dare : nam pœna est damnum quoddam iustum.

Ac urbana quidem ex translatione proportionis duci, & ipsa ante oculos positione, dictum est.

Exponendum est. autem, quid dicamus ante oculos, & quo seruando id fiat. Dico igitur ea ponere ante oculos, quæcunque agentia significant, ut bonum uirum dicere esse quadratum, translatio est : ambo enim perfecta : sed non significant actum : uerum illud, Qui florentem habet uigorem, actus. & illud, Te uero tamquam aphetum, actus. & Hinc Græci concitati pedibus. Illud Concitati, actus, & translatio. & ut usus est Homerus multis in locis, dicendo inanimata animata per translationem. In omnib. autem conformare actu probatur, ut in his, Iterum autem ad ima uoluebatur lapis impudens. Et Euolauit sagitta. Et Attingere cupiens. Et In terra stabant, cupientia corpore saturari. Et, Cuspis autem pectus penetrauit, sanguinis auida. In omnibus enim his, propterea quia animata sunt, apparent agentia.

Nam

Emip. Iph.

Lib. 11.

Olyss.

Lib. 10. II.

Lib. 11.

Lib. 12.

Nam esse impudentem, & esse audum, & alia, actus. Hæc autem applicuit ex proportionis translationis. Vt enim se habet lapis ad sisyphum, sic impudens ad id, cuius ipsum non pudet. Facit autem hæc & in imaginibus, quæ probantur, in rebus inanimatis. Curuæ albescences nunc hinc, nunc inde recurrunt: facit enim, ut omnes moueantur, & uiuant: actus autem imitatio est.

Ac oportet transferre, quemadmodum dictum est prius, à proprijs, & minime apertis, ut etiam in philosophia simile in longe distantibus. cernere solertis est, quemadmodum dixit Archytas, idem esse arbitrum, & aram: ad utrumque enim, quod iniuriam accepit, confugit. Aut si quis diceret, anchoram, & cremastram idem esse: ambo enim aliquid idem faciunt. Sed differunt eo, quod alterum superne, alterum inferne pendet. Et illud, Adæquatas esse ciuitates in longe distantibus. idem æquale in superficie, & opibus. sunt autem & urbana plurima ex translatione.

*Quartus lo-
cus urbano-
rum in di-
cto.
Quintus.*

Et à præcedenti deceptione: magis enim fit manifestum ipsum didicisse; & uidetur dicere animus, quàm uere; ego autem errabam.

Et ex apophthegmatibus, quæ urbana sunt, ex eo existunt, quia non dicunt, quod inquit, ut illud Stesichori; Cicadas apud se humi cantaturas.

Sextus.

Et quæ bene in modum ænigmatis formata sunt, iucunda existunt propter idem. perceptio enim fit, & dicitur translatio.

Septimus.

Et, quod dicit Theodorus, noua dicere. fit autem, quoties præter opinionem fit, & non, ut ille dicit, ad priorem opinionem, sed ut in ridiculis, leuiter immutata. Quod valent etiam sales ab ænnominatione: errorem enim obijciunt etiam in

in metris . Neque enim , ut audiens existima-
bat . Ingrediebatur autem habens sub pedibus
pernionec . ille uero putauit dicturam calciamē
ta . Atque hoc simul ac dictum est , oportet mani-
festum esse . Annominationes autem faciunt , ut
dicat , non quod inquit , sed quod inuertit nomen ,
ut illud Theodori in Niconem citharēdum *θράτ
τη σε* . Simulat enim dicere Conturbat te , & de-
cipit : aliud enim dicit . Quamobrem discenti
iucundum . quoniam si non existimet , Thracem
esse , non uidebitur urbanum esse . Et illud , vis il-
lum *πέρσαι* . oportet autem utrumque conueniē-
ter esse prolatum .

Sic autem etiam urbana , ut dicere Athenien-
sibus maris *ἀρχήν* , non *ἀρχήν* esse malorum .
quæstum enim facere . Aut , quemadmodum Iso-
crates , *ἀρχήν* ciuitati *ἀρχήν* esse malorum :
utroque enim modo , quod non putasset aliquis
dictum , id dictum est . & uerum esse cognitum
est : *ἀρχήν* enim dicere *ἀρχήν* esse sapientis non
est . Sed non sic dicit , & *ἀρχήν* non quod dixe-
rat , negat , uerum aliter . Atque in omnib . his si
conuenienter nomen intulerit , homonymia , aut
metaphora , tunc bene se habet , ut Anaschetus ,
non *ἀνασχετός* , homonymiam negauit . sed con-
uenienter , si semper bis . Et non eris magis ,
quàm te oportet hospes hospes . aut non magis ,
quàm te oportet . Idem . Et non oportet hospi-
tem semper hospitem esse . alienum enim & hoc .
Idem etiam ualet celebre illud dictum Anaxan-
dridæ ; Honestum est mori priusquam agat ali-
quid dignum morte . Idem enim est , ac dicere ,
Dignum est mori , non existentem dignum , qui
moriatur . Aut dignum mori non existentem
morte dignum .

Ostannus.

Aut

Aut non facientem morte digna. Ac forma quidem eadem elocutionis horum. uerum quò breuius, & oppositius prolata, cò probatur magis. Causa autem est. quò perceptio existit magis. proptereaquòd opponatur. at propter exiguitatem ceterius fit. Oportet autem adesse semper aut eum, in quem dicitur, aut rectam dictionem, si quò dicitur uerum, aut non inane futurum est: licet enim hæc separatim habere; ut mori oportet nihil peccantem: sed non urbanum. Dignam oportet ducere dignum: sed non urbanum: uerum si simul utrunque habeat. Dignum enim mori non existentem dignum mori. Ceterum quò plura habeat, cò urbanius apparet, ut si nomina sint translatio, & translatio eiusmodi, & oppositio, & compar, & habeat actum.

Namus.

Iam uero imagines, ut dictum est etiam in superioribus semper probatæ quodammodo translationes sunt: semper enim ex duob. ducuntur, ut proportionis translatio, quemadmodum dicimus, scutum poculum est Martis, & arcus cithara sine chordis. Ac sic quidem si dicant, non est simplex. Dicere autem arcum citharâ, aut scutum poculum, simplex. Et assimulant etiâ sic, ut Simiæ tibicinem, lucernæ stillanti lusciosum: ambo enim contrahuntur. Bene autem se habet, cum translatio inest. licet enim assimilare scutum poculo Martis. Et parietinas panno domus. Et Niceratum dicere Philoctetem esse morsum à Pratyæ. ut assimilauit Thrasymachus uident Niceratum superatum à Pratyæ in rhapsodia, sed alentem comam, & sordidatum adhuc. In quibus maxime exploduntur poetæ, si minus recte egerint, etiam si probeantur,

Dico

Dico autem, quoties ita reddunt; Vt apium distorta crura gerit. Vt Philammon sub iugo contendens cum Coryco. & talia omnia imagines sunt. Imagines autem translationes esse, dictum est sæpe.

Decimus.

Et prouerbia translationes à specie ad speciem sunt, vt si quis quasi id, quod bonum est, capturus, ipsum inuehat, deinde damnum accipiat, vt Carpathius inquit, leporem. Anibo enim, quod dictum est, passi sunt. Ac unde quidem urbana ducantur, & quamobrem ferme dicta est causa.

Vndecimus.

Sunt autem etiam probatæ superlationes translationes, ut in sugillatum; Putassetis enim ipsum esse mororum calathum: rubrum enim sugillatum: sed nimium admodum, Illud autem, Vt id, & id, superlatio est, locutione differens, Vt Philammon sub iugo decertans cum Coryco. Existimassetis autem ipsum Philammonem esse decertantem cum Coryco. Vt apium distorta crura ferre, Putabam autem non crura, sed apia habere, sic distorta sunt. Superlationes uero pueriles sunt: vehementius enim aperiant. Quamobrem, qui irascuntur, dicunt eas maxime. Non si mihi tot det, quot arena, & puluis, filiam ducam Agamenionis Athridæ. Neque si cum aurea Venere pulchritudine contendat, operibus uero cum Minerua: Vtuntur autem hac maxime Attici oratores. Quamobrem senibus dicere, indecorum.

Lib 9. II.

Neque uero latere oportet, aliam unicuique generi conuenire elocutionem. Non enim eadem scriptionis, & contentionis existit. Neque concionis, & iudicij. utrâque autem scire

*Prociis cō
ueniens.*

M necess.

neceſſe eſt . illud enim eſt ſcire emendate loqui: hoc uero non cogi ſilere , ſiquid uelit communicare cum alijs. quod patiuntur illi , qui neſciunt ſcribere.

2 Eſt autē elocutio ſcriptionis exactiſſima. contentionis uero cū aſtione maxime coniuncta. Huius autem duæ ſpecies; morata una: affecta altera. Quamobrem & aſtores talia ex fabulis ſequuntur, & poetæ tales.

3 Verſantur uero in manibus qui leguntur , ut Chæremō : accuratus enim , ut orationum ſcriptor; & Licymnius inter dithyrambicos. Et, ſi inter ſe comparentur, quæ orationes ſcriptorum ſunt , in contentionibus anguſtæ apparent : quæ oratorū bene habitæ, uulgares in manibus. cauſſa autē eſt, quod in contentione conueniunt. Quamobrem quæ aſtione ualent, ablata aſtione , non obeuntia munus ſuum , apparent inſulſa , ut & diſſoluta.

4 Et ſæpe idem dicere in ſcriptione recte repudiatur: in contentione uero etiam oratores uſurpāt: id enim aſtione ualet. Neceſſe uero eſt immutare idem dicentes ; quod uiam facit aſtioni. Iſte autem eſt, qui uos expilauit. Iſte eſt, qui uos decipit. Iſte eſt, qui poſtremum prodeſſe conatus eſt. ut & Philemmon hiſtrio fecit in Anaxandridæ Gerōtomania, quando loquitur Radamanthus, & Palamedes. Et in prologo Piorum, in illo , Ego. ſiquis enim hæc aſtione nō adiuuet, ſit ille, qui trabem geſtat, Et diſſoluta eodem modo, Veni, Occurri, Rogauī. neceſſe enim eſt aſtione adiuuare. neque dicere, quemadmodum , qui unum dicit , iſſdem moribus , & tono . Præterea habent aliquid proprii diſſoluta. in æquali enim tempore multa uidentur dicta eſſe . coniunctio enim unum facit multa.

multa. Quare si ea auferatur, manifestū est e contra unum multa fore. igitur habet amplificationem. Veni, narraui, supplicaui. multa. Videtur autem negligere, quæcunque dico, quæcunque aio. Atque hoc uult facere etiam Homerus in illo, Nireus aut ex Simo, Nireus Aglaïæ filius, Nireus. qui pulcherrimus: de quo enim multa dicta sunt, necesse est & sepe eum dictum esse. si igitur & sepe, etiam multa uidentur. Quare amplificauit, cum semel eū meminerit propter fallaciā, & memoriam fecit, etiam si posterius de ipso sermonem non habuerit.

5 Ac deliberatiua quidem elocutio omnino similis est umbratili picturæ: quò enim amplior sit turba, eò lōgius spectatur. Quamobrē quæ exquiritæ sunt, superuacanea, & peiora apparent in utrisque.

6 Iudicium uero accuratius est. Præterea maiorem curam requirit, quod ad unum iudicem pertinet. Minimum enim est in oratorijs: quia magis cōspici potest, quod rei proprium, & quod alienum est. Ac contentio abest, ut sincera iudicatio sit. Quamobrem non iidem in omnibus his oratores probantur: uerum ubi maxime actione est opus, ibi minimum diligentia habet locum. Hoc autem, ubi uoce, & maxime, ubi magna.

7 Ac demonstratiua quidem elocutio scriptioni accommodatissima est: opus enim ipsius est lectio. secundo autem loco iudicialis.

8 Diuidere uero elocutionem, ut suauis debeat eē, & magnifica, inane est. Cur enim magis, quàm temperans, & liberalis, & si qua alia est moralis uirtus? Nam, ut suauis sit, facient profecto ea, quæ dicta sunt, si modo recte definita est uirtus

elocutionis. Cuius enim rei causa oportet perspicuam, & non humilem esse, sed decoram? Si enim nugatoria est, non est dilucida. neque si concisa. sed profecto medium conuenit. & suauem, quæ dicta sunt, efficient, si bene sint temperata usitatum, & peregrinum, & rhythmus, & appositum ad persuadendum ex decoro. Ac de elocutione quidem dictum est & communiter de omnibus & singillatim de unoquoque genere.

DE DISPOSITIONE partium orationis.



Elíquum est, ut de dispositione dicamus. Sunt autem duæ partes orationis. Necessarium enim est & rem dicere, qua de agitur, & eam demonstrare. Quamobrem fieri non potest, ut dicens non demonstret, aut demonstret, non prius dicens. Nam demonstrans aliquid demonstrat. & præloquens causa demonstrandi præloquitur. Horum autem illud propositio est: hoc fides; quemadmodum, si quis distingueret illud quidem problema: hoc vero demonstrationem esse.

2. Iam uero diuidunt ridicule. Narratio enim iudicialis orationis solius est: demonstratiuæ autem, & deliberatiuæ quomodo contingit narrationem esse, qualem dicunt? aut quæ contra aduersarium? aut perorationem demonstratiuarum? proœmium uero, & aduersa collatio, &

repetitio in deliberatiuis tunc fit, cum contradictio existit. Etenim accusatio, & defensio sæpe adhibentur, sed non quatenus consultatio est. peroratio autem non est omnis iudicialis, ut si parua oratio sit, aut res facile sub memoriam cadat. Contingit enim ex longitudine amputari. Necessariæ igitur particulæ sunt propositio, & fides. Ac propria quidem hæ: plurimæ uero præmium. propositio, fides, peroratio.

3 Quæ enim contra aduersarium sunt, pertinent ad fidem. Et aduersa collatio amplificatio est eorum, quæ sua sunt, ut ipsa fides eam contineat loco partis cuiusdam: demonstrat enim aliquid faciens hoc: non autem præmium, neque peroratio: sed in memoriam redigit.

4 Quòd si quis has diuidat, ut faciebat, qui Theodorum sequebantur, erit altera narratio, & supernarratio, & prænarratio, & refutatio, & superrefutatio. Oportet autem, eos, qui dicunt aliquam formam, & differentiam, ponere nomen. Secus vero fit res inanis, & nugatoria, ut Lycimnius facit in arte, irruptionem nominans, & aberrationem, & ramos.

Ac præmium quidem est principium orationis, ut in pœsi prologus, & in aulæsi proauliū: hæc enim omnia principia sunt, & tamquam uiamunitio inuadenti.

De proæmio

Ac proaulium simile est demonstratiuarū præmio. Etenim tibicines quodcumque possunt canere id præcinentes, cum endosimo copulant: & in demonstratiuis orationibus. oportet sic scribere, quidquid enim velit, statim dicentem copulare, & adnectere oportet. cuius rei omnes exemplum faciunt præmium Isocratis in encomio

Proæmio demonstratiuum.

Helenæ : nihil enim propinqui existit Sophistis, & Helenæ . simul uero etiam si digredietur, conuenit non totam orationem vnius generis esse .

1 Ducuntur autem demonstratiuarum præmia à laude , aut uituperatione ; ut Gorgias in olympica oratione , A multis digni, qui suspiciantur viri Græci . Laudat enim cogentes concilia bula . Isocrates uero uituperat , quòd corporum virtutes donis honorarunt : at prudentib . nihil præmij fecerunt .

2 Et à deliberatione, vt Oportere bonos honorare . Quare & ipse Aristidē laudat . aut tales, qui neque celebres sunt , neq; improbi, sed quicunq; existentes boni obscuri sunt , vt Alexander Priami filius : hic enim deliberat .

3 Præterea uero à iudicialibus præmiis , hoc est ab ijs, quæ sunt ad auditorem , ut si de re incredibili habeatur oratio , uel difficili , uel peruulgata , ut veniam dent, quemadmodum Chœrilus ; At nunc cum omnia iam uulgata .

Ac demonstratiuarum quidem præmia ducuntur ex his .

- 1 à laude
à uituperatione
- 2 à suasionem
à dissuasionem
- 3 ab ijs, quæ sunt ad auditorem .

Oportet uero aut aliena , aut propinqua esse orationi endosima .

*Præmiū
iudiciāle .*

Iudicialis præmia assumendum est idem ualere, quòd ualent dramatum prologi , & epicorū præmia . Nam quæ sunt dithyramborum similia existunt demonstratiuis , ut Venit ad te propter te , & tua dona , & beneficia , & spolia . ò Deus Bacche . In logis autem , & epicis est specimen

ora-

orationis, ut prouideant, qua de re sit oratio, & non suspensa sit mentis agitatio: quod enim indefinitum est cogit uagari. qui igitur dat principium, tamquam in manum, facit, ut hērens sequatur orationem. Ob id, Iram dic Dea. Dic mihi Musa virum. præcipe mihi sermonem aliū, ut ex Asia venit in Europam bellum magnum. Et Tragicī indicant in dramate, quamuis non statim, ut Euripides, sed in prologo tamen indicat, ut etiam Sophocles; Mihi pater fuit Polybus, & comœdia similiter.

* Ac maxime quidem necessariū munus procemij. & proprium est hoc, indicare finem, cuius causa oratio habetur. Quamobrem, si manifesta sit, & parua res, non est utendum procemio: Alię uero formę, quibus utuntur, medicamenta sunt, & communia. Ducuntur uero hæc

tum à dicente,

tum ab auditore,

tum à re,

tum ab aduersario.

Ac ab ipso quidem, & aduersario, quęcunque ualent ad criminationem soluendam, & efficiendam. Sunt autem hæc non similiter. Nam defendenti quidem primum existunt, quę pertinent ad criminationem. Accusanti uero in peroratione. Neque incertum est, quamobrem. Defendentem enim, quoties illaturus est seipsum, necessarium est remouere, quę obstat. Quare soluēda est primum criminatio. Calumnianti uero in peroratione calumniādum, ut meminerint magis.

Quę uero sunt ad auditorem, ab eo, ut efficiatur beneuolus, & iratus: interdum uero etiam attentus, aut contra. non enim semper prodest,

M 4 atten.

attentum facere . Quamobrem multi ad risum adducunt

Ad docilitatem autē omnia perducunt, si quis uelit & si probus appareat . Attendunt enim magis hos ipsos .

Attenti uero redduntur magnis, proprijs, admirabilibus, iucundis . Quamobrem oportet iniicere, de his reb. orationem haberi . Sin autem non attentos uelimus reddere , dicemus paruum esse, nihil ad illos pertinere, molestum esse .

3 Neque latere oportet talia omnia extra orationem esse . Nam sunt ad improbum auditorem, & audientem ea , quæ sunt extra rem : quoniam si talis non sit, proœmio nulla alia de re opus sit, nisi, ut rem dicat sumatim , ut habeat caput, tamquam corpus .

4 Præterea attentum facere omnium partium est, commune, si opus sit : ubicunque enim languescunt magis, quàm incipientes . Quamobrem ridiculum est in principio collocare id, cum maxime omnes attendentes audiunt . Quare cum tempus postulabit, dicendum est , Et mihi animū adhibete . Neque enim magis meum , quàm uestrum . Et, Dicam enim uobis rem, qualem nunquam aliàs audistis, atrocem, aut sic admirabilē . Hoc autem est (ut Prodicus dixit) quando dormitant auditores , inferre ipsis aliquid demonstrationis quinquaginta drachmarum .

6 Esse autem hæc ad auditorem, non quatenus auditor est , patet : omnes enim aut criminantur, aut metus dissoluunt in proœmiis . Rex dicam quidem, non quanto studio . Quid proœmiaris ? Et malam rem habentes , aut qui uidentur habere . ubique enim melius est uersari, quàm in re . Quamobrem serui haudquaquam interrogata

rogata dicunt, sed quæ circum sunt, & procæmiantur.

Atque, unde beneuolos oporteat efficere, diximus, & vnamquaque rerum talium. Quoniam veroprobe dictum est, Da me ad Thæaces amicū venire, aut miserandum, has res duas oportet intueri.

*Lib. I 4.
Odyss.*

In demonstratiuis uero oportet facere, ut putet auditor collaudari aut se, aut genus, aut studia ipsius, aut aliquo alio modo. Quod enim dicit Socrates in Funebri, uerum est, Non esse difficile Athenienses apud Athenienses laudare, sed apud Lacedæmonios.

Procæmia deliberatiuæ orationis existunt ex ijs, quæ iudicialis sunt. Natura enim deliberatiua oratio nequaquam habet procæmia. Etenim & de quo agatur, sciunt, & res, nulla alia de causa procæmio indiget, nisi propter ipsum, aut contradicentes, aut si non quantam uelis, rem existiment, sed uel maiorem, uel minorem. Quamobrem aut criminari, aut criminationem depellere necesse est, & uel augere, uel extenuare. Horum autem causa procæmium indiget; aut ornatus gratia, quod abrupta uideantur, nisi illud habeant. Eiusmodi enim Gorgiæ encomium est in Eleos, siquidem nullo connixu, nulloque motu ante adhibito confestim incipit, Elis ciuitas beata.

*Procæmium
deliberatiuum.*

De criminatione unum est, ex quibus aliquis opinionem malam detraxerit: nihil enim differt, aliquone dicente, an non. Quare hoc in vniuersum est.

*Criminatio
nis loci.*

Alius locus occurrere tamquam ijs, de quibus controuersia est

{ aut non esse
 { aut non noxium
 { aut non huic
 { aut non tantopere
 { aut non iustum
 { aut non ualde
 { aut non turpe
 { aut non ualde

De his enim controuersia est, ut Iphicrates aduersus Nausicratem : affirmauit enim se fecisse, quod ille dicebat, & nocuisse, sed non iuste egisse.

Aut compensare eum, qui iniuste agit, si noxiū, at honestum . si molestum, aut utile, aut aliquid aliud tale.

3 Alius locus, esse errorem, aut infortunium, aut necessarium, ut Sophocles dixit. Se tremere, non, quemadmodum calumniāns dixit, ut uideatur senex, sed ex necessitate. Neque enim uolenti sibi esse octoginta annos.

Et compensare, cuius gratia, quod non nocere uoluit, sed hoc, & non illud, quod criminatus est fecisse. contigit autem nocere. dignus uero essem, qui odio haberer, si commisisset, ut hoc fieret.

4 Alius non simul teneatur criminans, aut nunc, aut prius, aut ipse, aut suorum aliquis.

5 Alius, num alij simul teneantur, quos confitentur, non esse affines criminationi, ut si purus adulter est, igitur & ille, & ille.

6 Alius, num alios criminatus sit, aut alius ipsum, aut sine criminatione suspecti fuerint, ut ipse nunc, qui reperti sunt, non esse affines culpæ.

7 Alius, ex contrario criminari criminantem. absurdum enim est, si ipse indignus sit fide, eius sermo-

sermones fide dignos fore.

8 Alius, si factum est iudicium, ut Euripides contra Hygiænontem in Antidosi accusantem impietatis, ut qui fecit carmen, iubens peierare. Lingua iuravi, mente uero iniuratus. Dixit enim ipsum iniuste agere, traducentem ex Dionysiaco certamine iudicia in foro: ibi enim se reddidisse rationem, aut redditurum, si uoluerit accusare.

9 Alius, ex calumnia accusare, quanta res sit, atque hoc alia iudicia facere.

10 Communis autem ambobus locus est, notas dicere, ut in Teucro Ulysses, quod affinis Priamo. Hesiōne enim soror. ille uero, quod pater Priamo inimicus Telamon, & quod non indicauit exploratores.

11 Alius criminanti, laudando rem paruam prolixè, magnam concisè, uituperare. aut multa bona afferendo, quod ad rem pertinet, unum uituperare. Tales autem sunt artificiosissimi, & iniquissimi: bonis enim nocere conantur, miscentes ipsa cum malo.

12 Commune etiam est criminanti, & defendenti, quoniam idem contingit plurium rerum causa gestum esse, ut criminanti quidem deprauandum sit, in peius arripiendo: defendenti uero in melius, ut quod Diomedes Ulysses præelegit. illi quidem, quod optimū iudicauit Ulysses: huic uero, quod non, sed quia solus non erat concertaturus, ut ignauus.

Ac de criminatione quidem tam multa exposita sint.

1 Narratio in demonstratiuis est non continenter, sed secundum partem.

2 Oportet enim actiones persequi, ex quibus oratio est: constituitur enim oratio, ut habeat
tum

*Narratio de
mō Stratis*

tū id, quod uacat arte (nequaquā enim is, qui dī-
cit caussa est actionum) tum id, quod est ex ar-
te. Hoc uero est demonstrare aut esse, si fide ca-
reat, aut quale, aut quantum, aut etiā omnia.

3 Ac propterea aliquando non oportet conti-
nenter narrare omnia, quia sic demonstrare dif-
ficulter sub memoriam cadit; Atque ex his qui-
dem sortis, ex his uero sapiens, aut iustus, Et
simplicior ista oratio: illa uero uaria, & non at-
tenuata.

4 Et notos in memoriam reuocare oportet.
Quamobrem multi non indigent narratione,
quemadmodum si uelis Achillem laudare. om-
nes enim sciunt eius actiones. sed uti ipsis opor-
tet. Si uero Critiam, narrare oportet: non enim
multi sciunt.

*Narratio
iudicialis.*

1 Nunc autem ridicule tr adunt, narrationem
breuē esse oportere. Atqui ut ille pistori interro-
ganti, durum ne, an mollem subigeret, quid,
inquit, fieri ne bene non potest? Et hic similiter
Oportet enim haud prolixe narrare, quemadmo-
dum neque exordiri prolixe, neque fidem facere.
Neque enim in hac parte, id quod bene se habet,
consistit aut in breuitate, aut in concisione, sed
in modo. hoc est, ut dicantur, quæcunque rem
declarabunt, aut quæcunque faciēt, ut existiment
factum esse, aut nocuisse, aut iniuriam fecisse,
aut tanta esse, quanta uelit, aduersario uero con-
traria.

2 Ac narrationi attexere, quæcunque ad tuam
uirtutem pertinent, ut Ego uero admonebā sem-
per, quæ iusta essent; dicens, ne liberos defereret.
Aut ad alterius improbitatem, Ille autem respon-
dit mihi, ubi ipse extiterit, futuros alios liberos.
Aut quod deficientes Aegyptios respōdisse inquit

Hero.

Herodotus. Aut quæcunq; iucunda iudicibus.

3 Defendenti autem minor est narratio. Controuersię uero sunt

{	aut factum non esse
	aut noxium non esse
	aut non iniustum.
	aut non tantum.

Quare in re confessa insistendum non est, nisi quid ad illud pertineat, ut si factum est, at non iniustum. Præterea facta oportet dicere, quæcunq; non afferunt miserationem, aut indignationem, cum fiant. Exemplum est Alcinoi apologus, qui apud Penelopem triginta uersibus factus est. Et ut Phayllus Circulū. & prologus ī Oeneco.

4 Ac moratam oportet narrationem esse, idque fiet, si nouerimus, quid mores efficiant.

Iam uero vnum est, prælectionem inditare. cuiusdam autem modi sunt mores, eò quòd hæc cuiusdam modi sit. Et prælectio cuiusdam modi est, eò quòd etiam finis. Propterea enim non habent Mathematici sermones mores, quia nec prælectionem quidem. Nō enim habent cuius causæ. sed Socratici: de his enim dicunt.

Alia morata sunt singulis moribus consequentia, ut Simul dicens incedebat: declarat enim audaciam, & rusticitatem morum.

Nec tamquam ex habitatione licere, ut qui nostro tempore uiuunt, sed tamquam ex prælectione. Ego uero uolebam (etenim prælegere id, etiam si quæstum non facerem) quod melius est. illud enim prudentis est: hoc uero boni. prudentis enim est in persequēdo utili: boni uero in honesto.

Si uero fide careat, tūc causam subiungere, ut Sophocles suppeditat exēplū ex Antigona, quòd cariorē fratrem haberet, quā uirū, aut filios.

Nam

Nam eos fore, etiā si perierint. Matre vero, & patre mortuis, Nō frater ullus exoriri unquam pōt.

Si vero non habeas causam, at tibi non esse occultum, te incredibilia dicere, sed talem natura esse. Neque enim credunt, aliud agere quemquā sponte præter id, quod utile est.

5 Præterea ex iis, quæ afficiunt, dicere, narrantem & consequentia, & quæ sciunt, & quæ propria ipsi, aut illi adsunt. Ille uero abiit, me respiciens, & ut de Cratylo Aeschines, quod Exhibans, & manib. explodens: apposita enim ad persuadendum, propterea quod indicia fiunt ea, quæ sciunt, illorum, quæ nesciunt. Plurima autem talia assumere ex Homero licet. Sic ait, anus vero obtendit manus faciei: quia lacrymare incipientes attrectant oculos. Et statim inferas te ipsum cuiusdammodi, ut talem intueantur, & aduersarium. latens autem facias. Facile uero esse, licet perspicere ex nunciantibus, quæ enim nequaquam scimus, tamen de ijs aliquam suspicionem concipimus.

6 Ac multis in locis oportet narrare, & quandoque non in principio.

In deliberatione nequaquam est narratio: quia de futuris nemo narrat: sed si narratio fuerit, præteritorum erit, ut recordati illorum melius consultant de iis, quæ posterius euenient, aut criminantes, aut laudantes. Verum tunc non obeunt munus consultoris.

Si uero fide careat, pollicere te & causam dicturum statim. & tractaturum eorum arbitrari, ut Iocasta Carcini in Oedipode semper pollicetur percunctante eo, qui quærebat filium. & Aemon Sophoclis.

7 Fidem autem oportet demonstratiuam esse.

Atque

*Lib. 19.
Odyss.*

*Narratio
an cōueniat
deliberati-
on.*

De fide.

Atque opus est demonstrare (quoniam de quattuor est controuersia;) de re controuersa afferendo demonstrationem.

Vt si non fecisse cōtrouersatur, in iudicio oportet huius maxime demonstrationem afferre.

Si vero non nocuisse, huius.

aut non tantopere.

aut iuste.

eodemq; modo, si, num factum hoc esset, controuersia existeret. Neque uero lateat necessarium esse in hac controuersia sola, alterum improbum esse. Neque enim est ignoratio causa, ut si qui de iusto controuersarentur. Quare in hoc diu insistendum est. in alijs uero secus.

2 In demonstratiuis plerunq; amplificatio erit honestorum, aut utilium. facta enim credi oportet. etenim raro horum demonstrationes afferunt, si fide careant, aut si alius causam habeat:

3 In deliberationibus aut contenderit aliquis non futura esse, aut futura quidem, quæ ille censet, sed non iusta, aut non utilia, aut non tanta. oportet uero uidere, numquid ille mentiatur extra rem. signa enim necessaria hæc apparent, quòd etiam in alijs mentitur.

4 Sunt uero exempla maxime accommodata deliberationi: enthymemata autē iudicio. illa enim quidem circa futurum, ut ex præteritis necesse sit exempla ducere. hoc uero de existentibus, uel non existentibus, cuius rei magis demonstratio est necessaria. Habet enim, quod factum est, necessitatem.

5 Non oportet autem continenter dicere enthymemata, sed permiscere: sin minus, se lædunt inuicem: est enim & quanti terminus. O amice, quoniam tam multa dixisti, quàm multa sapiens

*Lib. 4.
Odyss.*

piens uir. Sed non talia.

Et non de omnibus enthymemata quærere. fin minus, facies, quod nonnulli faciunt ex philosophantibus, qui syllogismo concludunt notiora, & certiora, quàm ea, ex quibus dicunt.

Et quoties affectum concitas, ne dicas enthymema: eijciet enim affectum, aut frustra dictum erit enthymema; nam eijciūt se inuicem motiones, quæ simul sunt, & aut se conficiunt, aut debiles reddunt.

Nec quādo moratam adhibes orationem, oportet enthymema aliquod quærere simul: non enim habet mores, nec prælectionem demonstratio.

Sententijs autem utendum est & in narratione, & in fide: id enim moratum est. Ego dedi, etiam illud sciens, quod non oportet credere. si uero affecte; Neque me pœnitet, etiam iniuria affectū. isti enim superest lucrū: mihi uero iustū. 6 Est uero difficilius in deliberatiuo genere, quàm iudiciali uersari. merito.

Propterea quod circa futurum est negocium, ibi uero circa præteritum, quod scientia comprehendipotest etiam à uatibus, ut dixit Epimenides Cres. ille enim de futuris non uaticinabatur, sed de præteritis quidem, at obscuris.

Et lex fundamentum est in iudicialib. qui uero principium habet, cum facilius est demonstrationem inuenire.

Et qui uersatur in deliberando, nō habet multa diuerticula, ut contra aduersarium uel de se ipso, uel ad affectum afferendum. Hæc autem minime omnium hebet, nisi egrediatur.

Oportet igitur indigentē id facere, quod Arhenis Rhetores faciunt, & Isocrates: etenim deliberans accusat, quemadmodum Lacedæmonios

ni

in Panegyrico, Charetem autem in Sociali.

7 In demonstratiuis uero oportet orationem intexere laudib. ut Isocrates facit. semper enim aliquem infert. & hoc illud est, quod dicebat Gorgias, se non deficere orationem. Si enim de Achille loquatur, Peleum laudat, deinde Aeacū, deinde Deum. Similiter uero etiam fortitudinē. aut hæc, & illa facit, quod tale est.

8 Ac habenti quidem demonstrationes & morate dicendum, & demonstratiue. si uero non habeas enthymemata, morate. Et magis probo conuenit bonum apparere, quàm exquisitam orationem.

9 Ex enthymematibus uero, quæ valent ad refutandum, magis probantur, quàm quæ ad demonstrandum, quia quæcunque refutationem efficiunt, magis apparent syllogismo conclusa esse: iuxta enim se posita contraria magis cognoscuntur.

10 Quæ uero sunt contra aduersarium, diuersam aliquam speciem non habent, sed ad fidem pertinent, cum soluantur alia obiectione: alia rationatione.

11 Atque oportet tum in consultatione, tum in iudicio, qui priore loco dicit, eum prius sua argumenta dicere, posterius cōtrarijs occurrere, soluēdo, & eleuando. Sin autem multiplex sit aduersa causa, prius cōtrarijs, ut fecit Callistratus in Mefeniaca concione: quæ enim dicturi erant, cū is sustulisset, tūc ipse dixit. Qui uero posteriore loco dicit, ei prius dicenda, quæ sunt cōtra aduersarij orationē, soluendo, & opponēdo ratiocinationē. & maxime si probata sint. ut enim hominem ante in crimen uocatum non recipit animus: sic neq; orationem, si aduersarius bene videatur

N dixisse.



dixisse. oportet igitur locum parare in audire futuræ orationi. Erit autem id, si sustuleris. Quamobrem aut aduersus omnia, aut quæ maxima, aut quæ probata, aut quæ facile possunt refutari pugnando. Sic quæ sua sunt, fide digna reddenda. Deabus primum socius fiam. Ego enim Iunonem. in his attigit primum, quod insulissimum est. Ac omnis quidem fides his exposita est.

*Eurip.
Troad.*

*De morata
oratione.*

Quod attinet ad mores, quoniam non nulla de se dicere, aut inuidiam, aut loquacitatem, aut obrectationem habet; & de alio aut conuiciū, aut rusticitatem; alterum opus est dicentē inducere; quod Isocrates facit in Philippo, & in Antidosi, & quemadmodum uituperat Archilochus: inducit enim patrem dicentem de filia in Iambo, Rerum insperata nulla est, neque iuramentum negari potest. & Charonem fabrum in Iambo, cuius principium est, Non mihi Gygæ res. & ut Sophocles Aemonem de Antigona apud patrem, tamquam dicentibus aliis.

*De enthymematis
in
sententiis
immutandis*

Oportet uero etiam immutare enthymemata, & sententias facere aliquando, ut oportet passionem facere, qui mentem habent, cum prospera fortuna utuntur: sic enim fuerint optima condicione. enthymematice autem, Si oportet, quoties commodissimæ sint, & meliorem conditionem afferant passionem. tunc pacisci: prospera fortuna utentes oportet pacisci. Interrogationem fieri opportunum est maxime, quoties alterum afferuerit, ut altero interrogato contingat absurdum; ut Pericles Lamponem interrogauit de iniurijs sacrorum Sospitæ. Cum autem ille diceret, non posse non initiatum audire, interrogauit, num sciret ipse. Aiente illo: at quomodo,

De interrogazione.

non

non existens iniriatus ?

Secundo loco, quoties illud quidem apparet: hoc uero interroganti manifestum est, cum datum. percunctatum enim vnā propositionem oportet non interrogare, quod apparet, sed conclusionem dicere, ut Socrates, Melito negante ipsum Deos putare, dixit, num dæmonium aliquod assereret. cum autem ille confiteretur, rogauit, non ne dæmones, aut Deorum filij essent, aut diuinum aliquid. Aiente illo, Est igitur, inquit, qui Deorum filios arbitratur esse, Deos autem non.

Præterea, quoties futurum est, ut demonstret dicere contraria, aut præter opinionem.

Quarto loco, quando non licet nisi sophisticè respondentem soluere. si enim sic responderit, esse quidem, sed non esse; aut hæc quidem, illa uero non; aut aliqua quidem ex parte, ex aliqua uero non: conturbantur, tamquam hæsitantes. aliter autem tentare non oportet. si enim restiterit, victus uidetur esse. non enim licet multa interrogare propter infirmitatem auditoris. Quamobrem & enthymemata quàm maxime contrahere oportet.

Respondere uero oportet, ad ambigua quidem distinguendo oratione, & non concisc. ad ea uero, quæ videntur contraria, solutionem afferendo, statim cum responsione, priusquā interroget reliquum, aut syllogismo concludat. Neque enim difficile est prospicere, in quo ratio consistat. Apparebit autem nobis ex Topicis & hoc, & solutiones.

Et ad eum, qui concludit, si interrogatio faciat conclusionem, causam dicere, ut Sophocles interrogatus à Pisandro, an uideretur ipsi,

*De respon-
sione.*

ut & alijs præconsultoribus de constituendis
 Quadraginta: affirmavit. Quid vero non ne pra-
 ua tibi hæc uidebantur esse? affirmavit. Non ne
 igitur hæc praua ipse commisisti? sane affirma-
 uit: non enim erāt alia meliora. Et ut Laco red-
 dens rationem ephoratus, rogatus, an uideren-
 tur ipsi iuste perijsse alij, affirmavit. ille uero,
 Non ne tu hæc cum eis decreuisti? & ille affirma-
 uit. Non ne igitur iuste, inquit, & tu peribis? Mi-
 nime uero, inquit. illi enim, cum pecunias acce-
 pissent, hæc fecerunt: ego uero, nequaquam, sed
 ex sententia. Quamobrem neq; interrogare oportet
 post conclusionem, neque conclusionem in-
 terrogare, nisi multum ueri supersit.

De ridiculis

Ridicula autem quoniam non nullum uiden-
 tur usum habere in contentionibus, & Gorgias
 asseruit oportere aduersariorum seria discutere
 risu, at risum serijs, recte dicens: expositum est,
 quot species ridiculorum sint in ijs, quæ tradi-
 ta sunt de poetica; quorum unum quidem con-
 uenit libero: alterum uero minus. Quod igi-
 tur sibi conueniens erit, sumet. Est autem dissi-
 mulatio scurrilitate liberalior. ille enim sui caus-
 sa fingit ridiculum: scurra uero alterius.

*De perora-
 tione.*

Peroratio quattuor ex rebus componitur.

- 1 tum ex eo, ut bene erga se comparet audito-
 rem.
- 2 tum ex eo, ut amplificet, & deprimat.
- 3 tum ex eo, ut constituat auditorem ad affe-
 ctus.
- 4 tum ex memoriæ renouatione.

1 Factum enim natura est, ut postquam demon-
 strauerit, se quidem uerum, aduersarium autem
 falsum, sic laudet, & uituperet, & expoliat.
 Duorum autem alterum spectandum est; aut se
 his

his bonum, aut simpliciter: illū uero malum his, aut simpliciter. Ex quibus autem tales comparare oporteat, expositi sunt loci. unde bonos oporteat comparare, & malos.

2. Iam uero; postquam hoc demonstratum fuerit, licet augere secundum naturam, aut extenuare: oportet enim facta constare, si dicturus est, quantum. Etenim corporum incrementū est ex prius existentibus. Vnde autem oporteat augere, & extenuare, positi sunt loci prius.

3. Postquam uero hæc manifesta sunt, & qualia, & quanta; ad affectus impellit auditorem. hi autem sunt, misericordia, & indignatio, & ira, & odium, & inuidia, & æmulatio, & contentio. Expositi autem sunt etiam horum loci superius.

4. Quare reliquum est, in memoriam reuocare, quæ antè dicta sunt. hoc autem ita conuenit facere, ut asserunt in proœmijs, non recte dicentes. ut enim bene percipi possint, iubent sæpe dicere. Ac ibi quidem oportet rem exponere, ne id lateat, de quo iudicium est: hic uero per quæ demonstrata est, summam.

Initium autem ab eo sit, quod persoluerit ea, quæ pollicitus fuerat. Quare & quæ, & ex quo, dicendum. Ducitur uero ex aduersa collatione aduersarij. Ac conferre oportet,

uel quæcunque circa idem ambo dixerunt, si non ex regione, at sic; Iste quidem hæc de hoc, ego uero hæc, & ex his:

uel ex dissimulatione, ut Iste enim hæc dixit, ego uero hæc. & quid faceret, si hæc ostendisset, non autem hæc?

uel ex interrogatione, Quid non ostensum est? uel Iste quid confirmauit?

Aut igitur sic ex collatione.

N 3 Aut

Aut secundum naturam, prout exposita sunt,
quæ propria sunt. & rursus, si ipse uoluerit, se-
paratim, quæ contrariæ orationis.

Finis uero elocutionis conuenit dissolutio, ne
peroratio sit, sed non oratio, Dixi, Audistis,
Habetis, Iudicate.

Finis libri tertii.

1870

1871

1872

1873

1874

1875

1876

1877

1878

1879

1880



DE NATURA RHETORICAE.



NATURAM Rhetoricę ex doctrina Aristotelis explicaturi, inuestigare eius definitionem debemus; cum definitio illa sit, quę explicat naturam cuiusq; rei. Itaq; cum ea ex genere, & differentiis componatur, quæremus primum, quod sit proximum Rhetoricę genus: deinde ad indagandas eius differentias operam nostram conuertemus. Qua in re auctore potissimum Aristotele utemur, qui & eam optime definiuit; & ex arte ratiocinandi, ac traditione, quę de morib. atque affectibus est, conflauit: & vnus de ea perfecte, atque absolute conscripsit. Nunc ad propositum aggrediamur.

Rhetoricę genus quidam artem, nonnulli sciẽtiam, alij facultatem, uel vim, vel potentiam esse voluerunt. de quibus quę fuerit Aristotelis sentẽtia, breuiter uidendum est. Ac non est quidem dubitandum, quin Rhetorica ex eius præceptione ars sit; si non secundum eam artis definitionem, quam ipse tradidit lib:6. Ethicorum,

*De genere
Rhetoricæ.*

ut sit habitus efficiendi recta cum ratione, quo in genere omnes artes operosæ reperiuntur: ac certe eo argumento, quo idem usus est initio Rhetoricæ, quia cum munus esse artis omnes confiteantur, intueri causam, quamobrem homines finem consequantur, ipsa sine dubio huiusmodi munere fungatur. quo in loco ars accipitur in uniuersum, qua omnis scientia, & facultas, omnes artes tum ingenuæ, tum operosæ comprehenduntur, quæ causam contemplantur, quamobrem finis obtineatur. Itaque ars quidem genus Rhetoricæ est: sed non proximum. Visus est præterea Aristoteles indicare, Rhetoricam esse scientiam, cum scripsit Rhetorem censeretur ex scientia, & ex prælectione: sed tunc sine dubio scientiam pro facultate nominauit, cum scientiæ natura à Rhetorica aliena sit. illa enim esse rerum necessariorum: hæc contingentium existimatur. quamobrem apud eundem in hunc modum scriptum est; Quod si quis uel Dialecticam, uel hæc non tamquam facultates, sed scientias conatus fuerit instruere, latenter naturam ipsarum demonstrabitur, eò quod concinnans transeat in scientias subiectarum quarundam rerum, non autem solummodo rationum. Elegit autem uocem facultatis tamquam proximum Rhetoricæ genus; non quatenus facultas latissime accipitur, & omnes disciplinas denotat, tum quæ uersantur in contemplando, tum quæ in agendo, tum quæ in efficiendo, & in uniuersum potentias omnes, quæ sunt principium mutationis in aliud: sed quatenus strictim eas tantum artes complectitur, quæ contraria æque demonstrant: cuiusmodi esse duas solas, Rhetoricam, & Dialecticam, idem Aristoteles testatus est. primum igitur obseruandum est, quod docet

docet Alexander in librum primum Topicorum, eas proprie facultates, & potētias appellari, quæ simili modo habent contrariorum demonstrationem, cum id, quod uere aliquid potest, contraria possit; relictis illorum opinionibus, qui putāt illas artes appellari potentias, quæ potentia, & excellentia quadam instruunt eos, qui illis utuntur, qua certe ratione & ars militaris, & disciplina legum, & aliæ essent facultates, non duæ solæ, ut scribit Alexander: uel etiam, quæ in bonum, & malum usum conuerti possunt: nam hoc modo scientiæ quoq; facultates essent. Deinde ex uerbis Aristotelis intelligendum est, has solas Rhetoricam, & Dialecticam æqualiter habere contrariorum demonstrationem; ut cognoscatur has solas esse proprie facultates. sic enim apud eum legitur; Ac ex aliis quidem artibus nulla syllogismo contraria concludit: Dialectica uero, & Rhetorica solæ id faciunt: similiter enim sunt ambæ contrariorum. Id quod declarat Alexander in hunc modum; Qui in scientijs uersantur, licet habeant contrariorum cognitionem: tamē scopus, quem in illa scientia sibi proposuerunt, est, ut alteram partē contrariorū, quæ melior est, definite consequantur; Medicus, ut sanet, Aliptes, ut firmam corporis constitutionem tueatur; & ceteri alterum contrariorum, quod melius est, propositum habent, in quo se exercent. Nam cognitio contrariorum, quam assequuntur, non est apud eos principalis: sed ex cognitione unius sequitur alterius cognitio; quemadmodum ex scientia eorum, quæ sanitatem inducunt, sequitur etiam cognitio eorum, quæ morbos gignunt. Dialecticus uero, atque Rhetor simili modo propositam habent contrariorum demonstrationem. Ha-

Ætius

Genus ille, unde apparet, Rhetoricā, & Dialecticam æque in contrarias partes argumentari; & cum aliæ artes in unam partem tendant, has nō magis in unam, quā in alteram propensas esse; etiam si consulat Aristoteles, ut Rhetoricam adhibeamus, ad vera, & iusta demonstranda, quæ natura meliora sunt, quā contraria; & scribat, oportere contraria persuadere posse, quemadmodum etiam in syllogismis, non ut utrumq; faciamus, quia mala persuadere non oportet, sed ne lateat, quomodo se habet, & ut altero iniuste ipsis rationibus utente solvere eas possimus. Verum hoc Aristotelis est consilium, non harum artium natura, quæ ut modo notatum est, æqualiter propositum habet demonstrare contraria, & idcirco proprie appellari facultates existimantur.

Iam cognito proximo Rhetoricæ genere, differentia eius investiganda sunt, quæ per ipsius finem, & munus, & rem consideratam, & modum considerandi circumscribuntur.

De fine Rhetoricæ.

Ac finis quidem Rhetoricæ est persuadere, quid quid dicat Quintilianus, qui reprehendit Aristotelem, quod non tribuerit Rhetoricæ verū finem, cū ex eius sententia nō persuadere finis sit, sed benedicere. At, quod refertur ad aliud finis non est. nā finis est is, ad quē referuntur omnia, cum ipse nusquā referatur. Benedicere in arte oratoria refertur ad aliud, nempe ad persuasionem. ergo finis non est, nisi finem intelligamus, qui non extremus sit, sed ad extremum referatur. At finis, inquit, non est ponendus in euentu: semper enim debet præstari. Respondemus finem considerari duobus modis, vel tamquam rem propositam, & appellari σκοπὸν. vel tamquam rei propositæ cōsecutionem, & dici τέλος. unde scripsit Galenus

τὸν

τὸν σκοπὸν artis medicæ esse sanitatem : τὸ τέλος
 sanitatis adeptionem . Iam dicimus in ijs artib.
 quæ scientiæ non sunt , primum finem semper
 esse , non semper secundum : quia cum aliunde
 pendeant , & in se non habeant , quomodo rem
 propositam consequantur , quemadmodum ha-
 bent Mathematicæ scientiæ , in quibus sita est rei
 propositæ consecutio , tamen si non semper adipi-
 scantur id , quod quærunt , sufficit , ut omnia
 præstent , quæcunque pertinent ad illud adipiscē-
 dum : ut cum ὁ σκοπὸς Rhetoricæ sit persuadere ,
 τὸ τέλος persuasus animus auditoris , sat habere
 dabeat Rhetorica , si nihil omittat eorum , quæ
 ualent ad persuadendum , etiam si persuadere nō
 semper possit . sed dubitatur , quia aliæ quoq;
 artes persuadent . ergo persuadere non est pro-
 prius finis Rhetoricæ , probatur assumptio , quia
 legitur lib. 1. in hūc modū ; Nā ex alijs vnaquæq;
 in re , sibi subiecta docēdi , & persuadēdi exercet fa-
 cultatē . præterea in tertia vtilitate Rhetoricæ col-
 ligitur alias artes non oēs persuadere , sed eos tā-
 tum , qui earū principia nouerunt : Rhetoricā oēs
 persuadere . Hęc dubitatio sic eximitur , ut dicatur ,
 persuadere dupliciter accipi ; uno modo in uniuersum , etiā ex proprijs principijs artium inter illos ,
 qui ea tenēt , quod nō conuenit Rhetoricæ : altero
 modo in parte , cū persuadetur ex probabilib. & cō-
 fessis , quod est propriū Rhetoricæ . Sic ēτ τὸ πιθανόν , i . persuasibile dupliciter intelligi ; uel cōiter
 cū alijs artib. quod est ēτ ex proprijs illarū , pposi-
 tionib. uel propriè , quod est tantū Rhetoricæ , &
 ad cōe intelligentiam accommodatum ; de quo
 plura inferius . Quare , cum dicitur persuadere es-
 se finem Rhetoricæ , intelligitur in parte , non in
 vniuersum ; proprie , non communiter .

Decla-

*De munere
Rhetoricæ:*

Declarato fine munus est declarandum. Cum autem superius notatum sit; munus artis esse, intueri causam, cur homines finem consequantur, munus Rhetoricæ erit, contemplari causam, quamobrem illi, qui dicunt, persuadeant. Satis enim probatum est, finem Rhetoricæ esse persuadere; ut ipsa debeat contemplari ea, quæ ad persuadendum idonea sunt; & omnis eius contemplatio ad persuasionem, tamquam ad finem dirigenda sit. præclare igitur scripsit Aristoteles, Non persuadere esse munus eius, sed uidere, quæ in quaque re sunt persuasibilia. Cum autem in definitione usus sit uerbo θεωρῆσαι, in explicando munere dixit ἰδεῖν. Intellexit Quintilianus inuenire, & reprehendit Aristotelem, quòd nihil nisi inuentionem complexus sit, quæ sine elocutione oratio esse non potest. Quidam responderunt comprehensam fuisse elocutionem, contra quam sensit Quintilianus: nonnulli non fuisse quidem comprehensam, sed nihil interesse. Nos priorem opinionem sequimur, quæ fuit Petri Victorij, & M. Antonij Maioragij, uiroꝝ nostri ordinis clarissimorum. Nam Victorius quidem putauit, Philosophum etiam elocutionem intellexisse in illis uocibus θεωρά, & θεωρόν, ubi inclusa est uis, & usus verborum. Maioragius uero, cum significasse non solum rerum, uerum etiam uerborum inuentionem. Nos addimus, tantum abesse, ut elocutio comprehensa non sit, ut etiam ceteræ partes potuisse comprehendere nostro quidem iudicio uideantur. Nam θεωρεῖν, & ἰδεῖν est intueri, & uidere, quæ apposita sunt ad persuadendum; ut Rhetorica sit facultas uidēdi, quæ ualet ad persuasionē, i. quæ inuētio, quæ dispositio, quæ elocutio, atque adeo etiam quæ memoria, & quæ actio ad per-

persuasionem accommodata sit . Id quod uir nobilissimus, & doctissimus Augustinus Valerius patricius Venetus, quem ego non tam quia Veronæ Episcopus est, quàm quòd Episcopatu, & maiori etiam honore dignissimus, uehemēter omnib. esse colendum arbitror, uidetur mecum sentire, cum prætermittis partibus minus artificiosis. Rhetoricā definit facultatem inueniendi, disponendi, eloquendi . Quod attinet ad illos, qui existimarunt elocutionem non fuisse comprehensam, ipsi dixerunt, elocutionem accidere Rhetoricæ, & quæ accidunt plerunque in definitione non poni . Adduxerunt auctoritatē Aristotelis scribētis lib. 3. Elocutionem esse rem leuem, quòd rebus ipsis decertare oporteat, cetera præter demonstrationem inania sint . Quæ responsio non satis firma nobis uidetur, qui arbitramur elocutionē quidem accidere rei, de qua orator agit, sed non Rhetoricæ; cum præsertim Aristoteles initio lib. 3. inter tres præcipuas Rhetoricæ partes eam collocet, & Cicero in oratore ipsam potissimum spectet, cum quia orator nec ab inuentione, nec à dispositione, nec à memoria, nec ab actione nomē habuerit, sed ab elocutione Græce *ῥήτωρ*, & Latine eloquens dictus sit: tum uero, quia acumine inuentionis, & pulchritudine dispositionis prudentiæ quidem laudem consequi homines possint, ob unam autem elocutionem eloquentes uideantur. De auctoritate Aristotelis possemus dicere, illud καὶ δοκεῖ φορτικόν, intelligendum esse, non de elocutione, ut putauit Victorius cū alijs multis, sed de pronuntiatione; quod obseruauit Robortellus, uir quàm doctissimus, & eloquentissimus, in quibusdam annotationibus manuscriptis in artem Rhetoricam Aristotelis, quas mihi ostendit.

ostendit Saluator Bartolus cum illo quodam summa familiaritate coniunctus, & mihi ē propter maximam doctrinam, & optimos mores amicissimus. Sed, ut demus ibi agi de elocutione, dicimus aliquid in Rhetorica considerari duobus modis, ut colligitur ex verbis Aristotelis; vel ut id, quod rectum est: uel ut id, quod non tam rectum quidem, sed oratori necessarium. primo modo elocutionem esse rem leuem, cum si id, quod rectum est, inspiciamus, cetera præter demonstrationem inania sint: secundo modo multum ualere propter prauitatem auditorum. Addimus elocutionem in Rhetorica considerari semper secundo modo, ut rem necessariam, cum ibidē legatur totam Rhetoricæ pertractationem ad opinionem, & prauitatem auditorum referri. Vallet igitur hæc, quam modo notauimus, distinctio ad retinenda multa in Rhetoricæ natura præter demonstrationem, ut affectus, ut mores, ut elocutionem, ut dispositionem partium orationis, quæ de re etiam inferius.

*De re confi-
derata.*

Post munus Rhetoricæ perspicenda est eius materia, uel res considerata. sic enim loquendū ducimus more philosophorum proprietatis causa. alibi igitur oratorum flosculos, lepores, ac festiuitates, concinnumque, & modulatum uerborum sonum confectabimur: hic, ut cœpimus, proprietatem seruabimus Aristotelis sententia hac de re non satis aperta est, siquidem, & in munere Rhetoricæ explicando dixit eius esse uidere, quæ contingunt esse persuasibilia *περὶ ἔκαστον*, & eam deficiendo appellauit facultatem uidendi, quod contingit esse persuasibile *περὶ ἕκαστον*. & alibi tradidit, Rhetoricam uersari in ijs rebus de quibus consultamus, & artes nō habemus cuiusmodi sunt

sunt quæstiones ciuiles . Itaque modo dedit Rhetoricæ res omnes : modo quæstiones ciuiles . Quæ causa fuit quamobrem eius opinionem Rhetores alio , atque alio modo interpretati sint . Nam Quintilianus scribit res omnes Rhetoricæ ab Aristotele fuisse tributas . cuius verba sunt hæc lib. 2. cap. 16 . Omnia subieciisse oratori videtur Aristoteles , cum dixit uim esse dicendi , quid in quaque re possit esse persuasibile . At Cicero testatur aliam fuisse opinionem Gorgiæ , aliam Aristotelis , cum ille omnia , hic quæstiones tantum ciuiles oratori subiecerit . Sic enim legitur lib. primo de inuentione ; Gorgias Leontinus antiquissimus fere Rhetor omnibus de rebus oratorem optime posse dicere existimauit ; hic infinitam , & immensam huic artificio materiam subijcere uidetur : Aristoteles autem , qui huic arti plurima adiumenta , atque ornamenta subministravit , trib. in generib. rerum versari Rhetoris officium putauit , demonstratiuo , deliberatiuo , iudiciali . Quæ duæ opiniones ab eodem Cicérone lib. 1. de oratore , altera sub persona Crassi , altera sub persona Antonij , sunt explicatæ . Quidam litteratissimi viri hæc dubitationem sic tollunt , ut restringant illud , *περὶ ἑκαστον* , quo dicto significari volunt non simpliciter omnem rem propositam , sed quæ ad humanas actiones pertineat , quæque tribus causarum generibus comprehendatur . Sic exponit illustris Comes Jacobus Zabarella cap. 18. lib. 2. ubi scribit , Rhetoricam spectare actionem , non cognitionem , & colligit hunc finem ex eo , quod nomen persuasionis ad actionem referatur , si recte eius uis obseruetur , & tunc dicatur aliquis esse persuasus , cum eo ductus est , ut ita agere uelit . Itaque cap. 15. exempla affert tantum generis deliberatiui , iudicialis , demonstratiui ,

O cum

cum quis persuadet ciuibus ea, quæ comoda, & honesta Reip. futura sint, aut iudicibus, vt iuste iudicent, aut id agit, vt bonos laudando ad eorum imitationem alios compellat, prauas vituperando ab eorum imitatione auditores retrahat. Hæc quidem est viri grauissimi, & eruditissimi sententia: sed non nullam potest habere dubitationem, quam in medium proferemus, non refellendi studio, sed vt collatione contrariorum magis apparere veritas eloquentiæ studiosis possit. Ac profecto illud tam verum est, quàm quod verissimū, præcipuam Rhetoricę materiam esse res illas, de quibus consultamus, & quas agimus, & ex illis, quæ pertinent ad agendum, genera causarum, quæ res definitas complectuntur: sed Aristoteles in vniuersum loquens, cetera à munere oratorio non uidetur excludere, nec ea quidem, quæ pertinent ad cognitionem, si modo proprio, id est ad communem intelligentiam accommodato tractentur. Nam, dū probat munus Rhetoricę alijs artibus non conuenire, dicit Medicinam uersari in sanabili, & morbofo; Geometriam in affectionibus, quæ magnitudinibus accidunt; Arithmetica in numero; similiter vero etiam artes, & scientias reliquas in rebus sibi subiectis: at Rhetoricam in quaque re modo appposito ad persuadendum; nec illis quidē exceptis, quæ ab alijs artibus traduntur, & sunt quodammodo propriæ ipsius Rhetoricę, si oratorie tractentur. Tamen si enim initio dicat, Rhetoricam vna cum Dialectica esse de talibus quibusdā rebus, quæ nullius sunt scientiæ definitæ; & vbi agit de persuasibili, Munus Rhetoricę esse de talibus rebus, de quibus artes non habemus; & hoc modo res ad alias artes pertinentes excludere videatur: tamē potest ex eiusdem

dem doctrina responderi, Rhetoricæ quidem non licere res illas tractare, quæ ad alias artes pertinent, enthymematibus proprijs ipsarum artium, sed licere, enthymematibus sumptis ex communibus locis. & ad communem opinionem accommodatis. De proprijs enim legitur sic, Qui magis ea attingunt secundum modum, non decenter recedunt à se ipsis. & paullo post; Hæc vero quò quis meliora eligat ad propositiones faciendas, clam efficiet scientiam à Dialectica, & Rhetorica diuersam. Nam si incidat in alicuius artis principia, non amplius erit Dialectica, nec Rhetorica, sed illa ipsa, cuius habet principia. De communibus in hunc modum; Iam voco Dialecticos, & oratorios syllogismos, de quibus dicimus esse locos. Atque hi sunt communiter de rebus iustis, & naturalibus, & de ciuilibus, & de multis quæ specie inter se differunt; qualis est locus maioris, & minoris: nihil enim magis ex hoc syllogismus colligetur, aut enthymema proferetur de rebus iustis, quàm naturalibus, aut de quacunque re: atque hæc specie inter se differunt. Apparet igitur ex his uerbis, licere Rhetoricæ argumentis ductis ex communibus locis agere non solum de rebus ciuilibus, quæ propositam habent actionem, verum etiam de naturalibus, & de quacunque re. Quæ Rhetoricæ utilitas ab Aristotele agnoscitur maxima, ut aliæ artes non persuadeant omnes, cum teneant eam dicendi rationem, quæ à scientia proficiscitur: Rhetorica vero persuadeat omnes, cum ex communibus ducat fidem, & rationem. Neque vero solum ab eodem commemoratur triplex causæ genus, id est quæstio definita: verum etiam infinita, cum lib. 2. post præceptum eorum inuestigandorum, quæ in unoquoque

genere insunt, legatur; Similiter vero his & de re quacunq;, vt de iustitia bonum ne, an non bonū ex ijs, quæ iustitiæ, aut bono insunt. Ergo in Aristotelis Rhetorica licet agatur potissimū de trib. generib. causarum, tamquā de materia præcipua: non tamen reiiciuntur cetera; ut ex eius doctrina dicere possimus, duplicem esse Rhetoricæ materiam, unam infinitam, alteram definitā; unā communiorē, quam obseruauit Quintilianus, alterā magis propriam, quam Cicero. Id quod uidetur etiam sentire Alexander, dum scribit in librū primum Topicorum sic; Orator quoque licet nō ita, vt Dialecticus, de omnibus disserat, non tamen in vno aliquo definito genere versatur: siquidem orator etiam loquitur de medicinalib. reb. deq; philosophicis, ac musicis, præcipue autem de ciuilib. Ac non uidemus quidem, cur nomen persuasionis spectare etiam cognitionem, & maxime popularem cognitionem non possit, quæ est potius assensus quidam, quā cognitio, ita vt ad assensum præstandum in ijs, quæ ad cognitionem pertinent, homines adducantur per persuasionem, idest fidem accommodatam ad communem intelligentiam. Positum igitur sit nobis illud, latissimam Rhetoricæ materiam esse res omnes: strictissimam quæstiones ciuiles.

De modo cōsiderandi :

Iam res considerata potest quidem pluribus artibus conuenire, ut corpus humanum non solum Medicinæ, sed etiam Gymnasticæ, Coquinariæ & alijs: sed modus considerandi vnā constituit artem, ut consideratio corporis humani, quatenus est sanabile, medendi artem efficit. Itaque res considerata est communis: modus considerandi propriam naturam constituit. Cum autem Rhetorica habeat rem consideratam communem cum Dialectica,

lectica, & cum Politica, nempe materiam indefinitam rerum omnium cum Dialectica, definitam quæstionum ciuilium cum Politica: per modum considerandi distinguitur à Dialectica, & Politicæ, ut, quemadmodum Dialectica considerat res omnes, quatenus sunt probabiles, & Politica res ciuiles, quatenus ad felicitatem dirigi possunt: sic Rhetorica easdem contēpletur, quatenus sunt persuasibiles. distinguimus enim persuasibile proprium à probabili, ut inferius declarabimus. Quamobrem alia sumus in sententia, ac illustri Comite Iacobus Zabarella, qui lib. 2. cap. 18. scribit, cum Rhetorica auctore Aristotele constet ex Logica, & Ciuili facultate, ipsam ex Logica formam sumere, cum accipiat formam argumentationis, ex scientia autem ciuili materiam. putamus enim eius materiam, & rem consideratam esse communē non cum Ciuili tantum, sed etiam cum Logica, nempe quæstiones ciuiles, & res omnes: formam autem, uel, ut recentiores philosophi loquuntur, formale subiectum, uel modum considerandi deduci ab ipsius fine; ut cum finis Rhetoricæ sit persuadere, ipsa habeat proprium considerandi modum, quatenus res omnes, uel quæstiones ciuiles sunt persuasibiles. Ac persuasibile quidem proprium Rhetoricæ positum est, non solum in argumentatione, uel demonstratione oratoria, quam ipsa sumit à Logica, uerum etiam in morib. & affectib. quos à scientia ciuili. quod aperte docet Aristoteles, cum scribit, Fidem artificiosam esse triplicem, mores, affectus, demonstrationē, quodq; ipse Zabarella confitetur, eodē capite, cū exponit sententiā Aristotelis his uerbis; Dicit persuasionē trib. modis fieri, argumētis, morata oratione, & perturbationū commotione.

*Definitio
Rhetoricæ.*

Adhuc proximum Rhetoricæ genus, & differentiæ sunt explicatæ, ex quibus composita est ab Aristotele hæc definitio Rhetoricæ, ut sit facultas videndi in quaque re, quod contingit esse persuasibile. quam definitionem Antonius Bernardus Mirandulanus libri 8. sectione secunda, affirmat etiam Dialecticæ convenire. Nos putamus probabile, & persuasibile distinguere Dialecticam, & Rhetoricam; ut Dialectica sit facultas videndi, quod in quaque re contingit esse probabile: Rhetorica, quod in quaque re contingit esse persuasibile. Summa autem huius difficultatis in eo est, quòd quidā censent probabile, & per suasibile esse idem, ut Mirandulanus lib. 8. sectione 11. alij non idem, quorum opinionem nos sequimur. Itaque primum considerandum ducimus, quomodo probabile à persuasibili ex doctrina Aristotelis distingui possit: deinde ad argumenta quædam contraria respondendum.

*Quæ sint p
babilia.*

Aristoteles tradit lib. 1. Top probabilia primū esse, quæ probantur oībus, ut bonū esse expetendū, expetendā sanitatem, diuitias, uitā, prodesse bonū, parentibus honorem habendum: deinde, quæ probantur plurimis, ut sapientiam esse diuitijs optabiliorem, animum esse præstantiorem corpore, Deos esse: præterea, quæ sapientibus omnibus ut animi bona maiora esse corporis bonis, ex nihilo nihil fieri, uirtutes bonas esse: inde, quæ sapientibus plurimis, ut uirtutem per se expetendam esse, felicitatem à virtute proficisci, nullum corpus esse partium expers, infinitos non esse mundos: inde, quæ sapientibus clarissimis, ut animum esse æternum, quintum quoddam esse corpus: postremo quæ sunt multorum opinionibus repugnantia, etiam si probentur sapientibus ualde probatis,

ut

ut id, quod est, immobile esse, & vnum, quæ fuit
 Parmenidis opinio; & contraria esse eadem, quod
 censuit Heraclitus; & non posse contradici, quod
 placuit Antistheni. Idem lib. 1. artis Rhetoricæ
 docet, Rhetoricam concludere, & colligere non
 ex ijs, quæ syllogismo ante cōclusa sunt; ea enim
 propter longitudinem non esse accommodata
 oratori, loquenti ad disceptatorem, qui ponitur
 esse rudis: neque ex ijs, quæ syllogismo quidem
 non sunt conclusa. verum syllogismum desiderāt
 ea enim non esse persuasibilia, quia non ex con-
 fessis, neque ex probabilibus sint. Colligo persua-
 sibile esse probabile confessum, id est non proba-
 bile simpliciter, quod potest etiam probari sapien-
 tibus probatis, ut cōtraria esse eadem, sed eiusmo-
 di probabile, quod omnes communiter, uel pluri-
 mi consentiunt. quo sensu Aristoteles commemo-
 rat etiam bona confessa; & quod accommodatum
 est ad rudem hominum multitudinem, & consi-
 stit in communi quodam sensu, atque intelligen-
 tia, nec examinatur, ut inquit Cicero, artificis sta-
 tera, sed quadam populari trutina. Scribit etiam
 lib. 2. in hunc modum; Quare non ex omnibus
 quæ probabilia sunt, sed ex definitis dicere oportet,
 nempe aut iudicantibus, aut ijs, quos appro-
 bant; manifesto autem sic apparere aut omnibus,
 aut plurimis. Ergo persuasibile est, non omne
 probabile, sed definitum, quod omnibus, aut plu-
 rimis apparet. Cum autem Dialectica æque dispu-
 tet de rebus omnibus. Rhetorica magis de rebus
 civilibus illa utatur interrogatione, & responsio-
 ne in circulis, disputationibus, congressionibus
 Philosophorum, hæc continuata oratione ad po-
 pularem intelligentiam accommodata; illa ma-
 gis tractet res uniuersales, hæc magis singulares:

*Quid sit per-
 suasibile.*

fit, ut illa sibi sumat probabile, tamquam cōis, & philosophicis sermonib. aptius; hæc persuasibile, tamquam minus commune, & ad cōem intelligētiā magis idoneum: atque illa, cum uersetur in probabili, complectatur etiam persuasibile, quod eatenus est probabile, quatenus omnibus vel plurimis probetur; hæc cum propositum habeat persuasibile, spectet etiam probabile, nō simpliciter, ut Dialectica, sed illud, quod est persuasibile. Nam omne quidem persuasibile est probabile: sed non è conuerso. Itaq; nulla clarior distinctio Dialecticæ, & Rhetoricæ afferri nostro quidē iudicio potest, quam quòd cum utraque ex probabilib. disputet, illa quidem probabile simpliciter; hæc uero probabile, quod uocatur persuasibile, persequatur. Quibus ita positis argumenta quædam contraria sunt perpendenda.

*Argumenta
de probabili
& persuasibili.*

1 Conatus est probare Mirādulanus, idē esse persuasibile, quod probabile, quia probabile ē Rhetoricæ tribuatur, ut in illis uerbis; Nec Rhetorica quidē singulare probabile intuebitur, ut Socrati, uel Hippia, sed quod hominib. sic affectis, quēadmodū ē Dialectica. Addiderunt Mirandulani sectatores ē persuasibile tribui Dialecticæ, ut lib. 1. Top. c. 9. ubi legitur; sunt autē problemata, & de quib. contrariis sunt syllogismi: dubitationē. n. habent, utrū sic se habeant, nec ne, eo q̄ de utriusq; sunt rationes persuasibiles.

2 Idem scriptum reliquit, eūdē syllogismū, qui est Dialecticus, proprie esse Rhetoricū; ergo necesse esse, ut idem sit probabile, quod persuasibile: quia si probabile, & persuasibile essent diuersa, syllogismus Dialecticus, & Rhetoricus essent diuersi; unus enim esset ex probabilibus, alter ex iis, quæ non essent probabilia. Probauit antecedens

dens ex eo, quod scripsit Aristoteles Dialecticos, & Rhetoricos syllogismos esse, de quib. locos dicimus; eos uero esse, qui communiter de iustis, & naturalibus, & de ciuilibus, & de multis specie differentibus sunt.

3 Addidit, communia, quæ ad nullam scientiam pertinent, esse probabilia. persuasibilia autem esse communia, quæ ad nullam scientiam pertinent, ut patet ex definitione Rhetoricæ, & probatione definitionis. ergo persuasibilia esse probabilia.

4 Postremo argumentatus est, verisimile esse probabile. persuasibile esse verisimile. ergo persuasibile esse probabile. Hæc uir doctissimus de probabili, & persuasibili.

Quod attinet ad primum argumentum, nec nos quidem negamus, quandoque persuasibile tribui Rhetoricæ: sed non ideo concedimus persuasibile, & probabile esse idem, cum probabile sit genus, persuasibile, species. Quare mirum non est, Dialecticæ tribui persuasibile, quod sub probabili continetur. Nec probabile simpliciter tribuitur Rhetoricæ, sed illud tantum, quod est persuasibile. Cum autem Aristoteles sæ penumero loco speciei nominet genus, mirum uideri non debet, si cum ageret de persuasibili propria enthymematis materia, nominauit probabile.

Ad secundum argumentum respondemus, Dialecticum syllogismum sumptum à locis communibus esse etiā Rhetoricū nō simpliciter, sed tūc, cum est de reb. persuasibilib. & Rhetoricū ductū à locis communib. esse quoq; Dialecticum, non simpliciter, sed quatenus continetur sub ea parte Logicæ, quæ argumenta tractat probabilia; in eo tamen alterum ab altero differre, & unus latius pateat,

patet, alter minus late; atque vnus sit ex omnibus probabilibus, alter non ex omnibus, sed tantum ex illis, quæ persuasibilia sunt. Itaque non consequi, ut probabile cum persuasibili idem sit.

Tertiam argumentationem confitemur: sed cū persuasibile sit probabile, non tamen putamus vnum esse ita idem cum altero, ut cōverti possit.

Idem ad quartam argumentationem possumus respondere; in qua etiam assumptio minus firma est: non enim omne persuasibile est verisimile, sed quoddam etiam est tecmerium, quoddam signum innominatum, quorum alterum est perfectius verisimili, alterum imperfectius, cum tamē ambo sint persuasibilia. sed de his plura inferius.

*[Differentia
inter proba-
bile, & per-
suasibile.]*

Illud disputatione nostra conficitur, persuasibile differre à probabili eo modo, quo species differt à genere.

Addi potest secunda differentia, quòd probabile positum est tantum in argumentationibus, persuasibile uero etiam in moribus & affectibus.

Et tertia, quòd probabile pertinet ad opinionē: persuasibile ad fidem, & persuasionem; cum opinio sit vniuersalior, quā fides, & persuasio; ut illa proprie videatur Dialecticę, hæc Rhetoricę cōuenire.

Et quarta, quòd probabile magis differitur, quàm dicitur: persuasibile magis dicitur, quàm differitur. Illud interrogatione, & responsione tractatur: hoc continuata oratione cōprehēditur. Nam differere est proprium Dialecticę: dicere, & quidē diserte dicere, atq; eloqui Rhetoricę. quod patet ex utriusque etymologia. Sic enim de Dialectica scriptum reliquit Alexander; Ac merito quidem huiusmodi methodus Dialecticę nomen inuenit. Nam ἀπὸ τοῦ διαλέγεσθαι, quod est disserere dictū est; quod sane in interrogatione, & respon-

responsione consistit. is enim, qui interrogat, de omni re, quam is, qui respondet proposuit, percunctatur. quod interrogans facit, ut interrogando sumat ab eo omnino, de quo disserat. Satis autem constat appellatam esse Rhetoricam, & Rhetorem ἀπὸ τῆς ῥησεως, id est à dictione, & elocutione, quæ posita est in continuata oratione.

Itaque satis distincta est Rhetorica à Dialectica per definitionem eius; cuius probatio allata ab Aristotele non congruit etiam Dialecticæ, ut putat Mirandulanus, sed agnoscitur Rhetoricæ propria in illis uerbis; At Rhetorica de re data, ut ita dicam, uidetur posse persuasibile intueri.

Cum autem persuasibile triplicem fidem complectatur, demonstrationes, affectus, mores; & demonstrationes quidem sumantur ex arte differendi, affectus vero, & mores ex disciplina ciuili: merito Aristoteles, ut magis naturam Rhetoricæ exprimeret, scripsit, eam συγχεῖσθαι ex Analytica scientia, ac Politica, & esse παραρρέστι Dialecticæ, ac Politicæ, & ὁμοίαν Dialecticæ, ac Sophistis sermonibus, & ἀντίστροφον Dialecticæ, & μορῶντι, καὶ ὁμοίωμα Dialecticæ-quæ qualia sint, breuiter considerandum est.

Dicitur Rhetorica esse composita tum ex Analytica scientia, tum ex Politica, quæ in moribus uersatur. id est tū ex illa uniuersali, & communi Logica, quæ syllogismum conformat, & dicitur Analytica ab analysi. id est rei dissolutione in ea, ex quibus ipsa constat, quia syllogismum dissoluit in ipsius principia: tum ex scientia ciuili, quæ mores, & affectus exornat; ita ut Rhetorica duplicem habeat naturam, unam à Logica, unde sumit argumentationem: alteram à scientia ciuili, unde affectus, & mores. Nam tametsi hoc in loco

*Rhetorica
composita ex
Analytica,
& Politica.*

loco nominantur tantum mores : tamen affectus ad mores referuntur, cum lib. 2. diuidantur mores in affectus, habitus, mores ætatum, & mores fortunæ: affectus enim in Rhetorica considerantur tamquam mores, quatenus ad eos accommodatur oratio: distinguuntur à moribus quatenus ab oratore excitantur in animis auditorum. Quæ causa fuit, cur Aristoteles de affectibus egerit inter primam, & secundam partem moratæ orationis.

*Rhetorica
agnatū Dia-
lecticæ, &
Politica.*

Vocatur tamquam agnatum quiddā Dialecticæ, & eius, quæ de moribus est traditionis, quam iustum est appellare Politicam. nam prope Dialecticam, & Politicam quasi magnas arbores ex earū radicibus tamquam virgultum ipsa Rhetorica orta est. Accipitur Dialectica pro ea parte, quæ argumenta tractat probabilia, & in Topicis declaratur, ut notat Alexander in Topica. Nam ratione materię Topica, & Dialectica idem sunt; quamuis si distinguatur inuentio à iudicio, Topica sit, quæ inuenit argumenta probabilia, Dialectica, quæ ea iudicat ex collatione argumentorum necessariorum, & captiosorum; de quo iudicio ex opinione Boethi nihil tractat Aristoteles; quoniam, ut illius verbis utar, plena est, atque expedita ratio iudicandi de medietate, cum quis extrema cognorit. Alio modo accipitur Dialectica pro tota disserendi ratione, cum scribitur in præmio Rhetoricæ, Videre ea, quæ ad syllogismum æque omnem pertinent, Dialecticæ esse uel ipsius uniuersæ, uel partis alicuius. Addit Alexander, accipi etiam Dialecticam apud Platonem pro uia, & methodo diuidendi, id est, unum in multa distribuendi, & multa in unum componendi. In Topicis Ciceronis accipitur

pitur Dialectica pro tota ea parte, quæ omnia argumenta iudicat, tum necessaria, tum probabilia, tum captiosa, & distinguitur à Topica; quæ argumenta inuenit. Politica præterea denotat modo totam philosophiam, quæ in agendo uersatur, & mores tum singulorum, tum familiarum, tum Rerumpub. conformat: modo eam tantum partem, quæ publicam administrationem pertractat. Iam cum dicit Aristoteles Rhetoricam, esse agnatum Dialecticæ, & Politicæ, intelligimus eam Logicæ partem, quæ argumenta docet probabilia, & eam potissimum philosophiæ, quæ de moribus est partem, cum qua ipsa Rhetorica coniuncta est, in Rep. pertractanda. Cum autem Rhetorica sit agnatum Dialecticæ, & Politicæ diuersa aliquo modo est à Dialectica. Nec est proprie Politica; quod significat Aristoteles, scribens, Rhetoricam subire personam Politicæ, & qui hanc sibi uendicant, partim propter ignorantiam, partim propter arrogantiam, partim propter alias causas humanas.

Appellatur similis partim Dialecticæ, partim Sophisticis sermonibus. etenim suis præceptis conformat eum, qui ut ipse Aristoteles testatur, aut uerum, aut id, quod apparet, demonstrat ex iis, quæ in quaque re sunt idonea ad faciendâ fidem; quiq; et ipse quatenus sequitur uerum est similis Dialectico: quatenus id, quod apparet, Sophistæ. Cum enim in ratione differendi, ut idem tradit, qui sequitur syllogismum, Dialecticus appelletur, qui apparentem syllogismum, sophisticus; & ille censeatur ex facultate, & potentia, hic ex præelectione, cum ille habeat quidem facultatem utendi falsis,

*Rhetorica scilicet
similis Dialecticæ. & Sophistica.*

& captiosis argumentis, sed non præligat gloriam ex illis, hic uero præligat; in Rhetorica arte non solum ille, qui uirtutem persuasibili, uerum etiam qui apparente persuasibili, orator nominatur; & dicitur esse tum ex facultate, quia facultatem habet utendi tam uero, quam falso, tum ex prælectione, quia præligit quandoque gloriam ex falso persuasibili. Aperte igitur Aristoteles distinguit Dialecticam à Sophistica, accipiens Dialecticam pro ea parte, quæ est de argumentis probabilibus, & naturam Rhetoricæ constituit non solum in persuasibili, sed etiam in apparète persuasibili.

Rhetorica
ἀρτισποφος
Dialectica.

Cum autem dicatur ἀρτισποφος Dialecticæ, uox ἀρτισποφος aliter à Cicerone, aliter ab Alexandro, aliter ab Aristotele ipso explicari uidetur. Apud Ciceronem esse ἀρτισποφον ualet ex altera parte respondere. Quam interpretationem Victorius quidem, clarissimus Aristotelis explicator, reprehendit, his uerbis; Apertius uicinitatem, affinitatemque illarum comprobasset, si relictæ contrarietate, quæ inter ipsas uersatur, similitudinis tantum mentionem fecisset. Sed Maioragius, uir disertissimus, in Victorio duo notat peccata; unum, quod uerbo contrarietatis usus sit: alterum, quod scripserit Ciceronem ponere inter Rhetoricam, & Dialecticam repugnantiam. Nos putamus in artibus tradendis posse adhiberi uerba non usitata, proprietatis seruandæ causa; maxime uero, si nouata sint ex præceptis artis Rhetoricæ; ut per similitudinem dicatur ex contrario contrarietas, quemadmodum ex pio pietas. Et respondere ex altera parte dici illa, quæ partim similia, partim dissimilia sint, ut illa uox Respondere significet rem esse similem. & illæ Ex altera parte, ualeant

valcant contra, Quamobrem, si illud ἀντι Cicero interpretatus est, Ex altera parte, profecto aliquam expresse contrarietatem, cum ἀντι significet contra, & è regione. at, si uoluit explicare illud totum ἀντιστροφος ἐστὶ per unam uocem Responderet, & addidit Ex altera parte, respiciens sequentia Aristotelis uerba, quæ ostendunt Rhetoricam, & Dialecticam inter se similes esse in materia; nullam contrarietatem denotauit; contra quam sensit Victorius. Hæc de interpretatione Ciceronis. Sequitur explicatio Alexandri, qui in Topica Aristotelis scriptum reliquit, ἀντιστροφον significare ἰσόςτροφον, & quæ in eisdem rebus ueretur, & easdem res tractet. Rhetorica igitur est ἰσόςτροφος, id est æqualiter respondet Dialecticæ, cum ambæ sint de rebus omnibus, quæ communiter cognoscuntur. Verum aliorum explicationes querendæ non sunt, cum ipse Aristoteles se ipsum declarauit. Nam sic apud eum legitur; Est enim Dialecticæ particula quædam, & similitudo, quæ admodum etiam exordientes dicebamus. Neutra enim ipsarum est scientia de aliqua re definita, querens, quomodo se habeat: sed ipsæ facultates sunt quædam parandi rationes. Quæ uerba uidentur declarare principium artis Rhetoricæ, ut in eo Aristoteles nihil aliud spectauerit, nisi similitudinem inter Rhetoricam, & Dialecticam, & per ἀντιστροφον translatum nomen intellexerit proprium nomen ὁμοίωμα, id est similitudinem, quod ante nos alij obseruarunt. Referimus enim illud, Quemadmodum etiam exordientes dicebamus, ad illud, Et similitudo. Itaque hæc artes inter se similes sunt: quia ambæ de rebus communibus sunt, quarum nulla definita scientia est: Nos in conuersione nostra diximus, huiusmodi artes in-

les, nominans Dialecticam pro tota Logica in hunc modum; Quoniam vero apparet,artificio-
sam methodum ad fidem pertinere; & fides de-
monstratio quædam est (nam tunc maxime fidem
habemus, cum demonstratum esse arbitramur)
& demonstratio oratoria est enthymema; & hoc,
vt simpliciter dicam,ad fidem faciendam poten-
tissimum est; & enthymema est syllogismus qui-
dam; & videre ea, quæ ad syllogismum æque
omnem pertinent,Dialecticæ est, uel ipsius vni-
uersæ, vel partis alicuius: non est dubium, qui
maxime hoc potest intueri,ex quibus & quomo-
do syllogismus conficiatur, cum etiam maxime
enthymematicum fore; cum assumpserit,& in cu-
iusmodi rebus uersentur enthymemata, & quas
habeant differentias ad Logicos syllogismos.
Hæc ille. unde facile perspicitur,enthymematis
Rhetorici cognitionem à syllogismi Logici no-
titia pendere; ita vt Rhetorica sine Logica im-
perfecta existat. Quæ causa fuit, cur non nulli
putauerint prius in Logicā,quàm in Rhetoricam
incumbendum esse,& fieri non posse, ut Rhetori-
ca cognoscatur, nisi prius Logica percipiatur.
Nos quidem non negamus ad oratoris perfectio-
nem pertinere non solum Logicæ, sed aliarum
etiam artium cognitionem: sed non putamus ef-
se ita necessariam, ut Logicorum libri omnino
peruolutandi sint,prius quàm Rhetorum, & non
possint hi sine illis intelligi satis,atque ad persua-
dendum accommodate. Nam profecto si quibus
rebus Logicis Rhetorica indiget, eas ex Logica
in ipsam translatis habet,sat est eas percipere ex
Rhetorica. Atqui sine dubio habet. Institutum
enim Aristotelis est,eandem rem uariis quidem
in artibus considerare, sed modo diuerso,& quan-

*An Rhetori-
ca percipi so-
ne Logica
possit.*

tum sufficere singulis artibus uideatur. Itaque ut aliquod exemplum in medium afferamus, cum uirtutes à facultatibus animi proficiantur, & hac de causa in libris Ethicorum agendum esset de ipsis facultatibus, quæ conuenerunt, omnia ille transtulit ex libris de animo, quos appellat exotericos, in librum primum de moribus. eaq; considerauit non modo exquisito, sed quârum uisum est sufficere morali cõtēplationi. Quod se fecisse ostendit in hunc modû, Igitur & Politico cõtēplatio habēda ē de aĩo; habēda aut horû gratia, & quatenus satis esse potest ad ea, de quibus quęstio est. exquirere enim plus, quàm conueniat, laboriosius fortasse est, quàm ea, quæ proposita sunt. Dicuntur autem de ipso nō nulla, quæ satis sunt etiam in exōtericis disputationibus; atque ipsis utendum est; quemadmodum unam quidē partem eius compotem esse rationis, alteram uero expertem, & quę sequuntur. Noluit igitur Aristoteles studiosos Ethicę facultatis deterrere, nec eos prius reiicere ad res naturales, quàm admittere ad morales: sed dixit habendam esse cõtēplationem de animo rerum moralium gratia, & quatenus satis esse potest, cum antea tradidisset, non requiri exactam rerum cognitionem. Atque ut studiosis laborē minueret, præcepta ibi quædam scripsit naturalia, quæ ei possent sufficere, qui in Ethicę facultatis studio uersaretur, ne ei prius in Phycis, quàm in ethicis laborandum esset. Iam, quemadmodum in Ethicis ubi exquisitus discendi modus non postulatur, sunt omnia Phycica, quæ pertinere ad Ethicorum intelligentiam existimantur; sic in Rhetoricis, quæ minus exactum cõtēplandi modum habent, sunt omnia logica, quæ ad Rhetoricorum cognitionem

tionem valent. Atque de illis habita est contemplatio horū gratia, & quatenus satis esse poterat ad propositam quæstionem; ut quid sit syllogismus, quid enthymema, quid inductio, quid exemplum, quemadmodū enthymema sit syllogismus imperfectus cui aliquid desit, & exemplum inductio imperfecta tamquā pars ad partem; quē admodum enthymema uersetur in persuasibilibus, & cōstet ex uersimilibus, ac signis, & quid sit uersimile, & quid signum; qui sint loci Topici, quot modis afferantur obiectiones, Quæ dum traduntur tamen citetur Logica: ita tamē citatur, ut semper res Logicæ, quib. indiget Rhetorica, in ipsa interponantur; ut nihil aliud citata auctoritas ualeat, nisi ut qui ea cognitione contenti nō sunt, quæ satis esse ad propositā quæstionem potest, ad præcipua loca earum rerum se conferant, & animum expleant suum. sed de his longius non contendemus; nec damnabimus, si quis uoluerit maioris eruditionis causa prius uersari in logicis, quā in Rhetoricis (cum præsertim auditoribus; nostris auctores esse soleamus, ut Logicam cum Rhetorica coniungant) dummodo nobis detur, id non esse ita necessarium, ut etiam aliter fieri non possit. Non enim oratorem requiramus *παιδοδακτ*: sed qui potissimum in quæstionibus ciuilibus accommodare dicere ad persuadendum possit. considerat ergo Rhetorica demonstracionem, quemadmodū etiā Dialectica; quamuis in eo posita differentia sit, quod Dialectica; quidem demonstracionem suam per omne probabile diffundit: Rhetorica uero ad id probabile contrahit, quod est proprie persuasibile.

Cōsiderat præterea mores, & affectus, quemadmodum etiam Politica, quamuis diuersa ratio.

ne. Nā Politica eos intuetur, quatenus ipsi hominem ad felicitatem perducunt: Rhetorica, quatenus sunt instrumēta persuasionis. Quamobrē illa de ijs agit exquisitius: hæc minus exquisite. Ac minus quidem exactam contemplationem congruere Rhetoricæ, quàm Politicæ, docet Aristoteles cum alijs in locis, tum vero ubi scribit in hunc modum; Ac non est quidem in præsentia quærendum, ut singula diligenter enumerentur, & ea in formas digerantur, de quibus statueret soliti sunt, atque ut de ipsis, quantum fieri potest, ex ueritate disputetur: propterea quod id nō est Rhetoricæ artis, sed prudentioris, & uerioris. & Verumtamen quæcunque melius est, ut explicentur, ac præterea scientiæ Politicæ meditationem relinquunt, nunc etiam dicamus.

Minus exacta contemplatio Rhetoricæ, quàm Politicæ.

Dua quæstiones de affectibus.

Quamquam autem Rhetorica una cum moribus affectus considerat: tamen dubitatur, an eos consideret, ut ita dicam, tamquàm domesticos, & suos, an uelut externos, & à natura sua alienos; præterea uero, an liceat mouere affectus; de quibus operæ precium est perpēdere ea, quæ scripsit Aristoteles in hunc modum; Ac qui artes quidem orationum ad hoc usque tempus composuerunt, exiguam ipsarum particulam confecerunt. Fides enim sola continet id, quod artificiosum est: alia uero additamenti sunt loco. At hi nihil quidem de enthymematibus dicunt, id quod est corpus fidei: de ijs uero quæ sunt extra rem, tradunt plurima. Criminatio enim, & misericordia, & ira, & huiusmodi animi perturbationes de re non sunt, sed ad iudicem referuntur. Quod si in omnibus iudicijs eueniret perinde ac ēt nūc in nō nullis ciuitatibus. euenit, maxime uero in ijs, quæ bene sunt institutæ; ad dicendum nihil haberent.

omnes

omnes enim partim arbitrantur sic legibus caue-
ri oportere, partim hoc institutum retinent, &
prohibent extra rem dicere, ut etiam in Arcopa-
go. & recte quidem sic statuunt: non enim opor-
tet iudicem peruertere ad iram excitando, uel in-
uidiam, uel misericordiam: quia id simile est, ac
siquis qua usus est regula, eā pueris reddat.

Quæ Aristotelis uerba eò adduxerunt non nul-
los, ut opinetur affectus à Rhetoricæ natura esse
excludendos. primū. n. argumentatur, solam fidē,
id est demonstrationem oratoriam continere id,
quod artificiosum est: cetera, ut affectus, & alia
esse additamenti loco. præterea enthymema esse
corpus fidei; affectus uero extra rem, id est extra
Rhetoricā. Tū affectus posse abesse à Rhetorica,
ut si bona iudicia existant, quale Arcopagitarū.
Quæ argumenta ex superiori loco collecta uiden-
tur demonstrare, affectus esse à Rhetoricæ natu-
ra alienos. Accedit, quòd ex auctoritate libri ter-
tij, cetera præter demonstrationem inania sunt,
sicque etiam affectus. Quamobrem illustris Co-
mes Iacobus Zabarella libri 2. cap. 17. in hunc
modum Aristotelis sententiam expressit; Dicit
oratoriam artem in argumentationibus consiste-
re, quas etiam ipsius orationis corpus esse asserit.
Rhetores autem suorum temporum reprehendit,
qui prætermissa parte argumentatiua ea solū doce-
bant, quæ extranea erant, & aliena ab huius artis
natura, ut est elocutio, & perturbationū commo-
tio, quæ quidem in orationibus admittenda non
essent, in ciuitate bene gubernata, quemadmodū
in Arcopago non admittebantur; admittuntur
tamē propter mores hominū deprauatos. Quare
apud Aristotelem sola argumentatio naturā ora-
toricæ artis constituit: affectionū autem commo-

*Affectus
sunt alieni
à natura
Rhetoricæ.*

tio ab ipsa penitus aliena est, licet in usu sit propter mores ciuitatū corruptos. Hęc uir nobilissimus, & doctissimus; cuius auctoritati tamen tantum tribuo, quantum debeo: tamen, non ut eius opinionem refellam, sed ut magis ueritatem confirmem, non nulla in medium afferam, quibus existimare aliquo modo possit, affectus à natura Rhetoricæ non esse alienos.

Nam primum Aristoteles tractationem de affectibus appellat Rhetoricæ partem, quamuis exiguam. Deinde, quod appositum est ad faciendam fidem in significatione propria efficit Rhetoricum considerandi modum; & id continet etiā affectus, cum persuasio sit triplex, demonstratio, affectus, & mores. Accedit, quòd, ut superius notauimus, dicitur Rhetorica esse conflatà ex Analytica scientia, id est ex ijs, quæ pertinent ad demonstrationē, & ex Politica, id est ex ijs, quæ ad mores, & affectus. Itaq; duæ præcipuæ partes existūt Rhetoricæ, una posita in demonstratione: altera in affectibus & moribus. & hæc pars eiusmodi est, ut necessaria appelletur. Libro enim 2. legitur in hunc modum; Necessè est non solū ad orationē respicere, quomodo demonstratiua futura sit, & fide digna: uerum etiam oratorem, & iudicem aliquibus moribus præditum comparare.

Quare initio libri 3. præcipitur, tria esse, quæ oportet tradere de oratione; unum, ex quibus ipsa fides existat: alterum de elocutione: tertium, quomodo conueniat ordinare partes orationis; & prima pars Rhetoricæ quæ fidem continet, diuiditur in demonstrationē, affectus, mores. Quæ causa fuit, cur lib. 2. tam diligenter de affectibus scriptum sit. Pars ergo Rhetoricæ est ea, quæ affectus tractat, & quidē necessaria, nec à Rhetoricæ

ricæ natura abijcienda. Nam, quod dicitur, solam fidem esse artificiosam, cetera additamenti loco, ita explicari potest, ut intelligamus, id, quod artificiosum est, duobus modis considerari, aut quatenus est de re, & sic solam fidem esse artificiosam; aut quatenus est extra rem, & sic etiam affectus esse artificiosos. Quæ fuit causa, cur ipse Aristoteles inter partes fidei artificiosæ affectus numeraverit, etiâ si eos esse extra rem intelligeret. vel materiam artis spectari modo secundum rectam rationem suam, & quatenus res se recte habeat; sic solam demonstrationem artificiosam: modo secundum necessitatem, & quatenus refertur ad auditorem, qui supponitur esse iudis; sic etiam affectus artificiosos; & considerandam esse Rhetoricam semper secundo modo. Nam lib. 2. traditur, Rhetoricam esse iudicationis causa, cum & consilia iudicent, & iudicium sit iudicatio, idcircoque necesse esse non solum ad fidem respicere, verum et ad affectus, & mores. & lib. 3. totâ Rhetoricæ pertractationem referri ad opinionem, & prauitatem auditorû. Natura igitur Rhetoricæ duo complectitur, tum ea, quæ sunt de re, ut demonstrationes, tum ea, quæ sunt extra rem, ut affectus. Quod at inest ad secundum argumentum, non negamus enthymema esse corpus fidei: sed dicimus naturam Rhetoricæ utiari non solum in corpore fidei, sed etiâ in additamenti. Neque esse, cur illud, Extra rem, explicetur Extra Rhetoricam cum intelligenda sine dubio sit res, & causa, de qua agit orator & non Rhetorica, ut etiam in sequentibus verbis; De re non sunt, sed ad iudicem referuntur. sequitur tertium argumentum, cuius dubitationem sic eximimus, ut dicamus, cum duplex sit Rhetorica, una, quæ agit, altera,

quæ præcepta tradit, ab ea quidē quæ agit, posse aliquando affectus abesse, cū offerri oratori possit occasio, in qua ei affectus mouendi nō sint; sed non ab ea, quæ præcepta tradit, cum ad ipsam pertineat, oratorem in uniuersum conformare eiusmodi, qui, quæcunq; occasio offeratur, quomodo libet persuadēdi, munus suū laudabiliter obeat. Quodd si in Arcopago prohibita est affectuum commotio, certe intelligendum est, prohibitam esse magnam Rhetoricæ partem, quæ tamen potest in id, quod bonū est adhiberi, & ob id nō omnino reiicienda, ut paullo infra probabimus. Itaque cum oratores ea uti poterunt, profecto fidere auditorum sapientiæ, & sãctitati non debebūt, quæ uirtutes plerunque in auditoribus adumbratæ sunt: sed omnibus modis uictoriam quærere, dummodo iustam causam habuerint, Quod dicitur ex lib. 3. cetera præter demonstrationem inania esse, id ualeat, ut etiam superius notauimus, ratione rei, quæ recte se habeat, non spectata rei necessitate, secundum quam dicuntur eodem in loco cetera omnia plurimum ualere. Non est igitur, cur à Rhetoricæ natura affectus abijciamus.

*An liceat
mouere affe-
ctus.*

Ex eodem Aristotelis loco hoc argumentum elicitur; si non licet peruertere iudicem, non licet affectus mouere. At non licet peruertere iudicem, non secus ac peruersam reddere eam regulā, qua utendum sit. ergo non licet affectus mouere. Nos consequens negamus; & dicimus, aut per affectus trahi auditores ad id, quod falsum est, & tunc non licere: aut ad id, quod uerum est, & tunc licere. Ergo si oēs auditores existerēt, cuiusmodi erant Arcopagitæ, sanctissimi, & sapiētissimi, affectibus minime opus esset: sufficeret .n. eis, ueritatē
ratio-

rationibus, & argumentis aperire. sed quoniā sæpe, qui audiunt, improbi sunt, & rerum ignorantie laborant, idcirco ut demonstrationes apud eos maiorem vim habeant, cum affectibus coniungendæ sunt. Id quod etiam Quintilianus his verbis declaravit; Quid ergo, dicet aliquis? obscurā da ne est ueritas animorum commotione? Minime uero: sed si aliter ad ueritatem perducere Index non potest, necessario per commotionem est perducendus. Adde, quod sæpe auditores propter improbitatem, aut propter ignorantiam in ijs affectibus uersantur, qui ipsos in errorem inducunt; ut nisi eiusmodi affectus ab eis amoucantur, uel etiam in contrarios affectus impellantur, nunquā ueritatē p̄specturi sint. Necessariū igitur est, affectus mouere, ut ueritas magis illuceat; & huius rei tamquam necessariæ suscipienda cura est, cum affectus multum ualeant propter prauitatem auditorum, ut ipse testatur Aristoteles.

Iam satis uidetur Rhetoricæ natura explicata, tum ex eius definitione, quæ proximum ipsius genus, & differentias complexa est per finem, munus, rem consideratam, & modum considerandi circumscriptas; tum ex eiusdem compositione ducta ab Analytica, & Politica; tum ex agnitione, quæ ipsi est cū Dialectica, & Politica; tum ex similitudine, quam ipsa habet non solum cum Dialectica, uerum etiam cum Sophistica; tum ex ipsius convenientia cum Dialectica, propter quā dicta est eius particula, & similitudo. Quæ dū explicarentur, simul cōgnitum est, An prius in studium Logicæ, quàm Rhetoricæ incumbendum; An affectus sint alieni à natura Rhetoricæ; An liceat mouere affectus. sequitur, ut, cum Rhetorica ad fidem dirigatur; & fides artificiosa sit triplex,

plex, demonstratio, mores, & affectus; huius triplicis fidei naturam inuestigemus.

DE NATURA DEMONSTRATIONIS Oratoriæ.



Demonstratio oratoria enthymemate, & exemplo constat. Enthymema ducitur ex uerisimilibus, & signis. Verisimilia, & signa colliguntur tum ex formis, tum ex propositionibus cõibus, tum ex locis Topicis. Exẽplum ducitur aut ex rebus factis, aut fictis. Quamobrem considerandum est primũ, quid sit enthymema, quæ materia, & forma ipsius: deinde quid exemplum, quæ eius materia, & forma: præterea quæ sint uerisimilia & signa: inde agendum de formis: tum de propositionibus cõibus: deinceps de locis Topicis: postremo de rebus factis, & fictis exẽplorum; in quibus omnibus posita est natura oratoriæ demonstrationis.

De enthymemate.

Quæritur ergo primũ, quid sit enthymema. Declarat id Aristoteles, cum scribit, enthymema esse oratorium syllogismum; & cum quibuscũ existẽtib; aliud quid ex his euenit, præter hæc, uel in uniuersum, uel plerunquẽ, in Dialectica quidem syllogismũ, in Rhetorica uero enthymema uocari. Quædam autem existunt ante conclusionem, ut propositio, quæ dicitur maior, & assumptio; quarũ utraq; quidẽ exprimitur in syllogismo, ut Virtus est amabilis: iustitia uirtus: ergo iustitia amabilis; alterutra uero retinetur in enthymemate, ut Iustitia est uirtus: ergo amabilis. Aliud ex his euenit, uel in uniuersum, uel plerun-

plerunque, quia conclusio est uel uniuersalis, uel ut ita dicam, particularis, cum syllogismus, & enthymema dicantur esse uel tamquam totum ad totum, cum propositiones uniuersales probant conclusionem uniuersalem, ut omne uitium est fugiendum: omnis iniustitia est uitium: ergo omnis iniustitia fugienda; & omnis uirtus per se eligenda est: ergo ois uirtus est bona. uel tamquam totum ad partem, cum propositio uniuersalis probat conclusionem particularem, ut oēs philosophi sunt honorandi: Socrates est philosophus: ergo honorandus, & oēs sapientes sunt laudandi: ergo etiam Socrates. Ac patet quidem enthymema esse syllogismum imperfectum, cui aliqua propositio desit, quod cum pertineat ad omnes artes, & facultates; restringitur tamen potissimum ad Rhetoricam. Maximam uero esse enthymematum uarietatem ex artium, & facultatum uarietate declarat Aristoteles in hunc modum; Enthymemata uero ualde differunt inter se. idque omnes ferme maxime latet. Quod etiam euenit in Dialectica methodo syllogismorum: alia in alijs artibus, & facultatibus, quæ partim extant, partim nondum compertæ sunt. Quamobrem etiam latent auditores; & qui magis ea attingunt secundum modum, non decenter recedunt à se ipsis. Hæc ille. Enthymema autem Rhetoricum intelligitur, quod uersatur in iis, quæ ita contingunt, ut sæpe se habeant aliter; & quod ducitur ex uerissimis, & signis, de quibus inferius. Atque hæc est materia enthymematis Rhetorici. Nam forma in eo spectatur, quod est ex paucioribus, quam syllogismus. Quæ de re ita Aristoteles, Et ex paucis, ac sæpe paucioribus, quam ex quibus primus syllogismus existit: si quidem enim horum notum sit,

Enthymematum uarietas.

Materia enthymematis oratorij.

Forma.

fit, non oportet dicere. Nam id ipse supplet auditor, quæadmodum cū Dorieus uicerit coronarium certamen; satis est dicere, eum uicisse Olympia. esse autem olympia coronarium certamen, non oportet adiungere. nā id omnes cognoscūt. Illud & ex paucis; ac sæpe paucioribus referunt ad enthymema; & quia Aristoteles uidetur dicere, enthymema constare sæpe ex paucioribus, quàm syllogismus constet, colligunt ipsum quādoque existere ex totidem; ac quærunt, quomodo id fiat, cum sit imperfectus syllogismus. De hac re sunt uariæ inter se, discrepantesq; sententiæ.

An enthymema quādoque constet ex totidem, ex quot syllogismis.

1 Quidam putant id intelligendum esse potestate, non actu. quod certe dubitationē non eximit: semper enim, & non quandoque enthymema ex totidem existit, ex quot syllogismus, si potestas spectetur.

2 Non nulli existimant, enthymema constare ex totidem, ex quot constat syllogismus, cū est idem cū syllogismo quoad formam, sed uersatur in materia oratoria, id quod uidetur repugnare naturæ enthymematis, in quo semper aliquid in mente retinetur, & idcirco ei tribuitur nomē syllogismi imperfecti. Nec solet ita confundi enthymema cum syllogismo, ut syllogismus quoad formam possit appellari enthymema propter materiam, & enthymema quoad formam possit dici syllogismus propter materiam. præter quàm quòd in uerbis Aristotelis uidetur spectari forma, & non materia enthymematis.

3 Maioragius ita exponit; Aliquando enthymema fit ex totidem propositionibus, ex quot syllogismus, sed ordine conuerso, ut quo Cicero pro Cælio utitur; In Cælio nulla est luxuries: est n. deditus optimarum artium studiis: quo in hominum

minum genere nulla luxuries esse solet . hoc autem si retro agatur , fiet syllogismus hoc modo ; In eis , qui dediti sunt artium studiis , nulla luxuries esse solet : Caelius optimarū artium studiis deditus est : ergo nulla est in Caelio luxuries . Idem alibi ; Quia interdum accidit , ut extremo loco maior reddatur propositio , si non ita nota fuerit , ideo dixit Aristoteles , sæpe ex paucioribus fieri , quàm syllogismus , non autem semper . Additur autem maior propositio extremo loco in hunc modū ; Voluptas propter se expetenda est : quoniam est bona : & oē bonū propter se expetendum . Totidem igitur aliquando propositiones habet enthymema , quot syllogismus : sed tamen eandē argumentandi formā nunquā . Itaque existimat Maioragius formā syllogismi uitari , si propositionū ordo conuertatur . Tamen cōis doctissimorū hominū opinio est , ordinē immutatū propositionū non immutare modū . & Philoponus in primā figurā scribit . posse nos usu iam recepto præponere minorē maiori hoc modo ; omnis homo animal : oē animal substantia : omnis homo substantia . Et , si ex minori termino sumatur initium , ex hoc etiam inchoandam conclusionem in hunc modū , Iustitia est uirtus : Virtus amabilis : Iustitia amabilis . & ipse Aristoteles affirmat hanc argumentationē , in qua ponitur prima conclusio , secunda maior , tertia minor , esse syllogismū non enthymema ; Pittacus liberalis : Honoris cupidi liberales : Pittacus honoris cupidus . Itaque manifestū est , non immutari formā syllogismi propter ordinem cōuersum ; nec syllogismū redigi ad enthymema eo ipso , quod non suo loco ponantur propositiones .

4 Non desunt , qui putent , cū duplex sit syllogis-

mus

mus primus sine probationibus, secundus cum probationibus si conferatur enthymema quomodolibet compositum cum syllogismo primo, illud quidem semper esse syllogismum imperfectum, quia ei una ex propositionibus desit, aut maior, aut minor, & constare sæpe ex paucioribus cum est sine ulla probatione: sed raro ex totidem vel etiam pluribus cum deficiente una ex propositionibus ponitur una, vel plures probationes inter partes enthymematis. Probationes autem posse inter partes argumentationis enumerari, auctor est Cicero li. i. de inuentione, ubi probat ratiocinationem modo esse tripartitam, modo quadripartitam, modo quinquepartitam. Tripartitam ex propositione, assumptione, complexione, Quadripartitam ex maiore, minore, alterutroque probatione, conclusione. Quinquepartitam ex propositione, propositionis approbatione, assumptione, assumptionis approbatione, complexione. Et ad illos, qui negant, neque à propositione, neque ab assumptione, approbationes earum separari oportere, neque propositionem absolutam, neque assumptionem sibi perfectam uideri, quæ approbatione confirmata non sit, respondet; si quadam in argumentatione satis est uti propositione, & assumptione, & non oportet adiungere approbationem propositioni, & assumptioni; quadam autem in argumentatione infirma est propositio, & assumptio, nisi adiuncta sit approbatio; separatim quiddam est à propositione, & assumptione approbatio. Quod enim adiungi & separari ab aliquo potest, id non potest idem esse, quod est id, ad quod adiungitur, & à quo separatur. Est autem quædam argumentatio, in qua propositio, & assumptio non indiget approbatione; & quædam, in qua nihil ualet absque approbatione;

batione. Separata est igitur à propositione, & assumptione approbatio. Itaque uidetur enthymema totidem partes habere, quot habet syllogismus primus, cum deest ipsi propositio, aut assumptio, & adest alterutra, & alterutrius approbatio, & conclusio in hunc modum; Iustitia est uirtus: est enim habitus naturæ rationi consentaneus: ergo amabilis. Et uirtus amabilis: nam bonum: ergo iustitia amabilis. Quod si reciperetur, nihil prohiberet, quominus etiam enthymema ex pluribus constaret, & tamen esset imperfectus syllogismus; cum scilicet deesset propositio, & adest propositio, approbatio, assumptio, assumptionis approbatio, complexio; cuiusmodi enthymema in procæmio Rhetoricæ reperitur, quod reducit ad hunc syllogismum quinquepartitum.

Qui nihil de enthymematibus dixerunt; id quod est corpus fidei; de iis vero, quæ sunt extra rem, plurima tradiderunt, exiguam artis Rhetoricæ particulam confecerunt.

Fides enim sola continet id, quod artificiosum est; alia uero additamenti sunt loco.

Alij de enthymematibus nihil dixerunt; de iis vero, quæ sunt extra rem, plurima tradiderunt.

Criminatio enim, & misericordia, & ira, & huiusmodi animi perturbationes de re non sunt, sed ad iudicem referuntur.

Ergo exiguam artis Rhetoricæ particulam confecerunt.

Huius syllogismi ponitur prima conclusio: omittitur propositio: secunda affertur propositionis approbatio: tertia assumptio: quarta assumptionis approbatio. Itaque huiusmodi enthymema constaret ex quattuor partibus. Verum in hac explicatione non facile admittitur, posse esse, vel

se vel sexcentas enthymematis partes, nedū tres, aut quattuor, quòd in eo approbationes multiplicentur; quæ approbationes tametsi sint separatae à propositione, vel assumptione alicuius argumentationis, tamen non sunt existimandæ partes illius argumentationis, sed alterius, in qua eiusmodi propositio, uel assumptio efficitur conclusio. Sed ut sint partes, quod potest concedi in rationatione, quæ non simplex, sed multiplex sit, non uidetur esse bona collatio, ut enthymema habens approbationes conferatur cum syllogismo approbationum experte: par enim debet esse conditio in comparatione, ut res simplex cum simplici, coniuncta cum coniuncta comparetur, & non simplex cum coniuncta, vel è conuerso.

§ Hanc dubitationem cum proposuissem Reuereſſendo Patri, Thomæ peregrino uiro in Aristotelis doctrina omnium consensu præstantissimo, & eorum, quæ *μετὰ τὰ φυσικά* dicuntur, in hoc celeberrimo gymnasio explicatori clarissimo. intellexi cum sine ulla dubitatione sentire in illis Aristotelis uerbis agi non de solo enthymemate, sed de syllogismo in uniuersum tum perfecto, tum imperfecto, qui est ex paucis, cum est perfectus, ac sæpe paucioribus, quàm syllogismus primus, id est perfectus; cum est enthymema, quod sæpe adhibetur, quia sæpe aliquid notum est, quod non oportet dicere, quia id ipse supplet auditor, ut nota est propositio maior in hac argumentatione, Doricius uicit coronarium certamen: uicit enim olympia. ubi deest, Qui uicit olympia, uicit coronarium certamen. quod non oportet adiungere, quia id omnes cognoscunt. unde colligitur, si propositio maior nota non sit, eā sine dubio proferendam. Quæ argumentatio constans ex conclusionē,

clufione, aflumptione, & propofitione maiore erit, non, ut putat Maioragius, enthymema, fed fyllogifmus, quia habebit omnia ea, quæ requiruntur in fyllogifmo. Hanc grauiffimi uiri fententiam; ut verum fatear, diu, multumque dubitauimus, quomodo fequi poffem, cum illa uerba, Et ex paucis, mihi uiderentur pendere ab illis, Enthymema effe, & quæ fequuntur, ita ut de fyllogifmo in vniuerfum intelligi non poffent. Quamobrem ex altera parte uiri auctoritas, quam mihi tamquam numen aliquod in fcriptis Aristotelis declarandis arbitror intuendam, ex altera uerba Aristotelis me torquebant, ut quid mihi fequendum effer, ftatuere nescirem. Illuxit tandem ueritas. in loco ualde obfcuro, quo etiam, atque etiam infpecto cogitaui, illud, Et ex paucis, poffe ex illis uerbis paullo fuperius pofitis pendere. Contingit autem concludere fyllogifmo, ut de fyllogifmo in vniuerfum duo tradantur, primum alia concludi ex prius fyllogifmo concludis, alia ex indigentibus fyllogifmo, alia ex confefsis, & probabilibus. deinde alia ex paucis per fyllogifmum perfectum. alia, & quidem fæpe, ex paucioribus per enthymema. Neque uero dubium eft, quin Orator utatur etiam fyllogifmo perfecto. Nam, quemadmodum uel maiorem, uel minorem folet tacere, fi notæ fint, fic fi ambæ fint ignotæ, ambas profert. idcircoque & Cicero in arte oratoria perfectam argumentationem dat etiam oratori; & in orationibus. quandoque reperiuntur integri fyllogifmi. Id quod notius eft, quam ut longiore indigeat difputatione. Sit igitur obfcuriffimus Aristotelis locus in hunc modum illuftratus. Atque hæc fufficiant de enthymemate. Sequitur, ut agamus de exemplo.

Q

Scribit

De exēplo.

Scribit Aristoteles exemplū esse inductionem oratoriam, id est, imperfectā. & cum in multis, ac similibus demonstratur rem ita se habere, in Dialectica quidem inductionem esse, in Rhetorica uero exemplum. Quamquam illa multa, ac similia in inductione sunt omnia singularia, quæ probant vniuersale: in exemplo non omnia unde probatur singulare. Quod cuiusmodi sit, inferius apparebit.

Materia exempli est eadem, atque enthymematis.

Forma est, ut sit tamquam pars ad partem, simile ad simile, cum inductio sit tamquam pars ad totum. Inductio enim probat uniuersale: exemplum uero particulare. Quamquam inductio videtur etiam probare singulare, ut hæc apud Aristotelem lib. 2. si iis, qui alienos equos male curarunt, suos non tradunt; neque iis, qui alienas naues subuerterunt; & similis est ratio in omnibus, neque nos, iis, qui male alienam salutem defenderunt, committere nostrā debemus. Et hæc Aspasia apud Ciceronem lib. 1. de inuentione; Dic mihi quæso Xenophontis uxor, si vicina tua melius habeat aurū, quā tu habes, utrum illius, an tuum malis? Illius, inquit. Quod si uestē, & ceterum ornatum muliebrem precij maioris habeat, quā tu habes, utrum ne tuū, an illius malis? Illius uero respondit. Age, inquit, si uirum illa meliorem habeat, quā tu habes, utrum ne tuū, an illius malis? Hic mulier erubuit. Item hæc; Quæso Xenopho, si vicinus tuus meliorem equū habeat, quā tuus est, tuum ne equum malis, an illius? Illius, inquit. Quod si fundum meliorem habeat, quā tu habes, utrum tandem fundum habere malis? Illum, inquit, meliorem scilicet.

licet . Quòd si uxorem meliorem habeat, quàm tu habes, utrum tuā, an illius malis? Atque hic Xenophò quoque ipse tacuit . Quamobrem etiā Boethius lib.2.de differentijs Topicis scripsit,per inductionem non solum vniuersale;sed et singulare comprobari . Responderi tamen potest,illas inductiones,quæ probāt singulare,esse imperfectas,& oratorias,& proprie exempla;idcircoq; Aristotelem de illis in Logica non meminisse, sed tantum in Rhetorica; ac Ciceronem eas considerasse,quatenus seruiūt oratori probabiliter, non necessario . Ac exemplū quidem diuersum est ab inductione non solum ratione conclusionis, uerum etiam similium, quæ colliguntur ad probandam conclusionem . Qua de re ita Aristoteles in Analyticis, Exemplum ab inductione differt, quòd inductio ex uniuersis singulis extremum in medio esse confirmat,nec connectit syllogismum ad extrema : exemplum autem, coniungit quidem, at ex omnibus non probat . Hic duas differentias Aristoteles affert; una,quòd inductio ex omnibus singularibus ostendat inesse extremum medio; exemplum non ex omnibus : altera, quòd illa ad extremum non copulet syllogismū; hoc copulet . Quæ differentię quales sint, breuiter consideremus.

Inductio ex minori extremitate, quæ constat ex omnibus singularibus ostendit medio termino inesse maiorem extremitatem . Minor extremitas est homo, equus, mulus, & alia eiusmodi . Medius terminus, Vacans bile . Maior extremitas longæuum . Sic ducitur argumentū, Homo vacans bile longæuus est . Item equus . Item mulus . sic cetera . Ergo omnia uacantia bile longæua sunt . Minor extremitas constat ex omni-

bus. Quod docet Aristoteles sic; oportet autem intelligere minorē extremitatem quasi quid ex vniuersis singulis compositum. Nam inductio ex omnibus efficitur.

Præterea inductio ad extremum non copulat syllogismum. Quare idem scribit in hunc modū; Inductio syllogismo contraria est aliquo pacto: hic enim ex medio probat extremum in tertio: illa uero ab extremo cōfirmat tertium in medio. Cum igitur syllogismus per medium terminum alteram extremitatem alteri copulet; & inductio per alteram extremitatem ostendat medio termino inesse alteram: fit, ut hæc illi quodammodo opponi uideatur.

Exemplum per id, quod est simile minori extremitati ostendit medio termino inesse maiorem extremitatem. Minor extremitas est Athenienses contra Thebanos. Simile est, Thebanos contra Phocenses. Medius terminus contra confines in ferre bellum. Maior extremitas malum. Ita ducitur argumentū; Contra cōfines inferre bellū malū est, ut Thebanos cōtra Phocenses. Ergo etiam Athenienses contra Thebanos. Quod est simile minori extremitati, non omne adducitur.

Præterea exemplum copulat syllogismum ad extremum in hunc modum. Contra confines in ferre bellum malum est, ut Thebanos contra Phocenses; Athenienses contra Thebanos inferre bellū est cōtra confines inferre. ergo malū.

Cum autem Aristoteles tradat, Inductionem constare ex omnib. Exemplum non ex omnibus, quæritur, utrum illud NON EX OMNI B. intelligatur de vno tantum singulari, an etiam de pluribus.

Boethus putat de uno tātum, cuius uerba sunt;
Exem-

Exēplum inductioni copulatur, & ab ea dissidet. Est. n. exemplū quod per particulare propositū particulare quiddā ostendere contendit, hoc modo; Oportet à Tullio consule necari Cati linā, cū à Scipione Gracchus fuerit occisus. Quæ utraq; particularia esse, ac non uniuersalia, singularum designat interpositio personarum. Quoniā igitur ex parte pars approbatur, quasi inductionis similitudinem tenet id, quod exēplū vocamus. Quòd uero non plures quibus quid efficiat, colligit partes, ab inductione discedit. Hæc Boethus. Addi potest, Aristotelē præcipere, exēplū esse, tamquā partē ad partē, simile ad simile. ergo unū singulare ad alterū. Et eundē tradere, Vtrunq; esse sub eodem genere, alterum uero altero notius. igitur unum, quod probat alterum. Et cum plura singularia connumerantur, esse plura exempla.

Tamē cū præcepisset Aristoteles in Analyticis. Exēplū p vnū simile tertio ostēdere medio inesse extremū, ut cōtra cōfines inferre bellū, malū esse, quēadmodum Thebanos contra Phocenses. quod est simile huic tertio, Athenienses contra Thebanos: addidit; Eodē modo fiet, si ex multis similib. probetur mediū in extremo inesse. Itaq; uidetur constituere exemplū ē ex multis singularib. sicut ē lib. 1. Rhetoricæ, ubi illud perpendi potest, Exēplum oēs fiunt Dionysij, & non exempla. Itemq; illud, Hæc aut omnia huic uniuersali subijciuntur. Format ur. n. lib. 1. exēplū, in quo similia sūt Pisistratus, Theagenes, & alii, quoscunq; scimus. Minor extremitas Dionysius. Medius terminus Custodes postulare. Maior extremitas, Affectare tyrannidem. ac ducitur argumentum in hunc modum; Qui custodes postulat, affectat tyrannidem, ut Pisistratus, Thea-

genes, & alij. Dionysius custodes postulat. ergo affectat tyrannidem . Itaque in hoc exemplo duo similia existunt, Pisistratus, & Theagenes. Formatur quoque lib. 2. alterum exemplum, in quo similia existūt Darius, Xerxes: Minor extremitas Rex. Medius terminus occupare Aegyptū . Maior extremitas Traicere, ac ducitur argumentum sic, Qui occupant Aegyptum, traiciunt, ut fecit Darius, & Xerxes. Rex occupabit Aegyptū ergo traiciet. Sic in hoc sunt duo similia, Darius, & Xerxes. Quid? quòd ipse Aristoteles lib. 2. prope finem aperte declarat, exemplum ex pluribus singularibus posse existere? Nam ubi præcipit, enthymemata ex quattuor duci uerisimili, exemplo, tecmerio, signo, exponens enthymemata, quæ ducuntur ab exemplo, scribit in hanc sententiā; Quæ ex inductione rei similis, aut unius, aut plurium, quando aliquis, qui assumpserit vni uersale, concludat deinde id, quod est in parte, ab exemplo.

Quamobrem potest ad argumenta contraria respondere, Illud Non ex omnibus posse etiam intelligi ex aliquibus contra quàm sentit Boethus. Et exemplum quidem esse tamquàm partem ad partem: sed accipi quoque partem pro multis singularibus, ut in inductione, quæ sine dubio constat ex multis singularibus, immo ex omnib. & tamen dicitur esse tamquàm pars ad totum. Et, cum dicitur, Vtrumque esse sub eodem genere, & alterum altero notius, considerari exemplum, ex quibus minimum constet. Nec appellanda esse plura exempla, quia plura singularia existant. Non enim esse exemplum unumquodque simile, quod colligitur in argumentatione, sed totam argumentationem cum approbatione unius, uel plurium

plurium similitum . Alioquin secuturum illud absurdi, ut ne argumentatio quidem illa, in qua unum singulare probat alterum, appellari exemplum possit, sed tantum singulare illud, quod ponitur in approbatione . Id quod alienum esse à doctrina Aristotelis arbitramur ; ut exemplum sit unus terminus, vel una propositio , & non integra argumentatio.

Exposita in uniuersum demonstratione oratoria, quæ fit tum enthymemate, tum exemplo ; cū ipsum enthymema constet ex uerisimilib. & signis , intelligendum est, quid sit uerisimile , & quid signum .

Docet Aristoteles in Rhetorica, Verisimile esse, quod fit plerunque, non simpliciter, quemadmodum definiunt non nulli, sed quod in iis, quæ aliter se habere contingit, sic se habet ad illud , cui est uerisimile, ut uniuersale ad singulare. Duo igitur considerat in uerisimili, ut plerunq; ita se habeat, ut sit uniuersale. In Analyticis, Verisimile esse, probabilem quandam propositionem. Quod enim plerunque uulgo norunt, ita fieri, uel non fieri, esse, uel non esse, id uerisimile appellari , ut odio habere inuidentes, uel amare amatos . Hoc Philoponus ita explicat, ut dicat, plerunq; fieri , ut inuisi inuidentes odio habeant, uel amantes ament amatos . Victorius , plerunq; fieri, ut inuidentes odio habeant inuisos , uel amati ament amatos . Nos sequimur Victorij explicationem , cum præsertim secundum Philoponi exemplum magis necessitatem, quàm uerisimilitudinem cōtinere uideatur , iuxta illud , Nemo amator est, qui perpetuo non amet .

Idem Aristoteles tradit in Rhet. Ex signis unū esse necessarium, nominatum tecmerium : alte-

De uerisimili.

De signo.

rum non necessarium, innominatum. Atq; id duplex esse, unum singulare ad vniuersale, quod solui potest; quamuis quod dicitur, uerum sit; propterea quòd syllogismo non concludatur: alterum vniuersale ad singulare, quod solui item potest; quamuis uerum sit. In Analyticis, signum triplex esse; aut enim ita se habere, ut in prima figura, & solui non posse: aut ut in media, & solui posse: aut ut in tertia, & solui item posse. Quorum omnium, sua afferuntur exempla in hunc modum.

Tecmerij in Rhet. Qui febrem habet, ægrotat. Hic febrem habet. Ergo ægrotat. Quæ lac habet, peperit. Hæc lac habet. Ergo peperit. In Analyticis; Quæ lac habet, prægnans est. Hæc lac habet. Ergo prægnans.

Signi non necessarij singularis, lib. 1. Rhet. Socrates est sapiens. Socrates est iustus. Ergo oēs sapientes iusti, lib. 2. Harmodius, & Aristogiton fuerunt amatores, Harmodius, & Aristogiton fuerunt utiles. Reip. Ergo omnes amatores utiles. In Analyticis; Pittacus est sapiens. Pittacus est probus. Ergo omnes sapientes probi.

Signi non necessarij uniuersalis, lib. 1. Rhet: Qui febrem habet, anhelat. Hic anhelat. Ergo febrem habet, lib. 2. omnes fures sunt improbi. Dionysius improbus. Ergo fur. In Analyticis; Quæ uterū gestat, paller. Hæc paller. Ergo uterū gestat.

Iam quaritur, quid inter uerisimile, & signum non necessarium vniuersale intersit. nihil enim uidetur interesse, cum neutrum sit necessarium, & utrunq; vniuersale. Quòd si nulla differentia existat, Aristoteles minus recte tradidisse existimabitur, enthymema duci ex uerisimilib. & signis; cum satis esset nominare signa, quibus subijciantur

An uerisimile sit idē cum signo non necessario uniuersali.

bijciātur uerisimilia. Nam vitiosa est ea diuifio, cuius una pars sub altera continetur; ut cū ea, ex quibus ducuntur enthymemata, diuidantur in uerisimilia, & signa, uitiū notari possit in huiusmodi diuisione, si uerisimilia signis subiaceant. In hac quæstione notandum est, quid Cicero, quid Quintilianus, quid Philoponus, quid alij senserint; & colligendum, quod sit probabilius.

1 Philoponus scribit diuidi signum in tecmerium, & uerisimile.

2 Quintilianus, quædam esse signa non necessaria, quæ *εἰκότα* Græci uocāt, id est uerisimilia. Itaque hi uidentur existimare idem esse signum non necessarium, & uerisimile. Atq; in eo dissentiant ab Aristotele, quod confundunt signum cū uerissimili, & nomen ei signo tribuunt, quod est sine nomine.

3 Cicero in Particionibus præcipit, Verisimile esse, quod plerunq; ita fiat, ut adolescentiam procliue esse ad libidinē: propriæ autē notæ argumentū, quod nunquā aliter fiat, certumq; declarat, ut fumus ignē. Atq; cū tradat, uerisimilia reperiri in personis, in locis, in tēporib; in factis, in cuentis, in rerum ipsarum, negociorumq; naturis: addit, esse genus argumentationis aliud, quod ex facti uestigiis sumitur, ut telum, cruorem, clamorem editū, titubationem, permutationē coloris, orationem inconstantem, & eorum aliquid, quod sensu percipi possit, etiam si præparatū aliquid, si communicatum cum aliquo, si postea uisum, auditum, indicatum. Igitur loco signi nomenat propriam rei notam, & facti uestigia: id tamen, quod quærimus, non satis declarat, Lib. 1. de inuentione definit signum, ut sit, quod sub sensum aliquem cadit, & quoddam significat

ficat, quod ex ipso profectū uidetur, quod aut ante fuerit, aut in ipso negotio, aut post sit consecutum; & tamen indiget testimonij, & grauioris confirmationis, ut cruor, fuga, pallor, puluis, & quæ his sunt similia.

4 Hanc definitionem sequitur Maioragius, & alij multi, qui putant, cum omnis cognitio nostra duplicem originem habeat, uel à sensu, uel ab intelligentia; necesse esse, ut etiam omnia argumenta, quæ nobis cognitionem aliquam afferunt, uel ad sensum, uel ad intelligentiam referantur. Et, quæ ad sensum pertinet, uocari signa, quòd aliquid significet per sensum, ut per uisum, aut per auditum, aut per alios: quæ uero ducuntur ab intelligentia, uel opinione, uerisimilia dici. Ergo illud ex horū sententia intererit inter uerisimile, & signum innominatum uniuersale, quòd unum ad intelligentiam pertineat, ut omnes matres amare filios: alterum ad sensum, ut omnes febre laborantes anhelare. Hi tamen non uident apud Aristotelem signum etiam esse, quod pertinet ad intelligentiam, ut omnes sapientes esse iustos, quoniam Socrates fuit sapiens, & iustus. Tam enim pertinet ad intelligentiam sapientia, & iustitia Socratis, qui sunt habitus animi, & animo comprehenduntur, quàm amor omnium matrum erga filios. Caualcantius, qui artē Rhetoricā Hetrusco tractat sermone, & conatur sententiā Aristotelis facillime explicare, respōdet, sapientiam, & iustitiam Socratis pertinere ad sensum, quia ab hominib. illius temporis, cum uiuebat Socrates, uisu, & auditu comprehensa sit. At etiam uerisimile comprehenditur hoc modo, dum effectus amoris in matrib. conspicitur, aut audiuntur. Itaque tam uerisimile, quàm
signum

signū hoc modo consideratū ad sensum pertinebit. Verum aliud est cōprehendere uirtutē, aliud effectum uirtutis. illud ad intelligentiam: hoc ad sensum pertinet.

5 Addit Maioragius; Est illa satis aperta differentia, inter uerisimile, & signū, quod uerisimile ducitur à causis, & cōi opinione, ut quod Malleolus culeo sit insuendus, quia est parricida, & Antonius sit hostis iudicandus, quod patriæ bellū inferat. Nam ita censent omnes, nēpe eos, qui parentes occidunt, culeo insuendos esse, & qui bellū patriæ inferunt, hostes esse iudicandos: Signū autē ducitur ab effectis rebus, quæ sub sensum cadunt, ut Arcopagitæ puerū dānarunt, qui cothurnicibus oculos effodiebat, & deinde uiuas emittebat. id enim summæ crudelitatis signum esse iudicarunt. Atque hæc distinctio facilis est, & expedita. Tibi quidem, Maioragi, facilis, & expedita. Mihi uero non satis clara, qui non intelligo, cur etiā uerisimile non possit esse ab effectibus ut Eum, qui irascitur, paruifieri. Eum, qui nobis benefacit, esse nobis amicū. Et signū à causis, ut Esse solem super terram, & ideo diem. Esse ignē, & ideo fore cinerē. Quare nec hæc qui dē explicatio, quæ cōplectitur omne signum, uidetur plane distinguere uerisimile à signo innotinato uniuersali.

6 Sunt, qui putent propositionē uerisimilem accipi in se ipsa, tamquā rem, quæ generatim ita se habeat plerunque in opinione hominū, cū alicuius alterius rei indicium non sit. Signum autē esse semper propositionem, quæ alterā rē indicat. Hæc profecto ut doctissimorū, & in dicendi doctrina, atque adeo etiam in uniuersa philosophia præstantissimorū hominū distinctio est, ita
sub.

subtilissima: tamen, ut uerum fatear, apud me clariore explicatione indiget, qui non satis uideo, quomodo adolescentem esse minus indicet propensionem ad libidinem, quàm anhelare indicet febrem, & pallidam esse mulierem indicet ipsam esse grauidam; cum præsertim uerissimile uideatur esse certius indicium, quàm signum, nempe innominatum. nam sæpius euenit, ut adolescentes ad libidinem propensionem habeant, quàm ut qui anhelet febricitet, aut quæ pallida sit, grauida sit. Accedit quòd hoc signum, Socratem esse iustum, non magis indicat omnes sapientes esse iustos, quàm hoc uerissimile Matrem esse, indicet ipsam amare filios.

7 Mihi quidem in hoc acrius intuenti nulla alia uidetur esse inter uerissimile, & signum non necessarium uniuersale differentia, nisi quòd illud est propositio probabilior: hoc propositio minus probabilis. Signum enim esse non terminū propositionis; sed integram propositionem, inferius probabimus. Quamobrem ita distinguendū esse arbitramur, ut dicatur duplex esse signum; vnum perfectius uerissimile, quod appellatur tecmerium: alterum imperfectius, quod nomen non habet; & est duplex; uel tamquàm singulare ad uniuersale, & peccat in tertia figura syllogismorū, in qua ex puris singularib. nihil probari pōt, ut Socrates est sapiēs: Socrates est iustus: ergo omnes sapientes sunt iusti; uel tamquàm uniuersale ad singulare, & peccat in secunda figura, in qua ex solis affirmantibus non licet conclusionem colligere, ut Qui febrem habet, anhelat; Hic anhelat: Ergo febrem habet. Vtrunque autem est imperfectius uerissimile, quia utrunque peccat in forma, cum uerissimile non peccet. Itaque

Itaque recte Victorius post multas, & uarias distinctiones, Maiorem inquit, ad probandum vim habent verisimilia. quàm signa, ac certiora inde argumenta constantur: quia illa plerunque sunt: signa autem, exceptis propriis, certisque non tam firma sunt, sapiusque in fraudem inducunt. Verisimile igitur est, quod crebro contingit, ut senes esse avaros, Matres amare filios: signum uero innominatum uniuersale est; quod æque, uel raro contingit, ut Eum qui anhelat febrem habere, Eam, quæ pallida est, grauidam esse, ut illud ἐπιτοπικόν, id est Plerunque, quod de uerisimili, non de signo legitur, distinguere hoc ab illo uideatur.

Iam, cum præcipiatur, Ex signis vnum esse ut singulare ad vniuersale; alterum ut vniuersale ad singulare; dubitatur à non nullis vtrum id intelligendum sit de terminis propositionis, quorum alter sit singularis ad vniuersalem, alter vniuersalis ad singularem: an de propositione, quæ sit uel singularis ad uniuersalem conclusionem, uel vniuersalis ad singularem.

Vtrum signum sit terminus, an propositio.

Alexandro Piccolhomineo placet, id intelligendum esse de terminis, quem sequitur inter ceteros Raphael Cyllenius in Tabulis Rhetoricis, dum scribit, Illorum signorum, quæ se habent ut singularia ad uniuersalia, vnum solui posse; ut Socrates sapiens fuit, & iustus: omnes igitur sapientes iusti. alterum inecessarium esse, ut Qui febris laborat, ægrotat; & Quæ lac habet, peperit.

Contrariū tamen uidetur Aristoteles sentire, apud quē legitur in Analyticis, signū debet esse pro-

propositio demonstratiua, uel necessaria, uel probabilis, &, Vbi una tantum propositio dicitur, signum est tantum: sin altera assumatur, tum est syllogismus. Accedit quodd cū verisimile, sit tamquàm uniuersale ad singulare, si spectentur termini propositionis, & non propositio, erit potius tamquàm singulare ad uniuersale, vt Inuidentes odio habent, & Amati amant. minus enim uniuersalis est inuidia, quàm odiū; & pauciores sūt, qui amantur, quàm qui amant. Quamobrē, quēadmodum uerisimile dicitur esse tamquàm uniuersale ad singulare nō, ppter terminos, sed quia sit propositio uniuersalis ad conclusionem singularem: sic dicendum quoque est de signis. Quid? quodd simpliciter tradit Aristoteles signum, quod se habet tamquàm singulare ad uniuersale, solui posse? id quod falsum esset de tecmerio, si propterea intelligeretur esse tamquàm singulare ad uniuersale, quia in propositione, quæ dicitur signum, sit unus terminus tamquàm singularis ad uniuersalem, ut se habet febris ad ægrotationem in hac propositione, Qui febrem habet, ægrotat. Corrigendus enim esset quodammodo Aristoteles, & dicendum, non illud signum, quod se habet vt singulare ad uniuersale, esse *αὐτόν*, sed partim *ἄλλο*, partim *αὐτόν*, quemadmodū uisus est corrigere Cyllenius. Quod quàm recte, facile potest iudicare.

Cum autem uerisimilia, & signa ducantur partim ex formis, partim ex propositionibus communibus, partim ex locis Topicis, inuestigādē primū sunt formæ. Voco, inquit Aristoteles, formas propositiones proprias uniuscuiusque generis; quæ sine dubio cognosci non possunt, nisi prius genera orationum oratoriarum cognoscantur, quæ
sunt

sunt tria, deliberatiuum, demonstratiuum, iudiciale. De his generib. antequā ad formas ueniamus primū considerandū est. an omnia, quæ pertinet ad oratoris officium, sub ipsis contineantur: dein de quo in genere uersentur orationes ecclesiasticæ, quas concionatores nostrorum temporum in ecclesijs habent.

*De generib.
causarum
duæ quæ-
stiones.*

*An omnia
contineantur
sub tribus
causarū ge-
neribus.*

M. Antonius Muretus, vir Gallus, doctissimus, ac disertissimus, in commentario secundæ Catilinariæ refellendi studio inuectus est in ueteres dicendi magistros; ac scripsit, illud conuenire nullo modo posse, ut & omnibus de reb. dicere sit oratoris, & totum illius officium contineatur tribus causarum generibus demonstratiuo, deliberatiuo, iudiciali. & paullo post addidit; Tu vero, qui oratorem Hippiam quēdam παρτοδαν facis, quæro ex te, cum ille de corporum cœlestium motibus, de fulgurib. de terræmotib. disputabit: (quando hæc quoque ad munus illius pertinere uis) in quo istorū triū generum cum uersari dices? neque enim tum laudabit, neque vituperabit: neque suadebit, neque dissuadebit: neque accusabit, neque defendet. Hæc ille. Nobis facilis videtur esse responsio, omnibus quidem de reb. dicere oratoris esse: sed non contineri res omnes trib. causarū generib. quod quæstiones infinitæ quandoque tractentur ab oratore, quæ non sunt causæ. Omnes autem res tribuit oratori uel ipse Aristoteles in definitione Rhetoricæ. & agnoscit in munere oratorio non solum quæstionem definitam, quæ tria causarum genera complectitur: uerum etiam infinitam, ut supra probauimus. Itaque non sunt confundendæ quæstiones. Neq; dubitandū, sub quo triū generū contineantur quæstiones de corporum cœlestiū

mo-

motib. de fulgurib. de terramôtib. Notissimū. n. est, de his quæri aut infinite, aut definite. primo mō quæstiones sub nullo esse, cū infinitæ existât. secundo mōdo sub aliquo, ut sub deliberatiuo, cū quis ex illis voluerit suadere aut bonū aliquod sperandum, aut malum metuendum, aut metum abijciendum, quòd illa naturalia sint, aut aliquid aliud eiusmodi: vel etiam sub demonstratiuo, cum illa trahuntur ad laudem, vel vituperationem alicuius. Ad quæstionem autem definitam referūtur omnia, quæ tractantur ab oratore definite, & singulariter; quæ tametsi aperte ī ipsis generib. non sint, sub ipsorum tamen præcepta cadere existimantur. Quod docuit Cicero, Quintilianus, & alij. Contra tamen sensit Muretus, qui proficitur multa esse, quæ in ueterib. dicendi magistris ipse admiretur, & non satis probet; cum tamen maiorem gloriæ suæ partem ex artis Rhetoricæ studio uendicasse sine dubio uideatur. Verum ea semper fuit magnorum oratorum cōsuetudo, ut artem suam nimis fortasse suspectam occultarent. Qua in re pessima uidetur esse, conditio artis Rhetoricæ, quòd qui ab ea maxime adiuuantur, eas sæpe gratias referunt, ut eā spernere, floccifacere, & maledictis insectari uideantur. Nisi forte dicāmus, cum ipsa doceat, quomodo in contrarias partes conuertatur oratio, ipsā etiam contra se id muneris obire, ut uerum esse, quod ipsa proficitur, magis appareat. Muretus igitur in hunc modum; Ego autem si quis quærat ex me, quo in genere causæ, aut controuersie sit ea oratio, qua quotannis olim eos, qui pro patria occubuérant. Athenis laudare mos erat; plane respondebo in nullo; nulla enim ibi neque causa, neque controuersia est, neque quidquam, de quo quisquam controuersetur, & tamen ē Rhet.

tonis, Aristotelisq; doctrina uere dici potest, esse
 γένος ἐπιδεικτικὸν ῥητορικοῦ λόγου. & paullo
 post; Ac ne longius exempla repetamus, hæ in
 Catilinam orationes præter postremam, quæ sa-
 ne deliberatiua dicatur, sub nullum ex illis trib.
 generib. includi queunt, Non sub iudiciale: ne-
 que enim habentur in iudicio. Non sub demon-
 stratiuum: nam in demonstratio sola audientiū
 uoluptas quæritur; totumq; illud genus ad pom-
 pam, & ad ostentationem comparatur. Non
 sub deliberatiuum: in priore enim, ut vidi-
 mus, nulla deliberatio est; quin id tantum age-
 bat Cicero, vt exiret Catilina, quo ipse postea cū
 senatu deliberare de Rep. posset; neque enim præ-
 sente eo deliberare, aut decernere utile fuisset.
 Hæc autem, quam nunc explicare aggredimur,
 itemque tertia, nihil aliud agit, quàm ut expo-
 nat populo ea, quæ gesta sunt, eumque confir-
 met, ac bene sperare iubeat. Hæc ille. Nos respon-
 demus, orationē de iis, qui pro patria occubue-
 rant, sine dubio demonstratiuam fuisse; & causā,
 ac controuersiam extitisse, si non de re, at certe
 de qualitate, uel quantitate rei; cuiusmodi con-
 trouersias in genere demonstratiuo agnouit Ari-
 stoteles lib. 3. ubi egit de narrationi demonstrati-
 ua, & scripsit non solum eam constare ex iis, quæ
 arte carent, & qui dicit, actionū auctor non sit, sed
 etiam ex iis, quæ artem habent; hoc autem esse,
 ut res aut esse demonstretur, si fide careat, aut
 qualis sit, aut quanta, aut etiam omnia. Quod
 attinet ad Catilinarias orationes, dicimus ex
 Aristotelis doctrina omnes referri ad genus deli-
 beratiuū; idq; cognosci ex auditorib. ex partib. ex
 spe, ex fine, q̄ quattuor spectāda esse in singulis ge-
 nerib. ipse Arist. docet. Nā prioris orationis audi-

tor est Senatus, quemadmodum etiā postremæ; secundæ autem & tertiæ concio; cuiusmodi auditores solent esse generis deliberatiui. Cum uero eius duæ partes sint, adhortatio, & dehortatio, in prima Cicero hortatur, & quodammodo impellit Catilinam, ut ex urbe exeat, quippe qui nihil efficere amplius possit, patefactis consilijs suis. In secunda, atque in tertia, per narrationē eorum, quæ gesta sunt, hortatur populum, ut domos suas custodijs, uigilijsq; defendant. In quarta, de qua nec ipse quidem Muretus dubitat, hortatur patres, ut fortiter, atque animose decernāt.

Præterea sine dubio in omnibus agitur de re futura; quod tempus est generi deliberatiuo accommodatum. Et in omnibus spectatur utile, & inutile, qui proprius est finis generis deliberatiui.

*Quo in genere
sunt eccle-
siastica ora-
tiones.*

Ecclesiasticas autem orationes quidam putant esse modo demonstratiuas, modo iudiciales, modo deliberatiuas; idque etiam præcipiunt in Rhetorica ecclesiastica. Nos non ut illorum opinionem refellamus hominum sapientissimorum, ac omni reuerentia, & obseruantia dignissimorum, sed tantum ut nostram sententiā, qualiscunque sit, aperiamus; dicimus, eas esse semper deliberatiuas. Nam, cum genera causarum distinguantur ex auditorum generibus, & sit genus causæ *συμβουλευτικόν*, cum auditor est *ἐκκλησιαστής*, qui aliquid decernit de reb futuris; huiusmodi orationum auditor semper est concio, quæ de uita futura decernit. Itaque ipsæ semper in genere deliberatiuo existunt; ut oratio, & Rhetorica ecclesiastica nihil aliud sit, nisi deliberatiua. Accedit, quod partes generis deliberatiui sunt *πρότροπή* καὶ *ἀποτροπή*, & totum concionandi munus in exhortationibus positum est, scribente D. Paulo
ad

ad Corinthios ; Pro Christo legatione fungimur, tamquam Deo exhortante per nos . Sic semper res futura spectatur, nempe melior uita; quod tēpus generi deliberatiuo accommodatum est . Et suadetur utile, nempe id, quod confert ad vitam æternam; quem diximus esse proprium finem huius generis, quod non solum uocatur συμβουλευτικόν, id est deliberatiuum, uerum etiam ἀπὸ τοῦ ἐκκλησιασίου, uel ἀπὸ τῆς ἐκκλησίας ἐκκλησιασικόν, id est à concione concionale . quod est idem, ac δημηγορικόν, id est populare. Quare Aristoteles in proœmio significans genus deliberatiuum dicebat, περὶ τὰ δημηγορικά, & τὴν δημηγορικὴν πραγματείαν, id est, ἐκκλησιασικά, & ἐκκλησιασικὴν. Neque obstat, quòd in his orationib. sæpenumero laus, & uituperatio, uel accusatio & defensio adhibeantur . nam illa omnia nō sunt ipsarum propria, sed assumpta ; & , cum aliquod genus est nominandū, attenditur finis eius, & non ea, quæ assumpta sunt ad probandum illū finem . Sæpe enim fit, ut ad probationem finis unius generis assumantur fines aliorum ; ut cū uult probare Cicero esse utile præficere Pompeium bello Mithridatico, probat etiam esse iustum, & honestum, gerere bellum contra Mithridatem. Genera enim permiscentur : sed semper vnum est præcipuum genus . Assumi autem ea, quæ propria sunt aliorum ad aliquod genus cōprobandum, docuit Aristoteles in hunc modum; Finis præterea unicuique eorum diuersus est, & cum tria sint genera, tres etiam sunt fines ; deliberanti quidem utile, & perniciosum . Etenim suadens, ut melius suadet : dissuadens, ut peius dissuadet . Alia autem ad hoc simul assumit, uel iustum, uel iniustum, uel honestum, uel turpe,

Litigantibus uero iustum, & iniustum, cū alia ēē hi ad hæc simul assumant. At laudantib. & uituperantibus honestum, & turpe. Alia autem & hi ad hæc referunt. Cum sit igitur Rhetorica ecclesiastica eadem, ac deliberatiua, possunt quidē ea, quæ de hoc genere scripsit Aristoteles, trahi ad nostrorū tporū vsum, sed quoad artis cōformatio nē tā perfecte scripta sunt, vt uix aliquid eis addi posse videatur. Quamobrē nostrorū tporum cōcionatores nec aliorum ecclesiasticas Rhetoricas dēnt contēnere, quæ præsertim à pceptis Aristotelis nō sunt alienæ; qualē esse Rhetoricā nobilissimi, ac eruditissimi Augustini Valerij, Episcopi Veronę soleo cōmemorare: nec parū adiuuabūtur in suis cōcionib. ex arte formādis, si ad oīum philosophorū, & rhetorum principem Aristotelem confugerint. Nunc ad forma singulorum generum ueniamus.

*De formis
singulorum
generum.*

Superius notauimus, formas uocari ppias ppositiones ipforū generū, ductas à finib. corū. Tradit, n. Arist. oratorē subiecti gnis proprio sibi proposito fine, uel utili, uel honesto, uel iusto; cōsiderare oportere, quid ille finis sit, & quot eius partes, ut qd utile, honestū, iustū, & quot partes utilis, honesti, iusti; & quēadmodū, cū de quinq; potissimū cōtingētib. reb. ī gñe deliberatiuo cōsiliū agitetur, ppiæ ppositiones in deliberādo ducātur ex felicitate, & partib. felicitatis, ex bonis cōfessis, cōtrouersis, cōparatis accōmodate ad finē vniuscuiusq; Reip. Et in laudādo, ac vituperādo à virtute, & uitio; ab iis, q̄ efficiunt uirtutē, & vitiū; ab ijs, quæ efficiuntur à virtute, & uitio. Et in accusando, ac defendendo ex triū rerū inspectione, Quarū rerū causa fiant iniurię, & à quib. & quib. Iam oēs formas explicare longius est, q̄ proposi-
sunt

ti nostri ratio uidetur postulare: non. n. oīa nobis sunt declaranda; sed illa tātum, quæ lumē desiderant; quorū alterū nimis diligētis explicatoris est, qui ēt res explicatione non indigentes, uel ab aliis explicatas persequatur: alterum eius, qui nihil superuacanei uelit efficere. Sat igitur erit capita harum formarum notare, & in declarandis iis potissimum formis commorari, quæ nobis obscuriores uidebuntur; cū præsertim in conuersione nostra ad orā libri ipsæ ita distinctas sint, ut fere oēs intelligi facile possint. Numerū quoque pagellarū ob maiore cōmoditatē notabimus.

Ac de genere quidē deliberatiuō, qđ in proœmio dicitur esse pulchrius, & ciuilius, quia sit bonum communius; primo loco traditū est, quibus de rebus potissimum sint formæ deliberatiuæ: nō enim sunt de reb. necessarijs, nec de ijs, quę fieri non possunt, nec de iis, quæ naturaliter contingunt, nec de iis, quæ à fortuna, sed de iis, quæ à nostra uoluntate; & in primis de parandis pecunijs, de bello, & pace, de custodia regionis, de rebus importandis, & exportandis, de legum latione. Secundo loco demonstratum est, ex quibus rebus colligantur formæ deliberatiuę: colliguntur enim ex iis, quæ pertinent ad felicitatem, uel ad partes felicitatis, tum eas, quę sunt in ipso, ut in animo, & in corpore, tum quæ extra ipsum. Tertio enumerantur formæ bonorum confessorij. Quarto controuerforum. Quinto cōparatorum. Sexto agitur ue Rebusp. ad quarum fines deliberatio accommodanda est.

Quinque autem rerum genera, quæ initio cō- pag. 16.
memorantur, referri ad quattuor rerum causas possunt, quæ libro tertio Ethicorum recensentur, id est, ad necessitatem, naturā, fortunā,

*De formis
deliberati-
uis.*

præterea mētē, atq. oē id, quod per hoīem agit.
Nā sub necessariis cōprehēdūtur ēt ea, q̄ fieri nō
possunt. quod enim necesse est, ut sit; fieri non
potest; quin sit: & quod fieri non potest, necesse
est, ut non sit. Traditur ergo in Ethicis delibera-
tionē nō ēsse de reb. necessariis, quę semper eodē
modo eueniunt, vt Solis conuersiones, & ortus.
Neq; de iis, quas euenire diuersis modis naturali-
ter contingit, quo in genere sunt siccitates, & im-
bres. Nec de ijs, quę casibus fortunę subiectę
sunt, qualis est thesauri inuentio: sed de ijs, quę
naturam attingunt humanam. Neq; uero de om-
nib. cū Lacedæmonij non deliberent, quēadmo-
dum Schythę administrare Rēp. possint: sed de ijs
tantū, quę sunt in nostra potestate, ut eueniāt.

pag. 23. &
24.

In partibus felicitatis, dum tractatur de uirtu-
tibus corporis, commemorantur pentathli, id est,
quinquertiones. Maioragius, ubi agitur de pul-
chritudine, explicat quinquertiones, qui ex quin-
que certaminibus uictoriam, præmiūq; repor-
tabant, hoc est luctatione, cursu, saltu, disco, iacu-
latione. Idem paullo post, ubi de facultate certan-
di sermo est, non uidetur sibi constare, cum scri-
bat, Pēntathlos, qui latine quinquertiones uocan-
tur, fuisse, qui & lucta, & pugillatione, & cursu
uictorēs euadebant, atque ita dictos, quod quin-
que nomina possent habere, & nominari luctato-
res, pugiles, cursores, pancratiastę, pentathli.
Quamquā autem plerique putant ad quinquertiones
quinque certaminum genera pertinuisse, nempe illa, de
quibus meminit Simonides in illo disticho;

Pythia deuicit Diophon, atque Isthmia, saltu,
Et disco, & lucta, & iaculo, & pedib.
tamen Aristoteles trium tantum certaminum.
men-

luctatione
cursu
saltu
disco
iaculatione

mentionem facit, cursus, luctæ, pugillationis; ut ex eius sententia quinquæ quæstiones sint, non qui quinque certamina exercerent, sed qui essent in quinto genere eorum, qui certarent; & appellati sint pentathli, ac quinquæ quæstiones non qui in quinque, sed qui in tribus certaminibus valerēt, quemadmodum pancratiaistæ in duob. quod uolumus hic adscribere, ut standum esse secundæ Maioragij explicationi affirmaremus, quæ Aristotelis verbis, & sententiæ quadrat; ubi etiā obseruandum est, pro eo, quem alij nominant ἀκοντα, id est, iaculantem, Aristotelem nominare πλῆκτικόν, id est, pugilē, & pungentē, ac percutientē. pag. 261

In bonis confessis duo modi cōsequēdi enumerantur, vel simul, ut sanitatē simul cōsequitur vita: uel posterius, ut disciplinā posterius cōsequitur scientia. In bonis cōparatis tres, additocōsequēdi modo, qui dicitur facultate, ut si sacrilegus est, cōsequitur facultate, ut surripiat. In primo igitur loco enumerati sunt consequendi modi, qui actu existunt: in altero simpliciter omnes. Cum autem ab Aristotele præcipiatur illud esse maius, quod non consequitur, dubitat Victorius, quomodo disciplina sit maior scientia. Nam secundum regulam Aristotelis, disciplinam posterius consequitur scientia, scientiam posterius non consequitur disciplina. ergo disciplina est maior scientia. Nobis probatur explicatio. Maioragij, ut scientia sit maior in quantitate, sed non in qualitate. Nam maius intelligitur multis modis. & id, quod non consequitur, dicitur maius aliquo modo: ut si sanus est, simul consequitur, ut uiuat. Si uiuit, simul non consequitur, ut sit sanus. ergo sanum esse maius est, quàm uiuere, id est maius bonum: si discit, posterius consequitur, ut

sciat. si scit, posterius non consequitur, ut discat, ergo discere est maius, quàm scire, id est, amplius, latius, & generalius. si sacrilegus est, facultate cōsequitur, ut ēē surripiat. Si surripit, facultate nō consequitur, ut sacrilegus sit. ergo sacrilegū esse maius est, quàm surripere, id est maius uitium.

*De formis
demonstrati-
uius.*

Cum autē demonstratiuum genus inuentum sit ad laudandum in primis Deum, deinde hominem, tum animalia ratione carentia, postremo ēē res inanimatas; cum quē; quidquid laudatur, tamquā honestum laudetur, rerum honestarum enumerātur ab Aristotele tres præcipuæ formæ, ut res honestæ sint tum uirtutes, ut iustitia, fortitudo, temperantia, magnificentia, magnanimitas, liberalitas. mansuetudo, prudentia, & in primis uirtutes illæ, quæ idcirco maximæ sunt, quæ utilissimæ sint, ut iustitia, fortitudo, liberalitas: tū uero efficiētia uirtutis, ut bonū ingeniū, memoria, docilitas, educatio, disciplina: tū demū effecta à uirtute, ut signa ipsius uirtutis, qualis cicatrix, quæ uulnere occalluerit, qualia insignia magistratus, & alia huiusmodi, quæ uirtutē significāt, ut ēē opera, qualia proficiuntur à iustitia, magnanimitate, & alijs uirtutib. Cum uero sub his generalib. formis plures aliæ contineantur, illud potissimū observatione dignū est, laudem esse uirtutis: Encomium operū simpliciter fidem demonstratiuā eorum, quæ circū sunt, ut nobilitatis, & disciplinæ. De laude, & encomio idē legitur lib. i. Ethicorū in hunc modū; Laus est uirtutis. Nā ex ea idonei fiunt ad agēdū res præclaras. Encomia uero operum, tum quæ à corpore, tū quæ ab animo proficiuntur. Obseruandū quoque est, cū sint tria instrumēta oratoria, amplificationē esse propriā huius generis, & maxime illā, quæ fit per cōparationē, quem-

pag. 43.

pag. 44.

quemadmodū enthymema est propriū iudicialis,
exēplū deliberatiui. Atq; hæc lib. 1. Nā li. 3. p̄cipi
tur, In demōstratiuis intexendā laudib. orationē
esse, ut facit Isocrates, qui semp aliquē inferit; &
hoc esse illud, quod dicebat Gorgias, haudqua-
quam sibi orationem deesse; quia si de Achille
diceret, Peleum laudaret, deinde Acacum, dein-
de Deum; similiter uero ēt fortitudinē; aut hoc,
& illud faceret, aut aliquid tale. Et li. 2. traditur,
colligēda esse magis propria, q̄ cōia. Nā quædam
esse cōia, ut si quis laudet Achillē, q̄ homo sit; &
q̄ ex semideis; & q̄ ad Iliū miles uenerit; hæc. n.
in aliis quoque inesse multis, & nihilo magis ad
Achillis, q̄ Diomedis laudē p̄tinere: q̄dā esse pro-
pria, ut q̄ interfecerit Hectorē Troianorū fortissi-
mū: q̄ necauerit Cycnum Neptuni filium, qui
nemine Græcorū ex nauib. exire patiebatur, cum
sauciari nō posset, q̄ oīum heroū in bello Troia
no maxime iuuenis fuerit, q̄ iniuratus ad illam
expeditionē profectus sit, hæc. n. nemini alii acci-
disse, nisi Achilli. Hinc facile perspicitur, Aristote-
li minus probari laudes cōiores, in quib. tñ ora-
tores nostrorū tēporū solent diutius commorari,
cū patriā, & familiā celebrant, q̄ in minus com-
munib. & magis propriis, qualia sunt dicta, & fa-
cta eius, qui laudatur, quæ propriæ laudes ex sen-
tentia Aristotelis in primis sunt attendendæ.

Formæ iudiciales ex trium rerum inspectione
colliguntur, Quib. de causis iniuriam faciant,
Qui, & Quib. faciāt. Ut causæ iniuriarum cogno-
scantur, septē actionū humanarū causæ enumerā-
tur, fortuna, uis, natura, consuetudo, ratiocina-
tio, iracundia, cupiditas. non tamen distinguun-
tur ab aliis illæ, quæ efficiunt iniuriā. Verū signi-
ficatur tres esse causas, lib. 2. in locis Topicis,

vbi

pag. 123.

*De formis
iudicialib.*

pag. 46.

28. 124.

ubi declaratur locus à diuisione in hunc modum, si omnes trium rerum causa iniuriosi sunt, & quæ sequuntur. Exponit Victorius, ob utilitatem, ob uoluptatem, ob iram: Eodem modo Maioragius. Nos existimamus causas iniuriarum colligendas esse ex septem causis humanarum actionum, quæ modo notatæ sunt, quarum prioribus tribus cum homines agunt, non dicuntur per se agere: posterioribus quattuor dicuntur, Itaque iniuria non est id, quod agitur per fortunam, nec per uim, nec per naturam; quia injuriā facere est sponte, & per se agere; hæ autem actiones non sunt sponte. Sequuntur causæ, quibus homines agere per se dicuntur; quæ cum sint quattuor, uerbis Aristotelis superius citatis accommodari difficulter possunt. Quid? si ibi facta sit mentio trium causarum magis, ut significat et Victorius, per suppositionem quandam, & exempli gratia, quàm quòd ita tres existant? illa uero probabilis explicatio afferri potest, quòd, tametsi enumerentur quattuor causæ, quibus homines agunt per se, consuetudo, ratiocinatio, iracundia, cupiditas: tamen illæ ad tres rediguntur, cum legatur; Quæcunque uero per se, quorum ipsi sunt causæ, alia sunt per consuetudinem: alia per appetitionem; & ex his alia per appetitionem participem ratiocinationis: alia per expertem ratiocinationis. Itaque tres existunt iniuriarum causæ, consuetudo, cum scilicet est mala, qualis Clodij, & Catilinæ in insidiis faciendis. Appetitio participes ratiocinationis, quæ dicitur etiam uoluntas. Appetitio expertis ratiocinationis, id est affectus, ut ira, & cupiditas. Ac ille locus à diuisione potest explicari, ut trium rerum causa iniuriosi sint, nempe aut

pag. 45.

pag. 46.

aut consuetudinis causa, aut voluntatis, & rationationis, aut affectus.

Præter formas, obseruandæ sunt propositiones communes, de quib. sic Arist. lib. 1. Necessariū est tum deliberanti, tum litiganti, tum demonstratiuo, habere propositiones de eo, quod fieri, uel non fieri potest; & an factum sit, nec ne; & an erit, nec ne. Præterea vero, quoniam omnes tum qui laudant, & qui uituperant, tum qui suadent, & qui dissuadent, tum qui accusant, & qui defendunt, non solum ea, quæ dicta sunt, conantur demonstrare, sed etiam rem magnam esse, vel paruum eam, quæ est vel bona, uel mala, uel honesta, vel turpis, vel iusta, uel iniusta, siue per se dicant, siue inuicem ex altera parte comparent: manifestum est, oportere etiam de magno, & paruo, & maiori, & minori propositiones habere tum in vniuersum, tum de unaquaque re, vt quodnam sit maius bonum, uel minus, aut iniuria, uel ius, & similiter de aliis. Colligitur, propositionum communium esse quattuor genera, de eo, quod fieri, uel non fieri potest: de facto, vel non facto: de futuro, vel non futuro: de magno, & paruo. Quamquam autem hæ propositiones dicuntur communes, quia omnibus generibus videntur esse accommodatæ: tamen intelligendum est alias aliis esse accommodatiores. Scribit n. Aristoteles lib. 2. Ex communibus amplificationem demonstratiuis aptissimam esse: factum autem iudicialibus: id uero, quod fieri potest, & futurum, deliberatiuis.

Vt autem intelligamus, omnem argumentorum copiam à Topica facultate, de qua paullo infra agemus, subministrari, obseruandum est & formas generum, & propositiones communes ad

cos

De propositionib. communibus.

pag. 16.

pag. 117.

Topica facultas est son. formarū & propositionum communium.

locos Topicos pertinere . Nam quemadmodum formę ducuntur à fine vniuscuiq; generis, qui sub caussarum loco continetur , vt deliberatiue ab vtili, demonstratiue ab honesto, iudiciales a iusto sic etiam propositiones communes ab iisdem locis Topicis deduci possunt.

*Reducuntur
propositiones
cōmunes ad
locos Topicos.*

Vt prima propositio eius, quod fieri potest, à contrarijs ; Si vnum ex contrarijs fieri potest, etiam alterum.

Secunda à simili ; Si simile, etiam simile.

Tertia à minori ; Si difficilius, etiam facilius.

Quarta a causa ; Si principium, etiam finis.

Quinta ab effectu ; Si finis, etiam principium.

Sexta, septima, octaua, nona ab ijs , quę naturaliter cōsequuntur , vel antecedunt ; Si posterius, etiā prius : & si prius, etiam posterius . Quarum rerum amor, & cupiditas est, illę fieri possunt : Quarum rerum scientię, & artes sunt : Quarum rerum principium , vt oriantur, in ijs est, quę nos coggerimus , & persuaferimus.

Decima a partib. Quarum partes fieri possunt, etiam totum fieri potest.

Vndecima à toto ; Quarum rerum totum etiam partes

Duodecima à genere ; Si genus etiam forma.

Decima tertia à forma ; Si forma, etiam genus

Decima quarta à relatis, quę in contrariorum loco cōtinentur ; Si relatorum alterum, etiam alterum.

Decima quinta à minori ; Si sine arte , & apparatu , magis per artem , & diligentiam.

Decima sexta etiam à minori ; Si à deterioribus & inferioribus , & imprudentioribus magis etiam a contrarijs.

Sic propositio prima eius, quod factum est , à minori

minori ; Si quod minus, etiam quod magis.

Secunda ab ijs, quæ naturaliter consequuntur;
Si posterius, etiam prius.

Tertia vsq; ad octauam à causis, seu præcedentibus; Si potuit, ac voluit, fecit : Si voluit, & nihil extrinsecus impediuit: Si potuit, & iratus fuit: Si potuit & concupiuit : Si futurum fuit, vt fieret, aut faceret : Si facta sunt, quæcunq; ante illud, aut illius gratia nata sunt.

Nona etiam ab ijs, quæ naturaliter consequuntur; Si id, cuius causa fiunt, factum est, etiam ea facta sunt, quæ huius causa fiunt.

Eodem modo prima, & secunda propositio futuri à causa ; Quod est in potestate, & voluntate, erit: Quod est in cupiditate, & ira, & ratiocinatione cum facultate, erit.

Tertia à præcedentibus; Si quæcunque naturam habent, vt prius fiant, antecesserunt.

Quarta ab effectis ; Si quod est huius causa factum est, etiam hoc verisimile est, factum iri.

Sic propositiones magni, & parui, à comparatione maiorum; minorum, parium.

Formas vero ipsas, & propositiones communes, ac illas etiam propositiones, quæ ad conciliandos, & conciliandos animos auditorum valent, Aristoteles appellat locos, cū scribit lib. 2. Ac nobis quidem ferme de singulis formis vtilibus, & necessarijs habentur loci: selectæ enim sunt de vnoquoq; propositiones. Quare ex quibus locis oportet ducere enthymemata de bono, aut malo aut honesto, aut turpi, aut iusto, aut iniusto, & de moribus & affectibus, & habitibus eodem modo nobis parati sunt prius loci. Hæc ille. verum distinctionis causa loci potissimum appellantur, qui non sunt magis

Locus comprehendit in vniuersum etiam formas, & propositiones communes, et illas, quæ ad conciliandos, & conciliandos valent.
pag. 130.

magis vnius generis quàm alterius, & ad quamlibet rem probandam, ac quæstionem demonstrandam accommodati sunt. Quod idem indicat, cū addit; Iam uero alio modo in uniuersum de omnib. assumamus, & dicamus, & quæ sequuntur.

Locus selectionis.

pag. 129.

pag. 128.

In parandis autem argumentis prima ratio habenda est eius loci, qui appellatur ab Aristotele selectionis locus, & primus Topicus, ut scilicet seligantur ea, quæ in re ipsa insunt. præcipit enim Aristoteles, in quacunque quæstione orator uersetur, siue infinita, siue definita, ei tenenda esse ea, quæ insunt; ut si quæritur, Iustitia bonum ne sit, an non bonum, argumentandū esse ex iis, quæ iustitiæ, aut bono insunt. Si suadendum sit Atheniensibus, ut bellum suscipiant, aut secus; tenendum esse, quæ copię illorum sint, utrum nauales, an pedestres, an utrumque, & ipsarum quantæ, & uestigalia quæ, aut amici, aut inimici, præterea uero, quàm multa bella gesserint, & quo pacto, & alia eiusmodi. Si laudandi sint Athenienses, cognoscendum esse prælium nauale ad Salaminem contra Xersem Persarum Regē duce Themistocle commissum, aut pugnam in Marathone contra Darium Persarum Regem duce Miltiade, aut quæ pro Heraclidis gesserint, aut aliquid eius generis: si uituperandi, sciendū, quemadmodum Græcos seruitute oppresserint, & quemadmodum Aeginetas ex urbib. propriis expulerint, eorumque iuuentuti pollices præciderint, Potideatis singula tantum uestimenta reliquerint, & si quod aliud peccatum insit in eis. Si qua accusatio, aut defensio facienda sit, tenenda similiter esse ea, quæ insunt, aut in eis existimantur. Quamobrem si quis uoluerit agere de liberalitate, magnificentia, ceterisque uirtutib.

tutib. naturam earum cognoscere optime debet. Si uoluerit cohortari Senatum Venetum ad bellum suscipiendum contra Turcas, eum scire oportebit tum copias, tum uestigalia, tum amicos, & inimicos, tum vero alia bella Reip. Venetæ, atque ex illis argumentari. Si uoluerit laudare Carolum V. Imperatorem, opus erit tenere eius uictorias, & præclare res gestas. Si uoluerit quempiam in iudicium uocare, & accusare, necesse erit intelligere, quid ab eo nefarie, turpiterque gestum sit. Eadem est ratio dissuasionis, uitupetationis, defensionis. Nam omnino danda opera est, ut quæcunque quæstiones tractandæ sunt, diligenter, penitusque cognoscantur. Quod scriptum reliquit etiâ Cicero lib. 2. de oratore, appellans hoc præceptum non tã acutum, quàm necessarium. Nam, quemadmodum qui rem non nouerunt, non possunt non turpissimè de ea dicere: sic qui nouerunt, eis uerba ultro occurrunt, atque in buccam fluunt, ut esse uere eloquentes existimentur. Quod significauit Socrates, cum diceret, omnes in eo, quod scirent, satis esse eloquentes, magis fortasse cohortans oratores ad notitiam quæstionis, quàm dehortans ab eloquentia. Siquis enim hoc præceptum nõ seruauerit, ei minime proderit uolutasse Rhetorum libros, atque in dicendo diutius se exercuisse: sed sine dubio ipse uel infans, uel parum disertus existimabitur; ut nec si uim quidem Demosthenis, aut Ciceronis habeat, excellere in laude eloquentiæ possit, nisi ea, quæ in re insunt, & quæ sunt rei propria, teneat. Itaque ea prius sunt etiam, atque etiam indaganda. Visus autem est Cicero quodammodo errare in illis, quæ ineant in causa Archiæ, dum dixit, cum data esset

set ciuitas Rom. Syluani lege populis fœderatis, & sic etiam Heracliensib. quorū ciuitate donatus fuerat Archias, tabulas Heracliensiu publicas, quib. ille ascriptus erat, Italico bello interisse omnes, incenso tabulario, ut apparere ex illis tabulis non posset, ciuem Heraclæ fuisse Archiam. Nam data est ciuitas Syluani lege anno ab V.C. sexcentesimo sexagesimo quarto, quo anno bellum Italicum est confectum, & combustæ sunt tabule Heracliensium, in quibus non uidetur fuisse ascriptus Archias, si factus est ciuis Heracliensis, ut dixit ipse Cicero, cum Lucullus ex Cilicia decederet post negocium Mithridaticum anno sexcentesimo octuagesimo sexto, qui fuit annus uigesimus secundus postquam gestū est bellum Italicum, & combustæ sunt tabulæ. Quomodo igitur potuit contendere Cicero, in illis tabulis combustis ascriptum fuisse Archiam, si duobus & viginti ante annis illæ combustæ sunt, quàm Archias factus esse ciuis Heraclæ dicatur. Quare dicendum est, aut hoc fuisse Ciceronis *μνημονὸν ἀμάρτυρα*, quale etiam fuit illud, de quo ad Atticum libri decimi tertii epistola quadragesima tertia; & illud, de quo libri decimi sexti epistola quinta: aut Archiam fuisse in Cilicia cum Lucullo non occasione belli Mithridatici, sed aliqua alia, tunc cum factus est ciuis Heraclæ, scilicet ante bellū Italicū, & tabularij combustionem. Quemadmodum autem cauere oratores debent, ne errent in iis, quæ in re insunt, sic eorum etiam explicatores. in quo præcepto seruando desiderari fortasse potest Paulli Manutij, alioquin uiri doctissimi, ac disertissimi, diligentia, tunc cum scribit in orationem pro P. Sextio, accusatum fuisse P. Sextium eo nomine

mine, quod Lentulo, & Metello cps. viii. kal. Febr. cum de reuocando Cicerone ageretur, inter eos, qui Ciceroni fauebant, & Clodianos magna pugna armatis vtrunque hominibus commissa esset. Quod tamen quàm uerum sit, apparere ex illis ipsius orationis verbis potest; Nihilq; neq; ante hoc tempus, neq. hoc ipso turbulentissimo die criminationis esse in Sextium, & ex illis; Quietus eo die Sextius, is, qui est de vi reus, & ex illis; Hic iam de ipso acusatore quæro, qui P. Sextiū queritur, cū multitudine in Tribunatu, & cū præsidio magno fuisse, num illo die fuerit? Certe non fuit. Ergo si nihil criminationis fuit in Sextium de eo die; & Sextius sine controuersia, eo die quietus fuit; nec dixit accusator eo die Sextium cum multitudine, & cum præsidio fuisse, nescio, quomodo affirmari possit, eo nomine factam esse accusationem. Cur igitur est accusatus? quia cum ex eo tempore, quo Clodiani impetum fecerunt in Q. Fabricium Tribunum pl. & M. Cispium vi depulerunt, multosq; in foro interfecerunt, eo ipso die, quo in templo Castoris obnunciavit consuli Metello legem quādam ferenti, inermis, atq. imparatus à manu Clodiana multa vulnera cepisset; ne vim iterum eandē pateretur, ne cessario se præsidio muniuerat. Postulatus est autem lege Lutatia de vi à M. Tullio Albinouano apud M. Aemilium Scaurum prætorem, & defensus à Q. Hortensio, & M. Tullio Cicerone ita, ut omnib. sententijs sit absolutus. quod constat ex epistola quarta libri secūdi ad Q. Fr. Addit Manutius pro certo dici nō posse, quo crimine condemnatus Sextius exulauerit; putare tamen se, quod à Pompeio aduersus Cæsarem stetisset. At patet eū à multis iudicib. fuisse condemnatum ex epistola

stotelis fuisse de locis argumentorum sententiā existimarunt. Alij nominarunt locos genera vni uersa, & summa capita, quibus axiomata continētur; & hanc dixerunt fuisse Ciceronis opinionē.

Iam præcipit Aristoteles locorum esse duas species, unam enthymematum uerorum, quæ sunt tum apposita ad demonstrandum rem esse, ut in bello Mithridatico agi gloriam populi Rom. uel non esse, ut non posse exercitum contineri ab eo Imperatore, qui se ipsum non contineat; tum apposita ad refutandum, ut licere aliqua de causa hominem interficere, contra quā dicebant aduersarij Milonis: alteram enthymematum adubratorum, quæ spectantur aut in dictione, ut cum nullo adhibito syllogismo extremum in modum conclusionis assertur: aut in re, ut si quis argumentetur à signo, omnes sapientes esse iustos, quia Socrates sapiens fuerit iustus. Ac locos enthymematum uerorum ad demonstrandum enumerat tres, & uiginti: ad refellendum septem. qui ut facilitatis causa reducantur ad locos enumeratos à Cicerone in Topicis, operæ precium est primum considerare illos locos Ciceronis, qui sunt octodecim: propterea quod, cum ex prioribus Analyticis appareat, de eo ipso, de quo agitur, id est, de termino quæstionis, aut subiecto, aut prædicato; quæri posse, quinque, tū quæ præcedunt, tum quæ consequuntur, tum quæ reciprocantur, tum quæ repugnant, tum quæ coniuncta sunt, præcedunt tres loci, genus, causa, antecedentia: consequuntur quattuor, species, effectus, coniugata, consequentia: reciprocantur tres, definitio, enumeratio partium, notatio: repugnant tres, differentia, contraria, repugnantia: coniuncti sunt quinque, similia, adiun-

Locorū due species.

pag. 130.

Quot sint loci.

Loci apud Ciceronem octodecim.

sta, maiora, minora, paria. Enumerantur autem à Cicerone ira, vt primus locus sit apud eum à definitione; secundus à partium enumeratione: tertius à notatione: quartus à coniugatis: quintus à genere: sextus à forma, vel specie: septimus à similitudine: octauus à differentia: nonus à contrario. decimus ab adiunctis: undecimus ab antecedentibus: duodecimus à consequentibus: decimus tertius à repugnantibus: decimus quartus à causis: decimus quintus à rebus effectis: decimus sextus à maiori: decimus septimus à pari: decimus octauus à minori; ad quos breuiter reducuntur loci Aristotelis, vt alteri alteros possint declarare.

*Reducuntur
loci Aristote-
lis ad lo-
cos Cic.*

pag. 130.

Est autem unus quidem locus ex ijs, qui valent ad demonstrandum, à contrariis] Hic est nonus Ciceronis. Quamquam apud eum latius patet, cum intelligantur contraria non solum, vt apud Aristotelem ἐναντία, quæ ab ipso appellantur aduersa, verum etiam σεντικὰ, τὰ πρὸς τι, ἀποφατικὰ, priuantia, relata, negàtia, id est omnia ἀντικείμενα, uel opposita. Differt autem contrarium à differentia. Nam quæ contraria sunt, non solum differunt inter se sed etiam alterum alteri è regione occurrit, vt uirtus vitium: quæ uero solum differunt non sic occurrunt, vt homo, platanus. prætereà unum uni dicitur esse contrarium: at vnum differt à pluribus. Contrarium etiam differt à repugnantia. Nam repugnantia non sunt contraria, sed vnum contrarium, & consequens alterius contrarij, ut amor contrarius odio, & maleficiū, quod consequitur odium.

pag. 131.

Alius ex similibus casibus] Hic est quartus Cice.

Ciceronis, qui dicitur à coniugatis. Iam apud Ciceronem in secunda Topicorum parte coniugatio dicitur finitima notationi: quia notatio ex ui nominis trahitur; itemq; coniugatio similitudine uocabuli continetur: differt tamen, quia notatio expositione nominis, coniugatio similitudine uocabuli, & deriuatione percipitur, vt notauit Boethus. Apud Aristotelem lib. secundo Topicorum differunt coniugata à casibus, quòd omnes quidem casus sunt coniugata, sed non omnia coniugata sunt casus. Nam casus sunt modi actionum, ut iuste, fortiter, salubriter, apte ad firmam corporis constitutionem; & distinguuntur ab illis coniugatis, quæ sunt res quædam, ut iusta, iustus, iustitia.

Alius ab iis, quæ conferuntur ad se inuicem] Redigitur ad nonum Ciceronis à contrarijs.

Alius à maiori, & minori] Locus à maiori est decimus sextus Ciceronis: à minori decimus octauus. in quibus locis non nulli videntur à doctrina Aristotelis longissime aberrare, qui putant argumentum, quod est à minori, esse à maiori. Nam si inest id, quod minus videtur inesse, & minus verisimile est, multo magis inerit, quod magis videtur inesse, & verisimilius est. ut pro Sextio; Si Tigrani, qui hostis fuit populi Romani regnum conseruastis, quanto magis Ptolemæo, qui semper socius, semper amicus fuit, conseruare debuistis? & pro Cæcinna; Quod exercitus armatos mouet, id aduocationem togatorum non nidebitur mouisse? & in Rhetorica quadam ecclesiastica; D.N. Iesus Christus nobis maxima, & grauissima peccata, quæ quotidie cõmittimus, dimittit: & nos leuissimas fratrum nostrorum

pag. 132.

iniurias ferre non possumus? Hæc argumenta alij dicunt esse a maiori: nos a minori, id est à minus uerisimili, ex doctrina Aristotelis. qui in comparatione uerisimilitudinem spectat, & non magnitudinem rerum.

Præterea si neque magis, neque minus] Est decimus septimus Ciceronis, qui distinguitur à loco similitudinis, cum in paribus quantitas, in similibus qualitas spectetur.

Alius in tempus intueri] Reducitur ad locum à pari.

pag. 133. Alius ex dictis secundum ipsorum mores aduersus eum, qui dixit] à maiori.

Alius à definitione] Est primus Ciceronis.

134.

Alius à quotupliciter, ut in Topicis de eo recte] Communitè exponunt de ipso Recte, id est, quot modis accipiat illud, quod factum est recte. Nos sine ulla dubitatione putamus, Aristotelem spectare caput tertium libri primi Topicorum, quod est de ipso Quotupliciter; & exponimus, de eo, id est de ipso Quotupliciter recte tractatum est in Topicis. Quod sensisse ante nos eruditissimum Robertellum uidimus in annotationibus eius manuscriptis tum apud Saluatorem Bartolucium cum eo quondam summa familiaritate coniunctum, tum uero apud nobilissimum, & doctissimum virum Io. Vincentium Pinellum, quæ explicatio uidetur postulare, ut legatur *περὶ τοῦ τοῦ ὁρθῶς*. potest reduci hic locus ad quintum Ciceronis à genere. Nam homonymum, quod multipliciter dicitur, est tamquam genus ad diuersas significationes.

Alius à diuisione] Cum diuiditur genus, aut sublato, uel in uniuersum posito genere tollitur, uel ponitur species, & est quintus locus Ciceronis

nis à genere, vt Animal diuiditur in hominem, leonem, asinum, & huius modi species. Non est animal. ergo non homo. Vel omne animal mouetur. ergo etiam homo. Iniuria fit aut consuetudine, aut ratiocinatione, aut affectu. has enim esse species iniuriæ superius exponebamus. Nulla iniuria facta est. ergo nec consuetudine quidem. Omnis iniuria facta est. ergo etiam consuetudine. Aut sublati omnibus speciebus tollitur genus, uel posita una specie ponitur genus, & est sextus Ciceronis à specie, ut Non est homo, nec leo, nec asinus, nec alia eiusmodi species. ergo non animal, vel Est homo. ergo animal. Non fuit facta iniuria consuetudine, nec ratiocinatione, nec affectu. ergo nulla iniuria, uel consuetudine nocuit contra legem. ergo iniuriam fecit.

pag. 135.

Alius ab inductione] Reducitur ad septimum Ciceronis à simili.

Alius à iudicio de eodem, aut simili, aut contrario] Hic videtur pertinere ad decimum Ciceronis ab adiunctis.

pag. 136.

Alius à partibus. Hic est locus communis tum partibus generis, tum totius, tum homonymi, & refertur ad secundum Ciceronis ab enumeratione partium, cum sublati omnibus partibus tollitur aut homonymum, aut genus, aut totum. Itaque quatenus consideratur homonymum multipliciter dici, est locus à quodupliciter: quatenus genus diuiditur, est locus à diuisione quatenus enumeratur prout ita, ut sublati illis tollatur homonymum, vel genus, uel totum, est locus à partibus, qui distinguitur à loco speciei, quia uniuersalior est; & locus partium semper continet plures partes, locus speciei potest esse ab una specie.

Alius quoniam in plurimis rebus accidit, vt

pag. 135.

S 4 sequa-

sequatur eas aliquid boni, & mali, à consequentibus suadere, aut dissuadere, & accusare, aut defendere. & laudare, aut uituperare] Hic locus est duodecimus Ciceronis. quò potest referri etiam undecimus ab antecedentibus, & decimus ab adiunctis. Quamquam apud Ciceronem ea distinctio est, ut antecedentia, & consequentia necessaria sint, adiuncta non necessaria; cum Aristoteles uideatur accipere consequentia generatim pro iis etiam, quæ non necessario cõsequuntur. præterea alia sunt consequentia naturæ; alia argumentationis. Sic etiam antecedentia. Nam sol est antecedens naturæ: dies consequens, Antecedens uero argumentationis multiplex est; aut minus uniuersale consequenti, ut si homo est, animal est: aut uniuersalius, ut si omne animal sentit, etiam homo: aut posterior, ut si peperit, cū uiro concubuit: aut prius, ut si arrogans est, odiosus est: aut æquale consequenti, ut si homo est, aptus, natusq; ad ridendum est: aut simul cum consequenti, ut si Luna deficit, terræ adest obiectio. Sic cognoscitur etiam consequens multiplex. Iam Aristoteles hoc in loco respicit consequentia naturæ, quæ sunt antecedentia argumentationis, ut Si non oportet inuidiæ subiici, nō oportet erudiri. Si sapiētē eē oportet, erudiri oportet. Argūi autē erit ab adiunctis in hunc modum, si eruditus est, adiūgitur, ut ei inuideatur. si eruditus est, adiūgitur, ut sit sapiens.

Alius, quando de duobus oppositis suadere, aut dissuadere oporteat, eodem, qui dictus est, modo, uti in utranque partem] Reducitur ad locum à contrariis.

Alius, quoniam non eadem laudant aperte, & occulte; sed aperte quidem iusta, & honesta maxi

me laudant; priuatim autem utilia magis uolunt: ex his conari alterum colligere] Ad octauum, Ciceronis à differentia:

Alius ab eo, quod contingit ex proportionem] *pag. 137*
Ad decimum septimum à pari.

Alius, si quod contingit, sit idem, etiam ea, ex quib. contingit, esse eadem] Ad duodecimum à consequentibus.

Alius ab eo, quod non idem semper ipsi eligunt posterius, ac prius, sed è conuerso] Ad octauum à differentia.

Alius, si non factum sit id, cuius gratia sit, affirmare huius causâ esse, aut factum esse] Ad decimum quartum à causis.

Alius communis & controuersantib. & consentientibus considerare, quæ suadeant, & dissuadeant, & quorû causâ & agant, & fugiant] Etiam à causis. *pag. 138.*

Alius ab iis, quæ fieri quidem uidentur, sed fidem non habent] Ad decimum quintum ab effectibus.

Alius, qui ualet ad refutandum, Repugnantia considerare] Est decimus tertius Ciceronis.

Alius in calumniam uocatis & hominibus, & actionibus, quæ non existimentur, dicere causam paradoxum] Ad locum à causis. *pag. 139.*

Alius à causâ & si existat, esse, & si non existat, non esse] Est notus locus à causis.

Alius considerare, nû licuit melius, aut licet, quàm ea, quæ deliberat, aut agit, aut egit] Ad locum à maiori

Alius simul considerare, quando aliquid agendum sit, contrarium iis, quæ acta sunt] Ad locum à repugnantibus.

Alius locus ab iis, in quibus peccatum est, accusare, aut defendere] potest redigi ad locum à causis. *pag. 140.*

Alius à nomine] Est tertius Ciceronis à notatione.

Præter

Præter locos enthymematum verorum enumera
Aristoteles locos adumbratorum in dictione quat-
tuor.

pag. 141.

pag. 142.

pag. 145.

in re sex,
Addit enthymematum dissolutionem duob. mo-
dis fieri, & cum enthymemata ex quattuor reb.
ducantur, verisimili, exemplo, tecmerio, signo,
docet, quomodo hæc ipsa dissoluantur. Quæ om-
nia ex verbis Aristotelis perdiscenda sunt.

pag. 123.

124.

Iam ad enthymema pertinet sententia. Nā, cū
duplex sit sententia, vna sine epilogo, vel per se
manifesta, vel cum dicitur: altera sine epilogo;
hæc ultima vel est pars enthymematis: vel enthymem-
ematica.

Atq; hæc oīa de enthymemate, quæ est prima
demonstratio oratoria: secunda enim est exēplū
quod etiam reducitur ad enthymema, vt cū Ari-
stoteles tradit quædam enthymemata duci ab exē-
plo.

pag. 2.

pag. 3.

Etenim enthymema cū accipitur late, cōprehen-
dit etiam exemplum; cum strictim, distinguitur
ab exemplo. Videtur autem late fuisse acceptum
in illis proœmij verbis; At hi nihil quidem de en-
thymematibus dicunt, id quod est corpus fidei.
Strictim vero in communibus Rhetoricæ, vbi sic
scriptum est; Fides vero illa, quæ demonstrat,
aut apparet demonstrare, quemadmodum in Dia-
lecticis est aut inductio, aut syllogismus, aut qui
apparet syllogismus: sic etiam in Rhetoricis. Nam
exemplum quidem est inductio, enthymema vero
syllogismus.

De reb. fa-

ctis vel fi-

ctis exēplo-

rum.

pag. 120.

Iam uero exēplum est aut rei factæ, aut rei fictæ.
Exemplum rei factæ est, quod rem vere gestam cō-
tinet. vt quemadmodum Darius nō prius traiecit,
quàm Aegyptum cepit; cum autem cepisset, traie-
cit

est. Iterū Xerxes nō prius irrupit, quā occupauit, cum autem occupasset, irrupit: ita hic Rex, si ceperit, trahiet. Quare aduersus eum oportet parari, & non sinere eum Aegyptum in potestatem redigere.

Exemplū rei fictę est, aut parabola, aut logus. parabola continet res fictas ex verisimilitudine, vt simile est sorte datos magistratū gerere, ac si quis athletas sortia tur, nō qui possint decertare, sed qui obtigerint: aut ex nautis, quem oporteat gubernare, sortitus fuerit, quasi deceat obtingentē non autē scientē. Logus est, qui continet res parum verisimiles; qualis Stesichori apud Himeren ses aduersus Phalarim, de equo, qui vt ceruum ulcisceretur, seruiuit homini, & Aescopi apud Samios pro duce populari de vulpe, caninis muscis cōflictata, & nō permittente, vt herinaceus eas abigeret. Hęc de primo artificio, qđ positū est ī demōstratione. Sequitur secūdū, qđ spectatur in morib. quod etiam Aristoteles appellat secūdū initio generis deliberatiui, cum scribit; Continget vero simul, dum de his dicemus, vt etiam illa aperiamus, vnde aliquibus moribus pręditi existimabimur; quę erat secunda fides.

pag. 121.

pag. 38:

DE NATURA MORATAE Orationis.



MORES sunt, secundum quos homines cuiusdammodi apparent. ac cōsiderantur à physicis ab ethicis, à poetis, ab oratoribus diuersa ratione. A physicis, quatenus accidunt facultatibus animi. Ab ethicis, quatenus si boni

boni sint, ad felicitatem perducunt; si mali, à felicitate abducunt. A poetis, quatenus pertinent ad imitationem, in qua tradit Aristoteles, cum de Tragicæ conseribit, exprimendos esse mores bonos, conuenientes, similes, & æquales. Ab oratoribus, quatenus sunt instrumentum fidei, & potentissimam propemodum, ut idem Aristoteles ait, fidem continent. Ut autem mittamus alias rationes, & eam inuestigemus, quæ oratoria est, illud in primis ducimus obseruandum, spectari mores in tribus oratore, auditore, elocutione, de quibus singulis agendum est.

Mores spectantur in oribus.

De Morib. oratoris.
pag. 7.

Mores oratoris sunt, secundum quos orator cuiusdam modi apparet, ut probitas, prudentia, beneuolentia, secundum quos apparet probus, prudens, beneuolus. Libro primo Aristoteles, ubi declarat fidem artificiosam de moribus oratoris vnus meminit probitatis; quæ cum duobus intelligi modis possit, aut opinione auditorum ex bonis eius actionibus anticipata, aut oratione expressa; ipse eam intelligit secundo modo; ut sufficiat bonos mores oratione exprimere, etiam si orator probus non existat: oratorem enim posse esse tum bonum, tum malum; idem explicat, cum tradit eum esse tum ex facultate, qui habeat facultatem, & potentiam utendi falso per suasibili, tum ex præelectione, qui quandoque præligat gloriam ex falsis argumentationibus. Dicat igitur Quintilianus, quidquid velit, de viro bono dicendi perito. Nam eiusmodi esse, bonum est: sed non necessarium; magisque persuadebit orator malus, qui propter orationem probus uideatur, quam bonus, qui probitatem suam nesciat oratione exprimere; qui vero, antequam dicat, creditur esse bonus quia bonus sit,

&

pag. 6.

& dicendo quoq; præse fert probitatem, melius sine dubio persuadebit, illud utile est: hoc etiam necessarium. Vbi agit Aristoteles de Rebusp. eodem libro primo ad probitatem adiungit beneuolentiam in hunc modum; Nam eò quia apparet quibusdam moribus præditus is qui dicit, ei fidem habemus, id est, si bonus appareat, vel amicus, vel vtrunque. At libro secundo commemorat tres mores, prudentiam, virtutem, beneuolentiam, & per virtutem intelligit æquitatem, bonitatem, probitatem. Nam eadem de re agens modo nominat τοῦς ἐπιεικέσ, modo τοῦς ἀγαθοῦς, modo virtuti opponit κοχθηρίαν.

pag. 37.

pag. 74.

Mores auditoris sunt, secundum quos auditor cuiusdam modi apparet, quadruplici ratione, aut affectuum, aut habituum, aut ætatum, aut fortunæ. Mores affectuum sunt, vt voluptatis, libidinis, metus, ægritudinis. Quales sint mores voluptatis perspicui potest ex ijs, quæ libro primo tradita sunt de reb. iucundis. Mores libidinis ex tractatione de affectib. cognoscuntur, vt mores iræ cui contraria est lenitas, amoris, odij amicitie inimicitie. Sic mores metus, cui contraria fidentia, cui usq; pars est pudor, & mores ægritudinis, cuius partes sunt misericordia, stomachatio, inuidia, emulatio. Mores habituum sunt; vt iustitie, fortitudinis temperantie, magnificentie, magnanimitatis, liberalitatis, mansuetudinis, prudentie, sapientie, & habituum contrariorum, de quibus libro primo in genere demonstrati sunt. Mores ætatum sunt, vt iuuenum vsque ad annum trigessimum: senum vltra annum quadragessimum nonum: virorum quoad corpus ab anno trigesimo vsq. ad trigessimum quintum: quoad animum vsq. ad quadragessimum nonum. Mores iuuenum, & senum ferme inter se

De moribus auditoris.

pag. 107.

pag. 49.

pag. 75.

pag. 31.

pag. 112.

con-

pag. 108. contrarij sunt: virorum inter hos interiecti, de
 usq; ad 112. quib. libro secundo. Mores fortunæ sunt, ut no-
 pag. 113. bilium, diutum, potentium, fortunatorum, de
 De moribus quibus eodem libro secundo.

elocutionis. Mores elocutionis sunt, secundū quos elocutio
 pag. 163. cuiusdam modi apparet, ita ut respondeat generi
 & habitui eorum, de quib. agitur. Genus dicitur
 ætas, ut puer, uir, senex: sexus, ut mulier, vir: na-
 tio, ut Laco, Theſſalus. Habitus dicitur, ut esse a-
 grestem, vel eruditum.

*Vsus mora
 ta orationis*

Cum autē prima pars tres mores oratoris com-
 prehendat, prudentiam, virtutem, beneuolētiā;
 de primis duobus sic scribit Cicero libro secun-
 do officiorum; Fides ut habeatur, duabus rebus
 effici potest, si existimabimur adepti coniun-
 ctam cum iustitia prudentiam. Nam & ijs fidem
 habemus, quos plus intelligere, quā nos arbi-
 tramur; quosq; & futura prospicere credimus, &
 cum res agatur, in discrimenq; ventum est, expe-
 dire rem, & cōsiliū ex tempore capere posse. hanc
 enim omnes existimant ciuilem, veramq; pruden-
 tiam. Iustis autem, & fidis hominibus, id est bonis
 ita fides habetur, ut nulla sit in his fraudis, iniu-
 riæq; suspicio. Itaque his salutem nostram, his
 fortunas, his liberos rectissime committi arbi-
 tramur. Tertius mos exprimetur, si significabitur
 paratus animus ad benefaciendum: præclare enim
 idē scribit Cicero, ad amorē multitudinis conciliā-
 dum, valere plurimum beneficentiam, & benefi-
 cam voluntatem, & multitudinem vehementer cō-
 moueri ipsa fama, & opinione liberalitatis, bene-
 ficentiæ, iustitiæ, fidei, omniumq; earum virtu-
 tum, quæ pertinent ad mansuetudinem morum, &
 facilitatem. nosq; cogi illos diligere, in quib. eas
 virtutes esse remur. & Aristoteles libro secundo
 docet

docet , amari eos , qui benefecerunt : & eos , qui putantur velle benefacere . Quemadmodum igitur orator propter animi sui propensionem ad benefaciendum valde amabitur : sic etiam beneuolus , & amicus existimabitur . Nam amicus de finitur is , qui vult alicui bona illius causa , eaq; pro viribus efficit . Neq. vero paruum signum beneuoli animi est ea laus , quæ non ab adulatione sed à veritate proficisci videatur . Itaq. cum multis de causis homines esse beneuoli existimentur quos licet colligere ab Aristotele , vbi agit de amore ; duobus potissimum modis orator beneuolus apparebit , tum commemoratione suorum factorum , & officiorum sine arrogantia , tum vero laudatione auditorum sine assentatione .

pag. 84.

pag. 83.

pag. 83.

Mire apparet prudēs Demosthenes vbiq; , quædam modū in prima olynthiaca , vbi disserit de publica pecunia , & caute admodū suadet , vt ea militaris ex theatriali fiat . Nam , cum capitale esset , agere de theatriali pecunia in vsus militares conuertenda , de hoc ipso agens se ipsum interrogat in hūc modum ; Quid igitur , dicet aliquis , tu ne auctor es , vt militaria habeatur ? Ego vero nequaquam , & quæ sequuntur . Vt prudens appareat Cicero , pro Sex . Roscio Amerino dicit ; Vereor , ne aut molestus sim vobis , Iud. aut ne ingenijs vestris vt deat diffidere , si de tam perspicuis reb. diutius disseram . Sed plures sunt modi prudentiæ exprimendæ , quàm vt comprehendī breui disputatione possint . Visus est quibusdam imprudens Q. Metellus Numidicus , qui cū in Censura populū Rom. ad matrimonia capeßenda adhortaretur , de molestia , incommodisq; perpetuis rei vxoriæ confessus est , neq. adhortatus est magis , quàm dissuasit , absterruitq; . Illud enim potius ad prudentiam

tiam eius pertinebat, ut & nullas plerunq. esse in matrimonijs molestias asseueraret; & si quæ tamen accidere non nunquam viderentur, paruas & leues, facilesque esse toleratu diceret, maioribusque eas emolumentis, & voluptatibus obliterari, easdemque ipsas neque omnibus neque nature vitio, sed quarundam maritorum culpa, & iniustitia euenire. Tamen dixit in hunc modum; Si sine vxore possemus, Quirites esse, omnes ea molestia careremus. sed quoniam ita natura tradidit ut nec cum illis satis commode, nec sine illis vllomodo viui possit, salutem perpetuam potius, quam breui uoluptati consulendum. Ad hanc obiectiorem respondit Castritius apud Gellium lib. 1. cap. 6. recte, atque cõdigne Metellum esse loquutum quod aliter Censor loqui debeat, aliter rhetor; cū Rhetori concessum sit sententijs vri falsis, audacibus, subdolis, captiosis, si modo verisimiles sint, & possint ad mouendos hominum animos qualicumque actu irrepere: Censorem vero nihil deceat aliud dicere, quàm quod verum sibi esse atque omnibus videtur. Obiter notamus, cum à Gellio citetur oratio Metelli Numidici habita in Censura ad populum de ducendis vxoribus, commemorari etiam orationem Macedonici in Epitoma 59. quam Augustus Cæsar, cum de maritandis ordinibus ageret, velut in sua tempora scriptam in senatu recitauit, ut putandum sit, aut duas orationes ea de re à duobus Metellis esse habitas, aut vnum pro altero nominatum esse.

Præsertim probitatem Demosthenes aduersus Midam, cum ostendit se iniurijs aduersari coactum, & ciuium cohortationib. adductum accusare ipsum Midam. Itemque Cicero contra Verrē, cum vult videri accusationem suam magis defensionem

tionem, quàm accusationem. Neque vero occulta probitatis significatio est apud eundem Ciceronem pro lege Manilia, vbi legitur; Et meus labor in priuatorum periculis caste, integreque versatus ex vestro iudicio fructum est amplissimū consecutus. Hinc illa oratoria, Causam iustam agi, defendi, quod æquum, & bonum est, orationem haberi pro iustitia, & æquitate, aliaque eiusmodi, quæ oratorem à bonis moribus non esse alienum declarant. probus etiam apparuit C. Gracchus in oratione habita, cum ex Sardinia rediit, cuius verba hæc sunt; Versatus sum in provincia, quomodo ex vſu vestro existimabam esse, non quomodo ambitioni meæ conducere arbitrabar. nulla apud me fuit popina, neque pueri eximia facie stabant: sed in conuiuio liberi vestri modestius erant, quàm apud principem, & paulo post; Ita uersatus sum in prouincia, ut nemo posset vere dicere, assem, aut eo plus in muneribus me accepisse, aut mea opera quempiam sumptum fecisse. Biennium enim fui in prouincia. Si vlla meretrix domum meam introiuit, aut cuiusquam seruulus propter me sollicitatus est, omnium nationum postremissimum, nequissimumque existimatote. Cum à seruis eorum tam caste me habuerim, inde poteritis considerare quomodo me putetis cum liberis vestris uixisse. & post; Itaque Quirites, cum Roma profectus sum, zonas, quas plenas argenti extuli, eas ex prouincia inanes retuli. Alij vini amphoras, quas vini plenas tulerunt, eas argento plenas domum reportarunt. Scipio quoque Africanus antiquior in ea oratione, qua se defendit ab accusatione M. Neuij Tribuni pl. miram probitatem ostendit, cū pauca p̄fatus, quæ dignitas vitæ suæ,

T atque

aique gloria postulabat, Memoria, inquit, Qui rites, repeto diem esse hodiernum, quo Annibalem Pænum imperio nostro inimicissimum magno prælio vici in terra Africa, pacemq; & victoriam vobis peperì insperabilem. Non igitur sumus aduersum deos ingrati, sed censeo relinquamus nebulonē hunc, eamusq; nunc protinus Ioui opt. max. gratulatum, sed hæc prohibitatis exempla sufficiant.

Solet profiteri Demosthenes se beneuolū esse suis, qui audiunt, vt ī oratione de corona; Primū Athenienses deos, & deas omnes precor, vt quāta ego beneuolentiam erga Remp. & vos omnes constanter habeo, tanta mihi à vobis in hoc iudicio tribuatur. Hic autem locus apud Ciceronem frequentissimus est, quo non solū eius officium sine arrogantia laudatur, verum etiam res gestæ auditorū cū mixima laude recensentur. pro L. Flacco; Cum in maximis periculis huius vrbis, atque imperij grauissimo, atq; acerbissimo Reip. casu, socio, atq. adiutore consiliorum, periculorūque meorum L. Flacco eadem à nobis, coniugib. liberis nostris vastitatem à templis, delubris, vrbe, Italia depellebam; sperabam Iud. honoris potius L. Flacci me adiutorem futurum, quàm miserrum deprecatorem. post reditum in senatu; Si P. C. pro vestris immortalib. in me fratremq. meum, liberosq. nostros meritis parū vobis cumulate gratias egero, quæso, obtestorq; , ne meæ naturæ potius, quàm magnitudini vestrorū beneficiorū id tribuendum putetis. Cauendum est autē oratori, ne se ipsum laudet, & suas res gestas cōmemoret, nisi cum necesse est. quod declarat Cicero libro secundo Academicarum quæstionum, cum loquēs de Lucullo ait; Cuius mihi consilium, & auctori-

tas quid tum in maximis reb. profuisset, dicere, nã si de me ipso dicendũ esset; qđ hoc tempore non est necesse. Itaq. priuabo illum potius debito testimonio, quàm id cum mea laude communicem.

Quod attinet ad secundã partẽ moratæ orationis, debent accõmodari verba oratoris ad affectus, ad habitus, ad ætates, ad fortunã auditorũ. Ad affectus, vt ad metũ Cæsaris pro Marcello; Nunc venio ad grauissimã querelã, & atrocissimã suspiciõnẽ tuam, quẽ nõ tibi ipsi magis quàm cũ omnib. ciuib. tum maxime nobis qđ à te cõseruati sumus prouidenda est; quàm etsi spero esse falsam: nunqđ tñ verbis extenuabo. tua enim cautio nostra est; ut si in alterutro peccandũ sit, malim videri nimis timidus, quàm parũ prudens. & paullo post; Sed tñ cũ in animis hominũ tantæ latebræ sint, tanti recessus, augeamus sane suspiciõnẽ tuã: simul enim augebimus diligentiam. Ad habitus, quos respexit Cicero in partitionibus cum tradidit, Hominum duo esse genera, alterum indoctum, & agreste, quod anteferat semper vtilitatem honestati: alterum expolitum, quod rebus omnibus dignitatem anteponat. Itaque huic generi laudem, honorem, gloriam, fidem, iustitiam, omnemque virtutẽ illi autem alteri quæstum, emolumentum, fructũque proponi, atque etiam voluptatem. Et apud homines bene institutos plurimum de laude, & de honestate dicendum, maximeque ea virtutum genera tractanda, quæ in communi hominum vtilitate tuenda, augendaque versantur: sin apud indoctos, imperitosque dicemus, emolumenta, voluptates, vitationesque dolorum præferendas. Ad ætates, vt ad iuuentutẽ cui debet proponi decus, & honor: ad senectutem, cui quæstus, & utilitas: ad vigentem ætatem, cui honestum simul, &

utile. postremo ad fortunā, vt ad nobilitatem, cui conuenit illud Horatij; Fortes creantur fortibus. Ad diuitias, cui illud Demonstenis; Omnino pecunia opus est, & absque ea nihil rite potest administrari. Ad potentiam, ut Pompeij pro Milone. Ad prosperam fortunam, vt Cæsaris pro Marcello.

Sequitur tertia pars moratę orationis, quę debet respondere ætati, sexui, nationi, habitui eorū, de quibus agitur. Mores respondentes iuuentuti expressit Sophocles de Neoptolemo ī Philoctete, q̄ cum dolis Philoctetem circumuenire nollit, licet ei plurimum instaret Vlisses, mox repente sententiam mutat, & Philoctetem circumscribit: iuuenes enim sunt, vt ait Horatius, cærei, & facile mutantur. Quales mores respōdeant sinectuti, declarauit Socrates apud Xenophontem in Apologia; Et videre deterius, & audire minus, & esse indocilem, & tardiozem, & eorum, quę didicit, obliuiofiozem & quę sequuntur. Cum autem senex sit, vt inquit idem Horatius, laudator temporis acti, talis fingitur Nestor apud Homerum. Vigentis ætatis alij mores ex primuntur, nempe medij inter mores iuuentutis, & senectutis. Aristoteles in poetica reprehendit Euripidem, quod Menalippæ tribuerit mores parum sexui fœmineo congruētes, quam Philosophorum more de natura disputantem induxit, cum indecorum videatur fœminæ tam excellentem rerum cognitionem tribuere. Non solum igitur, vt inquit ipse Horatius, Intererit multum, Maturus ne senex, an ad huc florente iuuenta Feruidus, verum etiam mulierne, an vir loquatur. Quinetiam habenda est ratio nationis, de qua idem; Colchus, an Assyrius Thebis nutritus, an Argis. Postremo habitus, de quo ē Horatius; Dauusne, an heros, an matrona.

na potēs, an sedula nutrix, mercator ne vagus, cultor ne virentis agelli . Ergo quemadmodum poeta debet exprimere in personis , quas imitatur, mores conuenientes , sic orator quoque debet dicere conuenientia ijs , de quibus loquitur ; vt non tribuat mores unius generis alteri generi, vel vnus habitus alteri habitui.

Hactenus de morata oratione.

DE NATURA AFFECTVVM.



TERTIVM artificium oratorium positum est in affectibus, de quibus præter illa , quæ superius notata sunt , vbi de natura Rhetoricæ disputauimus, considerandum est, Quid sit affectus, Ad quam animi facultatem pertineat, Quæ cuiusque affectus origo sit, Quomodo quidam affectus etiam virtutes nominentur, Quid unusquisque sit, & Quomodo excitetur.

Ac affectus quidem dupliciter accipitur. aut tamquam propria rei affectio, quæ à re, cuius affectio est , non separatur, quemadmodum propria hominis affectio est , ut sit aptus, natusque ad ridendū; trianguli , vt habeat tres angulos æquales duob. rectis; numeri, vt sit par, & impar; quo sensu Aristoteles dicebat li. i. Geometriā versari in affectionib. quæ magnitudinib. accidūt: aut tamq̃ cōmotio animi, quæ aliqd. psequimur, aut fugimus

T 3 ille

ille etiam est in reb. inanimatis, hic tantum in animatis. Quintilianus interpretatur τὰ πάθη affectus. Cicero in tertia Tusculana morbos verbum è verbo reddēdo, sed rectius perturbationes. libro secundo officiorum turbatos animi motus, libro primo de inuentione, affectiones. Zeno per turbationem definiebat auersam à recta ratione contra naturam animi commotionem; in qua definitione ponitur commotio tamquam genus. Dicitur animi ad differentiam earum commotionum, quæ fiunt in corpore. Dubitatur tamen, quia videtur etiā corpus commoueri, ut apparet in timētib. qui pallescunt, & verecundantib. y erubescūt. sed tollitur dubitatio, si dicatur, commotionem fieri potissimum in animo, etiam si eam commotio quādam corporis consequatur. Dicitur contra naturam, quia si animus moueatur secundum naturam, ut cum appetit bonum, & scientiam naturaliter, ille motus non est perturbatio. Nominatur commotio auersa à recta ratione, ut distinguatur à constantia, quæ opponitur perturbationi cū sit ex ratione, vt scriptum est i quarta Tusculana. Cicero in partitionib. definiuit motum, animi in citationem aut ad uoluptatem, aut ad molestiam, aut ad metum, aut ad cupiditatem. Itaq; notauit quattuor præcipuos motus, propter bonum duos aut præsens, aut futurum: propter malum itidem duos, vel præsens, vel futurum. Aristoteles libro secundo scripsit, Affectus esse, propter quos immutati in iudicationib. dissident, quos molestia, voluptasq; consequitur. vbi tria sunt obseruanda; primum per affectus homines immutari: deinde in iudicationib. dissidere: postremo etiam ex animorum commotione aliquam percipere vel voluptatem, uel molestiam.

Cum

Cum autem triplex sit animi vis, vna viuendi, altera sentiendi, tertia intelligendi; nec ad primā, nec ad tertiā ptinet affectus, sed tm̄ ad secūdā. primā. n. solū agit: affectus etiā patitur. illa est sine cognitione: hic cū cognitione. Tertia ē tm̄ animi: affectus ē cōis animo, & corpori. Reliquū est, vt secunda uis affectum habeat; quæ est duplex; vna cognoscendi, vt sensus, & Phantasia: altera appetēdi, ut quæ concupiscit, & quæ irascitur. Ad hanc vltimam affectus pertinet; quē Stoici putabant esse hominis propriū, nō ei cū ceteris animalib. cōe, hoc argumēto; Quod ex opinione existit, ad solū hominē ptinet. Nā opinio in solo homine est. At affectus ex opinione existit: vnusquisque. n. affectus est opinio quædā uel boni, uel mali, uel præsentis, uel imminētis. ergo ad solū hominē ptinet. Tamen ad assumptionē respōdetur, affectū nō ex opinione solum existere, sed etiam ex sensu, aut phantasia, boni, malive, præsentis, aut futuri. Itaque etiam in bestias conuenire.

Omnis vero affectus ex ingenito suo cuiq; amore originē trahit. Vnusquisque. n. se ipsum amat; & quia amat idcirco, quæ sibi bona esse uel scit, uel putat, ea absentia desiderat, ijs præsentib. gaudet: quæ uero mala, ea metuit, ijs dolet. perdifficile autē est homini in his affectionib. nō errare, ppter sui ipsius amorem. præclare. n. scriptum reliquit Plato, Quidquid amat, in eo ipso, qđ amat cæcum est. Tamē constat, vnūquēq; sui ipsius maxime amantiē esse, & ob id etiā erga se ipsum maxime cæcutientiē. Quamobrem merito commēdatur illud pceptum Apollinis, quod vnusquisque monetur se ipsum cognoscere, vt de se ipso recte sentiat, & in affectus inaniter non feratur.

Dubitatur, quia quidā ex affectib. numerantur

etiam inter virtutes, vt apud Aristotelem libro secundo Ethicorum, lenitas, amicitia, stomachatio; cum lenitas sit mediocritas inter iracundiam, & irę uacuitatem; amicitia inter obsequium, & litigium; stomachatio inter inuidiam, & maleuolentiam. Quidam respondent, uirtutem esse non *πραῦνσιν*, de qua agit Aristoteles in affectibus. sed *πραότητα*, de qua in Ethicis, Et amicitiam improprie ab Aristotele libro secundo esse nominatā illā mediocritatē, quę lib. quarto dicitur uacare nomine, & esse amicitiae maxime similis, ac ab amicitia in eo differre, quod sit sine affectu diligendi eos, quibuscum versatur. Stomachationem autem, quamuis positam in enumeratione, reiectam esse quodammodo à numero virtutum, quod in sequentibus libris, ubi aliae virtutes tractantur, nulla eius mentio sit. Nos existimamus eandem rem appellari affectum, & uirtutem, vel uitium posse, alia tamen, atque alia ratione. Quod vt melius intelligatur, obseruandū est illud, qđ scriptū reliquit Aristoteles libro secundo Ethicorū, tria esse, quae efficiuntur in animo, facultatē, affectū, habitū. Nā vt exempli caussa irā sumamus, facultas irascendi est, qua possumus irasci. Affectus motus ipse, quo irascimur, & ex quo aliquā uoluptatē, & molestiā percipimus. Habitus, quo vel bñ, vel male ad irascēdū nos ipsos hēmus ita vt ira possit ēt eē uirtus, uel uitiū. Ergo differt affectus à facultate, qā aliud est actus, pueniēs à facultate, aliud ipsa facultas. Differt etiā ab habitu: nā p p affectū nec boni, nec mali dicimur, nec laudamur, nec vitupamur; nec seqmur electionē, & dicimur moueri: cōtra uero p p habitū. Qua distinctione pspici facile p̄t, quomodo lenitas, amicitia, stomachatio, & alia huius modi sint modo.

affectus,

affectus, modo uirtutes, uel vitia. Iam uidendum est, quid sit unusquisque affectus, & quō excitetur.

Superius notauimus esse quattuor præcipuos affectus, uoluptatem, libidinē, metū, ægritudinē.

De uoluptate verba Ciceronis sunt lib. 2. de finibus; Vt scias me intelligere, primum idem esse dico uoluptatem, quod ille ἡδονή. Et quidem sepe quærimus uerbum latinum par Græco, & quā idem ualeat. hic nihil fuit, quod quæreremus; nullum inueniri potest, quod magis idem declaret latine, quod Græce, quā declarat uoluptas.

Aristoteles li. 1. definit uoluptatē, ut sit motus animi, & cōstitutio subita, quæ cadit sub sensum, ad recreandā, & explendā naturā. Cicero sic scribit; Voluptatem hanc esse sentiunt omnes, quam sensus accipiens mouetur, & iucunditate quadā perfunditur. & Oēs iucundum motum, quo sensus hilarentur, græce ἡδονή, latine uoluptatem uocant, & Huic uerbo oēs, qui ubiq; sunt, qui latine sciunt, duas res subiiciunt, lætitiā in animo, commotionē suauem iucunditatis in corpore. Sed hoc interest, quod uoluptas dicitur etiam in animo uitiosa res, ut Stoici putant, qui eam sic definiunt, sublationem animi sine ratione opinantis se magno bono frui: non dicitur lætitia, neque gaudium in corpore. & In eo uoluptas omnium latine loquentium more ponitur, cum percipitur ea, quæ sensum aliquem moueat, iucunditas. Hanc quoque iucunditatem, si uis, transfer in animum: iuuare enim in utroque. partes uoluptatis sunt maleuolētia, delectatio, iactatio. quæ definiuntur in quarta Tusculana, ut Maleuolentia sit uoluptas ex malo alterius sine emolumento suo. Delectatio uoluptas animū deleniens suauitate auditus, uisus, tactionū, odoracionū, saporū.

Iacta-

Iactatio uoluptas gestiens se efferēs insolentius.

Mouetur uoluptas in uniuersum, si ea dicatur, quæ placent, & iucunda sunt. ut apud Ciceronē in secunda Catilinaria; iacet ille nunc prostratus, Quirites, & se perculsum, atque abiectum esse se sentit; & retorquet oculos, profecto sæpe ad hanc urbem, quam ex suis facibus ereptam esse lugeat, quæ quidem letari mihi videtur, quæ tantam pestem euomuerit, forasque proiecerit.

Definitur libido in quarta Tusculana, opinio venturi boni, quod sit ex usu, iam præsens esse, atque adesse. Eique subiicitur ira, excandescencia, odium, inimicitia, discordia, indigentia, desiderium, & cetera eiusmodi. Ac definitur ira, libido puniendi eius, qui uideatur læsisse iniuria. Excandescencia ira recens, & modo existens. odium ira inueterata. Inimicitia, ira ulciscendi tempus obseruans. Discordia ira acerbior, intimo animo, & corde concepta. Indigentia libido inexplibilis. Desiderium libido eius, qui nondum adsit uidendi. Apud Aristotelem hæc libidinis partes tractantur, ira, cui contraria est lenitas, amor odium, amicitia inimicitia.

pag. 75.

Et assertur illa definitio iræ, ut ipsa sit appetitio cum dolore, eius, quæ apparet, ultionis, propter eam, quæ apparet despicientiam uel in se, uel in suorum quempiam, non conuenienter. Dicitur appetitio, quam Cicero appellat libidinem, & opinionem boni uenturi. Dicitur cum dolore, quia qui irascitur, dolet se, aut suorum aliquem despici, quemadmodum etiam gaudet duabus de causis, propter spem ulciscendi, & propterea quia in ulciscendo cogitatione uersatur. Dicitur eius, quæ apparet, ultionis: quia finis iræ est ultio. Dicitur propter despicientiam, quia despicientia est causa

caussa conficiens iræ, & quidem despicientia triplex, contemptio, incommodatio, contumelia. Dicitur vel in se, uel in suorum quempiam, cum ex eo oriatur ira, quia sibi, aut suorum alicui ali quid factum, aut faciendum fuerit: non enim so lum ex facto, sed etiam ex deliberatione facti mo uetur. Dicitur non conuenienter: quia excita tur aduersus singulares homines, quibus non cō uenit despiciere, ut despiciunt, quemadmodum ad uersus inferiores genere, facultate, uirtute, alt qua alia re, in qua ipsi excellāt: & aduersus eos, quibus putatur cōuenire, ut benefaciant, quales sunt quibus benefactum est, qui ipsorum nomine aliquid consequuti sunt, quibus ipsi bene facere uoluerunt.

Traditur oratorem oportere ita animos eorū, quos in iram impellere contendit, tractare, ut nō secus eos afficiat, ac sunt ij, qui ira affecti inueniuntur, id est, ut dolorem afferat eis ex despicientia, & uoluptatem ex spe, & ipsa ulciscendi cogitatione. Ac aduersarios eis rebus affines facere, ob quas irascuntur, id est, contemptioni, incommodationi, contumeliæ. Atque ita similes ostendere, quibus irasci debent, nempe despicientib. Apud Ciceronē sub persona M. Antonij præcipitur lib. 2. de oratore, si quid ipsis, qui audiunt, perniciosum, aut inutile sit, id factum augendum. Iram concitat Lepidus apud Salustium lib. 1. historiarum à contemptione L. Syllæ; Neque se aliter tutum putat, quàm si peior, atque intestabilius metu uestro fuerit. Et ab incommodatione, ac contumelia; Pōpulus Rom. paullo ante gentium moderator, exutus imperio, gloria, iure, cogitandi inops, despectusque ne seruilis quidem alimenta reliqua habet.

pag. 30

Iræ

pag. 80. Iræ contraria est lenitas, quæ definitur constitutio, & remissio iræ.

pag. 83 Qui vult iram sedare, & ad lenitatem traducere, monet Aristoteles ei dicendum, eos, qui irascuntur, aut pertimescendos esse, ut non sit tutum inimicitias cum eis exercere, aut reuerentia dignos, aut benemeritos, aut inuitos, aut reb. commissis ualde dolentes. Cic. quoq; scribit, si quid ipsis, qui audiunt, perniciosum, aut inutile sit, id factum diminuendum. Latinus lib. x. Aeneidos Turni, & Rutulorum iram in Latinos sedat hoc modo:
Bellum importunum ciues cum gente deorum
Inuictisq; uiris gerimus, quos nulla fangant
Prælia, nec uicti possunt absistere ferro.

pag. 83. Amare definitur uelle alicui, quæ putat bona, illius causa. sed non ipsius, & pro uiribus eorum effectorem esse. Amicus, qui amat, & redamat. Colligitur odio habere nihil aliud esse, nisi uelle alicui, quæ putat mala, & pro uiribus eorum effectorem esse. Inimicum autem, qui odio habet, & habetur. Amor uero differt ab amicitia, quia amor in uno esse potest: amicitia in duobus. minimum est. Sic odium ab inimicitia.

pag. 87. His cognitis, scribit Aristoteles nos illud consequi posse, ut ostendamus amicos, & inimicos, qui sint, & qui non sint: ut efficiamus, qui non sint, & disturbemus, qui sint: ut eos, qui aut propter iram, aut propter inimicitias controuersantur, in utramque constituerimus partem traducamus. Cum autem præcipuus amoris, & amicitiae locus sit, à uoluntate benefica, & beneficiis collatis, ostendit Cicero pro Marcello omnes esse Cæsari amicos in hunc modum: Sed quis non est iste tam demens? de tuis ne? tametsi, qui magis sunt tui, quam quibus tu salutem insperantibus reddidisti? an ex eo numero, qui una tecum fuerunt? non est
cre-

credibilis tātus in ullo furor, ut quo duce sūma oīa sit adeptus, huius uitā nō anteponat suæ. At si tui nihil cogitāt sceleris, cauēdū est, nequid inimici. ? qui ? oēs. n. qui fuerunt, aut sua pertinacia uitā amiserunt, aut tua misericordta uitam retinuerunt, ut aut nulli supersint de inimicis, aut qui superfuerunt, amicissimi sint.

In quarta Tusculana definitur metus opinio ipē dētis mali, qđ itolerabile esse videatur. eiq; subicitur pigritia, pudor, terror, timor, pauor, exanimatio, cōturbatio, formido. Ac pigritia dicitur eē metus cōsequētis laboris. Terror metus concutiēs. Timor metus mali appropinquātis. Pauor metus mētē loco mouēs. Exanimatio metus subsequēs, & quasi comes pauoris. Cōturbatio metus excutiēs cogitata. Formido metus pmanēs. Apud Arist. de finitur metus, & metui cōtraria fidētia, & metus ps, q̄ dicitur pudor, & pudori cōtraria ipudētia.

pag. 87.

Definitio metus est, ut sit molestia qđā, & per turbatio ex phātasia futuri mali, uel idonei ad interimēdū, uel molesti, qđ nō lōge, sed prope sit.

In mouendo metu, ut prācipit Arist. oportet ostendere eiusmodi esse, ut possit pati, q̄ maiores alij passi sint; quodq; æquales patiātur, aut passi sint ab ijs, à quibus non arbitrabantur, & hæc, & tūc, cū minime arbitrabātur. Mouet metū Philip pus apud Salustii li. i. r. historiarum, si obliti scelerū Cinnæ, cuius in urbē reditu decus, atque ordines omnes interierunt, nihilominus se, atque cōiuges, & liberos Lepido permiserint.

pag. 90.

Definitio fidentia est, ut sit spes cum phantasia rerum salutarium ut prope existentium; metuendarū uero aut nō existentium, aut lōge existentium.

pag. 90.

In mouenda fidentia habenda est rō rerū salutarium, quæ prope sint, & metuendarum, quæ aut nullę

nullæ sint, aut longe absint. Mouet fiduciam Lepidas apud Salustium, quod L. Syllæ opes futiles, & corruptæ sint.

pag. 91.

Pudor dicitur esse dolor quidam, & confusio in iis malis, quæ videntur pertinere ad existimationis offensionem, aut præsentibus, aut præteritis, aut futuris.

Excitatur pudor, si ea mala commemorentur. Id quod fit à Numano lib. 9. Aeneidos in hunc modum,

Vobis picta croco, & fulgenti murice uestis

Desidiæ cordi iuuat indulgere choreis.

Et tunice manicas, & habet redimicula mitræ.

O' veræ phrygiæ: neque enim phryges.

pag. 92.

Imprudencia definitur esse despicientia quædam, & vacuitas perturbationis in iis malis, quæ videntur pertinere ad existimationis offensionem.

Traducuntur homines ad impudentiam, si mala, quæ possunt existimationem offendere, diminuantur.

Lib. 4. Tusculanarum disputationum definitur ægritudo opinio recens mali præsentis, in quo demitti, cõtrahiq; aîo rectû esse uideatur. eiq; subicitur inuidêtia, æmulatio, obtrektatio, misericordia, angor, luctus, mœror, ærumna, dolor, lamêratio, sollicitudo, molestia, afflictatio, desperatio, & si qua sunt de genere eodem. Ac definitur inuidencia ægritudo, suscepta, propter alterius res secundas, quæ nihil noceant inuidenti. Aemulatio ægritudo, si eo, quod concupierit, alius potiat, ipse careat. Obtrektatio, uel zelotypia ægritudo ex eo, quod alter quoque potiatur eo, quod ille ipse concupiuerit. Misericordia ægritudo ex miseria alterius iniuria laborantis. Angor ægritudo p̃mens. Luctus ægritudo ex eius, qui carus

fue

fuerit, interitu acerbo. Mœror ægritudo flebilis.
 Aerumna ægritudo laboriosa. Dolor ægritudo
 crucians. Lamentatio ægritudo cum eiulatu.
 Sollicitudo ægritudo cum cogitatione. Molestia
 ægritudo permanens. Afflictatio ægritudo cum
 vexatione corporis. Desperatio ægritudo sine ul
 la rerum expectatione meliorum. Apud Aristote
 lem mentio tantum fit misericordiæ, stomacha
 tionis, inuidiæ, æmulationis. & ante misericor
 diam agitur de gratia, quæ an affectus sit, dubita
 tur, Nam quidam explicatores, tametsi ea inter
 affectus ab Aristotele connumerari uideatur, ta
 men scribunt eam non esse proprie affectum, sed
 quod efficitur ab amore, ut ad amorem tamquam
 eius effectus reducatur. Alij dicunt gratiam esse
 affectum, & ad amorem referri tamquam speciem
 ad genus. Quæ duæ explicationes illud dubitatio
 nis habent, quòd nō statim post tractationē amo
 ris sit de gratia disputatum sed primum de metu,
 de fidentia, de pudore; de impudentia, & postea
 de ipsa gratia coniunctim cum misericordia.
 Nos uidemur hanc distinctionem sequi posse, ut
 gratia sit uerus affectus, & coniungatur cum tra
 ctatione misericordiæ: quia ambæ sunt propter
 malum; sed una mouetur epitulando; altera pu
 tando, se, aut aliquem suorum idem pati posse.
 Quemadmodum enim superiores omnes affectus
 sunt rei futuræ: sic sequētes existunt rei præsen
 tis. Verum si est affectus rei præsentis, duplici
 ter contingit, aut propter malum, aut propter bo
 num alterius. Si propter malum, aut ita, ut qui
 commouetur, succurrat indigenti, & est gratia:
 aut ita, ut putet se, aut aliquem suorum idem pa
 ti posse, & est misericordia. Si propter bonum,
 aut ita, ut ipsum bonum comitetur indignitas,
 & est

& est stomachatio, aut ita, ut ipsum bonum non comitetur indignitas, & tunc duobus modis, uel quia alius bonum habeat, & est inuidia, uel quia ille ipse, qui perturbatur, non habeat, & est emulatio.

pag. 96.

Definitur gratia, ut sit, per quam is, qui possidet, dicitur gratiam tribuere ei, qui indiget, non pro ulla re, neque ut aliquid eueniat ei, qui tribuit, sed, ut aliquid ei, qui indiget. ubi primum obseruabitur appellari gratiam tum affectum, per quem tribuitur beneficium, tum ipsum beneficium. Deinde in gratia quattuor requiri; primum, ut detur indigenti: non enim est gratia, nisi cum beneficium in indigentem confertur: alterum, ut non detur pro re aliqua, neque ut fiat remuneratio: tertium, ut non idcirco detur, ut aliquid ipsi tribuenti suppetat, & aliquam utilitatem ipse tribuens consequatur: quartum, ut ab animo commodandi, & benefaciendi proficiscatur.

Ostendetur gratia esse magna trib. modis; quā tribuent ualde indigentibus, quę sit magnarum rerum, aut difficilium, aut opportunarum, quam tribuent soli, aut primi, aut in primis. Diminuetur uero quattuor modis, si diceretur eum, qui dedit, sui causa dedisse, si casu, si coactum, si reddidisse, non dedisse. Amplificat gratiam Didonis Aeneas lib. 1. Aeneidos in hunc modum;

O sola infandos Troię miserata labores;
Quę nos reliquias Danaum, terręq; marisq;
Omnib. exhaustos iam casib. omnium egenos
Urbe, domo, socias.

Sic Cicero multis in locis gratiam à se acceptam amplificat, cum est ab exilio reuocatus. Cognita autem amplificandę gratię ratione patet simul

simul ratio diminuendæ.

Definitur misericordia molestia quadam in eiusmodi malo, quod appareat habere vim interitus, & molestiæ afferendæ, eius, qui eo sit indignus, quod etiam ipse se passurum expectet, aut aliquē suorum; idque quando propinquum appareat. Ergo in misericordia tria spectantur: persona miserantis, ut ipse se malum passurum, aut aliquē suorum putet: persona eius, quem miseratur, ut malo indignus sit: ipsum malum, ut interitus, & molestiæ afferendæ vim habere, ac propinquū esse uideatur.

pag. 57.

Itaque mouebitur misericordia ex harum rerum inspectione, ut ostendantur illi, qui audiūt, pati posse: & illum, erga quem mouenda sit misericordia, esse indignum malo: & ipsum malum, esse eiusmodi, quale notatum est. Multum autem ualuit in misericordia excitanda Galba, quē scribit Cicero lib. 1. de oratore, C. Sulpitij Galli propinqui sui Q. Pupillum filium pene in humeros suos extulisse, qui patris clarissimi recordatione, & memoria fletū populo moueret; & duos filios suos paruos tutelæ populi commendasse; ac se rāquā in procinctu testamentum faceret, sine libra, atq. tabulis populum Rom. tutorem institue re dixisse illorum orbitati. In eadem re excelluit mirabiliter M. Antonius, quē lib. 2. de oratore idē testatur, cum sibi Manius Aquilius in ciuitate retinendus esset, excitasse mœstū, ac sordidatum senem, & metum magnum animi, ac dolorem præ se tulisse, ut discinderet tunicā, ut cicatrices ostēderet, cū C. Marius mœrorem eius præsens, ac se dens multū lacrymis suis adiuuaret; cumq; is ipse illum crebro appellans collegā illi suū cōmendarer, atq. illum aduocatum ad communem Impe-

V ratorum

ratorum fortunam defendendam inuocaret. Ipse quoque Cicero in oratore ad Brutum gloriat^{us} est, se ita dolenter vti miseratione solitum esse, vt puerum infantem in manib. perorans tenuerit, ut alia in causa excitato reo nobili, sublato etiam filio paruo, plāgore, & lamentatione compleret forum, ut etiam si plures dicerent, perorationem ipsi tamen omnes relinquerent, & in miserationibus excelleret. Non immerito igitur à Gellio, & ab aliis prælatus est C. Graccho, qui in miserationibus parum uehemens apparuit, & in uiolentis, atque crudelib. facinorib. usus est sermone non admodum diuerso à quotidianis sermonibus, ut in oratione de legib. promulgatis in hunc modum; Nuper Theanum Sidicinum consul uenit. uxorem dixit in balneis uirilib. lauari uelle. Quæstori Sidicino à M. Mario datū est negocium, uti balneis exigerentur, qui lauabantur. Vxor repunciat uiro, parum cito sibi balneas traditas esse, & parum lautas fuisse. Idcirco paulus defixus est in foro; eoq; adductus suæ ciuitatis nobilissimus homo M. Marius, uestimenta de tracta sunt, uirgis cæsus est. Caleni ubi id audierunt, edixerunt, ne quis in balneis lauasse uellet, cum magistratus Rom. ibi esset. Ferentini ob eandem causam prætor noster Quæstores arripi iussit. Alter se de muro deiecit: alter prehensus, & uirgis cæsus est. Et alio in loco sic; Quanta libido, quantaq; intemperantia sit hominum adolescentium, unum exemplum uobis ostendam. His annis paucis ex Asia missus est, qui per id tempus magistratum non ceperat, homo adolescens pro legato. Is in lætica ferebatur. ei obuiam bubulcus de plebe Venusina aduenit: & per iocum, cū ignoraret, qui ferretur, rogauit, num mortuum fer-

ferrent. vbi id audiuit, læsticam iussit deponi: stuppis, quib. læstica deligata erat, usque adeo uerberari iussit, dum animam efflauit. Hæc profecto minus miseraabilia sunt, quàm illa, quæ solet Cicero exprimere, ut de C. Verre; Ipse inflammatus scelere, & furore in forum venit; ardebant oculi; toto ex ore crudelitas emanabat. Expectabant omnes, qua tandē progressurus, aut quidnā acturus esset, cum repente hominem proripi, atque in foro medio nudari, ac deligari, & uirgas expediri iubet. ò nomen dulce libertatis. ò ius eximium nostræ ciuitatis, ò lex Porcia, legesq; Sempronianæ. ò grauitèr desiderata, & aliquando reddita plebi Rom. Tribunitia potestas. Hucine tandem hæc omnia reciderunt, ut ciuis Rom. in prouincia populi Rom. in oppido fœderatorū ab eo, qui beneficio populi Rom. fasces, ac secures haberet, deligatus in foro virgis cederetur? Quid cum ignes, ardentèsq; laminæ, ceteriq; cruciatus admovebantur? Si te acerba illius imploratio, & vox miserabilis non leniebat, ne ciuium quidem Rom. qui tum aderant, fletu, gemituq; maximo commouebare?

Stomachari dicitur esse, molestia affici ob eū, qui appareat indigne bene agere. pag. 101.

Excitatur stomachatio, si tales parentur illi, qui audiunt, quales stomachosi esse solent, dolentes indignis bona euenire: ac ostendantur indigni, qui misericordiam impetrēt, illi, qui poscūt, ut sui misereantur, & ob illa, ob quæ poscunt: & omnino commemorentur, ac sub oculos subiiciantur prosperi eorum successus, qui indigni ea prosperitate habeantur: qualis est illa Horatii commemoratio in Menam Pompeij Magni libertū; Sectus flagellis hic Triumuiualib.

Præconis ad fastidium;
 Arat Falerni mille fundi iugera,
 Et Appiam mannis terit;
 Sedilib. q; magnus in primis eques.
 Othone contempto sedet.

pag. 104.

Definitur inuidia, ut sit molestia quædam propter eâ, quæ apparet prosperitatē bonorū, erga, si miles, nō ut aliquid ipsi existat, sed propter illos.

Mouetur inuidia, si quam videntur habere bonorum prosperitatem illi, qui similes sunt, ante oculos proponatur, ita ut doleant auditores propter illorū bona. Apud Ciceronē li. 2. de oratore, quædam traduntur ad inuidiā mouendā, quæ videntur magis ad stomachationem excitandā pertinere, cum indignitas hominis exprimitur; nēpe moueri animos ad inuidiā, si dicatur, opes, honores, imperia, non esse uirtute parata, sed uitijs, atq. peccatis: si, illa sint honestiora, atq. grauiora, non esse tanti ulla merita, quanta insolentia hominis, quantumq; fastidium. Apud eundē Cic. additur mitigari animos ad inuidiam concitatos, si quis dicat, magno illa labore, magnis periculis esse parata; nec ad suum commodum, sed ad aliorum esse collata: seseq; si quam gloriam peperisse videatur, ea non delectari, totumq; abicere, atq. deponere.

pag. 106.

Definitur æmulatio molestia quædam propter præsentiam, quæ appareat, bonorum honoratorum, & eorum, quæ assumere ipsi contingit, in similib. natura, nō q; alij, sed q; non etiam ipsi sint. Quemadmodum autem inuidia dolet bono alieno: sic æmulatio malo suo; q; honorata inesse bona uideantur in iis, qui natura similes sunt, non propter illos, quib. æmulantur, sed p. p. illos, qui æmulantur. Nā, ut p. p. inuidiā se accingūt, ne alij bo

na

na potiatur, ita p.p. emulationē, ut ipsi adipiscantur

Quare excitabitur æmulatio, si bona aliorū honorata proponantur, quæ & ipsi consequi possint. ut apud Ciceronē pro Sextio; Hæc imitamini per Deos imortales, qui dignitatē, qui laudē, qui gloriā quæritis. hæc ampla sunt, hæc diuina, hæc immortalia, hæc fama celebrantur, monumentis apud nālium mandantur, posteritati propagantur. Hactenus de affectib.

DE NATURA ELOCUTIONIS,
& dispositionis partium.



V M tres sint partes Rhetoricæ, una de triplici fide, tum demonstrationis, tum morum, tum affectuum; altera de elocutione; tertia de dispositione partium orationis: satis primæ partis natura explicata est. sequitur, ut elocutionis, ac dispositionis naturā ostendamus.

Quemadmodum autem fides primū locū obtinet: sic elocutio secundum. id quod declarat Aristoteles lib. 3. in hunc modum; Ac primū quidem quæsitum est secundum naturā, quæ natura factum est primū, res ipsæ unde possint persuaderi. Alterum uero, quomodo eadem exponantur elocutione. Iam in arte poetica definitur elocutio per verba interpretatio, & cum sit nomen cōmune: tamen propter excellentiam elocutio intelligitur ornata orō, cuiusmodi est ea, qua utitur orator. tribuitur. n. potissimum oratori, qui ab ea est nomē eloquētis hēt, id quod testatus ē Cicero in oratore ad Brutū in hūc modū; Sed iā illius perfecti oratoris, & sūmæ eloquentiæ spēs exprimē-

pag. 130.

da est; quem hoc uno excellere, id est oratione, cetera in eo latere indicat nomen ipsum. non enim inuentor, aut compositor, aut actor hæc cōplexus est omnia; sed & græce ab eloquendo *πρωτος*, & latine eloquens dictus est. Ceterarum enim rerum, quæ sunt in oratore, partem aliquā sibi quisque uendicat: dicendi autem, id est eloquendi maxima uis soli huic conceditur.

pag. 151.

Cum autem proprium sit oratoris ornate dicere, quæritur, an ornata oratio aliis disciplinis cōueniat. Nam de elocutione in lib. 3. Aristotelis verba sunt: Atque id quidem, quod pertinet ad elocutionem, habet non nullā paruam necessitatē in omni doctrina: interest enim quiddam ad declarandum, ita ne, an ita dicas; non tamen tantopere. His uerbis Aristoteles non magnam requirit elocutionis necessitatem in doctrinarum pertractatione. Cicero quoque lib. 1. de finib. scribit, A philosopho, si afferat eloquentiam, non aspernandam; si non habeat, non admodum flagitandam: satis enim esse, si cōplectatur uerbis, quod uelit, & dicat plane, quod intelligatur. Addunt non nulli uerborum elegantiam non solum esse parum necessariam sapientiæ studiosis, uerum etiam indecoram, cum sapientiam non deceat esse fucatam, miniatam, cerusatam. Nec desunt nostris temporibus multi, qui putent tantam esse difficultatem rerum cognoscendarum, ut tempus non habeatur discendi ornamenta elocutionis, & colligendi pigmenta orationis. Verum, ut nulla necessitas sit elocutionis, quam tamen Aristoteles non negat aliquam esse, quamuis paruā, cum aliquid intersit ad declarandum, ita ne, an ita dicat: non unius profecto necessitatis in sermone habenda ratio est, sed simul uenustatis.

Quo

Quod elegātissime probauit Cic.li.3.de oratore, necessitate, & pulchritudine totius mūdi, oīum aīaliū, oīum arborū in natura, & artis nauigādi, ædificandi, ceterarum omnium: Præterea omnis quidē fucus aspernandus est, sed non idcirco illu uies, & situs, & sordes sequendæ. Nec negandū, fieri posse, ut sapientia cum eloquentia coniungatur, exemplo Platonis, Xenophōtis, Aristotelis, Theophrasti, aliorumque ueterum, qui non minus eloquentes, quā sapientes extiterunt.

Ac in ratione quidē elocutionis spectātur uerbatum simplicia, tum coniuncta. De simplicibus sex præcipit Aristoteles.

Primo loco adhibenda esse propria, quæ faciūt orationem perspicuam; & immutata, quæ efficiūt non humilem, sed ornatam; non externa, & inusitata, non duplicata, non facta, quæ reddunt elatā, & in maius, quā decet, augent. pag. 152.

Scōdo loco elaborādū potissimū in metaphoris pag. 153.
Tertio epitheta formanda esse aut à malo, & pag. 156.

turpi, ut si Orestes appelletur matricida, & mulæ dicantur semiasinæ: aut à meliori, ut patris uindex, filiæ uoluerum equorum.

Quarto in diminutiuis modum retinendū, ut cum Aristophanes dixit aurulum, togulam, conuiciolam, morbum.

Quinto frigidam elocutionem uitandā esse.

Sexto imaginem, uel similitudinem parum à translatione discrepātē recipiendā esse, ut de Achille, Leo ruit, translatio est: Tāquā leo ruit, imago. pag. 158.

In coniunctione uerborū septē cōsiderat Arist.

Elocutionem emendatam. pag. 160.

Tumorem, & concisionem orationis. 161.

Decoram orationem. 162.

Elocutione numerum. 164.

166. Elocutionem fusam, & uersam.

170. Elocutionem urbanam.

177. Elocutionem conuenientem.

Singulorum uero capitum ita ad oram libri enumerata, & distincta præcepta sunt, ut paruo negotio cognosci hæc egregia, & p̄clara Aristotelis de elocutione doctrina, quemadmodū etiam de ceteris possit. Quare in hac parte diutius non commorabimur.

*De partib.
orationis.*

Quoniā uero oratori uidendū est, nō solū quid dicat, qđ pertinet ad inuētiōē, & quō dicat, qđ ad elocutionē: uerum ēt, quo loco dicat, quod ad partium dispositionem: idcirco de partibus orationis simul agendum est, quæ enumerantur modo duæ, modo quattuor, modo plures, ī quas suo loco collocatas omnes res inuentæ distribuūtur: nihil enim aliud dicitur esse dispositio, nisi rerū inuentarum in ordinem distributio.

pag. 180.

Iam uero necessariae partes sunt duæ, p̄positio, & fides. Quēadmodū. n. in sermonib. philosophorum existit problema, uel quæstio, & præter problema ipsa demonstratio: sic in contentionib. oratorū solet existere propositio, & fides. Et, quēadmodum nullus sermo instituitur à philosophis, in quo primum non quærat̄ur id, de quo agitur, deinde nō demōstretur: sic nulla causa tractatur ab oratorib. in qua primū nō p̄ponatur id, qđ in controuersia positum est, deinde non probetur; ut merito propositio, & fides partes necessariae appellentur. Propositio aut̄ hoc in loco intelligitur nō ea proœmij pars, quæ indicat, quinam sit finis, cuius causa oratio īstituta est; quia est pars à proœmio diuersa: nec narratio, quia est necessaria pars: sed expositio eius, quod uenit in controuersiam, ut ī causa Milonis, Vt̄ vtri insidias fecerit.

fecerit. Ita enim se habere propositionem ad fidē,
 ut problema ad demonstratiōē modo notauimus
 Quamquā narratio reduci ad ppositionē potest :
 sed omnis quidem narratio est propositio: at non
 omnis propositio est narratio. illa vero propositio,
 quę est narratio, pars necessaria nō existit, nec
 intelligi in hoc primo pcepto potest. Fides quo-
 que nō accipitur hic, quemadmodū in primo prę-
 cepto statim post definitionē Rhetoricę pro qua-
 libet fide tum artificiosa, tum experte artis : nec,
 ut initio lib. 3. p fide artificiosa : nec ut in proce-
 mio, pro illa fide artificiosa, quę dicitur demon-
 stratio, & anthymema: sed pro illa parte orationis
 quę dicitur cōfirmatio, inde scilicet appellata, qđ
 in illa potissimum cū omnis fides existat, tunc ve-
 ro ea, quę potētissima est & dignissima inter alias,
 quę propter excellentiā fides nominetur, nempe
 demonstratio, & argumentatio, ac enthymema.
 quod ab Aristotele appellatur corpus fidei, & dici-
 tur potentissimam fidem continere.

Cū autē duę sint partes necessarię, si addātur mi-
 nus necessarię, quattuor erunt, pœmiū, ppositio,
 fides, peroratio. pœmiū .n. nō est pars necessaria,
 qā nō conuenit generi deliberatiuo, nisi cū est, q
 contradicat: tūc .n. ducitur pœmiū à iudicialib.
 causis. Neē peroratio est pars necessaria, qā nō p-
 tinet ad genus demonstratiuū; nec semp ad iudi-
 ciale, veluti si pusilla oratio sit, aut res custodiri
 memoria commode possit. Quidā putant hoc prę-
 ceptū Aristotelis de quattuor partib. orationis es-
 se idem cū pręcepto Ciceronis in partitionib. ubi
 scriptū est, orationis partes eē quattuor, earū duas
 valere ad rē docendā, narrationē, & confirmatio-
 nem: ad impellendos animos duas, principium
 & perorationē. Tamen constat in eo diuersum
 esse

esse, quòd Cicero loco propositionis, quam Aristoteles partem necessariam nominat, narrationem ponit, quæ non est pars necessaria. Non enim cõuenit generi deliberatiuo, nisi assumpta causa criminationis; nec demonstratiuo nisi in partib.

Alij alias partes fecerunt minus necessarias, vt Refutationem, quæ non est generis demonstratiui; nec deliberatiui, nisi cum existit, qui contradicat: tunc enim solet adhiberi accusatio. & defensio ex genere iudiciali assumptio, & Aduersam collationem, quæ non est generis deliberatiui, nisi existente aduersario. & Repetitionem, quæ quandoque reperitur in causa deliberatiua, cum existit aduersarius. sed, quemadmodum superius notauimus, narrationem redigi ad propositionem quandoque posse: sic hoc in loco ex doctrina Aristotelis refutationem, & aduersam collationem ad fidem reducimus. & repetitionem ad perorationem. partes enim non sunt multiplicandæ, vt tradit Aristoteles, ne in errorem incidamus Theodori, & Lycimnij; quorum alter fecit non solum narrationem, uerum etiam supernarrationem, & prænarrationem: alter nominauit irruptionem, aberrationem, ramos; quod fuisse inane, ac nugatorium ipse Aristoteles monet, cum imponendum nomen non sit, nisi forma, ac differentia aliqua inferatur. Plures etiam partes enumerantur apud Ciceronem lib. 1. de oratore, nempe initium, demonstratio, quæ accepta est pro narratione, constitutio controuersię, quæ pertinet ad partitionem, confirmatio, refutatio, peroratio, & lib. 2. exordium, narratio, diuisio, propositio, confirmatio, refutatio, digressio, peroratio, sed narratio, partitio, uel constitutio controuersię, uel diuisio, ad propositionem referuntur. Confirmatio, & reprehensio,

hensio, vel refutatio ad fidem, digressio ad perorationem, cum illa fiat causa amplificationis, quæ ad hanc pertinet.

Reliquum est, ut præcepta singularum partium explicentur, quæ ut melius, & facilius cognoscatur, ad Rhetoricam praxin rediguntur; &, cum trium generum sint, in tribus orationibus explicabuntur, servato hoc ordine, ut primum res, de qua agitur, & argumentum ipsum declaretur; deinde genus causæ: præterea conveniens elocutionis genus: postremo artificium partium singularum; quibus cognitis, totus habebitur artis Rhetoricæ usus.

ARTIS RHETORICAE

PRAXIS DEMONSTRAT

TIVA EXPLICATA IN

Oratione Ciceronis

PRO MARCELLO.



*Argumen-
tum orationis*



Marcellus in consulatu, quem
gessit cum Ser. Sulpitio, an-
no ab V. C. septingentesimo
secundo, Cæsari se inimicis-
simum ostēderat, cum ad sena-
tum retulisset, ut ei provin-
ciam Galliam administranti
ante tempus succederetur; ut is exercitum dimit-
teret; ut ne eius absentis in petitione consulatus
ratio haberetur, ut colonis, quos is rogatione Vati-
nia Nouocomū deduxisset, ciuitas adimeretur. ac
sequeutus erat partes Pompeianas, nec ei victori
supplex ire uoluerat, ut iuerat Cicero, & alij post
pugnam Pharsalicam. Itaque Mitylenis exula-
bat anno septingentesimo septimo. Quo tempo-
re

re Cæsar, ad cuius pedes C. Marcellus M. frater se abiecerat, & ad quem cunctus senatus supplex accesserat, commemoratis primum offensio- nibus suis in senatu dixit, se M. Marcello redeū di potestatem facere; & Cicero Cæsari hac ora- tione gratias egit, cum silere in perpetuum sta- tuisset. quod scriptum est ad Sulpitium epistola quarta libri quarti Familiarium. Hoc autem Cæ- saris beneficio M. Marcellus frui nequaquam po- tuit. Nam anno septingentesimo octauo, cum esset rediturus, & Italiam uersus nauigaturus, an- tequam conscenderet, à P. Chilone est interfe- ctus. qua de re extat epistola Ser. Sulpitij, quæ est duodecima libri quarti Familiarium.

Atque hæc quidem oratio in genere demonstra- tiuo est: gratias enim agere est quodammodo lau- dare, quod pertinet ad demonstratiuum. Nam quæ oratio indicat magnitudinem virtutis, vel operis ex virtute, ea est laus, uel encomium ve docet Aristoteles li. 1. At gratiarū actio est oratio quæ indicat magnitudinē virtutis, vel operis, vt be- neficentiæ, vel beneficij. Ergo est laus, vel en- comium. Et, vt gratias agere per se non sit lau- dare: potest tamen referri ad genus demonstra- tiuum, propterea quòd eius præceptis tractetur. Nam ut in ceteris artibus cum tradita sunt cuius- que rei difficillima, reliqua, quia aut faciliora, aut similia sint, tradi non est necesse: sic in ratio- ne, & exercitatione dicendi qui cognouerit præci- pua genera, cetera quoque cognoscer. vt affir- mat Cicero sub persona Antonij libro secundo. de oratore. Itaq; gratiarū actio refertur ad genus demonstratiuū, cū gratias agat nemo, quin simul acceptū beneficiū laudet. Cū vero demonstratiuum sit p̄cipuū huius orationis genus, assumitur quoq; iudiciale

*Genus caus-
se.*

pag. 43.

iudiciale ad defendos illos de quibus Cæsar suspiciones habebat, & minuendas huiusmodi suspiciones. ac deliberatiuū ad eum cohortandum, vt salutē suæ consulat propter communem salutē ad vnum enim genus assumi cetera notius est ex doctrina Aristotelis, quàm vt nostra egeat explanatione.

Genus elocutionis.

pag. 179.

Iam in genere demonstratiuo accuratissimam elocutionem inesse oportere, constat ex eo, quod scribit Aristoteles lib. 3. elocutionem scriptionis requiri exactissimam: demonstratiuum vero esse scriptioni accommodatissimum. Itaque Cicero vtitur omnino exacto, atque accurato dicendi genere, & mira adhibet tum verborum, tum sententiarum ornamenta.

Conuenit autem exornationibus mediocri elocutionis genus.

Quamobrē ipse Cicero in oratore ad Brutum testatur, se in ornando Pompeio pro lege Manilia temperata oratione ordinandi copiam persequutum esse. & in hac oratione mediocri, ac temperatum dicendi genus sequitur.

Partes orationis.

Partes aut huius orationis sunt procemiū, & fines. nulla narratio est, quia, cum duobus modis fiat; aut continēter, vt in genere iudicali, vbi continuatur ipsa narratio; & eius partes non permiscuntur cum partibus fidei: aut secundum partem, cum tota narratio vno in loco non ponitur, sed singulæ eius partes cum demonstrationibus, & amplificationibus ita coniunguntur, vt distinguere narrationem à fide difficulter possit; primo modo nunquam conuenit generi demonstratiuo; quod significauit Aristoteles, cum scripsit; Demonstratiuæ autem, & deliberatiuæ quomodo contingit narrationem esse, qualem dicunt? Secundo modo conuenit

pag. 180.

uenit tunc, cum res gestæ eius, qui laudatur, ob
 scuriores existunt, vt Critiæ: sed non conuenit,
 cum clariores, vt Achillis, quod docuit Aristote- *pag. 188.*
 les in hunc modum; Et notos in memoriam re
 uocare oportet. Quamobrem multi non indigēt
 narratione, quemadmodum si velis Achillem lau
 dare: omnes enim sciunt eius actiones. sed vt
 ipsis oportet. si vero Critiam, narrare oportet: nō
 enim multi sciunt. Iam vero in hac oratione res
 agitur notissima: idcircoque nulla opus est narra
 tione. Aristoteles negat perorationem congruere *pag. 180.*
 orationibus demonstratiuis. cuius rei illa afferri
 ratio potest, quod cum quattuor sint munera pe
 rorationis, vt ipse Aristoteles scribit, auditorem *pag. 196.*
 erga se bene constituere, quæ confirmata sunt,
 amplificare, affectus mouere, memoriam renoua
 re; in hoc quidem genere sua sponte bene consti
 tuti sunt auditores, qui vel suas vel suorum lau
 des audiuerunt; amplificatio vero per totam ora
 tionem adhibetur; sic affectus delectationis, quæ
 duo sunt huius generis propria, vt testatur Ari
 stoteles lib. 1. & Cicero in partitionibus. in sin
 gulis autem laudibus ea commoratio fit, vt illæ
 in animis auditorum penitus imprimantur, nec
 opus sit ipsarum memoriam renouare.

Traditur in genere deōmstratiuo tale esse pro
 cœmum, quale in aule si præaulium, ut quemad
 modum tibicines, antequam cantum incipiant,
 qualibet prolusione utuntur; sic oratores in de
 monstratiuis orationib. pro arbitrio possint, un
 de voluerint, procœmiū ducere. sic admitti proœ
 mium separatum, ut quæ à Cicerone de eo ui
 tio scripta sunt, de causis deliberatiuis, & iudi
 cialibus sint intelligenda. Præterea præcipitur,
 duci procœmium tum à laude, vel vituperatione,
 tum

*Artificium
 procœmij.
 pag. 182.*

tum à suafione, vel difsuafione, tum ab ijs, quæ re feruntur ad auditorem. proœmium huius oratio nis non est separatū, fed ductum à re, id est à refsti tutione Marcelli. Ac fumptum est à laude Cefaris.

Quòd fiquis voluiffet Cefarem vituperare, po tuiffet à vituperatione fic exordiri; Tacobam an tea P. C. de C. Cefare, quòd tantum effe in ho mine fccleris, audaciæ, crudelitatis non putabā. Nunc, cū eius iniquitatem penitus nouerim, fa cere nō poffum, quin exclamem, cum multo iniu ftiozem effe, quàm extitiffe quondam Sylla com memoratur. id quod breuiter demonftrabo.

Ciceronis exemplum reduci ad fuafionem po teft, per aliquod verbum, quod confilium indi cet, vt oportet, conuenit, & fimilia, in hunc modum; Conuenit fummis laudib. extollere ma ximam Cefaris manfuetudinem, inufitatam, inau ditamque clementiam, maximum in fuma po teftate rerū omniū modū incredibilem fapientia, ac pene diuinā; idcircoq; eū fufcepi laudandum.

Alterum exemplum ad difsuafionem fic; Non oportet illi honorem habere, qui non folum fin gulorum ciuium bona publicauit fed vniuerfas quoque prouincias, regionesque vno calamita tis iure comprehenderit. id quod feciffe Cefarē luce clarius oftendā. Præterea ab ijs, quæ refe runtur ad auditorem ad hunc modum potuiffet proœmium duci; Et fi uereor P. C. ne id quod dicturus fum, vobis incredibile videatur tamen peto à vobis, ut me attente audiatis. Facile enim probaturus fum Cefarem victoriam viciffe.

In fide habenda primum ratio eft ftatus, & con trouerfiæ, quam Ariftoteles quadruplicem com memorat, An fit, Quid fit, Quale, & Quātū: dein de vero etiā pprij inftrumēti, poftremo ordinis.

Quidam

*Artificium
confirmatio
nis.*

pag. 190.

Quidam putant in genere demonstratiuo nullum esse statum, duobus adducti argumentis. primum, quia ubi aduersarius non est, ibi status esse non potest: in genere demonstratiuo non est aduersarius; ergo nec status quidē: deinde vero quia ubi est res certa, ibi non est status: in hoc genere est res certa: ergo nō est status. Nos tñ sequimur auctoritatem Ciceronis, & Aristotelis. Cicero enim sub persona Antonij statum ponit in hoc genere, cum ex persona causa constat, ut laudis, ita ut queratur, quid factum sit, aut fiat, futurum ve sit, aut quale sit, aut quid uocetur. & in Topicis scribit, In laudationibus aut negari posse id factum esse, quod laudetur; aut non eo nomine asficiendum, quo laudator affecerit; aut omnino nō esse laudabile, quod non recte, non iure factum sit & ijs omnib. generib. vsum esse nimis impudēter Cēsařem contra Catonem. Aristoteles vero videtur agnoscere statum in hoc eodem genere, dum scribens de narratione demonstratiua ait non solum eam cōstare ex ijs, quę arte carent, quod qui dicit actionum auctor nō sit, sed etiam ex ijs, quę artem habent; hoc autem esse, ut res aut esse demonstraretur, si fide careat, aut qualis sit, aut quantā, aut etiam omnia. Argumenta autē contraria ita diluimus, ut dicamus, auscultatores esse aduersarios, si non manifestos, ut in causis iudicialibus, & sępe etiam in deliberatiuis, at saltem occultos, cum arbitrentur oratores, eos, qui audiunt, aliter sentire, si non de re, at certe de qualitate, & quantitate rei. Et non semper hic rem certam esse, cumque certa est, de nomine, de qualitate, de quantitate rei posse statum existere. Ac status quidem huius orationis est quantitatis, cum queritur, quantum sit hoc beneficiū

*Status caus
sa.*

pag. 188.

Cæsaris collatum in Marcellum. & status coniecturalis in parte iudiciali. An aliqui cogitent de insidijs contra Cæsarem, & status negocialis in parte deliberatiua, An oporteat Cæsarem conferuare salutem suam, contraquam ipse dicebat, cum illud in ore haberet, se satis diu uixisse.

*Propriū in
strumentū.
pag. 44.*

pag. 191.

Cum tria sint instrumenta oratoria, enthymema exemplum amplificatio, Aristoteles scribit amplificationem generi demonstratiuo esse maxime accommodatam, cuius verba sunt; Omnino ex ijs formis, quæ omnibus orationibus communes sunt, amplificatio aptior est ad demonstratiuas: assumunt enim actiones confessas, ut nihil aliud reliquum sit, nisi magnitudinem adiungere & pulchritudinem. Quare alibi præcipit sic, In demonstratiuis plerumque amplificatio erit honestorum, aut utilium. facta. n. credi oportet: etenim raro horum demonstrationes afferunt, si fide careant, aut si alius causam habeat. Hæc ille. Amplificatio autem est vehemens argumentatio circa quantitatem rei. Ac omnis argumentatio ducitur partim à propriis propositionibus eius generis, in quo habetur oratio; partim à communibus. partim à locis Topicis. propriæ propositiones generis demonstratiui sunt ab honesto. inter communes magni, & parui propositiones huic generi maxime congruunt. loci Topici possunt omnes conuenire, à quibus tribus partibus Cicero argumentatur.

pag. 39

Præcipuæ propositiones honesti dicuntur esse trium generum, ut honesta sint tum virtutes, tum efficientia virtutum, tum effecta à virtutibus. Hic laudatur virtus, & effectum à virtute, nempe beneficentia Cæsaris, & beneficium collatum in Marcellum.

pag. 43.

Præterea si laudentur virtutes, illa proprie dicitur laus: si opera virtutum, encomium: si ea, quæ
circū

circū sunt, communiter fides demonstratiua. Quæ circū sunt, vt nobilitas, & disciplina, omitti solent tanquam communiora : quærenda enim esse magis propria, Aristoteles docet. Quare omittuntur etiā a Cicerone; & laudatur potissimū clementia, & opus clementiæ. Itaq; est laus, & encomium.

pag. 129.

Cum autem in hoc genere quinque sint ordines collocandi ex doctrina Ciceronis in Partitionib. (nam aut temporum seruantur gradus, aut generum distributiones, aut à minorib. ad maiora ascendimus, aut à maioribus ad minora dilabimur, aut hæc inæquabili varietate distinguimus) in hac oratione tertius ordo seruat, dum probat Cicero Cæsarem magnitudine laudis superasse imperatores Romanos, exterarum gentes, potentissimos populos, clarissimos reges; & hoc facto clementiæ superasse ceteras suas res gestas; & nō solum vicisse ceteros omnes victores bellorum ciuiliū aequitate, & misericordia, verum etiam se ipsum, & victoriam ipsam. Nunc singula argumenta colligamus.

Ordo laudis

Ille quidem fructum] In hoc statu quantitatis, in quo quæritur, quantum sit hoc factum Cæsaris id est, an sit tantum, vt ceteris eius reb. gestis debeat anteponi, primum argumentum vim habet à tertia forma honesti in hunc modum; omne opus virtutis est honestum, & laudabile. Beneficium hoc est opus virtutis, nempe beneficiæ & clemenciæ Cæsaris. ergo honestum, & laudabile

Et à duodecima forma; Quæcunque bonæ actiones sunt erga alios & non erga se, honestæ sunt.

Et à decima quarta; Beneficia honesta sunt, quæ non sunt erga se. Quoniā vero fundamentū huiusmodi virtutis, vt testatur Cicero li. i. officiorū, est, vt pro dignitate cuique tribuatur : ideo et vt

hæc virtus Cæsaris habeatur vera, & nō adumbra-
ta, in ipso prope vestibulo laudationis ponitur di-
gnitas Marcelli, in quem opus ipsius virtutis col-
latum est, & argumentum etiam ducitur à mino-
ri; Si an accepto beneficio tanta est gloria, quan-
ta in dato esse laus debet? Cum enim omnis libe-
ralitas posita sit non solum in datione, sed etiam
in acceptione, vt scriptum reliquit Aristoteles lib.
4. Ethicorū, magis tamē consistit in dando, quā
in accipiendo, quinque de causis, quæ ex ipso Ari-
stotele colliguntur; primum quia magis propriū
virtutis est beneficio afficere, quā affici, & hone-
sta agere, quā non agere turpia: deinde quia
habetur gratia ei, qui dat, non ei, qui accipit:
præterea quia difficilius est dare, quā non ac-
cipere: tum quia liberales proprie dicuntur, qui
dant, non magis liberales, quā iusti, qui non
accipiunt: postremo quia maxime amantur pp da-
tionē. Quod si is, qui accipit, laude dignus existi-
matur, quanto est dignior existimandus, q dat?

Nullius tantū est flumen ingenij] Ultima for-
ma honesti complectitur omnē collationem: Quæ
honestis honestiora sunt, etiā laudibilia, de qua
collatione ita Aristoteles; Cum illustrib. vero fa-
ciēda collatio est. Nā id habet vim amplificādi, &
honestū est, si bonis viris melior sit. Ac iure in lau-
des cadit amplificatio. consistit. n. in excellentia,
& excellentia est rerū honestarū. Quamobrē si nō
cū illustrib. at certe cū alijs est comparādū, siqui-
dem excellentia indicare uirtutē videtur. Hæc il-
le; cuius verba diligētius considerent illi, qui ora-
tiones demonstratiuas magis historicas, quā ora-
torias cōficiunt, sine vllis amplificantiōib. & col-
lationib. Conferuntur ergo hoc in loco res gestæ
Cæsaris cum aliorum reb. gestis; & cum Cēsar alijs
præfe-

preferatur, eius tñ laudib. bellicis anteponitur laus clementiæ à vigesima octaua forma honesti; Quæ propria singulorū sunt, honesta sunt. Sic quæ magis propria sunt, honestiora sunt. laus clemētię ē magis propria Cæsaris, quā laudes bellicę. ergo honestior.

pag. 41.

Domuisti gentes] Confertur victoria sui ipsius cum aliarum rerum victoria. & ostenditur uincere se ipsum, rē quandā excellentē esse. quæ vero excellunt honesta, & laudabilia sunt, vt dicitur in vigesima quinta forma honesti.

Quæ quidem tanta est] Hoc pertinet ad vigesimam primam formā, Quæ memorabilia sunt, honesta sunt. Sic quæ valent magis ad memoriam laudabiliora.

Et ceteros quidem omnis victores] Vigesima forma est, Et victoria, & honor ex rebus honestis sunt. omnia autem hæc argumēta a proprijs propositionib. generis demonstratiui ducta, quia versantur circa magnitudinem rei, pertinent etiam ad propositiones eius, quod magnum est, quas diximus esse quidem communes omnibus generibus, sed demonstratiuo maxime conuenire; quem admodum etiam sequentes amplificationes.

Atq. hoc Cæsaris iudicium] probatur Cæsaris iudicium de Pompeianis magnum esse, & late patere tribus argumentis, quia ipse à scelere liberauerit inimicos suos; quia declarauerit voluntatē suam de bello; quia ostenderit se moderatiorem esse, quā fuissent Pompeiani.

Quare gaude tuo isto tam excellenti bono] probatur laudem clementiæ esse magnam, quod sit excellens bonum; quod à natura, & moribus optimis proficiscatur; quod à virtute donata videatur. Et hæc pertinent ad statum quantitatis, quæ pars est propre demonstratiua. sequitur iudi-

cialis, quæ defendit illos, de quibus Cæsar suspitionē habebat, & continet statū coniecturalem.

Nunc venio ad grauissimam querelam, & atrocissimam suspicionem tuam] Dicebat Cæsar se suspicari de illis, quibus veniam dabat, ne ipsi insidias facerent. Cicero autem huiusmodi suspicio nem esse falsam, quia nulli erant, qui cogitarent de insidijs contra Cæsarem. Status coniecturalis est, An aliqui cogitarent de insidijs. Argumētatur Cicero à loco Topico, qui dicitur partium enumeratio, quibus sublati illud conficit, neminem esse, qui huius modi scelus cogitet. Nam aut amici, aut inimici huiusmodi cogitationē habent. De amicis non est credibile. Inimici nulli sunt, cū aut perierint in bello, aut amicissimi facti sint. Ergo nulli tantum facinus cogitant.

Sed tamen cum in animis hominum tantæ latebræ sint] Hæc pars deliberatiua est de vita Cæsaris conseruanda. Deliberatiui autem generis proprius status est negocialis de re futura, An oporteat aliquid facere, vel nō facere, dare, vel non dare, auctor Hermogenes. Status autem negocialis est pars status generalis, vel qualitatis, cum altera pars sit iuridicialis. Quæritur ergo, An oporteat Cæsarem conseruare salutem suam. Dicebat Cæsar, non oportere, quia satis diu uixerat. Responso Cicéronis est oportere, quia ille quidem satis diu vixit naturæ, vel gloriæ, sed non patriæ. immo uero nec gloriæ quidē satis immo nec diu quidē.

Omnia sunt excitanda tibi] Probat Cæsarem non satis diu uixisse patriæ, argumento ducto ab eo, quod fieri non potest, cuius propositiones tametsi communes sint omnibus generibus: deliberatiui tamen maxime congruunt. Belli vulneribus mederi nemo potest præter Cæsarem, ergo Cæsar

far est conseruandus, vt illis medeatur. ergo Cæsar nondum satis uixit patriæ.

Quid, si istud, ne gloriæ quidem tuæ satis est?] probatur Cæsarem non satis diu vixisse gloriæ argumento ducto à definitione gloriæ; vt perfecta gloria non sit, nisi perficiantur merita.

Quid est enim omnino hoc ipsum Diu] probatur Cæsarem non vixisse diu à definitione ipsius diu, quod proprie dici non potest, vbi est aliquid extremum, vt in hac vita nostra. Et à causa ad effectum, quia Cæsar semper immortalitatis amore flagrauit. Ergo debet posteritati inseruire, & se ostentare.

Diuersæ voluntates ciuium fuerunt] Redit Cicero ad statum coniecturalem, & argumentatur à præcedentibus, & adiunctis de voluntate ciuium erga Cæsarem. Nam perfuncta Resp. est misero, fatalique bello. vicit is, qui non fortuna inflammaret odium suum, sed bonitate leniret. armorum periculo omnes liberati sunt. omnis fracta dissensio est armis, & extincta æquitate victoris. Nisi Cæsare saluo, & in benigna sententia manente ciues salui esse non possunt. Ergo adiungitur, vt omnes unum velint de salute Cæsaris. Hanc partem quidam faciunt perorationem. tamen quæ pars valet ad probandam causam, peroratio non est. hæc valet. ergo non est.

Sed vt vnde est orsa, in eodem terminetur oratio mea] probat Cicero omnes agere gratias Cæsari à signis, id est precibus, & lacrymis.

Sed quia nō est astantibus omnibus necesse dicere à me certe dici volunt] probat se necesse habere Cæsari gratias agere, ab adiunctis, quod astantes ita uelint; quod sentiat omnium lætitiā non vt de vnus solum, sed vt de commu-

ni omnium salute; quòd, si præstitit summam beneuolentiam in dubitatione salutis, debet etiam præstare in conseruatione. Hæc autem pars, quæ gratiæ aguntur Cæsari, continet principale negotium huius orationis, vt nesciam, quomodo appellari peroratio possit, vt ab explicatoribus appellatur; nisi eo modo peroratio dicatur, quo etiã finis proœmij potest dici conclusio, & finis narrationis, & ceterarum partium similiter; cum vera peroratio, quæ præstat illa quattuor munera, quæ superius commemorauimus, generi demonstrationis ex doctrina Aristotelis minime conuenire videatur.

329

ARTIS RHETORICAE

PRAXIS IUDICIALIS

EXPLICATA IN ORA-

tione Ciceronis

PRO MILONE.



ES, qua de agitur in hac oratione, est cedes Clodij facta à Milone. Iam operæ precium est cognoscere, quomodo Milo, & Clodius inter se inimicitias suscepert, atq. exercuerint. Ac Ciceronis quidem caussa Milo factus est Clodio inimicus, q

Argumentum orationis.

fauert illius ab exilio reuocationi. Itaque antequàm ille ab exilio rediret, Milo accusauit Clodium de ui, qua de re sic legitur in oratione post reditum in Senatu; Primo de ui postulauit. posteaquàm ab eodem iudicia sublata esse uidit ne ille oia ui posset efficere, curauit. Post illius reditum, rursus eundem de ui accusauit. Aedilitatem petijt Clodius, ut uitaret accusationē, quem admodum scriptum reliquit Dio libro trigessimono nono. Robortellus uir nostri ordinis clarissimus in libro de artificio dicēdi scribit id sibi nō liquere hac ratione, quia profiteri nō possēt rei. At respōderi potest, Clodium petijisse, antequàm profiteretur: quia petitio fit apud propulum, professio apud magistratum; & potest aliquis petere, uerū desistēs petitione, aliqua de caussa impedi

tus

tus, non profiteri. Aut ita respondendum, Cum præsentiret Clodius, Milonē de accusatione sui cogitare, & instarent comitia Aedilitia, cum professum esse; antequam reus fieret à Milone, ut per professionem uitaret iudicium. Aut melius dicendum, Reos quidem profiteri non potuisse: sed hoc fuisse nouum in Clodio, ut propter petitionē Aedilitatis accusatio sopiretur. Quare in epistola lōgiore ad Lentulū dolet exemplum præclarissimum in posterū uindicandæ seditionis de Rep. sublatum ab iis, qui Clodium de ui accusatum in iudicium adduci uetuerunt. & in Sextiana, Consulem Pr. Trib. pl. noua noui generis edicta proposuisse, Ne reus adesset, ne citaretur, ne quæreretur, ne mentionem omnino cuiquam iudicium, aut iudiciorum facere liceret. Milo igitur, qui Clodium de ui postulauerat ex lege Aelia Fusia, quam Cicero uocat remedium Reip. lib. 2. ad Att. & certissimum subsidium post reditum in Senatu; Metello consuli obnunciavit, ut comitia Aedilitaris impediret, quoad Clodius condemnaretur. ut apparet ex epistola 3. lib. 4. ad Att. Metellus noluit comitia protrahere. Itaque Clodius est Aedilis designatus; & ad Aedilitatem quàm citissime Philippi, Marcellinique tempore peruenit, ad quam rogatus fuit assumptus, ut fugeret iudiciū; quod constat ex Dione. Cum autem anno ab urbe condita 697. etiā Clodius accusasset Milonē in Aedilitate, cuius accusationis fit mentio in oratione pro Sextio, anno 701. occisus est à Milone. qđ narratur plurib. verbis ab Asconio. Addit vir doctissimus Robertellus in hunc modum; Occiditur & Clodij filius, qui articulatim cœsus à seruis Milonis. Asconius in argumento orationis huius. [Hoc mihi, ut uerum fatear, nequaquā pro

probatur, Nam de Q. Metello Scipione, qui in Senatu eo tempore conquestus est, Asconij verba sunt; Milonem, cum sciret in Albano, paruulum filium Clodij venisse ad villam, & cum puer ante subtractus esset, de seruo Alicore quæstionem ita habuisse, ut eum articulatim consecraret. Quæ verba non uideo, quomodo intelligi possint de filio Clodij, qui iam subtractus erat, & non de seruo Alicore, ut ego sine ulla dubitatione arbitror intelligendum. Scribit præterea Robortellus sic; Clodiani in curia subscelliis in unum congestis bustum Clodij fecerunt. curia incensa, & domus Lepidi interregis. Cicero in hac oratione & Asconius in argumento. Domum tamen Lepidi non incensam, sed oppugnatam esse, legitur in oratione hoc modo; Cur igitur incendium curiæ, oppugnationem ædium Marci Lepidi, eadem hanc ipsam contra Remp. Senatus factam esse decreuit? & apud Asconium: Quo igne & ipsa quoque curia flagrauit; & item Porcia basilica, quæ erat ei iuncta, ambusta est. Domum quoque Marci Lepidi interregis (is enim magistratus curulis erat creatus) & absentis Milonis eadem illa Clodiana multitudo oppugnauit. Iam; cū duo adolescentuli, Appij Claudij, filij C. Claudij, qui fuerat frater P. Clodij, Milonē accusassent, inter alios, qui ei affuerunt, Cicero ob clamorem Clodianæ factionis timide causam egit. Idem, cum Milo damnatus esset, quasi sui erroris corrigendi causa, orationem, quam habemus, perfecte scripsit. Robortelli uerba sunt; Consueuerat etiam M. Cicero aliter, quàm dixerat, postea domi, & attentius scribere orationes, ut patet in Verrem, Asconio teste. Nam præter primam, & secundam reliquas non habuit in foro, sed scripsit tantum.

Sic

Sic ille. Ego uero notarem potius consuetudinē Ciceronis in hunc modum; consueuerat M. Cicero domi commentarios caussarum conficere: deinde causas in foro agere: postremo causarum orationes diligentius scribere. De commentariis Ciceronis meminit Asconius, Quintilianus, Di. Hieronymus. Exemplum autem Verrinarum non uidetur recte probare consuetudinem Ciceronis; siquidem Cicero non solum scribere consueuerat eas orationes, quas non potuerat habere: sed etiam eas, quas habuerat, cum essent dignæ, quæ scriberentur. Verrinæ autem erant duæ actiones concessæ à lege in ea causa, quæ requirebat eiusmodi iudicium: bis agi. primum iudicium prima actio: secundum secunda actio, aut comperendinatio appellabatur. Et, quoniam Verres prima actione perterritus secundam non expectauit, ideo Cicero non habuit secundam, sed scripsit tantum, nolens commentariorum laborem amittere.

Genus causæ

In hac causa iudices fuerunt extra ordinem. Nam erant & iudicia ordinaria, quæ exercebantur à prætoribus. & dicebantur perpetuæ quæstiones. Verum in hac causa ex lege Pompeij quæstitor creatus est L. Domitius Ahenobarbus, qui consul fuerat anno urbis 699. & à Pompeio tales iudices propositi sunt, ut nunquam neque clariores uiros, neque sanctiores propositos esse constaret. auctor Asconius. In eorum numero fuit Q. Petilius, & M. Cato, & alter Cn. Pompeius, de quibus fit mentio in oratione. Superius notauimus fuisse accusatores Appios Claudios adulescentes duos. Nam constat Ciceronem fuisse defensorem. Agebatur de re præterita, nēpe de cœde Clodij facta à Milone. & quærebatur, utrū iustū, an iniustū fuisse

set huiusmodi factum Milonis. Itaq; patet genus huius orationis esse iudiciale, ex auditorib. qui sunt iudices; ex partibus, quæ sunt accusatio, & defensio; ex tempore, quod est præteritum; ex fine, qui est iustum, & iniustum: quæ quattuor sunt proprietates generis iudicialis.

Tradit Aristoteles elocutionem iudicalem ac curatiorem esse oportere, quàm deliberatiuam. Iudiciis autem conuenit uehemens elocutionis genus.

Quod attinet ad partes orationis, proœmium sumitur ad beneuolentiã conciliandã. Ante narrationem ponitur illa fides, quæ proprie dicitur cõfutatio, qua reprehenduntur tria firmamẽta aduersariorũ. Sequitur propositio, & quæ ad propositionem referuntur, narratio, & partitio. Inde illa fides, quæ proprie uocatur confirmatio, & pluribus argumentis probat Clodium Miloni fecisse insidias. Postrema collocatur peroratio sumpta ad misericordiam concitandam. Iam singularũ partium artificium explicemus.

Tradit Aristoteles duplex eẽ munus proœmij, unum maxime necessarium, & proprium, quod est indicare, quĩnam sit finis, cuius causa oratio instituta est: alterum, quod consistit in formis, quas ipse appellat medicamenta, & communia, quæ ducuntur à quattuor locis, ab oratore, ab auditore, à re, ab aduersario. A' primo, & quarto loco quæcunque ad depellendam, offerendamque criminationem attinent. A' secundo, cum auditor redditur beneuolus, aut iratus, interdum uero eẽ attentus, aut contra, aut docilis, si quis uoluerit vir probus apparere. A' re, quæ declarant qualitatem rei. Idem fere præcipit Cicero lib. 2. de oratore in hunc modum; Cum erit utendum prinipio, quod

Genus elocutionis.

Partes orationis.

Artificium proœmij.
183.

quod plerunque erit; aut ex reo, aut ex aduersario, aut ex re, aut ex eis, apud quos agitur, sententias duci licebit. Ex reo (reos appello, quorum res est) quæ significant uirum bonum, quæ liberalem, quæ calamitosum, quæ misericordia dignū, quæ ualeant contra falsam criminationem. Ex aduersario, iisdem ex locis fere contraria. Ex re, si crudelis, si infanda, si præter opinionem, si immerito, si misera, si ingrata, si indigna, si noua, si quæ restitui, sanarique non possit. Ex ijs autem, apud quos agetur, ut beneuolos, beneq; existimantes efficiamus. quod agendo efficitur melius, quàm rogando. Nominat ergo Cicero reum pro oratore. Sed idem est locus rei, & oratoris. Ac solet quidem ille uti medicamenti prius quàm proponat, ut in hac oratione, ubi proœmium ductum est à reo, & ab oratore, dum laudatur Milo, quod ualet ad depellendam criminationem: appellatur enim uir fortissimus, & dicitur magis de Reip salute, quàm de sua perturbari, ac semper consceleratissimos homines, clamoresq; maximos pro ciuium salute neglexisse, semperq; pro bonis contra improbos sensisse. & discutitur metus. Nam præcipit idem Aristoteles, omnes aut crimina obijcere, aut metus discutere in proœmiis. Discutitur autem metus per insinuationem. Etenim, cum uelit Cicero remouere metum ab animis iudicum, obscure, & oblique id facit; quæ insinuatio est: primum enim dicit se timere, sed tamen recreari, & refici Pompeij sapientia, & iustitia: deinde uero, cum ipse desinat timere, ostendit idem iudicibus esse faciendum.

Et ab aduersariis, dum obiicitur criminatione Clodianis, quos P. Clodij furor, rapinis, & incendijs publicis pauit. qui superiori proximo die, quàm

quàm hæc oratio habita est, Munacij Planci Tribuni pl. concione incitati sunt, ut iudicibus uoce præirent.

Et ab auditore, dum redditur Pompeius beneuolus, qui sapientissimus, & iustissimus nominatur; & dicuntur in iudicum consilio ex cunctis ordinib. amplissimi uiri iudicare. Et redduntur auditores irati, quòd Clodiani concione Munacij Planci incitati essent, ut iudicium perturbarent. Et attenti, quòd statuendum esset de bonis, & fortibus uiris, ac de benemeritis ciuib. Et dociles, quòd semper ipse, & Milo iudicum auctoritati dediti fuissent: sic enim apparent boni, quales maxime solent attendere. Et à re noua, indigna, ingrata, misera, ut à noua forma iudicij, & à conditione ipsius iudicij, in quo esset statuendū, utrum qui semper iudicum auctoritati dediti fuissent, semper miseri lugerent, an diuexati à perditissimis ciuib. aliquando recrearentur. Atq. hoc quidem est uuū munus proœmij iudicialis.

Quod ad alterum attinet, promittitur luce clarius ostensum iri insidias Miloni à Clodio factas. Scribit enim Asconius, cum M. Bruto, & alijs qui busdam placuisset ita defendi crimen, interfici Clodium pro Rep. fuisse; Ciceroni id nō placuisse: sed, cum insidias Milonem Clodio fecisse posuissent accusatores, cum contra disputasse, Clodium Miloni insidiatorem fuisse, eoq. spectasse totam eius orationem.

In fide habetur ratio status, ordinis, proprii instrumenti. Status huius causæ est qualitatis, qui à Cicerone dicitur generalis. Cum autem ex doctrina Hermogenis huiusmodi status sit duplex iuridicialis de re præterita, & negocialis de re futura; in hac causa est iuridicialis, Iure nē,

an

*Artificium
confirmatio
nis Status.*

an iniuria occidit Clodium Milo. Est alter status, qui dicitur coniecturalis, Vter utri insidias fecerit. Intentio est, Milo iniuste interfecit Clodium. Depulsio, Iuste interfecit. Quæstio, Vtrū iuste, an iniuste interfecerit. Ratio, Quia interfecerit insidiatorem. Firmamentum, Nulla de causa licet homini hominem interficere. Et eadem Clodij contra Remp. factam esse à senatu iudicatum est, Et à Pompeio. Et non fuit insidiator Clodius, sed Milo. Iudicatio, An liceat homini hominem aliqua de causa interficere. An præiudiciū factum sit Miloni à senatu. An à Pompeio. Quis fuerit insidiator.

Ordo.

pag. 192.

Prius confutantur priora tria firmamenta. de inde ponitur narratio. inde, quoniam quartum firmamentum positum est in negatione rationis, qua utebatur Cicero, probatur, & confirmatur ipsa ratio. Egregie. Tradit enim Aristoteles, qui priore loco dicit, cum argumenta sua prius exponere debere: post autem contrarijs occurrere, nisi aduersa causa multiplex sit, in qua prius contrarijs occurrendum, ut fecit Callistratus in Mesiensi concione: qui posteriore loco dicit, cum prius contra aduersarij orationem dicere oportere, soluendo, & syllogismum opponendo; maxime uero, si illa, quæ obiecta sint ab aduersario, fidem fecisse uideantur. Iam Cicero secundo loco dicebat, respondens ad accusationem aduersariorum; & ob id statim post præmium collocauit refutationem; ut fecit etiam pro M. Cælio, pro L. Murena, pro L. Sylla, & in alijs defensionibus.

*Proprium
instrumentum*

Tribuit Aristoteles generi iudiciali enthymema tamquam proprium instrumentum, quod ualeat tum ad refutandum. Omnis autem refutatio fit

fit duob. modis, aut obiectione, qua resistimus aduersarijs, ostendendo eorum argementa non ualere, nec firmiter concludi: aut contraria rationatione, cum contra argumentando firmiora in medium afferimus. Priorem modum Cicero lib. I. de inuen. uidetur tripartitum facere; si aut ex ijs, quæ sumpta sunt, non conceditur aliquid unum, plurave: aut his concessis, complexio confici ex his negatur: aut si genus ipsum argumentationis uitiosum ostenditur. Alterum modum, per quem contra firmā argumentationē alia æque firma, aut firmior ponitur, scribit in deliberationib. maxime versari, cum aliquid, qđ contra dicatur, æquū esse concedimus, sed id, quod nos defendimus, necessariū esse demonstramus: aut cum id, qđ illi defendūt, utile esse fatemur; qđ nos dicimus, demonstramus esse honestum. Cum igitur velit Cicero aduersariorū argumenta infirmare, utitur obiectione, non concedens illa ipsa, quæ aduersarij sumpserant, Nulla de causa licere homini hominem interficere; & Miloni præiudiciū factū esse à Senatu; & à Pompeio.

Cum autem triplex sit ratio parandorum argumentorū, una à formis, altera à propositionib. cōib. tertia à locis Topicis; in hac refutatione argumenta ducuntur à formis generis iudicialis quæ sunt iusti, atque iniusti propositiones. Et quoniam iusta, & iniusta definita sunt ad duas leges, tum ad legē ppriam, vel non scriptā, vel scriptā, tum ad legē cōem; primū argumentū ducitur à lege propria non scripta, id est à consuetudine, quæ probatur exemplis M. Horatij, P. Africani, Ahalæ Seruiliij, P. Nasicæ, L. Opimij, C. Marij, Senatus. Additur exemplum Orestis. Deinde à lege propria scripta, id est à lege 12. tabularum.

Y

præterea

præterea à lege communi, postremo etiam à lege propria scripta, id est à lege Cornelia de sicarijs. Quoniã vero iusta, & iniusta aut sunt scripta, aut non scripta; & non scriptorum duo sunt genera, quorum alia sunt secũdum virtutis, & vitij exuerantiam; alia propriæ legis, & scriptæ supplementa, quæ dicuntur æqua: ab hoc extremo iustorum nõ scriptorum genere argumentum ducitur, Spectandam esse voluntatem Senatus, & Pompeij, non illius decretum, huius lègem, quòd rem, non causam rei damnassee videantur.

*Artificium
propositionis,
narrationis,
partitionis.*

Propositio duplex est; vna breuior: altera longior. illa aut simplex caput continet, vt Vter vri fecerit insidias, & nomine generis appellatur: aut plures partes complectitur, & dicitur partitio; quã duplicem esse præcipit Cicero libro 1. de inuen. alteram, quæ ostendit, quid cum aduersarijs conueniat, & quid in controuersia relinquatur: alteram, quæ rerum distributam continet expositionem, & debet habere breuitatem, absolutionem, paucitatẽ. propositio longior, quæ totum factum exponit, narratio nominatur. De narratione sex præcipit Aristoteles, primum eius virtutem non esse positam in breuitate, aut concisione, quod putasse Isocratem colligitur ex Quintiliano, sed in modo, vt ea dicantur, quæ perspicua, & quæ probabilia sint. Deinde ei attexenda esse, quæcũque ad nostram virtutem pertineant, aut ad improbitatem aliorum, aut certe quæcunque iudicib. grata sint. Præterea minorem esse narrationẽ defensori, quàm accusatori, & defensorem res gestas cõmemorare oportere quæcunque non afferunt miserationem in eum, qui perpeffus est, aut indignationẽ in eũ, q̃ defenditur. Quarto loco narrationẽ oportere esse moratam. Quinto etiã affectã, sex-

pag. 188.

to multis in locis narrari posse, atq. interdum etiā non in principio. Quæ omnia quomodo à Cicero ne seruata sint, videndum breuiter est.

Prima collocatur simplex propositio in hunc modum; Reliquum est iudices, vt nihil iam aliud quærere debeatis, nisi vter vtri insidias fecerit.

1 Sequitur narratio pspicua, & probabilis ex doctrina Aristotelis, dum quattuor narrantur, primū quemadmodum Clodius reliquerit annum suum, id est annum vrbis 700. cum tracta sunt comitia à Q. Pompeio Rufo Tribuno pl. quo ex S. C. in carcerem coniecto septimo demum mense, vt scribit Dio, aut octauo, ut Appianus, creati sunt cōsules M. Messalla, & Cn. Domitius. Deinde, quemadmodum timuerit Milonis consulatum. Nam petebant consulatum anni 701. T. Annius Milo, M. Plautius Hypseus, Q. Metellus Scipio. diu autem tracta sunt comitia consularia, vt nec eo quidem anno Kalendis Ian. consules in Rep. fuerint. præterea, quæadmodū abierit ad collocandas insidias cū sciret iter certo die Miloni esse Lanuuū, quod fuit municipium vetus, postea colonia facta à C. Cæsare dictatore, vt scriptum reliquit Frontinus. Demum, quemadmodum congressi sint inter se Milo, & Clodius, & interfectus sit Clodius; quæ de re legendus est etiam Asconius.

2 Attexuntur, quæcunque ad virtutem Milonis pertinent, qui ostenditur fortissimus, & minime insidiosus. ac quæcunque ad improbitatem Clodij qui sceleratus, & insidiosus.

3 Minori narratione vtitur Cicero, tamquā defensor, quàm vteretur si accusator existeret. Idcirco multa omittit, quæ narrantur ab Asconio. Et ne miserationem excitet erga Clodium, aut indi-

gnationem in Milonem, caute loquitur in hunc modum; Fecerunt id serui Milonis (dicam enim non deriuandi criminis causa, sed ut factum est) neq; imperante, neq. sciente, neque præsente domino quod suos quisque ser uos in tali re facere uoluisset.

4 Exprimit improbissimos Clodij mores, ostēdēs initio narrationis, quid statuisset Clodius, & eiusdem audaciam, atque contemptionem, cum ait; palam agere cepit, & aperte dicere, occidendum Milonem.

5 Adhibet affectum, cum alijs in locis narrationis, tum vero cum illud adiicit; Quod si ita putasset, certe optabilius Miloni fuit dare iugulum P. Clodio, non semel ab illo, neq. tum primum petitum, quàm iugulari a uobis, quia se illi nō iugulandum tradidisset.

6 Multis in locis narrare conuenit, id est non solum post proœmium ante confirmationem, & confutationem; verum etiam post confutationem, ut in hac oratione, in qua confutatio est ante narrationem.

Extrema collocatur partitio, quæ aperit, quid cum aduersariis conueniat, & quid in controuersia relinquatur, Insidias factas esse cōstat; & id est quod Senatus contra Remp. factū iudicauit. Ab utro factæ sint, incertū est. Notauimus superius omnem fidē duci à tribus partibus, aut à propositionibus propriis generis, aut à propositionibus cōmunibus, aut à locis Topicis.

Cū autē in genere iudiciali tria assumēda sint Quas obres faciant iniuriā, Qui, & quib. ob tres causas iniuriam faciunt, ob consuetudinē, ob ratiocinationē, vel uoluntatem, ob affectum, ut irā, & cupiditatem.

Itaq.

*Artificium
confirmatio
nis.*

pag. 45.

Itaq. prima coniectura de insidiis ducitur à ratiocinatione utilitatis q̄ optatissimus Clodio fuerit interitus Milonis, nō sic Miloni interitus Clodii ob vtilitates propositas.

Secunda ab ira, q̄ maiori ira fuerit inflammatus Clodius in Milonem, quàm Milo in Clodium.

Tertia à consuetudine, quòd omnia per vim Clodius, nihil per vim Milo.

Quarta ab illis, qui faciunt iniuriam, inter quos ab Aristotele enumerantur illi, qui cum sæpe vitauerint iudicium, & sæpe pœnas non dederint; sperant se impune abituros, qualis erat Clodius; quemadmodum etiam secunda coniectura ab illis, quibus faciunt iniuriam, nempe qui male meriti sunt, & male meritori videntur, quæcunque offeratur occasio, qualem existimabat esse Milonem Clodius, defensorẽ Ciceronis, vexatorem furoris sui, domitorem armorum suorum, accusatorem suum.

Præterea cum ex propositionibus communibus illæ, quæ sunt facti, & non facti, magis congruant generi iudiciali, & coniecturis faciendis, ab ijs sit quinta, & sexta, & septima coniectura. p. 48. 117.

Itaque quinta est, si futurum fuit, ut aliquid fieret, vel ut aliquis faceret, factum est. Etenim qui facturum fuit, eum feci se verisimile est. Dixerat Clodius, periturum Milonem triduo, quòd cogitaret de insidiis. ergo credibile est eum insidiatum esse.

Sexta, si potuit, ac voluit, fecit. Qui enim, cum possint, volunt, faciunt: quoniam nihil impedimentum habent. potuit Clodius insidias facere, quòd sci-

nerit Miloni Lanuuiū esse iter necessariū; & quidem eo ipso die, quem nunquam reliquisset, nisi ad cogitatum facinus properasset. Nō potuit Milo, Nam dixerunt C. Cassinius, & C. Clodius comites P. Clodii mansurum fuisse P. Clodium in Albano eo die, sed propter mortem Cyri architecti nuntiatam, subito, & repente constituisse proficisci; ut si subita fuit eius profectio, & repentina, nec ipse Milo potuerit insidiari Clodio, quem fore in via ne suspicari quidem potuerat, nec Cicero cogitare de insidijs, quæ eius consilio factæ dicebantur. Voluit Clodius, quod eo die se dissimulauerit rediturum. Noluit Milo, quod præ se tulerit illo die Roma exiturum. Voluit Clodius, quod causam mutandis consilij finxerit, cum ille, qui dicitur Cyri mortem nunciasset, non id nunciauerit, sed Milonem appropinquare. Noluit Milo, quod nullius rei mutauerit consilium. Voluit Clodius, quod accessum ad urbem nocturnum non metuerit. Noluit Milo, quod nocte prope urbem Clodium nō expectauerit, ut noctu inuidioso, & pleno latronum in loco eū occideret. Potuit Clodius quod fundum habuerit, qua transiturus erat Milo, ubi propter insanas substructiones facile mille hominum versabatur valentium. Non potuit Milo, quod aptum ad insidias locum non habuerit.

Septima, si voluit, & extrinsecus, non est impeditus. Noluit Milo, & extrinsecus est impeditus, quia fuerit penula irretitus, rheda impeditus, vxore pene constrictus. Voluit Clodius, quod egressus sit à villa vesperi, & tarde causâ insidiarum, & diuerterit in villam Pompeij, donec Milo veniret. Extrinsecus autem non est impeditus, quod fuerit sine vxore, in equo, sine comitibus. græculis,

culis, sine scortis, exoletis, lupis.

Iam uero cum ex locis Topicis ad coniecturā maxime apta sint, quæ ex adiunctis, quæ ex effectis, quæ ex causis sumi possunt, ut scriptum reliquit Cicero in Topicis; ab adiunctis ducuntur quinque sequentiā argumenta.

Octauum, si Clodius fuit latro, & non semper viator à latrone, non nunquā etiam latro à viatore occiditur; si mulier incidit in viros; si nunquā Milo non fuit ita non paratus, propter providentiam suam; si casus, & exitus pugnarum sunt incerti, & Mars communis; si magna fuit inscitia pransi, poti, & oscitantis ducis, adiungitur, ut Clodius potuerit interfici, etiam si insidiator extiterit.

Nonū, Milo manumisit seruos suos nō metu cōscientiæ, sed merito, quod esset ab insidijs liberatus.

Decimum, Tametsi serui P. Clodij dixerant in quæstione, nullas insidias ab eo factas: tamen eis fides non erat præstanda, quod essent serui P. Clodij, postulati ab Appio, producti ab Appio, ex domo Appij accusatoris; quod non liceat in domum quæri de seruis proprijs, & multo minus de seruis alienis, & accusatoris, quod modus quæstionis non fuerit legitimus.

Vndecimum, Milo nulla cōsciētia exanimatus Romam reuertit, seque populo Rom. senatui, publicis præsidijs, & Pompeio consuli tradidit.

Duodecimum, Idem neglexit illa, quæ de se vulgo circumferebantur, arma esse disposita ad patriæ euersionem, & illud, quod dixit Popa Licinius quod non minus fuit falsum, quā quod dictum est in senatu contra ipsum Milonem.

Ab effectis autem tria argumenta ducuntur.

Decimū tertium, Si laudabile factū, laudabilis etiam qui fecit. At laudabile fuit factum Milonis

qui non occidit Sp. Melium, non Ti. Gracchum,
sed omnium sceleratissimum Clodium.

Decimum quartum, si factum utile, ei, qui fecit,
gratia referenda. At ita utile fuit factum Milonis,
ut etiam si insidias fecisset tam scelerato ciui, is
tamen uti potuisse videatur eadem confessione,
qua alij multi vsi sunt.

Decimū quintū, si beneficiū diuinū, magis deis
immortalibus est gratia habenda, quā de insi-
dijs Milonis cogitandum. At beneficium fuit diui-
num, quodd extinctus sit is, qui omnia humana, ac
diuina permiscebat.

*Artificium
perorationis
pag. 196.*

Placet Aristoteli quattuor ex rebus componi
perorationem, tum ex eo ut erga se bene compa-
ret auditorem, & erga aduersarium male: tum ex
eo, ut amplificet, & deprimat: tū ut constituat au-
ditorem ad affectus: tum ut memoriam renouet.
In fine refutationis Cicero memoriā renouauit
illis verbis; Si neq; omnis confessio facti est inu-
sitata; neque de causa quidquam nostra aliter,
ac nos vellemus, à senatu iudicatum est; & lator
ipse legis, cum esset controuersia nulla facti, iu-
ris tamen disceptationem esse voluit, & electi iu-
dices, & isti præpositus quæstioni, qui hæc iuste,
sapienterque disceptet: reliquum est iudices, &
quæ sequuntur. In media etiam confirmatione
sic; video adhuc constare omnia, iudices; Miloni
etiam utile fuisse, Clodium viuere; illi ad ea, quæ
concupiuerat, optatissimum interitum Milonis
fuisse: odium illius in hunc acerbissimum; in illū
huius nullum: consuetudinem illius perpetuam
in vi inferenda, huius tantum in repellenda: mor-
tem ab illo denunciatam palam Miloni, & prædi-
ctam; nihil vnquam auditum ex Milone: profe-
ctionis huius diem illi notum; reditū illius huic
ignotum

ignotum fuisse; huius iter necessarium; illius etiā potius alienum, hunc præ se tulisse illo die Roma exiturum; illum eo die se dissimulasse rediturū; hunc nullius rei mutasse consilium; illum causā mutandi consilij finxisse; huic si insidiaretur, nocte prope urbē expectandū; illi etiā si hunc non timeret, tamen accessu ad urbem nocturnum fuisse metuendum. Has enumerationes cum fecisset Cicero memoriæ reuocandæ causā, non necesse habuit repetere argumēta in peroratione. Id vero potissimum munus obiuit, quo animi auditorum ad affectum impelluntur. mouet enim misericordiam, commemorans merita Milonis in patriam, merita eiusdem in se ipsum, merita sua in patriam. Neque omittit munus amplificationis, ea merita mirabiliter amplificans. Et omnia trahit ad conciliandam beneuolentiam iudicum in Milonem, & excitandum odium in Clodium; quod erat primum munus.

Atque hæc breuiter de artificio huius orationis scripta sint.

346
ARTIS RHETORICAE
PRAXIS DELIBERATIVA
EXPLICATA IN ORA-
tione Demosthenis
AD EPISTOLAM PHILIPPI.

*Argumen-
tum oratio-
nis.*



PHILIPPVS Amyntæ filius
Alexandri Magni pater, quat-
tuor, & viginti annos Macedo-
num imperium tenuit. contra
quem Athenienses, Argæum, ut
Regem efficerent, frustra iuve-
runt. Is, ne regni initio in-
testos haberet Athenienses, Amphipolim Thraciæ,
de qua illi ualde laborabant, liberâ eis reliquit.
& primam pacem cum eis fecit. Anno tertio
eisdem indixit, atque intulit bellum, adempta
Amphipoli; & per tresdecim annos id bellum ges-
sit. Anno decimo quinto secundam pacem fe-
cit. postea uero ei multa incommoda inferenti
Athenienses uigesimo anno bellum intulerunt,
subsidio Byzantiis misso: sed eodem anno ter-
tiam pacem cum eo composuerunt. Inter ter-
tium, & decimum quintum annum, cum Olyn-
thij Thraciæ populi, qui à Philippo defecerant,
ab Atheniensibus auxilium petissent, Demosthe-
nes tres olynthiacas ad populum dixit, ut cum
ad arma pro Olynthiis contra Philippum capien-
da incitaret. Eodẽ tẽporis spatio dixit Philippicâ
primam, qua Athenienses, qui cladem acceperant
à Philippo, est consolatus. Facta secunda pace, eâ
ora-

orationem habuit, quæ inscribitur de pace. Cū uero pax suspecta esset, secunda, tertia, & quarta Philippica conatus est Atheniensibus persuadere, bellum esse gerendum aduersus Philippum, qui pacem seruaret uerbis, re ipsa bellum gererēt. Inter secundam, & tertiam pacem cum Philippus per epistolam populo Atheniēsi bellum minatus esset, propterea quòd dum Selybriam urbē Thraciæ oppugnaret, quædam nauigia, quæ Athenienses miserant, aduehendi frumenti causa suspicatus esset missa esse, non frumentandi causa, sed ad iuuandos Selybrianos. Demosthenes habuit hanc orationem, qua adhortatus est Athenienses ut fortiter sustinerent bellum, anno primo olym piadis centesimæ decimæ.

Proprietates generis deliberatiui positæ sunt quattuor in rebus in auditore, in partibus in tēpore, in fine: Auditor est concio, aut senatus: partes suasio, & dissuasio: tempus futurum: finis utilitas. Huius orationis auditor fuit concio Atheniēsum, qui Remp. popularem habebant. sub suasio- ne uidetur contineri adhortatio. Quanquam sua- sio, & adhortatio inter se aliquo modo differunt, quòd qui suadet, suffragium ferri uult, & uersa- tur in ijs, quæ sunt in potestate: qui adhortatur, suffragium non expectat, & tractat etiam necessa- ria. Adhortationes autem sunt uel castrenses, uel ciuiles. plurimæ uero castrenses, quibus Impe- ratores ad rem fortiter gerendam, milites adhor- tantur. Hæc ciuilis est. Agitur res futura, ut for- titer armis utantur. Et spectatur utilitas pugnan- di, cum sine armis Athenienses salui esse non possint.

Genus causæ.

De elocutione deliberatiua ita scribit Aristoteles; Ac deliberatiua quidē elocutio omnino si- milis

Genus elocu- tionis.

pag. 176.

milis est umbratili picturæ: quò enim amplior sit turba, eò longius spectatur. Quamobrem quæ exquisita sunt, superuacanea, & peiora apparent in utrisque. Requirit ergo Aristoteles in deliberatiuo genere amplitudinem orationis, & non nimis exquisitum studium. Idem fere scribit Cicero in Partitionibus cum ait, Tota oratio simplex, & grauis, & sententiis debet esse ornatior, quàm verbis. Cum autem requiratur magis in oratione deliberatiua grauitas sententiarum, quàm verborum, mire grauis est Demosthenes in sententiis, & enthymematibus, & cum usus sit oī genere dicendi, grauitatē adhibuit potissimū in Philippicis. auctor Cicero in oratore ad Brutum, sic etiam in hac oratione,

Partes orationis.

Huius orationis partes sunt proœmium cum quadam narratione permixtum, & fides. Nulla peroratio est talis, qualem faciunt in genere iudiciali, unde quandoque ipsa assumitur in deliberatiuo, cum contradictio existit. tunc enim & aduersa collatio, & repetitio, quæ in peroratione fieri solet, deliberationib, conuenit. auctor Aristoteles. Iam uero ut magis huiusmodi orationis artificium cognoscatur, verba Demosthenis à nobis latine conuersa ante studiosorum oculos proponemus, cum præsertim ipsa oratio breuissima sit. Sic artificium ex uerbis Demosthenis colligemus.

349

PROOEMIUM ORATIONIS

DEMOSTHENIS AD EPI

stolam Philippi.



OBIS omnibus patefactum est, uiri Athenienses, Philippum magis bellum uobiscum distulisse, quam pacem fecisse. Etenim cum Pharsalijs Italũ tradiderit, & res phocenses ordinauerit, ac uniuersam subuerterit Thraciam, caussis, quę minime consistunt, simulatis, & iniustis prætectibus adinuētis, iamdiu quidem opere ipso cum ciuitate nostra bellum gerit, nunc uero etiam oratione per eam ipsam, quam misit, epistolam, id confitetur. Ego autem conabor ostēdere, neque oportere uos illius potentia exhorrescere, neque timide ipsi resistendo à maioribus uestris degenerare, sed & corporibus & pecunijs & nauibus & (ut simpliciter dicam) rebus omnibus sine ulla cunctatione ad bellum paratos esse.

EX.

EXPLICATIO PROOEMII.

pag. 185.



Enus deliberatiuum natura sua nō habet proœmium: quia propriū munus proœmij est indicare, quinam sit finis, cuius causa oratio instituta est: in genere autem deliberatiuo intelligunt, de quo agitur, vt scribit

Aristoteles. Assumit tamen aliquod proœmium a quinque locis;

1 Ab obiectione criminis, à qua in uolumine proœmiorum Demosthenis illud ducitur;

Vellem. Athenienses, ex oratoribus quosdam tantum habere studium utilissima dicendi, quantum habent, ut belle dicere uideantur; ut & ipsi boni uiri potius, quàm eloquentes haberentur; & res uestræ, quemadmodum conuenit, meliore conditione essent. Nunc vero quidam mihi prorsus uidentur eloquentiæ laude contenti, quid postea uobis euenturum sit, nihil curare.

Ab eodem loco ductum est proœmium in octaua Philippica contra Pansam, qui fauere Antonio uidebatur.

Et illud etiam apud Salustium lib. 1. historiarū in oratione Philippi, quod Lepidus seditionibus omnia turbauit.

Et apud eundem lib. 3. in oratione Macri Tribuni pl. quod Sylla paruērit seruitium plebi.

Itaque cum obiici aliqua criminatio potest oratori, quia contra sentiat, aut studio contendendi, aut proprii commodi causa, aut ob aliquam aliam rem à publica utilitate alienam; itemque ei, contra quem deliberatio habetur: inde licebit

bit exordiri; ut facit Demosthenes in hac oratione, ubi criminatur Philippum, quòd magis bellum cum Atheniensibus distulerit, quàm pacem fecerit.

2 A depulsione criminis, unde illud in eodem volumine; Fortassis importunus, Athenienses, quibusdam uestrum uideor esse, qui sepe de iisdem perpetuo reb. uerba faciam. Verum si rem recte consideretis, non me in culpa uidebitis esse, sed eos, qui uestris decretis non obtemperant.

Ab eodem loco sumptum est proœmium apud Salustium in oratione C. Cottæ Cos. q̄ cum uideretur administrare consulatum infelicitè, id ne quaquam eueniret ipsius dolo, aut culpa, qui nihilominus esset bonus, & fortis. Ergo cū animaduertit orator sibi obijci, aut fieri posse, ut obijciatur aliquod crimē; debet ab eius depulsione proœmii sumere.

3 Ab amplificatione in hunc modum; Vellem uos, Athenienses, attente audire ea, quæ dicam. Nec enim parua res agitur. Cicero in proœmio primæ Catilinariæ amplificat audaciā Catilinæ. Amplificatio autem proœmio accommodata est, cum auditores existimant rem esse minorem, quàm orator dicit.

4 A diminutione, ut cum Demosthenes non negat quidem mala, quæ Reip. acciderunt, esse mala; sed dicit, ea leuius ferenda, quòd facta sint fortuna, non ignauia hominum. Omnino enim, si auditores putant agi de re maiore, quàm dicit orator, ab eius diminutione exordium est.

5 Ornatus causa, ut cum Cicero pro lege Manilia ostendit, cur antea ad populum orationem non habuerit, & cur etiam in insolita ratione descendendi sibi lætandum esse putet. Nam aliquod proœ-

proœmium esse in oratione debet, ne ipsa sit, ut ait Aristoteles, abrupta. Quare cogitandum est, quomodo Cicero in partitionibus tradiderit, Deliberationi conuenire principia uel non longa, uel sæpe nulla. nūquam enim nulla uidentur cōgruere, ne oratio abrupta sit.

Exemplum autem omnium deliberatiuorum proœmiorum habetur egregium in secunda Agra-
ria, ubi primum sumptum est proœmium ornatus
caussa, dum Cicero se elegantissime confert cū
uiris nobilibus adhibita etiam ornatissima ampli-
ficatione, quod factus sit consul homo nouus; cū
primum licitum fuerit, anno ætatis quadragesi-
mo tertio; cum primum petierit, sine ulla repul-
sa; & uiua uoce

Deinde ab obiectione criminis, quod Rullus, &
eius sectatores cum populi non solum commoda,
verum etiam salutem oppugnarēt, & impedirent,
oratione assequi uellent, ut populares esse uide-
rentur.

Præterea à depulsione, quod ipse Cicero popu-
laris esset, cōtra quàm dicerent aduersarij, qui pa-
cem populo restituere cuperet in consulatu.

Tum ab amplificatione, quod idem Cicero rem
popularem procuraret, pacem, libertatem, ocium.

Postremo ab extenuatione, quod ipse Rullus
uerbo tantum popularis esset, non etiam re.

Iam ad Demosthenem reuertamur, qui cum in
proœmio Philippum criminetur, an ullam narra-
tionem faciat, quærendum est.

Tradit Aristoteles, deliberationi narrationem
minime conuenire; siquidem hæc rerum præte-
ritarum est: illa rerum futurarum. Assumi ta-
men eam aut ad criminandum, aut ad uituperan-
dum, aut ad crimen diluendum, aut ad laudandū;

idque

idque non esse munus suavis, aut dissuasoris. Itaque solet interponi brevis narratio in ipso proœmio; ut sit in oratione Ciceronis pro lege Manilia, ubi breuissime narratur, bellū graue, & periculosum à Mithridate, & Tigraue inferri, quotidie afferri litteras ex Asia, quæ declarant. Bithyniæ uicos exustos esse, Capadociam esse in hostium potestate, Lucullum ab eo bello discedere, unum Pompeium expeti. Huiusmodi autem narratio non est proprie deliberatiua, sed iudicialis assumpta ad criminandos illos Reges, ut facilius bellum contra ipsos decernatur. Sic in hac Demosthenis oratione cum proœmio permixta est narratio quædam iudicialis, quæ Philippum criminatur, quòd causas falsas simulauerit, & prætextus iniustos adinuenerit belli gerendi contra Athenienses, posteaquàm quædam alia negocia confecerat. Nam Pharsalij Halum traderat, de qua insula reddenda Atheniensibus extat oratio Demosthenis habita anno secundo olympiadis centesimæ decimæ, quam tamen Libanius Demosthenis esse non putat. Præterea Phocense negotium ad finem perduxerat. Cum enim Phocenses Philomelo duce Delphicum templum spoliassent, anno secundo olympiadis centesimæ sextæ; à Locris, & Bœotis finitimis populis bello petiti sunt, quod Sacrum, & Phocicum uocatum est. Anno autem secundo olympiadis centesimæ octauæ Philippus per speciem Delphici templi tuendi se Bœotis contra Phocenses adiunxit; & anno sequenti magno apparatu contra eos profectus Phalæcum ducem eorum sub conditionibus dimisit, ac ipsos in deditionem sine prælio accepit, finemque bello Sacro post decem annos imposuit. Idem anno quarto olympiadis centesimæ

septimæ Chalcidenses in Thracia subegit . & an
no secundo olympiadis centesimæ nonæ omnes
Thracas in deditionem suam traxit . Cum igitur
hæc omnia gessisset , se conuertit aduersus Athe-
nienſes cauſis falſis ſimulatis, & prætextib. in-
iuſtis adinuentis. Criminatus enim eſt Athenien-
ſes, quòd nauigia miſſent ad iuuandos Selybria-
nos, quorum urbem ipſe oppugnabat; cum tamen
illam miſſent aduchendi frumēti cauſſa. Quare
eis per litteras minatus eſt, ſe omnibus uirib. ſuis
eos ulturum .

Proponit uero Demosthenes ſe oſtenſurū, ne
que potētiam Philippi eſſe ita magnam, ut ſit per
timeſcenda, neque timide ipſi reſiſtendum . Nunc
ad fidem ueniamus.

355

PRIMA PARS FIDEI
ORATIONIS DEMOSTHENIS
ad Epistolam Philippi.



TENIM primum uerisimi-
le ē, viri Atheniēses, Deos no-
bis existere maximos socios, et
adiutores; quorum cū ille fidē
transgressus sit, & iusiuran-
dum negligat, soluit iniuste
pacem. Deinde vero quibus reb. in tantam cre-
uit potentiam, decipiens semper aliquos, & ma-
gna promittens se beneficia collaturum, has om-
nes iam praterijt. Ac cognoscitur sine dubio à
Perinthijs, & Byzantijs, & illorum socijs, desi-
derium eius esse, tractandi ipsos eodem modo,
quo prius Olynthios. Neque ignoratur à Thessa-
lis consilium eius, ut sit dominus, non dux socio-
rum. Suspectus autem habetur à Thebanis, pro-
pterea quòd Nicæam quidem præsidio retineat,
in Amphyltioniam uero penetrauerit, atq. ad
se conuertat legationes ex Peloponneso, & illo-
rum præripiat societatem. Ita ut ex ijs, qui prius
ei amici erant, partim nunc bellum gerant, si-

Athenienses, inuenio, non solum res sociorum Philippo in suspicionem uenisse, atq. inimiciā, verumetiam res proprij principatus non egregie compactas esse, neq. apte, neq. ut aliquis potest existimare. Nam omnino Macedonica quidem potentialo loco additamenti, aliquod habet momentum, & usum, ipsa uero per se debilis est, & ad tantam rerum magnitudinem contemnenda. Præterea uero hic ipse eam bellis, & expeditionib. & illis reb. omnib. quibus aliquis eum existimare magnum possit, sibi infirmiolem reddidit. Neque enim existimetis, uiri Athenienses, eisdem rebus quadere Philippum, & qui ei subditi sunt. Sed consideretis illum quidem gloriæ cupidum esse: hos uero incolumitatis. & illi quidem non licere eam consequi sine periculo: his uero non esse opportunum, relinquendo domi liberos, parentes, uxores, conteri, & pro eo quotidie periclitari. Quare Macedonum multitudo ex his aliquis potest perspicere, quomodo erga Philippum affecta sit. Familiares autem eius & peregrinorum duces inuenietis gloriam quidem habere ex reb. fortiter gestis, timidiu uero uiuere, quā eos, qui gloriā nō habent. Nā his quidem existit periculum solum aduersus hostes: illi uero assentatores, & qui ipsos criminantur, magis quā pugnās timent. & illi quidem cum omnibus pugnant aduersus eos, qui contrariam aciem

instruxerunt: hi uero etiam malorum, quæ in bellis habentur, non minima pars existit, & separatim contigit, timere consuetudinem Regis. Præterea uero ex vulgari multitudine, cum aliquis errauerit, pœnam assumpsit dignam: hi uero cum rectissime se gesserint, tum maxime calumnijs afficiuntur, & vituperantur, præterquàm conuenit. Atq. his nemo recte existimans fidem non adhibuerit. Sic enim aiunt, eum honoris amantem esse, qui eius consuetudine utuntur, ut cum velit omnia opera pulcherrima existimari sua esse, magis indignetur militib. ac ducib. illis, qui aliquid dignum laude gesserint, quàm qui omnino frustrentur.

EXPLICATIO PRIMÆ

PARTIS FIDEI ORATIONIS

Demosthenis ad epistolam

Philippi.



IN fide spectandum est potissimum caput quæstionis, uel status, quò diriguntur argumenta; & proprium instrumentum argumentandi.

Status proprius generis deliberatiui est negotialis, qui res futuras tractat deliberationibus propositas, An timide sit resistendum Philippo. Quoniam uero timorem afferebat potentia Philippi, & Demosthenes dicebat infirmas esse Philippi opes; hinc oritur status coniecturalis, Vtrum firmæ, an infirmæ Regis opes sint.

Cum autem tria sint instrumenta oratoris, ut superius notauimus, enthymema, exemplum, amplificatio; tametsi exemplum sit maxime accommodatum deliberationibus. (Nam ex rebus ante gestis, inquit Aristoteles, dum futura conijcimus, de eo, quod agendum est, iudicium facimus:) tamen ubique Demosthenes enthymematibus delectatur: ut cum orationes aut sint exemplares, aut enthymematicæ, ac oratores alij exemplares, alij enthymematici, orationes Demosthenis sint enthymematicæ, & ipse Demosthenes enthymematicus, cuius enthymemata lucernam olere Pythias dixit.

pag. 44.

pag. 9.

Ac enthymemata quidem ducuntur à uerissimis
Z 4 libus

libus, ac signis. Et uerisimilia, ac signa aut à formis, id est proprijs propositionibus eius generis, in quo oratio uersatur: aut à propositionibus communibus, aut à locis Topicis.

Propriæ propositiones generis deliberatiui sūt ab utili, qui est eius proprius finis. & idcirco Demosthenes potissimum ostendit fore utile Reip. Atheniensi fortiter resistere Philippo; inutile nō resistere. Et, cum apud Hermogenem utile sit duplex, quod conducit, & quod necessarium est; primum cadit sub suasionem, secundum non cadit, sed tantum sub adhortationem; qua animi cōfirmantur. Quamobrem Libanius sic scribit; Nō amplius orator suadet Atheniensib, ut bellum gerant (cogebat enim ipsa necessitas) sed confirmat eorum animos ad periculum adeundum. & ipse Demosthenes sic ait; Hæc animis infigenda sunt, & cogitandum, in uestra non esse potestate, ut dicatis uos pacem agere. iam enim ille, & bellum indixit, & re ipsa intulit. Ut autem colligatur illud, quod Reip. utile est, eius rei, qua de agitur, tenenda sunt propria, ut, cum de quinque potissimum rebus genus deliberatiuum sit, de parandis pecunijs, de bello, & pace, de regione custodienda, de rebus inferendis, uel efferendis, de legibus ferendis; atq; hæc oratio de bello sit; non possit in ea excellere Demosthenes, nisi illa teneat, quæ cū de bello agitur, tenenda sunt, copias ciuitatis, & alienas, bella ciuitatis, & aliena; quàm sint potentes Athenienses, & Philippus, & quomodo potentes, an terra, an mari; quàm opulenti; quos amicos habeât, qui eis prodesse possint, quos inimicos, qui obesse; quàm apti ad bella gerenda. Hæc omnia optime tenebat Demosthenes, qui argumentatur cum copijs Atheniensium cōiung-

tum

Atum iri copias sociorum omnium, Perinthiorū, Byzantiorum, Theſſalorum, Aſianorum ſatraparum, Xerſis; ac opes Philippi infirmas eſſe.

Quoniam vero non eſt ſatis in hoc genere vtilem eſſe rem dicere, niſi etiam proberur fieri poſſe; idcirco ex propoſitionibus communibus illarum, quæ ſunt eius, quod fieri poteſt, mixime huic generi congruunt. Itaq. argumentatur Demotheſtes ab eo, quod fieri poteſt, quod conſiderat Ariſtoteles biſariam, tum quod fit, tum quod facile fit. Quare probat Demotheſtes fieri poſſe, vt Philippus vincatur, & facile vincatur; ductis argumentis;

1 A' dijs, quos ille quotidie violat in hunc modum; Philippus religionē violauit, & neglexit iurandum. ergo veriſimile eſt deos ei non fauere, ſed nobis, qui ſumus iuſtiores.

2 A' ſocijs, qui eū habent ſuſpectum, cum ab eo decepti ſint, ita; Philippus ſuſpectus eſt ſocijs omnib. vt Perinthijs, Byzantijs, Theſſalis, Thebanis. ergo infirmæ ſunt eius opes.

3 A' Xerſe Rege Perſarum omnium potētiſſimo qui ei futurus eſt infeſtus per ſatrapas Aſianos; Aſiani ſatrapæ inimicitias ſuſceperunt cū Philip. ergo omnib. modis Athenieſes iuuabūt, & ꝑ ſe & per Regem Perſarum. Potētiſſimus eſt Rex Perſarum. Igitur vobiſcum coniunctus facile Philippi potentiam debellabit. probatur cum eſſe potētiſſimum duobus modis.

4 A' morib. Philippi, qui omnia perfidiſe agit; Philippus perfidus eſt, & omnia violenter agit. ergo imperium diuturnum habere non poteſt. quod enthymema pulcherrima ſententia exornatur.

5 A' Macedonum natura, quorum copiarum ꝑ ſe ſatis

fatis infirmæ sunt; quique non eodem animo pugnant, ac Philippus. hic enim gloriæ: illi utilitatis tantum causa; Potentia Macedonica infirma est, tum per se, tum tantæ moli comparata, tum quod Macedones male affecti sunt erga Philippum. ergo eius imperium non est egregie compositum, 6. A familiaribus, & amicis, ac ducibus Philippi. qui ab eo iridentur, & contemnuntur. Familiares, & amici, ac duces Philippi in maximo metu viuunt. ergo facile ab eo deicient.

Reliquum est, ut enthy memata ex locis Topicis ducta colligamus. Quod breuiter faciemus, si verba Demosthenis prius hic adscribere rimus.

SECUNDA PARS FIDEI ORA-
TIONIS DEMOSTHENIS AD
Epistolam Philippi



QUOMODO igitur, si hæc ita
se habent, fideliter se iamdiu
erga ipsum gerunt? propterea
quod viri Athenienses, hoc tē-
pore cū ipse prospere agat, id
res omnes eiusmodi obscurat.

Nā prosperi successus mirabiles sunt ad obtene-
branda, & offuscanda hominum peccata. si vero
quid offenderit, tunc plana hæc omnia detegētur.
Euenit enim id, quod in corporib. nostris: quia cū
aliquis valet, nihil singillatim sentit ex partibus
debilitatis: cum vero egrotauerit, omnia commo-
uentur; siue existat ruptio, siue luxatio, siue ali-
quid aliud ex membris non perfecte sanum. sic
etiā in regnis, & omnibus principatibus, quo-
ties in bellis prospere agunt, obscura sunt mala
vulgari multitudini; si quid vero offenderint,
quod nunc verisimile est illum passurū esse, qui
maius onus subiuit, quā ipse ferre possit: diffici-
lia oīa omnib. manifesta sunt. Quod si quis uestrū
viri Athenienses, videns Philippū prospera for-
tuna vtentem, cum metuendum esse arbitretur,
& superatu difficilem, viri quidem prudentis v-
titur prouidentia. Etenim magnum momentum
est

est, immo verototum ipsa Fortuna ad omnes hominum actiones. Verum multis modis eligere aliquis posset non minus nostram prosperam fortunam, quàm illius. Accipimus enim à maioribus principatum longiori tempore non solū, quàm hic, sed (ut breuiter dicam) quàm omnes, qui regnauerint in Macedonia. Atq; illi quidē Atheniensibus tributa tulerunt: nostra verò ciuitas nemini vnquā omnium hominum. Præterea vero tanto plures adiutus, quàm ipse, ad deorum beneuolentiā habemus, quanto in actionibus magis pijs, ac iustioribus perseueramus. Cur igitur ille in superiore bello maiorem habuit prosperitatē? propterea quod viri Athenienses (nā libere vobiscum loquar) ipse quidem militat, & laborat, ac periculis præsens est, neque occasionem omit tens, neque horam anni relinquens vllam. Nos vero (dicetur enim verum) nihil facientes hic de sidemus, tardantes semper, & decernentes, ac sciscitantes per plateam, num quid magis nouū dicatur. At vero, quid fieri potest magis nouum quàm vt homo Macedo contēnat Atheniēses, et audeat eisumodi mittere epistolas, quales paulo ante uidistis? Atq. ei quidem existunt merce de conducti milites. Neq. vērō mediusfidijs ad hæc desunt ex nostris oratorib. quidam, quos ab illo dona domū recipientes ad nutum Philippi viuere minime pudet, neque ipsi sentiunt se omnia

nia tum quæ sunt ciuitatis, tum sua ipsorum paruo lucro videri. Nos vero neq. vllum apparatus facimus ad res illius perturbandas, neq. peregrinos milites volumus alere, neque ipsi audemus militare. Non igitur mirandum est, si in superio-
re bello ipse fuit, quàm nos, meliori conditione. sed potius, si nihil nos facientes eorum, quæ decet facere eos, qui bellum gerunt, putamus nos superaturos eum, qui omnia agat, quæ oportet agere meliori conditione futuros. Quorû, viri Athenienses, oportet cogitationem habere, & eam rationem inire, quod in vestra non est potestate, vt dicatis vos pacem agere. Iam enim ille, & in dixit bellû, & operib. intulit. Nullis vero reb. neque publicis, neq; priuatis parcere. ac militare prompte omnes, si quando occasio postulet. atque vt militib. meliorib. quàm prius. Neq. enim aliquis vestrum existimet. per quos ex bonis factæ sunt peiores res ciuitatis, per eos rursus restitutû iri, ac meliores factum iri. Neq. existimetis, existentib. vobis. ignauis, quemadmodû prius, alios pro vobis prompte decertaturos, sed cogitatis, turpe esse, patres quidem vestros labores, & pericula magna sustinuisse tunc, cum bellum aduersus Lacedæmonios gesserunt: nos vero neque pro ijs, quæ illi cum iuste possedissent, tradiderûnt nobis, velle fortiter pugnare: sed hunc ex Macedonia ortum sic esse paratum ad pericula, vt pro principatu

principatu maiori efficiendo, toto corpore vulne-
 ratus sit, pugnans cum hostibus: Athenienses ve-
 ro, quorum patrium est, nemini cedere, & omnes
 superare, ob mollitiem, aut socordiam dedecora-
 re maiorum opera, & patrię commoda. Ut autē
 longior ne sim, dico oportere nos omnes ad bellū
 parari, et alios Græcos aduocare, nō sermonibus,
 sed operib. ad nostram belli societatem, quod om-
 nis quidem sermo inanis est, si existat actionum
 expers; tanto autem magis sermo ciuitatis nostrę
 quanto videmur expeditius eo uti, quā alij
 Græci.

EXPLICATIO SECVNDÆ

PARTIS FIDEI ORATIONIS

Demosthenis ad epistolam

Philippi .

DVCITVR argumentum à simili in hunc modum; Eadem ratio est in regnis, & imperijs, quæ in corporibus nostris. At, cum decubuerint corpora, tum maxime malum apparet. sic cum regna ali quâ cladē acceperint, tū potissimū mala erumpūt.

Et à differentia, sic; Atheniensium imperiū fuit diuturnius, quàm regnū Macedonię; et Macedones Atheniensibus uestigales fuerunt; & Athenienses deis cariores, quia pietatis, & iustitię studiosiores. ergo illorum felicitas non minus, quàm horum exoptanda.

Et ab adiunctis; Philippus diligentior est, quàm Athenienses, ergo fortunatior.

Et ab antecedentibus; Philippus iam bellum indixit, & re ipsa intulit. ergo in Atheniensium manu non est pacem agere.

Et à repugnantibus: Non potest Reip. status per eos in integrum restitui, per quos labefactatus est. ergo melioribus ducibus utēdū, quàm prius.

Et ab exemplo; Maiores Atheniensium multos labores, & magna pericula in Laconico bello sustinuerunt. ergo turpe est Athenienses pro ijs, quę illi iure parta reliquerunt, defendendis nolle fortiter pugnare.

Et Philippus è Macedonia oriundus nullum fugitat periculum. ergo turpe est Athenienses, quorum proprium est imperare, & vincere, esse molles, & socordes.

Et

ARISTOTELIS

369

ARS POETICA

AB ANTONIO

RICCOBONO

LATINE CONVERSA

AD NOBILISSIMUM,
atque omni reuerentia dignis-
simum Abbatem,

FRANCISCVM IVSTINIANVM
patritium Venetum.



V E N E T I I S, Apud Paulum Meietum,
Bibliopolam Patauinum, 1579.

ALISTOTELI

AND NOTICE

OF A NEW

AND

OF THE

AND

AND

AND

AND

AND



AND

AND

AND

371

NOBILISSIMO,
ATQVE OMNI REVE-
RENTIA DIGNISSIMO
ABBATI,

FRANCISCO IVSTINIANO,
Patritio Veneto

Antonius Riccobonus Rhodiginus
S. D.



ICI non potest, Abbas nobilissime, quantum amplitudini tua debeam. Nam prater alia plurima, & maxima officia, quibus me benignissime obstrinxisti, ea in me publice audiendo diligentia usus es, ut, quantum in te utilitatis ex disputationibus meis, tantundem in me laudis ex presentia tua redundarit; cumq; semper pradicaueris, tua te, non mea caussa schola mea subsellia frequentare, conatus quidem es, (qua tua humanitas fuit) soluendi beneficij cura me liberare, sed multo me vehementius

Aa 2 obli-

obligasti. Quid enim mihi illustrius esse poterat, quàm iuuenem nobilissimum, & egregijs animi bonis ornatissimum, ac longissime iam in praeclaris litterarum studijs progressũ, profiteri se esse in numero eorũ, qui me quotidie audiunt? quod dũ maximo meo cum honore professus es, agnoui benignitatem tuam, ut cum multum fulgeas patria claritate, familia splendore, legum diuinarum, atque humanarum cognitione, in quarum studio felicissimum iam cursum ad omnem excellentiam cum summa magnificientia laude confecisti, illud etiam in tuis ornamentis ponatur, quòd quãto grauior es, tanto te benigniorem omnibus praestes. Quam singularem virtutem tuam cum alijs sum admiratus, tum eo maxime tempore, quo me artem Poeticam Aristotelis in hoc clarissimo gymnasio explicantem quotidie audiui: tunc. n. multas, easq; non leuissimas tui erga me amoris, ac beneuolentiae notas accepi, de quibus cum diligentius cogitem, ac profitear me, dum viuam, esse cogitaturum, ut aliquod argumentum habeas grati animi erga te mei,

in

in tuo ornatissimo nomine non ad promerendam, sed ad referendam aliqua ex parte gratiam artem Poeticam Arist. in tua potissimum spē gratiæ latine conuersam, in manus hominum trado; quæ cum diu in barbarorum sordibus iacuisset, cæpta quidem est tandem aliquando latinitatis splendore collustrari, sed, cum adhuc multis in partibus obscurior existimaretur, etiam si multorum eruditissimorum hominum interpretationibus illustrata esset, rursus tamen interpretanda esse videbatur, non eo quidem consilio, ut aliorum conuersiones reprehenderentur, quod maleuoli potius hominis est, quàm eius, qui veritatis lucem amet, sed ut priorum interpretum lucubrationibus, quod fieri à posterioribus solet, aliquid adderetur, quo magis huius præclara artis idea appareret.

Qua in re ipse quidem summo opere elaboravi, ut hunc librum latine conuerterim, & quidem, ut mihi persuadeo, multo clarius, & planius, quàm ceteri fecerint: sed, quid profecerim, tu, & tui similes iudicabunt. Ego certe, si hunc laborem meum tibi non omnino displicuisse intellexero,

*satis magnū fructum uidebor percepisse;
 & magis inflammabor ad suscipiendos quo
 tidie maiores labores, ut tibi gratificer, ac
 omnia officia pro uirib. meis prestem, quæ
 pertinere ad honorandas maximas, & cla
 rissimas uirtutes tuas uideantur. Vale
 Patavij kal. Mart. MDLXXIX.*

me
 bi
 gil
 ba
 tic
 eff
 ex
 to
 m
 sic
 in
 m
 ru
 vl
 fa
 sic
 ra
 qu

375

QVOMODO ARS POETICA

SIT PARS LOGICAE.



VM dubitandum non
fit, Abbas nobiliss. quin
ars Poetica inter partes
Logicę ex doctissimorū
hominū sententia cōnu
meretur; illud quęritur, quod valde du
bium est, quō ipsa sit Logica, & syllo
gistica. Bartholomęus quidem Lom
bardus, uir eruditiss. in suo in artē Poe
ticam Arist. commētario scripsit, eam
esse Logicam, quōd enthymemate, &
exemplo utatur, quemadmodum Rhe
torica. Iacobus tamen Zabarella, Co
mes illustris, ac Philosophus in Ari
stotelis doctrina prę excellentissimus
in eo opere, quod ipse opera Logica
merito inscripsit, quia multorum ope
rum pręstantiam prę se ferat, negauit
vllam artem esse Logicam ea de caus
sa, q̄ enthymemate, & exēplo utatur.
sic enim affirmauit omnes artes futu
ras esse Logicas. Sed tradidit, ut ali
qua ars sit Logica, oportere eam doce

re usum alicuius argumentationis; ac Poeticam id facere, cum doceat usum exēpli in factis. De hmōi autem exemplo sic scripsit; Hominū mores & affectiones, & actiones, quæ in poematib. introducuntur, exēpla sunt, quæ imitāda, vel euitāda spectatorib. proponuntur, ficta quidem à poetis, tamen apta ad mores hominū corrigendos. Propterea alius est apud oratores, alius apud poetas exēplorū vsus. nam oratores uerbo exemplis utuntur: poetæ uero non uerbo, sed re exempla ficta ob oculos spectantium ponunt, ut per suadeant bonos esse imitādos, prauos aut abhorrendos, ac fugiendos. Itaq; solum argumentationis assumptum à poeta pponitur nō uerbis, sed factis: consequens aut ipsi auditores, & spectatores colligunt, quoad bene agendum trahuntur. Hæc ille. Mihi quidē, ut uerū fatear, admodū mira hæc Zabarellæ argumentatio uidetur, cuius assumptio sit in factis, & nō in dictis, in reb. & non in uerbis: cōclusio uero
in

in mente spectatorū; ut aliqua ēt de-
 tur argumentatio, quæ nō sit oratio,
 sed solū factum, & mentis conceptio.
 Arist. tamen uidetur cōsiderare oēm
 argumentationē in dictis; sic ēt exem-
 plū; quod tametsi sit aut rei factæ, aut
 rei fictæ, qualis parabola, & logus: ta-
 men intelligitur oratio, quæ exprimit
 rē factam, aut rē fictā, quemadmodū
 lib. 2. artis Rhetoricæ, & aliis in locis.
 Quare mihi duriuscula uidetur expli-
 catio istius argumentationis, quæ di-
 citur exēplū in factis. de quo cum col-
 loquerer cum Iulio Carrara, ciue Ve-
 neto, quem tu ducem, ac socium stu-
 diorum tuorum merito domi tuæ diu-
 tius habuisti; quemq; ego, nō tā quia
 iuris Cēsarei, ac Pontificii Doctōr sit,
 q̄ q̄ cū doctrina ipsius iuris, q̄ nostris
 tēporib. praua barbarie, & tumultua-
 ria opinionū uarietate à plurimis per-
 turbatur, Philosophiam, & earum ar-
 tium, quę ad Humanitatem pertinēt,
 studia coniunxerit, tui similib. i. gra-
 uissimis, ac nobilissimis uiris eē amā-
 dum,

dum, ac complectendum arbitror; dū ille mecum Zabarellæ in eo assentiretur, quòd nulla alia ratione Poetica possit Logica, & Syllogistica appellari, nisi quia aliquem syllogismum doceat; & diceret agere eam de syllogismo, & paralogismo: cogitavi huiusmodi opinionē latis probabilē eē, ut poetica esse pars Logicę existimeretur, quia ad ipsam pertineat docere vsū ratiocinandi in imitatione, quemadmodū ad Rhetoricam in persuasionē. Quod quō probari possit, considerandum est. Ac Poetica quidem habet quædam sibi cōia cum Rhetorica: quædam propria. Cōia sunt, sententia, mores, & dictio. propria est fabula. Inter sententiæ munera dicitur esse argumentari: sed Poetica argumentandi usum non tradit in sententiæ ratione, q̃ ea traditio magis conueniat Rhetoricæ. Quade re sic scribit Arist. Tertiū est sententia. id autē est dicere posse insita, & cōueniētia, qđ in orationib. Politicæ & Rhet. opus existit. Nā prisci Politicē intro-

introducebant dicentes. qui vero nūc
sunt, Rhetoricè. & alibi in hūc modū;
Ac que pertinent quidē ad sententiā,
in libris de Rhetorica posita sunt. hoc
. n. magis est proprium illius methodi.
Sunt autē secundū sententiam ea, quę
cunq; ab oratione paranda sunt. Et eo
rū partes existunt, tum demonstrare,
& soluere: tū perturbationes parare,
ut misericordiam, uel metum, uel irā,
& quęcunque talia: tum præterea am
plificare, & diminuere. Cū igitur tria
sint munera sententię vnū demonstra
re, & refellere; alterum affectus excita
re; tertium amplificare, & diminuere;
quoniam de his munerib. tractatū est
lib. 1. & 2. artis Rhetoricę, qui libri ē
Poeticę seruiunt; idcirco dicit Arist.
ad illos esse libros confugiendū. Qua
re, quòd attinet ad sententiam, nihil
præcipitur in Poetica de argumenta
tione, i. demonstratione, & refutatio
ne. Quoniam uero fabula, quam mo
do notauimus esse Poeticę propriam,
indiget ratiocinatione in ea. s. parte,
quę

quę eā pulcherrimā reddit, idcirco ad conformandā fabulam necesse est, vt Poetica sit Logica, & Syllogistica, ac doceat usum ratiocinandi. Nam fabulę partes præcipuę sunt peripetię, & agnitiones, quib. ipsa pulcherrima efficitur. Aristotelis uerba sunt de Tragœdia; Ad hęc maximę res, quib. capit animos Tragœdia, sunt fabulę partes, nempe peripetię, & agnitiones. & alibi; Ad hęc quidē fabulę partes circa hęc sunt, peripetia, & agnitio. Idem scribit, cum duplex sit fabula, vna simplex, altera implexa, constitutionē pulcherrimę fabulę oportere esse nō simplicem, sed implexā, & alibi; Implexę totum esse peripetiā, & agnitionem. Iam uero cum agnitio fiat per syllogismum, aut tacitum, aut expressum, & de hoc syllogismo, ex quo existit agnitio, nihil præcipiatur in Rhetorica, opere precium fuit docere huiusmodi syllogismum, qui est proprius ipsius Poeticę. Itaque tradidit Arist. agnitionem fieri aut per syllogismum tacitum, aut

ex-

expressum. per syllogismū tacitum, i. enthymema, tripliciter. Primum à signis, vt Hic habebat lanceam, i. maculam habentem figurā lanceæ in pelle infixam. ergo erat de illis, qui nati fuerant de dentib. serpentis seminati à Cadmo. deinde per successionem rerū, uel per inuentionem poetæ, ut Hæc est græca, miseratur duos græcos, impetrat reditū unius, uult scribere litteras, scribit, dat mihi, dicit se seruatum esse, dum immolaretur. ergo est mea soror. sic. n. Orestes agnouit Iphigeniā. & Hic scit me seruasse in thalamo lanceam. ergo est meus frater. sic. n. Iphigenia agnouit Orestem. Præterea à sensu, vt Hic audiens Demodoci cantū de græcis, & Vlyssæ luget. ergo græcus est. Sic. n. agnitus Vlisses apud Alcinoū Phæacū Regem. Per syllogismum expressum, duob. modis, aut uerum, aut falsum. per syllogismū verū, vt Qui habet pedes eiusdem mensuræ cum meis, Orestes est. Hic, qui fuit circa sepulchrum patris mei, habet. ergo Ore-

Orestes . Per syllogismū falsum , qui dicitur paralogismus, ut, Qui cognoscit arcum Vlyssis, est verus nuncius de morte Vlyssis. Hic cognoscit. Ergo verus nūcius . Plura quidem exempla attulit Arist. ad species agnitionis declarandas : sed nobis satis sit demonstrasse illud, quod uolebamus, Poeticā tradere usum argumentandi potissimum in agnitione, & hoc modo esse partem Logicæ . Nam tametsi multa habeat, quæ non pertinet ad Logicā : tamē sufficit, ut in aliqua re præcipua appellari Logica possit; quæadmodū etiam euenit Rhetoricæ, quæ non solā continet oratoriam demonstrationē, propter quam reducitur ad Logicam, sed simul mores, & affectus , & præterea elocutionem, ac partium dispositionem : tamen dicitur pars Logicæ propter unum artificium demonstrationis. Sic Poetica præter sententiā , quā ipsa habet cum Rhetorica cōem , non unam fabulam tractat, cuius præcipua pars, quæ dicitur agnitio, indiget

get syllogismo ; sed mores quoque, & dictionem, & harmoniam, & apparatus : tamen propter unam ratiocinationem, quæ fit in fabula, cuiusque usum docere ad ipsam potissimum spectat, videtur ab Auerroë maximo philosopho, & ab aliis fuisse pars Logicæ appellata.

VARIAE QVAEDAM LECTIONES.



RISTOTELIS liber de poetica] Hoc opus in arte Rhetorica ab ipso Aristotele nominatur de Poetica, & De Poësi, vnde colligunt quidam in hac inscriptione poeticam, & poësim idem esse.

Alij autem utrisque] sequuti sumus correctionē subtilissimorum quorundam explicatorū ut maluerimus legere ἀμφοτέρους, i. colorib & figuris simul, quàm ut prius διὰ τῆς παντὸς.

Et Nicocharis, qui Deiliada] Nobis placuit coniectura illorum, qui putarunt legendum esse Δειλιάδα, idest actiones timidorum, & peiorum, & non, ut ante, Δηλιάδα.

Et qui fecit Cyclopes Timotheus] legebatur ὡς πέρσας. Quidam legerunt ὡς ποιήσας, supplementes aliquot verba. Nos complexi sumus huiusmodi

di lectionem: sed nihil addere ausi sumus :

Vt si decem millium stadiorū sit animal] Quidam legunt non *μυρίων*, sed *μῦ*, idest quadraginta stadiorum, quæ quinque millia passuū continēt.

Si enim termino opus esset, causa Tragoediæ recitandæ] conuertimus secundum correctionem illorum, qui legendum existimarunt non *ἑκατον* sed *ἐνεκα τοῦ τραγωδίας ἀγωνίζεσθαι*.

Vt Achillem bonum etiam Homerus] Alij legunt, vt Achillem Agathon, & Homerus.

Secundæ sunt, quæ à poeta factæ sunt] Quidā corrigunt ita, Secundæ sunt, quæ factæ sunt. Ac ex ijs, quæ factæ sunt, alię à fabula, alię à poeta factæ sunt.

Itaq. ingeniosi poetica est, vel furore perciti] cum in multis probauerimus ingenium, & industriam subtilissimam cuiusdam explicatoris, eius tamen correctionem illam sequuti non sumus, vt legatur οὐ *μανικοῦ*. Nam etiam in Rhetorica Aristoteles appellat poesim *ἐνθεον*, idest rem diuinā.

Vt Euripides Hecubam] Sequimur illos, qui legunt Hecubam, & non Niobem.

Virilia quidem quæcunque desinunt in *ν*, & *ρ*, & quæcunque ex aliquo eorum, quæ muta sunt, constant] Quidam corrigunt, in *ν*, & *ρ*, & *σ*, & quæcunque, ex *σ*, & mutis constant.

Nam *↓*, & *ξ* eadem sunt] Nam *σ*, & *↓*, *ξ* eadem sunt.

Eò quòd hac prohibitum sit] Quidam legunt non *κωλυθῆναι*, sed *καὶ λυθῆναι*. Vt hac parte quoque soluamus.

Errata grauiora.

pag. 433. ver. 3. commemorasset 437. 12. dignus. 443. 27. nec esse, 444. 29. in 443. 35. Qua.

385
ARISTOTELIS

LIBER DE POETICA,

ANTONIO RICCOBONO

Rhodigino interprete.



IN QVIBVS CONVENIANT,

ET DIFFERANT FORMAE

POESIS.



De poetica, & ipsa, & formis ipsius, quam vim habeat unaquaeque; & quomodo oporteat componi fabulas, si habitura sit se recte poesis; praeterea vero ex quot, & qualibus constet partibus; similiter autem, & de alijs quae eiusdem methodi sunt; dicamus, incipientes secundum naturam primū à primis. Iamvero Epopœia, & Tragœdia poesis, praeterea Comœdia, & Dithyrambopœtica, & Auletica maior pars, & Citharistica omnes existunt in vniuersum imitatio.

Differunt autem inter se trib. rebus: aut enim quòd reb. genere diuersis imitantur: aut quòd res diuersas: aut quòd diuerso, & non eodem modo.

B b Vt

*Propositio
libri:*

*Genus, &
Formae poe
sis.*

*Differentia
triplex.*

*Triplex in
strumentū,
unde quin-
que species
imitationis.*

*Quidam ex
ponunt, uel,
pro Ideſt.
An Epopœ
ia poſſit fie-
ri ſoluta ora-
tione.
An Epopœ
ia ſit diuer-
ſa ratione
uerſum.*

Vt enim, & coloribus, & figuris multa imitan-
tur aliqui effigiem exprimentes, partim quidem
per artem, partim vero per conſuetudinem; alij
autem utriſque: ſic in dictis artibus omnes qui-
dem faciunt imitationem in numero, & oratione
& harmonia; atq. his ſeparatim, aut mixtis.

1 Ut harmonia quidem, & numero utuntur ſo-
lum, & Auletica, & Cithariſtica, & ſi quæ aliæ
ſunt tales poteſtate, ut fiſtularum.

2 Ipſo autem numero imitantur ſine harmonia,
qui ſunt inter ſaltatores. etenim iſti per figuratos
numeros imitantur, & mores, & perturbationes,
& actiones.

3 Epopœia vero ſolum ſermonib. nudis, vel me-
tris. & his ſiue mixtis inter ſe, ſiue vno aliquo ge-
nere utens metrorum, qualis exiſtit uſque adhuc.
Non enim pro re communi poſſemus nominare
Sophronis, & Xenarchi Mimos, & Socratis ſer-
mones. Neque ſiquis per Trimetra, uel Ele-
gos, uel alia quædam talia conficeret imita-
tionem. Niſi quòd homines coniungentes cū me-
tro ipſum fingere, alios quidem Elegorum ficto-
res, alios vero Epicorum fictores nominant; non
ſecundum imitationem, ſed communiter ſecun-
dum metrum appellantes poetas. Etenim ſi
Medicinæ, aut Muſicæ, aliquid per metra profe-
runt, ſic appellare conſueuerunt. Nihil autem
commune eſt Homero, & Empedocli præter me-
trum. Quare illum quidem poetam iuſtum eſt
appellare: hunc vero philoſophum magis, quàm
poetam. Similiter vero etiam ſiquis omnia metra
miſcens non faciat imitationem, quemadmodum
Chæremō fecit Centaurum mixtam rapsœdiam
ex omnib. metris; iam poeta nō eſt appellandus. At
que hæc quidem hunc in modum explicata ſint.

4 Sunt

4 Sunt autem aliquæ, quæ omnibus utuntur iis, quæ dicta sunt, nempe numero, & concentu, & metro, sicut Dithyrambicorum poësis.

5 Præterea Tragœdia, & comœdia. Differunt vero, quod illæ quidem simul omnibus: hæc vero secundum partem. Atque has quidem dico differentias artium, in quibus faciunt imitationem.

Quoniam autem ij, qui imitantur, agentes imitantur, necesse vero est eos aut studiosos, aut malos esse (mores enim ferme hos consequuntur solos: nam vitiositate, & virtute in moribus differunt omnes) aut meliores, quam secundum nos, aut peiores necesse est imitari. ut ex pictoribus Polignotus quidem meliores: Pauson vero deteriores: at Dionysius similes pingebat. Manifestum autem est, quod & ex ijs, quæ dictæ sunt, imitationibus unaquæque habebit has differentias, & erit diuersa, eo quod diuersa imitabitur. Nam in saltatione, & Auletica, & Citharistica possunt existere eiusmodi dissimilitudines. & circa sermones, & muda metra; ut Homerus quidem meliores, Cleophon vero similes: at Hegemon Thasius, qui parodias, & Nicocharis, qui Deiliada, peiores. Similiter vero etiam circa Dithyrambos, & circa Nomos; ut & qui fecit Cyclopes Timotheus, & Philoxenus, posset aliquis imitari. In eadem vero differentia, & Tragœdia, & comœdia separata est. hæc enim peiores: illa meliores imitari vult, quam ij, qui nunc sunt.

Præterea vero in his tertia differentia est, ut singula hæc imitaretur aliquis. Etenim in ijsdem, & eadem imitari licet, interdum quidem exponētem, vel aliud quippiam factum, ut Homerus facit vel ut eundem, & non se immutantem: uel omnes ut agentes, & molientes aliquid, quos imitantur.

Triplex materia personarum à se similitudine pictorum, & speciebus imitationis. secundum nos scilicet, quam homines præteritis ætatis, uel quam homines communes, quales nos sumus.

Triplex modus imitationis.

*Cōclusio in
strumenti,
materie, et
modi.*

*Sophocles si-
milis Home-
ro & Ari-
stophani.*

*Dorieneses
Megaren-
ses Gracie.*

*Megarēses
Sicilia.*

*Dorieneses Pe-
loponnesi.*

Iam uero in trib. his differentijs imitatio est, ut dicebamus in principio, tum in quib. tum quæ, tum quomodo.

Quare in vna quadam parte idem erit imitator cum Homero Sophocles, imitantur enim ambo studiosos: in altera vero cum Aristophane, moliētes enim aliquid, & agentes ambo imitantur.

Quamobrem sibi vendicant & Tragēdiam, & Comēdiam Dorieneses. Comēdiam quidem Megarenses, & qui hic sunt, tamquam in ipsorum Democratia natam: & qui sunt ex Sicilia. Inde enim extitit Epicharmus poeta multo prius, quàm Chōnides, & Magnetes. Ac Tragēdiam aliqui eorum, qui sunt in Peloponneso, ducentes à nominib. signum. hi enim comas pagos appellare se dicunt: Athenienses vero demos, quasi comēdi non à κομᾶζειν dicti sint, sed nominati ab errore illo per pagos ex vrbe. Et facere ipsi quidem ostendunt se dicere δρᾶν; Athenienses vero πρᾶττεν. Ac de differentijs quidem imitationis, & quot, & quæ sint, tam multa dicta sint.

DE ORIGINE POETICAE.

*Probat imi-
tationem es-
se naturālē
quattuor ar-
gumentis.*



VIDENTVR autem genuisse in vniuersū poeticā causse duę.
1 Nam imitari insitum hominib. à pueris est.
2 Et hac re differūt ipsi ab alijs animalib. quòd homo est animal maxime accommodatum ad imitandum.

3 Et perceptiones faciūt primas per imitationē.

4 Et gaudent omnes reb. imitatione expressis. Signum autem huius rei est id, quod contingit in operib. opificum. quæ enim ipsa molestè cernimus operib.

horum imagines exactissime expressas dum spectamus, gaudemus, vt ferarum formas abiectissimarum, & cadauerum. Ac signum huius rei etiam est, qđ discere non solum philosophis iucundissimum est, sed etiam alijs similiter, qui tamen parū in ipso communicant. ob id enim gaudent cernentes imagines, quòd contingit spectantes discere, & ratiocinari, quid vnumquodque sit, & hunc illū esse. Quoniam nisi contigerit eum prius vidisse, non propter id, quod imitatione expressum est, efficiet voluptatem, sed propter artificium, aut colorem, aut talem aliquam aliam causam.

Verum cum secundum naturam sit in nobis ipsum imitari, & harmonia, & numerus (nam metra particulas esse numerorum manifestum est) à principio, qui natura apti erant ad hæc ipsa maxime, paulatim promouentes genuerunt poetam ex ijs, quæ subito dicebantur.

Diuisa autē est secundū proprios mores poesis. Nā grandiores honestas imitabantur actiones, ac huiusmodi hominum, Humiliores vero malorum facientes primū vituperationes, quemadmodū alteri hymnos, & encomia. Atq; eorum, quidē, qui ante Homerum, fuerunt, nullius possumus nominare poema tale. Verisimile autē est multos existerē. At ab Homero exorsis licet, vt est illius Margites, & talia. Quib. secundum id, qđ conueniebat, iā bicum accessit metrum. Itaq; & iambicum vocatur nunc, quod & in hoc metro conuicia inter se exercebāt; & fuerūt ex priscis alij quidē heroicorum, alij vero iāborū poetę. Quēadmodū autē & in grauioribus maxime poeta fuit Homerus (solus. n. fuit, nō solū quia bene, sed etiam quia imitationes dramaticæ fecit) sic & Comædiæ figuras primus submonstrauit, non vituperationem, sed ridiculum

*Non probat
harmoniam
esse rem na-
turalem, sã
quam rem
manifestã.
Poësis diui-
sa in duas
partes.*

dramate complectens. Nam Margites proportio-
nem habet, ut Ilias, & Odyssea ad Tragœdias, sic, &
ipse ad Comœdias. Cum autem apparuisset Tra-
gœdia, & comœdia, qui ad vtranque poesim fere-
bantur secundum propriam naturam, partim
quidem pro iambis Comici facti sunt; partim
vero pro Epicis Tragici, quia maiores, & hono-
ratiores figuræ essent hæ, quàm illæ. Ac conside-
rare quidem, utrū sufficienter se habeat iam Tra-
gœdia in formis ipsius, nec ne, tum si res ipsa per
se iudicetur, tum ad theatra; alia ratio est.

*Quomodo
Tragœdia
aucta sit.*

*ut una mul-
titudine cane-
ret, & sona-
ret, altera
saliaret.*

1 Nata igitur est à principio ex tempore, & ipsa,
& Comœdia. Et vna quidem ab ijs, qui dithyram-
bum canebant: altera vero ab ijs, qui phalli-
cæ, quæ præterea etiam nunc in mulis ciuitati-
bus manent, legibus constituta, paullatim aucta
est adducuntib. quantū ipsius factū est manifestū.

2 Et multas mutationes cum habuisset Tragœ-
dia, conqueuit, quia consequuta est suam ipsius
naturam. Ac histrionum multitudinem ex vno ad
duos primus Aeschylus produxit.

3 Et ea, quæ ad chorum pertinent, minuit:

4 Et orationem primarum partium instituit.

5 Tres autem,

6 Et scenæ ornamentum Sophocles.

7 Præterea magnitudo ex paruis fabulis, & locu-
tione ridicula, propterea quòd ex satyrico mu-
tata est, tarde granditatem habuit.

8 Ac metrum ex tetrametro iambicum factum
est. Nam primum tetrametro utebantur: propte-
rea quòd satyrica, & magis saltatoria erat poesis.
Locutione autem nata, ipsa natura proprium me-
trum inuenit. Maxime autem sermoni accom-
modatum omnium metrorum iambicum est. si-
gnumque huius rei est, quòd plurima iambica
pro-

proferimus in colloquutione, quam inuicem habemus: hexametra vero raro, & exeuntes ex accōmodata sermoni harmoniā.

9 Præterea vero episodiorum multitudines, & alia ut singula se habent, ornata esse dicuntur. Ac de his quidem tam multa à nobis dicta sint. plura n. fortasse dicēda essent, si singula essent explicāda.

Comœdia vero est, ut dicebamus, imitatio peiorum, at non secundum omne vitium. Sed turpitudinis est particula ridiculum.

Etenim ridiculum est peccatum quoddam, & turpitudo sine dolore, & non habens vim interimendi, ut statim ridicula facies, turpisque, ac distorta sine dolore.

Ac mutationes quidem Tragædiæ, & per quos factæ sint, non latent. Comœdia vero, quia in ipsa à principio positum studium non est, latuit. Etenim chorum comædorum sero magistratus dedit. sed illi voluntarii erant. Atque cum figuras quasdam iam ipsa nacta esset, pauci ipsius poetæ commemorantur. Quis autem personas assignauerit, aut prologos, aut multitudines histrionū, & quæcunque talia ignorantur. At fabulas facere Epicharmus, & Phormis ceperunt. Ac ex Sicilia quidem a principio venit. Eorum verò, qui Athenis orti sunt; cum abiēcisset iambicam formam, cepit in vniuersum facere sermones, aut fabulas.

Quid sit comœdia.

Ridiculum quid.

Non sunt obseruatae mutationes comœdiæ.

Chorus pro multitudine interloquutorum.

Inuectores fabula comice.

DE TRAGŒDIA.



POPOEIA. igitur Tragædiam usque ad solum hunc terminum consecuta est, quod sit cum sermone imitatio studiosorum. In eo autem differunt, quod illa quidem metrum simplex habet, & enastratio est, præterea

In quibus conueniant Tragædia, & Epopœia.

In quibus differant.

longa est: hæc uero quàm maxime conatur sub uno ambitu solis esse, aut paullisper uariare, cum Epopœia indefinita sit tempore. Atque in hoc differt, etiam si primis temporibus. id similiter faciebant, tum in Tragœdiis, tum in Epicis.

*Eadem sūt
fabula, sen-
tentia, mo-
res, dictio.*

*Proprie sūt
Apparatus
et Melodia.*

*Proponis se
dicturum
de Epopœia,*

*Et de comæ-
dia, sed pri-
us de Tra-
gœdia.*

*Quid sit
Tragœdia.*

Partes autem quædam eedem sunt, quædam propriæ Tragœdiæ. Quare quicumq; cognitionem habuerit Tragœdiæ bonæ, & malæ, habuerit et Epicorum. Quæ enim Epopœia habet, insunt in Tragœdia. Quæ uero ipsa: non omnino in Epopœia. Ac de imitatione quidem, quæ fit hexametro, & de Comœdia posterius dicemus. De Tragœdia uero dicamus, assumentes ipsius definitionem, quæ ex ijs, quæ dicta sunt, nascitur, unde pateat ipsius natura.

1 Est igitur Tragœdia imitatio.

2 actionis probæ,

3 & perfectæ,

4 magnitudinem habentis,

5 suauis sermone,

6 separatim singulis formis in partibus agentibus.

7 & non per enarrationem,

8 sed per misericordiam, & metum inducens talium perturbationum purgationem.

9 Iam dico suauem sermonem, habentem numerum, & harmoniam, & melodiam.

6 Illud autem, Separatim formis, propterea quod quædam solum efficiuntur per metrum, & rursus alia per melodiam.

*Enumeran-
tur sex par-
tes qualita-
tis in Tra-
gœdia.*

Quoniam autem agentes faciunt imitationem, primum quidem ex necessitate erit aliqua pars Tragœdiæ apparatus. Deinde melopœia, & dictio. In his enim faciunt imitationem. Ac dico dictionem ipsam metrorum compositionem. Melopœiam uero id ipsum, quod manifestam habet uim omnem. Et quoniam actio-

actionis est imitatio, atque agitur à quibusdam agentib. quos necesse est cuiusdam modi esse & secundum mores, & sententiā, nā propter hæc ē actiones dicimus esse cuiusdam modi: naturaliter sunt duæ causæ actionum, sententia, & mores. Et secundum has tum fortunati, tum infortunati existunt omnes. Est autem actionis quidem fabula imitatio.

Dico enim fabulam hanc rerum compositionē.

Mores uero, secundum quos cuiusdam modi esse dicimus agentes.

At sententiā ea omnia, in quib. dicentes demonstrant aliquid, uel etiam enunciant mentem.

Necesse igitur est, omnis Tragœdiæ partes esse sex, secundum quas, cuiusdā modi est Tragœdia. Atq; hæc sunt, fabula, mores, & dictio, & sententia, & apparatus, & melopœia.

Quibus enim imitantur, duæ partes sunt. Quomodo imitantur, una. Quas imitantur, tres. Ac his quidem non pauci ipsorū, ut ita dicā, usi sunt formis. Etenim apparatus habet omne & mores, & fabulā, & dictionē, & melos, & sententiā similiter.

Distinguitur partes qualitates.

1. Maxima uero harum rerum est compositio. Tragœdia enim imitatio est nō hominū, sed actionum, & uitæ, & felicitatis, & infelicitatis. etenim felicitas in actione est. & finis actio quedā est, nō qualitas. Ac sunt quidē secundū mores cuiusdam modi: at secundum actiones felices, uel contra.

Agitur de dignitate partium.

Non igitur agūt, ut imitētur mores: sed pp actiones mores complectuntur. Quare res, & fabula finis est Tragœdiæ, ac finis maximū omniū est.

2. Nā sine actione nō fieret Tragœdia. At sine moribus, fieret. Recētiū. n. plurimorū Trag. sine moribus sūt; & oīno poetæ multi tales. sicut & ex pictoribus. Zeuxis ad Polygnotū se hēt. Nā Polignotus bonus

morum

morum descriptor. At Zeuxidis pictura prorsus caret moribus.

3 Præterea si quis posuerit colloctiones moratas, & dictiones, & sententias bene factas, non efficiet, quod est Tragediæ opus. sed multo magis id efficiet Tragedia, quæ his quidem deterioribus vsa sit, at habeat fabulam, & compositionem rerum bene factam.

4 Ad hæc maximè res, quib. capit aîos Tragedia, sunt fabulæ partes, nēpe peripetiæ, & agnitiones.

5 Præterea signum est, quòd & qui conantur rē poeticam agere, prius possunt dictione, & moribus res exquisitè tractare, quàm res componere, ut & primi poetæ ferme omnes. Ac principium quidē, & tamquam animus Tragediæ fabula est.

Secundum autem mores: assimile enim est in pictura. nam si quis illineret pulcherrimis coloribus fusim, non similiter delectaret, ac si quis albo describeret imaginem. est autem imitatio actionis, & per hanc maxime agentium.

Tertium vero sententia. Id autem est, dicere posse insita, & cōuenientia, quod in orationib. Politicæ, & Rhetoricæ opus existit. Nam Prisci Politice introducebant dicentes. qui vero nunc sunt Rhetorice. Iam mores sunt tale quiddam, quod aperit prælectionem, qualis sit in rebus illis, in quibus non est manifestum, vtrum dicens eligat, an fugiat. Sententia vero est in rebus illis, in quibus demonstrant aliquid aut esse, aut nō esse, aut enunciant aliquid in vniuersum.

Quartum est sermonū dictio. Ac voco, quemadmodum prius dictum est, dictionem per verba interpretationem. quod & in metris, & in orationibus eandem vim habet.

Reliquarum vero quinque Melopœia est maximum

mum condimentorum.

Et apparatus allicit quidem animos : sed maxime est artis expert. & minime proprius poeticæ. Nam Tragediæ uis, & sine certamine, & histrionibus est. præterea vero potentior est circa fabricam apparatusum ars illius, qui scenam conficit, quàm ars poetarum.

Explicatis autem his, dicamus deinceps, qualè oporteat esse compositionem rerum : quoniam iam hoc & primum, & maximum Tragœdiæ est.

1 Positum autem est à nobis perfectæ, atque totius actionis imitationem esse, habentis aliquam magnitudinem. Totum autem est, habens principium, & medium, & finem. Ac principium est, quod ipsum ex necessitate post aliud non est; post illud vero aliud naturaliter est, aut fit. Finis contrarium, quod ipsum post aliud naturaliter est, aut ex necessitate, aut plerumq; post hoc autem aliud nihil. Medium, quod & ipsum post aliud est, & post illud aliud, oportet igitur bene compositas fabulas, neque unde libet incipere, neq; ubi libet finire, sed uti dictis formis.

2 Præterea vero quoniam pulchrum, & animal, & omnem rem, quæ ex quibusdam composita est, non solum hæc ordinata oportet habere, verum etiam existere magnam, sed non quomodolibet, nam pulchrum in magnitudine, & ordine consistit; unde neque omnino paruum animal existere potest pulchrum, confunditur enim spectatio, quæ prope insensibili tempore fiat; neque omnino magnum, non enim simul spectatio fit, sed perit spectantibus vnum, & totum ex spectatione, ut si decem millium stadiorum sit animal: propterea oportet, quemadmodum in corporibus. & in animalibus inesse quidem magnitudinem, sed cam,

*Proponitur
agendum de
fabula, cu-
ius octo pro-
prietates
enumeran-
tur. Ut sit
tota :*

*Magnitudi-
nem habēs.*

cam, quæ facile conspici possit; sic & in fabulis inueniri quidem longitudinem, sed eam, quæ facile retineri memoria possit. Longitudinis autem terminus ad contentiones, & sensum, non artis est. si enim termino opus esset causa Trægœdiæ recitandæ, ad clepsydras contenderent, quemadmodum quondam, & aliis temporibus factum esse affirmant. Terminus autem rei secundum ipsam naturam semper quidem, qui maior est, quatenus simul patet, pulchrior est secundum magnitudinem. Verum, ut simpliciter redefinita dicam, in quanta magnitudine secundum uerisimile, & necessarium deinceps nascentibus reb. contingit in prosperam fortunam ex aduersa, aut ex prospera in aduersam mutari, sufficiens terminus est magnitudinis.

Vne.

3 Fabula autem est una, non ut aliqui putant, si circa unum sit. multa enim, & infinita genere contingunt, ex quib. non nullis nihil existit unum. sic & actiones unius multæ sunt, ex quib. nulla actio existit una. Quare omnes uidentur peccare, quicumque ex poetis Herculeidem, & Theſeidem, & talia poemata fecerunt. putant enim, quoniam unus erat Hercules, unam etiam fabulam conuenire. At Homerus, quemadmodum & in aliis excellit, sic etiam hoc uidetur pulchre uidisse, siue propter artem, siue propter naturam. Odysseam enim faciens, non descripsit omnia, quæcunque ipsi contigerunt, ut eum accepisse vulnus in Parnasso, & simulasse insaniam in cõtione exercitus, ex quibus non erat necessarium, altero facto alterum factum esse. Sed circa unam actionem, qualem dicimus esse Odysseam, māsit. Similiter & Iliadem. Oportet igitur ut in aliis imitatricibus una imitatio unius est; sic & fabulam,

*De quo nullo
nere agitur
per accidens
li. 19. odysſ.*

lā, qm actionis imitatio est, & vnius esse, & huius totius, & partes constare rerū sic, ut transposita aliqua, aut ablata diuersum reddatur, & moueatur totum, quod enim, cum adest, aut non adest, nihil facit, quod appareat; id nec pars quidē est.

4 Manifestum autem est ex iis, quæ dicta sunt, non esse poetæ munus facta dicere, sed qualia fieri debent, & quæ fieri possunt secundum veri simile, vel necessarium. Nam historicus, & poeta non eo quod aut cum metro dicant, aut sine metro, inter se differunt. Liceret enim, quæ Herodoti sunt, in metra ponere; & nihilo minus esset historia quædam cum metro, quàm sine metris. Sed in hoc est differentia, quod unus quidem facta dicit: alter uero qualia fieri debent. Quamobrem & res magis philosophica, & studiosior poësis est, q̄ historia. Nam poësis magis uniuersalia: historia singularia dicit. Est aut uniuersale, cum exponitur, quemadmodum tali talia contingat dicere, aut facere secundum uerisimile, aut necessarium, id quod spectat poësis nomina imponens. Singulare uero, quid Alcibiades fecerit, aut passus sit. Ac in Comœdia quidem iam hoc manifestum factum est. Nam cum constituerint fabulā per uerisimilia, sic q̄libet noīa imponūt, & non ut Iābici circa aliquem singularem faciūt.

In Tragœdia autē factis nominib. hērent. Causa uero est, q̄ persuasibile est possibile. Ac non facta quidem non credimus esse possible. Facta uero manifestū est, possible esse. non enim facta essent, si impossible essent. Nec tamen non in ali quib. Tragœdiis unum, aut duo sunt ex notis nominib. alia uero ficta. in quibusdam autem nullū, ut in Agathonis Flore. Similiter enim in hoc & res, & nomina ficta sunt; & nihilo minus delectat.

Quare

Possibilis.

Munus poete.

Vniuersalia intelliguntur, q̄ multis personis uidetur posse contingere.

De nominibus comicis.

De nominibus Tragicis.

Quare non omnino quærendum est, ut traditis fabulis hæreamus, nam est ridiculum hoc quære-
re: quoniam, & nota paucis nota sunt, & tamen
delectant omnes. Manifestum igitur est ex his,
poetam esse oportere magis fabularum effectore,
quàm metrorum, quatenus poeta secundum imi-
tationem est; imitatur autem actiones. Quamvis
igitur contigerit facta pangere, nihilominus poe-
ta est. Factorum enim non nulla nihil prohibet
talìa eē, qualia verisimile est fieri, & posibilia es-
se, secundum quod ille ipsoꝝ poeta est.

*Non episo-
dica.*

5 Simpliciter aut ex fabulis, & actionib. Episodi-
cæ existunt pessimæ. Dico Episodicā fabulam, in
qua Episodia post altera neque verisimile, neque
necesse est existere, Actuales efficiuntur à malis
quidē poetis propter ipsos, à bonis vero propter
histriones. Certamina enim facientes, & supra fa-
cultatem fabulam extendentes distorquere sæpe-
numero coguntur, quod ex ordine est.

*Admirabi-
lis.*

6 Quoniam autem nō solum est perfectæ actio-
nis imitatio, sed etiam terribilium, & miserabiliū
atq; hæc fiunt maxime talia, & magis, cum fiant
præter opinionem inter se; nam admirabile sic
habebunt magis, quàm si à casu, & fortuna; quo-
niam, & eorum, quæ à fortuna sunt, hæc maxime
admirabilia videntur, quæcunque tamquam ex
industria apparent facta fuisse, sicuti statua Mityi
Argis interfecit eum, qui fuit causa interitus
Mityi, cum incidisset in caput eius, dum ipse spe-
ctaret; videntur enim talia non temere facta es-
se: idcirco necesse est tales fabulas esse pul-
chriores.

Implexæ.

7 Ac fabularum aliæ simplices sunt: aliæ im-
plexæ. Etenim actiones, quarum imitationes fa-
bulæ sunt, ne aliud quæramus, existunt tales. Ap-
pello

pello simplicem actionem, qua facta, ut definitū est, cōtinua, & una, transitus fit sine peripetia, uel agnitione. Implexa est, ex qua cū agnitione, aut peripetia, aut ambab. transitus fit. Hæc aut oportet fieri ex ipsa constitutione fabulæ, ut ex antea-ctis, aut ex necessitate, aut secundum uerisimile hæc fieri contingat. differt enim multum, utrū hæc propter hæc, an post hæc fiant. Est uero peripetia in contrarium, eorum, quæ aguntur, mutatio, ut dictum est. Atque hoc, ut dicimus, secundum uerisimile, aut necessarium. Ut in Oedipode, cum uenisset nuntius tamquam lætitiā allaturus Oedipo, eumq; metu liberaturus aduersus matrem, ut aperuit, quisnam esset, contrarium fecit. Et in Lynceo, cum ipse quidem duceretur, ut moriturus, Danaus uero persequeretur, ut interfector; hunc quidem contigit ex reb. gestis mori: illum uero seruari. Agnitio autem est, ut etiam nomen significat, ex ignoratio- ne in cognitionem mutatio, aut ad amicitiam, aut inimicitiam eorum, qui ad prosperam fortunam, uel aduersam definiti sunt. Ac pulcherrima agnitio est, cum simul peripetiæ fiunt, ut se habet in Oedipode. Ac sunt quidem etiā aliæ agnitiones. Etenim ad inanimata pertinet agnitio, & ad quæcunque, ut dictum est, à fortuna aliquando esse contingit. Et si fecit aliquis, aut non fecit. Sed quæ maxime pertinet ad fabulam, & quæ maxime ad actionem, existit ea, quæ dicta est. Talis enim agnitio, & peripetia aut misericordiam habebit, aut metum, qualium actionum Tragedia imitatio supponitur. Præterea uero & aduersa fortuna uiri, & prospera in talib. contin- get: Iam quoniam agnitio quorundam, aliæ qui- dem sunt alterius ad alterum solum, cum fuerit mani-

*Peripetia
quid.*

*Agnitio
quid.
Agnitio per
sonarum.*

*Agnitio re-
rum inani-
matarum.
Agnitio fa-
cti.*

*Agnitio per
sonarum du-
plex.*

manifestus alter, quis sit: aliquando ambos oportet agnoscere, ut Iphigenia ab Oreste agnita est ex missione epistolæ: illi autem erga Iphigeniam alia opus fuit agnitione.

*Affectum
habens.*

8 Ac duæ quidē fabulæ partes circa hæc sunt, peripetia, & agnitio. Tertia vero est passio. Atque ex his peripetia, & agnitio expositæ sunt. passio vero est actio habens vim interimendi, aut graves dolores afferendi, ut quæ in aperto existunt mortes, & ciulationes, & vulnerationes, & quæcunque talia.

*Partes quas
suas in Tra
gædia.*

Iam partes Tragædiæ, quib. ut formis oportet uti, prius diximus. At secundum quantitatem, & in quas ipsa diuiditur separatas, hæc sunt, prologus, episodium, exodus, choricum; & huius quidem una pars parodus: altera uero stasimum. Atque hæc quidem communes omnium. propriæ uero illæ à scena, & commi.

Prologus.

Ac prologus est pars integra Tragædiæ ante Chori parodum.

Episodium.

Episodium pars integra Tragædiæ interiecta inter integros choricos cantus.

Exodus.

Exodus pars integra Tragædiæ, post quam nō est chori cantus.

Choricum.

Chorici autem parodus prima dictio integri chori. Stasimum uero cantus chori sine anapesto, & trocheo. At communis lamentatio communis chori, & à scena.

Ac partes quidem Tragædiæ, quibus oportet uti, prius dictæ.

At secundum quantitatem, & in quas ipsa diuiditur separatas, hæc sunt. Quæ uero oportet spectare, & quæ oportet cauere constituentes fabulas, & unde erit Tragædiæ opus, sequitur, ut dicamus, post illa, quæ adhuc dicta sunt.

Quoniam

1 Quoniam igitur oportet constitutionem existeré pulcherrimæ Tragediæ non simplicem, sed nexam, & hanc terribilium, & miserabilium esse imitationem (hoc enim proprium huiusmodi imitationis est)

2 Primum quidem manifestum est, neque æquos viros oportere mutatos apparere ex prospera fortuna in aduersam, non enim terribile, nec miserabile hoc, sed sceleratum est; neque improbos ex infortunio in prosperam fortunam, hoc enim maxime omnium alienum est à Tragœdia, quia nihil habet eorum, quæ oportet, neque, n. gratum hominibus, neque miserabile, neque terribile est, neque rursus valde malum ex prospera fortuna in aduersam cadere, quod, n. gratum est hominibus. id quidem habet talis constitutio, sed neque misericordiam neque timorem habet, illa, n. est circa eum, qui indigne aduersa fortuna utatur, hic vero circa similem, quare neque miserabile, neque terribile apparet, quod contingit. Reliquus igitur est inter hos interiectus. Est autem talis, qui neque virtute præstat, & iustitia.

3 Neque propter vitium, & prauitatem mutatur in aduersam fortunam, sed propter errorem aliquem.

4 Eorum, qui sunt in magna existimatione, & fortunæ prosperitate, cuiusmodi Oedipus, & Thyestes, & qui ex talibus familijs illustres uiri sunt.

5 Necesse enim est egregie se habentem fabulam simplicem esse magis, quam duplicem, ut qui dam dicunt.

6 Et mutari non in prosperam fortunam ex aduersa, sed contra ex prospera in aduersam non propter improbitatem, sed propter errorem magnum,

Sex traduntur obseruanda in constitutione pulcherrimæ Tragediæ.

intelligitur simplex, non quatenus distinguitur ab implexa, sed quatenus a duplici.

*paucæ quæ-
dam fami-
liæ Tragica*

*Defenditur
Euripides.*

*Fabula du-
plex.*

*Terribile
& misera-
bile debet
ex confusio-
ne rerum
apparere.*

aut talis personæ, qualis dictum est, aut melioris magis, quàm peioris. Signum autem est & id, quod observatur. Nam antea quidem poetæ quaslibet fabulas enumerabant. nunc vero circa paucas domus pulcherrimæ Tragœdiæ componuntur, ut circa Alcæonem, & Oedipum, & Orestem, & Meleagrum, & Thyestē, & Telephum, & quibuscunque alijs contingit aut pati atrociam, aut facere. Ac secundum artem quidem pulcherrima Tragœdia ex hac constitutione est. Quare & errant, qui accusant Euripidem in eadem re, quod hoc faciat in Tragœdijs, & multæ ipsius in aduersam fortunam terminent. Id enim est rectum, ut diximus. Ac signum maximum est, quod in scenis, & certaminibus, tales apparent maxime Tragicae, si recte dirigantur. Et Euripides etsi alia non bene disponit, hac tamen in parte maxime Tragicus inter poetas apparet.

Iamvero secunda constitutio est, quæ à quibusdam prima dicta est, eius fabulæ, quæ duplicem constitutionem habet, ut Odyssæa, & desinit ex contrarietate, melioribus & peioribus. Videtur autem esse prima propter theatrorum imbecillitatem. Nam poetæ eam consequuntur, morem gerentes spectatoribus. Atque hæc non est ea, quæ proficiscitur à Tragœdia, voluptas, sed magis Comœdiæ propria. In ea. n. fabula si inimicissimi sint, ut Orestes, & Aegisthus, amici tandem facti exeunt, & nullus per alterum moritur.

Ac licet quidem terribile, & miserabile ex apparatu fieri, licet etiam ex ipsa constitutione. id quod est prius, & poetæ melioris. oportet enim & sine visu sic constitutam esse fabulam, ut audiens res, quæ fiunt, & horreat, & misereatur ex ijs, quæ contingunt. in quas perturbationes cadet ille, qui
audiat

audiat Oedipodis fabulam. Facere autem hoc per apparatus, est magis artificij expertus, & sumptus requirit. Atque qui non terribile propter apparatus, sed monstruosum tantum efficiunt, nihil cōmunicāt cum Tragædia. non enim omnem oportet quærere voluptatem à Tragædia, sed propriā. Quoniam vero ex misericordia, & metu per imitationem oportet poëtam efficere uoluptatē, manifestum est id in reb. efficiendum. Qualia igitur atrocia, aut qualia miserabilia appareant, ex ijs, quæ contingunt, assumamus. Necesse autem est, aut amicorum esse inter se tales actiones, aut inimicorum, aut neutrorum.

1 Si igitur inimicus inimicum occiderit, nihil miserabile, neque dum facit, neque dum facturus est, demonstrat, præterquā in illa ipsa perturbatione

2 Neque qui se neutro modo habent.

3 Quando autem in amicitijs existunt perturbationes, ut si frater fratrem, aut filius patrem, aut mater filium, aut filius matrem occiderit, aut occisurus fuerit, aut tale aliquid aliud faciat, hæc quærere oportet.

Ac receptas quidem fabulas soluere non licet. dico autem, ut Clitæmnestram occisum ab Oreste, & Eriphylem ab Alcæone. Ipsum autem inuenire oportet, & traditis uti recte. Ac id, quod dicimus se recte habere, exponamus apertius.

1 Licet enim sic fieri actionem, ut antiqui faciebant, ut eam præstarent scientes, & cognoscentes, quemadmodum Euripides fecit occidentem filios Medeam.

2 Ac licet agere ita, ut ignorantibus agant rem atrocem, postea vero agnoscant amicitiam, ut Sophoclis Oedipus. Atque hoc quidem extra actio-

Quæ voluntas sit quæ vendat è Tragædia.

Quæ atrocitas metum, & misericordiam non moueant, & quæ moueant.

Non sunt mutanda receptæ fabulae aut nouæ inueniendæ.

Constituendæ Teagædiæ gradus.

i. extra ter-
minum præ-
scriptum a-
fliconi Tra-
gica, vel an
se diē, cuius
actio agitur
Ex hac enu-
meratione,
colligitur
quartus gra-
dus, cū quis
sciens nō fa-
cit.

Iudiciū de
gradibus cō-
flituenda
Tragædiæ.

De moribus
Tragica
persona.

nem in ipsa vero Tragœdia, vt Alcæon
Astydamantis, vel Telegonus in vulnere
Vlyssæ.

3 Præterea tertium est, cum quis facturus erat
aliquid sœui propter ignorantiam, & agnouit,
priusquam faceret.

4 Et præter hæc non licet aliter. Aut enim
facere necesse est, aut non, & scientes aut non
scientes.

4 Horum autem pessimum est, cum quis factu-
rus fuit, & non fecit. Sceleratum enim habet, &
non Tragicum, sine affectu enim est. Quare ne-
mo facit similiter, nisi raro, vt in Antigona Creō-
tem Aemon.

1 Nam fecisse secundum est.

2 Ac melius est ignorantem quidem fecisse, cū
autem fecerit agnouisse, sceleratum enim non ad-
est, & agnitio gignit stuporem.

3 Optimum vero est postremum. Dico autem,
vt in Ciesphōte Merope interfectura quidem erat
filium, sed non interfecit, cum agnouisset. & in
Iphigenia soror fratrem, & in Helle filius matrē
dediturus agnouit. Quapropter quod pridem di-
ctum est non circa multas familias Tragœdiæ
existunt. Quærentes enim non ab arte, sed a for-
tuna inuenerunt huiusmodi confectionem fabu-
larum. Itaque ad has domos coguntur occurrere,
quibuscunque tales contigerunt perturbationes.
Ac de constitutione rerum, & quales oporteat es-
se fabulas, dictum est satis.

Ceterum circa mores, quattuor sunt, quæ spe-
ctare oportet. Vnum quidem, & primum, quomo-
do boni sint. Habebit aut mores, si oratio, aut actio
manifestam faciat prælectionem aliquam, ma-
los quidem, si malam, bonos vero, si bonam.

Est

Est autem hoc in vnoquoque genere. Etenim mulier est bona, & seruus. etsi fortasse ex his illud quidem peius, hoc omnino malum est.

Secundum est, quomodo sint conuenientes. Est enim virorum mos, sed non conueniens mulieri, fortem, vel terribilem esse.

Tertium, quomodo sint similes. hoc enim aliud est ab eo, quod est bonos, & conuenientes mores facere, vt dictum est.

Quartum, quomodo æquales. Tametsi enim inæqualis quidam sit, qui præbet imitationem, & talib. morib. suppositus sit, tamen æqualiter inæqualem oportet esse.

1 Est autem exemplum improborum morum, non ex necessitate, vt Menelaus in Oreste.

2 Eius verò, quod non deceat, & non conueniat, tum lamentatio Vlyssis in Scylla, tum Menalippæ dictio.

4 At inæqualium in Aulide Iphigenia: nullam enim in partem similis est orans ei, quæ apparet posterius. Oportet autem & in morib. vt etiam in rerum constitutione semper quærere vel necessarium, vel verisimile, & hoc post hoc fieri, vel ex necessitate, vel ex uerisimilitudine.

Apparet igitur & solutiones fabularum ex ipsa oportere fabula contingere, & non vt in Medea à machina, & in Iliade ea, quæ sunt circa reuigilationē. Sed machina vt opus est ad ea, quæ sunt extra actionem, aut quæcunque ante facta sunt, quæ fieri non potest, vt homo sciat, aut quæcunque postea, quæ egent prædicatione, & nuntiatione: omnia enim videre tribuimus deis. At sine ratione nihil esse oportet in rebus: si minus, id extra Tragœdiam sit, vt quæ sunt in Oedipo Sophoclis.

*Similitudo
refertur ad
eos de quib.
alij scripse-
runt.
Æqualitas
ad eos, de
quibus nos
primū scri-
bimus.*

*Attenden-
dū necessa-
rium vel ve-
risimile.*

*De solutio-
nib. fabula-
rum.*

*De perfecto
morum exē
plo, & idea*

Quoniam autem Tragœdia est imitatio meliorum, oportet nos imitari bonos formarum fictores. Etenim illi, cum tribuant propriam formam, faciendo similes, pulchriores fingunt: Sic etiam oportet poetam imitantem & iracundos, & socordes, & alia talia habentes in moribus. cum tales existant, probitatis facere exemplum, ac duritiæ, ut Achillem bonum etiam Homerus.

*Intelligit
harmonia,*

Iamvero hæc oportet servare, & ad hæc ea, quæ sub sensum cadunt, consequentia poeticæ præter illa quæ sunt ex necessitate: etenim secundum ipsa sæpenumero licet peccare. Dictum autem est satis de ipsis in editis libris. Ac agnitio quid sit, dictum est prius.

De agnitione.

Species autem agnitionis prima est, quæ maxime experta est artis, & qua plurimi utuntur propter penuriam, quæ per signa fit; eaque partim innata, ut lanceam, quam Terrigenæ ferunt, aut stellas, quales in Thyeste dicit Carcinus: partim adventitia, aut in corpore, ut cicatrices, aut extra, ut monilia. & ut in Tirone per scapham. Ac licet his uti vel melius, vel peius, ut Vlysses per cicatricem aliter agnitus est à nutrice, aliter à subulcis. Et sunt quidem, quæ fidei causa adhibentur, magis artis expertes, etiam huiusmodi omnes. Quæ vero ex peripetia, ut quæ in Niptris, meliores.

Secundæ sunt, quæ à poeta factæ sunt, itaque expertes artis. ut Orestes in Iphigenia agnouit sororem agnitus ab ipsa. Hæc quidem agnita per epistolam: ille vero per signa. Ac ipse quidem dicit, quæ vult, poeta, sed non fabula. Quare a dicto peccato non longe abest (licebat enim quædam interponere) etiam in Sophoclis Tereo radij vox.

Tertia agnitio est, quæ per memoriam fit, cum
quis

quis sentit aliquid videndo, ut quæ in Cyprij Dicæogenis, cum enim inspexisset picturam, luxit, & quæ in Alcinoi Apologo, audiens citharoedum, & recordatus, lachrymauit, vnde agniti sunt.

Quarta, quæ ex syllogismo, ut in Choephoris, quia similis quidam venit, Atqui similis nullus præterquàm Orestes, ergo iste venit. Et quæ polyidis Sophistæ de Iphigenia, verisimile nanque est, Orestem ratiocinari, & sororem immolatum esse, & ipsi contingere immolari. Et in Tydeo Theodectis, quòd cum venisset, ut inuenturus filium, ipse perijt. Et quæ in phoenidib. cum enim vidissent locum, ratiocinatae sunt fatum, quòd facto statutum ipsis moriendum esse. Etenim ibi expositæ sunt.

Est etiam quædam composita ex paralogismo theatri, ut in Vlysse falso nuncio. hic enim inquit se arcum cogniturum, quem nō viderat. ille vero, quasi is agnouisset, propterea paralogismū fecit.

Omniū autem optima agnitio est, quæ existit ex ipsis reb. facta consternatione per verisimilia, ut in Sophoclis Oedipo, & Iphigenia. verisimile enim est, eam velle dare litteras. tales enim solæ sine factis signis, & monilib. existunt. At secundæ sunt, quæ per syllogismum fiunt.

Fabulæ autem sunt constituendæ, & elocutione conficiendæ, quàm maxime ante oculos ponendo. sic enim euidentissime perspicies, tanquā reb. ipsis præsens fuerit, dum gerebātur, inueniet, quod decet, & ipsum minime fallent sub cōtraria. Signum autem huius rei est, quòd reprehenditur in Carcino. Amphiaræus enim è fano exijt. quòd sefellit spectatorem non videntem in scena vero lapsus est, ægre ferentib. id spectatorib.

Duæ agnitiones præferuntur alijs.

De fugiendis sub contrarijs.

*De perturbationibus
animi.*

Quantum vero fieri potest, oportet figuris exornando exercere poesim: maxime. n. persuasibiles sunt ab eadem natura, qui in perturbationibus sunt. Quamobrem & fluctuare facit fluctuans, & ad iram concitat iratus uerissime. Itaque ingeniosi poetica est, vel furore perciti. Ex his. n. alij quidem facile formantur, alij vero extra se positi sunt.

*De fabulis
vniuersum
spectandis
& per episodia
producendis.*

Hos autem sermones oportet esse factos, & ipsum facientem exponere in vniuersum: deinde episodij uti, eaque inferere. Dico uero sic vniuersum spectari, ut Iphigeniae. Cum esset immolata quaedam uirgo, sublataque immolantibus non manifesto, ac copulata in aliam regionem, in qua lex erat, hospites immolare deique hoc sacerdotium obtinuit. Tunc autem sequenti fratri sacerdotis huc contigit venire propter nescio quid. quoniam responsum dedit deus, propter aliquam causam, quae extra vniuersum est, eodem venire. Sed quamobrem, id extra fabulam est. Cum autem uenisset, & captus esset dum deberet immolari, agnouit, siue ut Euripides, siue ut Polyides fecit, dicens secundum uerisimile, non solum sororem, sed et ipsum oportuisse sacrificari, & hinc salutem.

De episodiorum usu.

1 Post haec, cum quis iam supposuerit nomina, oportebit eum episodij uti,
2 Et quando erunt propria episodica, considerare, ut in Oreste insania, propter quam captus est, & salus per expiationem.

3 Ac in dramatibus quidem episodica concisa sunt, Epopeia uero his producit. Odysseae enim longus sermo est; de peregrinante quodam annos multos, & obseruato à Neptuno, & dum solus existeret, & praeterea sic se habentibus domesticis rebus. ut fortunae ipsius à prociis consumerentur, & filius insidijs peteretur. ipse uenit tempestatibus perturbatus, & cum agnouisset quosdam, ipsos decipiens,

decipiens, ipse quidem seruatus est, inimicos uero perdidit. Ac proprium quidem est hoc: alia uero episodia.

Est autem omnis Tragoedia una quidem pars nexus: altera uero solutio. Ea quidem, quae sunt extra, & aliqua eorum, quae intra, septennumero sunt nexus. Reliquum uero est solutio. Dico autem nexum esse eum, qui à principio est, usque ad hanc partem, quae postrema est, ex qua transit in prosperam fortunam, uel aduersam. Solutionem uero, quae est à principio transitus usque ad finem, ut in Lynceo Theodectis nexus sunt ea, quae gesta sunt, & pueri sumptio. At solutio, quae est ab obiectione mortis usque ad finem.

Tragoediae species sunt quattuor: tot enim & partes dictae sunt.

Vna quidem implexa, cuius totum est peripetia, & agnitio.

Altera uero affecta, ut Aiaces, & Ixiones.

Tertia morata, ut Phthiodes, & Pelcus.

Quarta, ut & Phorides, & Prometheus, & quaecumque apud inferos.

Ac omnia quidem maxima conandum est, ut habeantur.

Sin autem, maxima, & plurima, praesertim ut nunc criminationem obiciunt poetis. Cum enim extiterint secundum unamquamque partem boni poetae, dignum existimant unum superare singulos in proprio bono.

Iustum autem est & Tragœdiam aliam, & eandem dicere, nihil fortasse ob fabulam. Hoc autem intelligitur in iis, quarum eadem plicatio, & solutio est. Multi uero, qui bene plicarunt, soluunt male. Ac oportet ambo semper cum plausu excipi.

*Tragedie
nexus, & solutio.*

*Tragedie
species*

Quae praesentia requiratur in poetis.

Tragedia alia, & eadem propter plicationem & solutionem.

Et

*Constitutio
Dramatica
non debet ef-
se longa, ut
Epica.*

Et oportet, quod dictum est, sæpe in memoriã reuocare, & non efficere, ut Tragicæ sit Epopœi ea constitutio. Dico Epopœicam, quæ multas fabulas continet, ut si quis totam fabulam Iliadis conficiat. ibi enim propter longitudinem assumunt partes conuenientem magnitudinẽ in Dramatib. uerò multum præter existimationem accidit. Signum uerò est, quodd quicunque expugnationem Ilij totam fecerunt, & non secundum partem, ut Euripides Hecubam, & non ut Aeschylus, uel labuntur, uel male certant. Siquidem Agatho lapsus est in hoc solo.

Admirabile.

In peripetisiis autem, & in simplicibus, rebus assequuntur, quod uolunt, per admirabile. Tragicum enim hoc, & gratum hominib. Est autẽ hoc quando sapiens quidem, sed cum improbitate deceptus fuerit, ut Sisyphus. & fortis quidem, sed iniustus superatus sit. Arque hoc uerisimile est, ut Agathon dicit. Verisimile enim est fieri multa etiam præter uerisimile.

*De choro,
qui inseritur
in actione.*

Et existimandum est, chorum esse unum de histrionib. & partẽ totius, ac simul contendere, non ut apud Euripidem: sed ut apud Sophoclem. Quæ uerò conceduntur aliis, magis sunt fabulæ, & Tragicæ alterius. Quamobrem embolima canunt, cum primus Agatho rem talem inceperit. Atqui quia interest, si quis embolima canat, uel dictionem ex alio in aliud accommodet?

*Canere embolima, i. res
impropias,
et diuersas.*

Ac de aliis quidem iam dictum est. Reliquum uerò est de elocutione, uel sententia dicere.

De sententia.

Ac quæ pertinent quidem ad sententiam, in libris de Rhetorica posita sunt. hoc enim magis est proprium illius methodi. Sunt autem secundum sententiam ea, quæcunque ab oratione paranda sunt. Et eorum partes existunt,

- 1 tum demonstrare, & soluere.
- 2 tum perturbationes parare, ut misericordiā, uel metum, uel iram, & quæcunque talia :
- 3 tum præterea amplificare, & diminuerē.

Manifestum autem est, & in actionib. utendum esse iisdem formis, cum miserabilia, aut terribilia, aut magna, aut uerisimilia parare oportuerit: nisi quoddam sola differentia est, quoddam hæc quidē apparere sine doctrina oportet: quæ uero in oratione posita sunt, à dicente parari, & per orationem fieri. Quod enim esset dicentis munus, si apparerent iucunda, & non per orationem?

Eadem præstantur à fabula, & a sententia, diuerso modo.

Eorum uero, quæ pertinent ad elocutionem una species est contemplationis, quæ considerat figuras elocutionis, quas scire est histrionica, & eius, qui habeat talem architectonicam, ut quid sit mandatum, & quid præcatio, & narratio, & mina, & interrogatio, & responsio; & siquid aliud huiusmodi: Ab horum enim cognitione, uel ignorantia nulla reprehensio in poeticam affertur, quæ curanda sit. Qui enim fieri potest, ut aliquis existimet errorem commissum esse in his, quæ Protagoras reprehendit, quoddam putans precari, præcipit, dicens, Iram diu cane? Nam iubere, inquit, ut aliquid faciat, aut non faciat, præceptio est. Quamobrem omittatur, ut alterius, & non poetice existens contemplatio.

De actione, uel pronuntiatione.

Iam uero elocutionis omnis hæc sunt partes, elementum, syllaba, coniunctio, nomen, uerbum, articulus, casus, oratio.

De elocutione.

Ac elementum quidem est uox indiuidua, non omnis, sed ex qua naturaliter fit uox, quæ intelligi possit. Etenim belluarum sunt uoces indiuiduæ, quarum nullum elementum uoco. Huius autem partes sunt, tum uocale, tum semiuocale,

Elementum

tum

tum mutum. Atque uocale est, quod sine ictu uocem habet, quæ audiri potest. ut *α*, & *ω*. Semiuiocale, quod cum ictu uocem habet, quæ audiri potest, ut *σ*, & *ρ*. Mutum, quod cum ictu per se quidem nullam habet uocem, sed cum habentibus aliquam uocem sit huiusmodi, ut audiri possit, ut *γ*, & *δ*. Atque hæc inter se differunt, tum figuris oris, tum locis, tum crassitudine, tum tenuitate, tum longitudine, tum breuitate, præterea uero acumine, & grauitate, & medio, de quibus singulis in metricis, conuenit contemplari.

2.
Syllaba

Syllaba est uox significationis expers, composita ex muro, & uocem habente. Etenim *γρ* sine *α* syllaba est, & cum *α*, ut *γρα*, sed & horum intueri differentias Metricæ est.

3.
Coniunctio.

Coniunctio est uox significationis expers, quæ neque impedit, neque facit uocem unam significatiuam, quæ ex pluribus uocibus componatur, tam in extremis, quàm in medio, nisi congruerit in principio orationis ponere per se, ut *μὲν*, *ἴντοι*, *δὲ*, uel uox non significatiua ex pluribus quidem uocibus una, sed significatiuis idonea, quæ faciat unam uocem.

4.
Articulus.

Articulus est uox significationis expers, orationis initium, aut finem, aut distinctionem indicans, ut *τὸ πρῶτον*, *τὸ πρὸς*, & alia. uel uox significationis expers, quæ neque impedit, neque facit uocem unam significatiuam ex pluribus uocibus idoneam, quæ componatur & in extremis, & in medio.

5.
Nomen.

Nomen est uox composita significatiua sine tempore, cuius pars nulla est per se significatiua. nam in duplicibus non utimur, ut etiam ipsum per se significet, ueluti in Theodoro illud *δῶ*

por non significat.

Verbum est uox composita significatiua cum tempore, cuius per se pars nulla significat, ut etiā, in nominibus. Illud enim homo, vel album non adsignificat quondam. At illud, ambulat, uel ambulauit, adsignificat: alterum quidem præsens tempus: alterum uerò præteritum.

Casus est nominis, aut uerbi; unus quidem secundum id, quod est huius, uel huic significans, & quęcunque talia: alter uero secundum id, quod uni, uel multis, ut homines, uel homo: alius autē secundum ea, quę ad gestum pertinent, ut per interrogationem, uel præceptionem. Nam ambulauit, uel ambulat, casus uerbi secundum has species est:

Oratio est uox composita significatiua, cuius aliquę partes per se significant aliquid. nec enim omnis oratio ex uerbis constat, & nominibus quemadmodum hominis definitio: sed contingit sine uerbis esse orationem. atqui partem semper quampiam significantem habebit, ut in illo. Ambulat Cleon id ipsum Cleon. Vna autem est oratio duobus modis; aut enim quę unum significat: aut quę ex plurib. coniunctionibus existit, ut Ilias quidem est coniunctione una: hominis uero definitio eò quod unum significet.

Iam nominis species una quidem simplex est (uoco simplicem, quę non constat ex significantibus) altera uero duplex. atque hæc partim ex significante, & non significante; partim ex significantibus constat: potest etiam esse & triplex, & quadruplex nomen, & multiplex, ut multa Megaliotarum, Hermocaicoxanthus.

Omne aut nomen est aut propriū, aut lingua, aut tran-

6.
Verbum.

7.
Casus.

8.
Oratio.

Nominis
species.

*Per linguā
intelligi no
mē peregrī
num, per or
natum, ut
quidam pu
tant, epishe
ron.*

*Lib. ultimo
Olyff.*

Lib. 2. Il.

translatio, aut ornatus, aut factum, aut protractū,
aut subtractum, aut immutatum.

1. Voco proprium, quo utuntur singuli. Linguā
illud, quo diuersi. Quamobrem apparet fieri pos
se, ut lingua, & proprium sit idem.

2. Translatio est nominis alieni illatio, aut à ge
nere ad speciem, aut à specie ad genus, aut à spe
cie ad speciem, aut secundum proportionem.

Dico à genere ad speciem, ut *Nauis* autem mi
hi hæc stetit. Nā in portu esse stare quiddam est.

A specie ad genus, iam decem millia *Vlysses*
bona egit. Nam decem millia multa sunt; qui
bus nunc vsus est pro multis.

A specie ad speciem, ut *Aere* animum cum hau
sisset, incidit indefesso ære. hic enim haurire pro
incidere, & icidere pro haurire dixit. ambo enim
sunt quiddam auferre.

Proportionem dico, quando similiter se habeat
secundum ad primum, ac quartum ad tertium.
nam dicet pro secundo quareum, aut pro quarto
secundum, & interdum apponunt pro quo dicit,
ad quod est. Dico autem, ut similiter se habet
poculum ad *Bacchum*, & scutum ad *Martem*. Di
cet igitur & scutum poculum *Martis*, & poculum
scutum *Bacchi*. Præterea similiter se habet *uesper*
ad diem, & senectus ad vitam. Dicet igitur *vespe*
ram senectutem diei, & senectutem *uesperam* ui
tæ, uel, ut *Empedocles*, occasum uitæ. Non nullis
vero non est nomen positum eorum, quæ sunt ex
proportionem: sed nihilo minus similiter dicetur
ut illud, semen quidem iacere serere; flammam
uero emitti à sole, sine nomine est. Sed similiter
se habet hoc ad solem, & serere ad semen. Quamo
brem dictum est, *Serens* à Deo conditam flammā.
Ac licet uti hoc translationis modo, & aliter, ut

cum

cum appellauerit id, quod alienum est, neget ali-
quid eorum, quæ propria sunt; ut si scutum dicat
poculum non Martis, sed sine uino.

Factum est, quod ab aliquibus prorsus non ap-
pellatum ipse ponit poeta: uidentur enim aliqua
esse talia, ut cornua ἐρνήτας, & sacerdotem ἀρ-
τῆρα.

Protractum est, uel subtractum, illud quidem, si
uocali longiore usum fuerit, quàm propria sit;
uel syllaba inculcata: hoc uero, si sublatum fue-
rit quippiam uel ab ipso, uel ab eo, quod inculca-
tum est. Protractum quidem, ut illud, πόλεος πό-
λιος. & illud, πηλείδου πηληϊάδεω. Sublatum uero,
ut illud κρὶ, & illud δῶ. & μία γίνεται ἀμφοτέρων
ὄψι. Immutatum est, quod nominati unam qui-
dem partem reliquerit, alteram uero fecerit, ut il-
lud δεξιτερον κατὰ μαζόν pro δεξιόν.

Præterea ex nominib. alia uirilia; alia mulie-
bria: alia interiecta. Virilia quidem, quæcunq;
desinunt in, ν. & ρ. & quæcunq; ex aliquo eo-
rum, quæ muta sunt, constāt. Atque ea sunt duo
ψ, & ξ. Muliebria uero, quæcunq; ex uocalib.
in ea, quæ semper longa sunt, ut in η, & ω. & ex
iis, quæ producuntur in α. Quare euenit, ut æqua-
lia sint multitudine, in quæcunq; desinunt uiri-
lia, & muliebria. Nam ψ, & ξ eadem sunt. In mu-
tum autem nullum nomen desinit, neque in uoca-
lem breuem, At in ι tria sola, μέλι, κόμμι, πέπερι.
Et in υ quinque πῶν, γάπυ, γόνυ, δόρυ, ἄσυ. Interie-
cta uero in ηε & ν, & σ.

Elocutionis autē virtus est, ut sit perspicua, &
non humilis. Ac maxime quidem perspicua est,
quæ ex propriis nominibus existit. sed humilis.

Exem-

3. Omissum
ornatus.

4. ἐρνος ra-
mus.

ἀρα pro pro-
ce.

pro κρίθι
ordem.
δῶ pro δῶ
μα domus.
ὄψι & ὄψις
uisus.

Genera no-
minum.

Lingue, &
translationes
temperanda
cū proprijs.

*Proprio-
rum uitiū
humilitas.*

*Translatio
num uitiū
ænigma.
Linguarum
barbarif-
mus.*

*Licet uti om-
nib. formis
non sine mo-
do, sed cum
modo.*

*Primus uer-
sus in secun-
do loco ha-
bet iambum
secundus in
sexto.*

Exemplum uero est Cleophontis poësis, & Sthene-
li. At grandis, & immutans id, quod vulgare est.
quæ peregrinis utitur. Peregrinum autem uoco
linguam, & translationem, & protractionem, &
quidquid præter proprium est. Sed si quis simul
omnia talia fecerit, aut ænigma erit, aut barba-
rismus. Si igitur ex translationibus ænigma. Si
ex linguis, etiam barbarismus. Aenigmatis au-
tem forma hæc est, ut qui dicit, copulet ea, quæ fie-
ri nō pōt. Ac secūdu cōpositionē quidē nominū id
fieri non potest, uerum secundum translationē
contingit. ut Virum uidi igne æs uiro aggluti-
nantem; & talia. Ex linguis uero barbarismus.
Quamobrem aliquo modo his temperatur. Ac nō
uulgare quidem efficiet, neque humile lingua, &
translatio, & ornatus, & aliq̃ formæ, quæ dictæ
sunt. Perspicuitatem uero proprium, At non mini-
mam partem conferunt ad perspicuam elocutio-
nem, & non uulgarem protractiones, & subtra-
ctiones, & immutationes nominum. Nam quo-
niam hoc aliter se habet, ac proprium: quod fa-
ctum est præter consuetum, uulgare efficiet.
Quoniam autem communicat cum eo, quod est
consuetum, erit perspicuum.

Quare non recte uituperant, qui reprehendūt
talem modum elocutionis, ac maledictis poetam
insectantur, ut Euclides ille antiquus: quod fa-
cile sit poetice agere, si quis concesserit protra-
here, quantum uelit, cum, qui iambis usus sit in
eadem elocutione, ut

ἢ τίχαρι ἥδον παραβῶνα δὲ βαδιζόντα
& οὐκ ἂν γεινόμενος τὸν ἐκείνου ἔξελε βορὸν.

Ac cum appareat quidem aliquo modo, aliquē
sequi hunc ipsum usum, id ridiculum est. Mensura
autem communis est omnium partium. Etenim
qui

qui translationibus, & linguis, & aliis formis, vteretur, idem efficeret.

Id autem, quod congruit, quantum excellat in heroico carmine, consideretur, iniectis nominibus, in metrum. Et certe in linguis, & in translationibus, & in alijs formis, si quis posuerit propria nomina, uidebit à nobis dici ea, quæ uera sunt. ut cum eundem iambicum fecit Aeschylus, & Euripides. & unum solum nomen immutauit. & posuit linguam pro proprio consueto. Atque unum qui dem apparet pulchrum: alterum uero humile. Nam Aeschylus in Philoctete fecit.

φαγέδαινα ἢ μου σάρκας ἐδίει ποδός
Phagedæna quæ mei carnes comedit pedis.

Hic uero pro ἐδίει posuit θοινᾶται epulatur.

Et νῦν δὲ μ' ἐὼν ὀλίγοις, καὶ οὐτιδανός, καὶ ἀεικὴς.
Nunc aut me existēs paucusq; & nihili, & indecēs.
Si quis dicit positis propriis.

νῦν δὲ μ' ἐὼν μικρόστε, καὶ ἀδενικός, καὶ ἀειδής.

Nunc autem me existens paruusq;, & imbecillis, & de formis.

Εἰ δὲ ὄφρον ἀεικέλιον καταθείς, ὀλίγην τε τράπεζαν
Sedile non cōueniēs cū posuisset, paucāq; mensā.

δὲ ὄφρον μοχθηρὸν καταθείς, μικράν τε τράπεζαν.

Sedile abiectum cū posuisset, paruamq; mensam.

Et illud ἦτοις βοῶσιν ἦτοις κράζουσιν.

Littora uociferantur littora clamant.

Præterea uero Ariphrades Tragœdis maledicebat, quod quæ nemo diceret in sermone, his vteretur, quale illud est, δαμάτων ἄπο Domib. ab, sed non ἀπὸ δαμάτων Ab domib. & illud σέθεν sui. & illud ἐγὼ δὲ νιν Ego autem ipsum. & illud, Ἀχιλλέως περὶ Achille de, sed non περὶ Ἀχιλλέως De Achille. & quæcunque alia talia. Nam quoniam non sunt in propriis, faciunt id, quod non

D d nul.

Seruandum
id, quod con
uenit.

pro propria
minus con
uenienti trās
latum cōue
nientius.

Lib. 9. Odyf.
Tria trans
lata conue
nientia pro
trib. pprys
non conue
nientib.
li. 20. Odiss.
Duo transla
ta.
Unum trās
latum.

Poeta effi
ciunt, quod
non est uul
gare.

*Maximum
est metapho-
ricum esse.*

*Duplicia
quib. conue-
niant. lin-
guæ Trans-
lationes.*

*propria Trā-
latio orna-
tus.*

vulgare est hæc omnia in elocutione, ille vero hoc nesciebat. Iam magnum est uti congruenter unoquoque de ijs, quæ dicta sunt, & duplicib. nominib. & linguis. At maximum est, metaphoricum esse: solum enim hoc neque ab alio licet assumere, & boni ingenij signum est, bene enim transferre est simile intueri.

Ex nominib. autem duplicia quidem maxime conveniunt dithyrambis: linguæ vero heroicis, ac translationes iambicis. Et in heroicis quidem omnia utilia, quæ dicta sunt: verum in iambi cis, quia quàm maxime colloctionem imitantur ex nominib. illa congruunt, quibuscunque etiam in sermonib. aliquis uteretur. sunt autem talia proprium, & translatio, & ornatus. Ac de Tragœdia quidem, & de imitatione, quæ in agendo posita est, nobis sufficiant, quæ exposita sunt.

DE EPOPOEIA.

Epopœia est

1. 2.
imitatio nar-

3.
*ratiua in me-
tro.*

4.
*actionis vo-
nias.*

5.
totius.

6.
*nec similis
historijs con-
suetis.*



E narratiua autem, & in metro imitatione oportet fabulas constituit, quemadmodum dramaticas in Tragœdijs, & circa unam actionem, totam, & perfectam, habentem principium & medium, & finem, ut quemadmo-

dum animal unum totum, efficiat propriam voluptatem, nec similes esse historijs consuetis, in quib. necesse est non unius actionis efficere expositionem, sed unius temporis, quæcunque in coeuerunt circa unum, vel plures, quorum unum quoque, ut fors tulit, alterum respicit. Quemadmodum. n. secundum eadem tempora & in Salamine facta est navalis pugna, & in Sicilia Carthaginien-

ginensium pugna, nequaquam ad eundem tendentes finem: sic & in temporib. consequentib. aliquando fit alterum cum altero, ex quib. non existit vnus finis. Ac ferme id faciunt poetarum multi. Quamobrem vt iam dicebamus, & in hac parte diuinus apparere Homerus præter ceteros potest, & quia neque bellum, quamuis habens principium, & finem aggressus est versib. describere totum. valde enim magnum, & quod non facile conspici poterat, euasurum erat. vel magnitudine habens modice intertextum varietate. nunc autem cum abstulisset vnā partem, epifodijs vsus est ipsorum multis, vt nauium catalogo, & alijs epifodijs quib. distinguit poesim. Alij vero circa vnum canunt, & circa vnum tempus, & vnā actionem multarum partium, vt qui Cyprica fecit & paruam Iliadem.

Igitur ex Iliade, & Odyssæa vna Tragædia fit ex vtraque, vel duæ solæ. At ex Cyprijs multi. & ex parua Iliade plus quàm octo, vt Armorum iudiciū, Philocteres, Neoptolemus, Eurypilus, Mēdicatio, lacæna, Ilij direptio, & Reditus classis, & Sinon, & Troiades.

Præterea vero Epopœiam oportet habere formas easdē cū Tragædia, aut enim simplicem, aut implexam, aut moratā, aut affectam oportet esse.

Et partes extra Melopœiam, & Apparatum easdem. Etenim ei opus est peripetij, & agnitionibus, & affectibus, præterea sententias, & elocutionem recte habere.

Quib. omnib. vsus est & primus, & satis. Etenim poematum vtrunque constitutum est, Ilias quidē simplex, & affectum: Odyssæa vero implexum agnitio enim per totum, & moralis est. Adhæc dictio ne, & sententia omnes superauit.

*Epopœia, &
Tragædia in
ter se conueniunt.*

laus Homeri

*Epopœia, &
Tragœdia
differunt in
ter se.*

Differt autem Epopœia & constitutionis longitudine, & metro. Ac longitudinis quidem terminus sufficiens dictus est. Debet enim esse eiusmodi, ut simul conspici & principium, & finis possit. Id sane esset, si priscis minores constitutiones existerent, & peruenirent ad multitudinem Tragœdiarum, quæ in unam auditionem ponerentur. Habet uero multum quiddam Epopœia, & quiddam proprium, ut extendere magnitudinem possit. Propterea quod non cōtingit in Tragœdia imitari multas partes, quæ eodem tempore gerantur: sed eam solum, quæ geritur in scena, & histriionum est. At in Epopœia, quia narratio existit, licet efficere, ut simul multæ partes ad finem perducantur, quæ cum propriæ existant, augent poematis molem. Quare hoc habet, quod bonum est. ad magnificentiam, & ad mutationem audientis, & ad incrementum, quod fit dissimilib. episodiis. Simile enim, quod cito. satietatem affert, efficit, ut Tragœdiæ displiceant. Metrum autem heroicum ex experientia quadrauit. nam si quis aliquo alio metro narratiuam imitationem efficeret, aut multis, indecorum certe appareret. heroicum. n. firmissimum, & tumidissimum est metrorum. Quamobrem & linguas, & translationes maxime recipit. Superuacanea enim est narratiuæ aliorum motio. Iambicum uero, & Tetrametrum mobilia sunt; hoc quidem ad saltationem accommodatū: illud uero rebus agendis idoneum. Præterea uero absurdus sit, si quis ipsa misceat, ut Chæremō. Quamobrem nemo fecit longam constitutionem alio, nisi heroo. Sed, ut dicimus, ipsa docet natura, ut illud ipsum partiamur, quod congruit.

*De reb. proprijs
Epopœiæ.*

Homeros autem & in alijs multis dignus est, qui laudetur, & in hoc etiam, quod solus inter poetas

poetas id non ignorat; quod ipsum facere oportet. ipsi enim poetæ quàm paucissima dicenda sunt. Etenim ipse non est secundum hæc imitator. Ac alij quidem ipsi per totum in actione versantur, & pauca imitantur, ac paucis in locis. At hic, cum pauca præfatus sit statim inducit virum, aut mulierem, aut aliquos alios mores, & nihil morum expresse, sed habens mores.

Poeta quàm paucissima dicenda.

Ac oportet quidem in Tragædijs efficere id, quod admirabile est: sed magis in Epopœia contingit id, quod ratione vacat. Quamobrem contingit maxime id, quod admirabile est, quia non spectant in agentem. Quoniam, quæ eueniunt circa Hectoris insectationem, in scena certe apparerent ridicula, hi quidem stantes, & non insectantes, hic vero renuens. At in Epicis latent.

Epopœia magis propria admiratio.

Iam admirabile iucundum est. Ac signum est, quod omnes addentes nunciant; tamquam gratificantes. Et docuit maxime Homerus alios falsa dicere, ut oportet. Atque hoc, naturam habet paralogismi. existimant enim homines, quando vno existente, aut facto alterum sit, si posterius est, etiam prius esse, vel fieri. Hoc autem mendacium est. id circa primum iam certe mendacium est. Sed necesse non est, vno existente, ut alterum sit, vel fiat, vel apponatur.

Homerus docuit alios vsum paralogismi.

Nā, quia scit, hoc verum esse, falso ratiocinatur animus noster etiam primum, tamquā existens.

Eligenda autem sunt, quæ fieri non possunt, & verisimilia sunt, magis, quàm quæ fieri possunt, & parum apposita sunt ad persuadendum. Ac sermones non constituendi ex partibus carentibus ratione, sed maxime quidem, ut nihil habeant, quod careat ratione. Si vero non sint tales, ac certe habeant extra fabulā, ut Oepidus illud habet, quod

De vitis communis epopœia, & Tragædia.

nesciat, quomodo Laius mortuus sit. Non autem in dramate, ut in Electra, qui Pythia nunciât; aut in Mysis, qui sine uoce ex Tegea in Mysiam uenit. Quare ridiculum est dicere, fabulam interitura: quia à principio non oportet constituere tales. Quòd si quis constituerit, & apparuerit magis consentaneum recipere, erit etiam absurdum. quoniâ & quæ sunt in Odyssea sine ratione, nempe quæ circa expositionem, nullo modo tolerabilia esse manifestum foret, si ipsa malus poeta faceret. nunc autem aliis bonis poeta obscurat, iucundum reddens absurdum. Dictione autem oportet laborare in partibus ociosis, & non moratis, neque sententiarum plenis, contra enim occultat dictio valde splendida tum mores, tum sententias.

Li. 13. diff.

DE ACCUSATIONIBVS, ET EX-
cusationibus Poetarum.



AM de quæstionibus & solutionibus tum ex quot, tum ex qualibus formis existant, hoc pacto contemplantibus. fiet sine dubio manifestum: Quoniam enim poeta est imitator, quemadmodum etiam pictor, uel quis alius imaginum effector, necesse est

imitari de tribus existentibus numero unum ali-
quod semper.

- 1 Aut enim qualia erant, aut sunt.
- 2 Aut qualia aiunt, aut videntur.
- 3 Aut qualia esse oportet.

Hæc

*Primum ca-
pitulum
solutio-
nis.*

Hæc autem exponuntur dictione

- 1 Vel & linguis.
- 2 Et translationib.
- 3 Et multæ affectiones sunt dictionis.

hæc enim poetis concedimus.

1 Præterea uero non est eadem reſtitudo Politicæ; & poeticæ. neque aliarum artium, & poeticæ. Ipfius autem poeticæ duplex erratum. Nam unū per ſe: alterum per accidens eſt. etenim aut præligit imitationem rei, quæ ultra facultatem eſt: quod erratum ipſius eſt, aut præligit non recte, quod per accidens eſt. ſed fecit equum mouentē utramque dexteram partem.

2 Aut erratum eſt ſecūduſ unamquamq; artem, quemadmodū ſecundū Medicinam, aut aliā artē.

3 Aut quæ fieri non poſſunt, ficta ſunt.

Quare reprehentiones in quæſtionib. ex his cōſiderando ſoluendę ſunt. Primum enim, ſi quę aduerſus ipſam artem ſunt, ficta ſint huiuſmodi, ut fieri non poſſint, erratum ſit. Sed recte ſe res habet, ſi conſequitur finem ipſius. finis enim dictus eſt; quemadmodum ſi ſic magis ad conſiderandum uel ipſa accommodetur, uel alteram partem accommodet. Exēplum Hecſtoris inſectatio. Nam ſi finis, uel magis, uel minus contingebat ineſſe, & ſecundum eam artem, quæ de his eſt, peccatum eſt non recte. oportet enim ſi fieri poteſt, omnino nuſquam errari. Præterea utroſum eſt peccatum maius, eorumne; quæ ſunt ſecundū artē, an eorum, quæ ſunt ſecundū aliud accidenſ. Minus. n. eſt, ſi nesciebat in ceruorum ſpecie ſocminam cornua non habere, quā ſi mala imitatione deſcriberet.

Ad hæc, ſi opponitur, non eſſe uera, at qualia oportet, ut & Sophocles inquit. ipſe quidē, ſe

Ad 4 facere

Secundum
caput,

Tertium ca
put.

Hoc pertinet
ad tertium
caput.

Si per res,
quæ fieri
non poſſunt,
finis magis
atingatur,
illæ tolera-
biles ſunt.
lenius pec-
catum per
accidenſ.

Hoc pertinet
ad primum
caput.

facere, quales oportet: Euripides uero, quales sunt. Quamobrem hac ratione soluendum est. Sin autem neutro modo, quòd sic aiunt, ut quæ de deis dicuntur.

*Adduntur
primo capi-
si duo modi.*

4 Fortasse enim neq; licet dicere, Melius sic: ne que uera sunt: sed casu accidit, quemadmodum Xenophanes, sed non Aiunt hæc.

5 Fortasse autem non melius quidem, sed sic se res habebat, quemadmodum, quæ de armis dicuntur. Lanceæ autem ipsius rectæ in saurotere. id. n. tunc institutum habebant, quemadmodum etiam nunc Illyrici.

*Subintelli-
gendum et
Vbi.*

3 De illo autem, quod bene, aut non bene, aut dictum est ab aliquo, aut factum, non solum considerandum est, in ipsum, quod factum est, aut dictum, intuendo, utrum ipsum laude, an reprehensione dignum sit. sed etiam in agentem, aut dicentem, ad quem, aut quâdo, aut quo, aut cuius causa, quem admodum, aut maioris boni, ut fiat, aut maioris mali, ut ne fiat.

*Hoc perti-
net ad secun-
dum caput.*

Hæc autem intuendo ad elocutionem soluenda sunt.

Lib. 1. Il.

1. quemadmodum per linguam οὐρῆας μὲν πρῶτον. fortasse enim non mulos, sed custodes dicit.

Lib. 10.

& in Dolonem, specie quidem erat malus non corpore in composito, sed facie turpi. Nam Cretenses, pulchritudinem faciei uocant εὐειδές.

Lib. 9.

Et illud ζωρότερον δὲ κέραρα, non meracius, ut temulentis, sed citius.

Lib. 2.

2 Illud autem per translationem dictum est, Ἄλλοι μὲν ῥ' αὖ θεοί τε, καὶ ἄνθρωποι εὖδον παννύχιοι. Alii quidem dii, & homines dormiebant totam noctem.

Lib. 10.

& illud ἦτοι ὅτ' ἐς πεδίον τὸ τρωικὸν ἀθρήσειεν, καὶ αὐλῶν συρίγγοντ' ὁμαδὸν, siue hic in campum Troianum respiceret, & tibiagarum, fistularumq. uocet.

Nam

Nam πάντες omnes pro hac uoce πολλοὶ multi secundum translationem dictum est, quia πᾶν omne est πλῦτι multum quiddam.

& illud οἷν δ' ἄμμορος sola expers secundum translationē. quod enim notissimum est, solum est.

3 Et secundum accentum, quemadmodum Hippias Thasius soluebat illud, δίδομεν δὲ οἱ.

Et τὸ μὲν οὐ καταπύθεται ὄμβρω.
Hæc autē diuisiōe, ut Empedocles αἶψα δὲ θνητ' ἐφύοντο τὰ πρὶν μάθον ἀθάνατα εἶναι. ζῶράτε πρὶν ἀκρητὰ.

4 Hæc uero per ambiguitatem:

παρώχηκε δὲ πλεόν νύξ. Nam illud πλέων ambiguum est.

Atque hæc secundum consuetudinem locutionis. ut aqua temperatum uinum dicunt esse. unde factum est, κνημὶς νεοτέυκτου κασσιτέροιο οἰκρεα recens fabrefacti stanni. & vocant χαλκέας ξηρῖος, qui ferrum exercent. unde dictus est Ganymedes Ioui οἶνοχορεύειν uinum ministrare non bibentibus. uinum diis. Atque hoc profecto non esset secundum translationem. Quando autem nomē aliquod uidetur subcontrarium aliquod significare, attendendum est, quotupliciter significet hoc in eo, quod dictum est, ut τῇ ρ' ἔσχετο χάλκεον ἔγχοσ, cō quod hac prohibitum sit. Illud autem

Quo.

Li. 5. Odyss.
Lib. 2. 11.

qui uersus non extat.

Lib. 23. 11.

Intelligentum est, cū

essent prius mixta, &

immortalia, facta es

se pura, &

mortalia. non pura prius.

Additur quartus mo

dos secundo capiti. lib.

10. 11.

Lib. 20. 11.

Lib. 19. 11.

Lib. 20. 11.

Quotupliciter conringit sic quodammodo. maxime uero si quis suspicetur per eam rationem, quæ à regione est. uel, ut Glauco dicit, quod non nulla sine ratione præsumunt. & ipsi, cum iam alterum condemnauerint, syllogismo concludunt, & tamquam eos, qui dixerint, quod uidetur, reprehendunt, si subcontrarium extiterit ipsorum existimationi. Atque hoc patiuntur, quæ de Icario dicuntur. Existimant enim ipsum Laconem esse. Absurdum igitur, aiunt, est non congressum esse cum eo Telemachum, cum Lacedæmonia iuit. Idque fortasse se habet, ut Cephalenes aiunt; à se enim uxorem duxisse dicunt Vlysem, & esse Icadium, non Icarium propter erratum.

Hæc referuntur ad superiora capita.

Quæstio autem res uerisimilis est. Omnino uero, quod fieri non potest uel ad poesim, uel ad melius, uel ad opinionem oportet redigere. Nam quod attinet ad poesim, magis eligendum est appositum ad persuadendum, quod fieri non potest, quam non appositum ad persuadendum, quod fieri potest. Ac fieri non potest, ut tales existant, quales Zeuxis pingebat. verum spectatur etiam melius. nam exemplum debet exuperare.

Ad ea, quæ dicunt, reducuntur ea, quæ sine ratione sunt. & sic etiam dicendum, quod aliquando non est præter rationem. uerisimile enim est etiam præter uerisimile fieri.

Subcontraria uero, ut dicta sunt, oportet considerare, quemadmodum in sermonibus refutationes, si idem, & ad idem, & simili modo. Quare & ipse respicit aut ad ea, quæ ipse dicit, aut ad id, quod prudens supponat.

Quæ si res hæc reprehensio.

Iam recta reprehensio est & uacare ratione, & prauum apparere, quando non existente necessitate usus fuerit aliquo, quod uacet ratione. quemadmodum

admodum Euripides illo Aegeeti. prauum, vt Melai in Oreste. Atque has quidem reprehensiones ex quinque formis afferunt.

1 Nam sunt aut tamquam ea, quae fieri non possunt.

2 Aut tamquam sine ratione.

3 Aut tamquam perniciofa.

4 Aut tamquam subcontraria.

5 Aut tamquam praeter eam rectitudinem, quae secundum artem est.

Solutiones vero ex dictis numeris consideranda. & duodecim sunt.

Quinque reprehensiones

Numerus solutionum.

Quinque primi capitis.

Quattuor secundum. Tres serij.

VTRVM EPICVM POEMA

PRAESTET TRAGICO,

AN TRAGICVM

EPICO.



AMVERO, vtrum sit melior Epopœica imitatio, an Tragica, dubitare aliquis posset.

1 Nam si quae minus onerosa est, melior est, & talis pertinet ad spectatores meliores, manifestum est, quae omnia

imitatur, onerosam esse. Quasi enim non sentientibus, nisi ipse poeta adiunxerit motionem multam, mouentur, vt mali cibicines volutes se, si discum oporteat imitari, & trahentes corphæum, si Scyllam cecinerint. Ac Tragedia quidē

talis

Duae rationes, quibus praefertur Epopœia Tragediae.

talis est, quemadmodum etiam, qui prius fuerunt existimabant posteriores histriones. Nam Mynni scus Callipedem vocabat tanquam nimis exuperantem simiam. Ac talis etiam opinio de Pinda ro erat. Ut autem isti se habent inuicem, sic tota ars ad Epopœiam se habet.

2 Atque hanc quidem circa spectatores probos aiunt esse. Quamobrem nihil egent figuris. Tragicam vero ad improbos. Igitur onerosa peior profecto erit.

Responso ad primam rationem.

1 Ac primum quidem accusatio non est artis poeticæ, sed histrionice.

2 Quoniam potest uti signis etiam, qui recitat Epopœiam, id quod faciebat Sosisstratus, & qui canit, id quod faciebat Mnasisheus Opuntius.

3 Deinde non omnis motio improbanda, siquidem neque saltatio, sed motio improborum. id quod etiam Callipidi vitio dabatur, & nunc alijs, tanquam non ingenuas mulieres imitantib.

Responso ad secundam rationem.

1 Præterea Tragœdia etiam sine motione facit illud, quod habet proprium, ut Epopœia. Nam per lectionem manifesta est, qualis sit.

2. Si igitur est in alijs melior, hoc certe, ut ipsi insit, necessarium non est.

Quæ habeat Tragœdia præter illa, quæ habet Epopœia.

1 Deinde, quoniâ habet omnia, quæ habet Epopœia. etenim metro licet uti. & quodd non paruam partem habet Musicam, & apparatus, per quam voluptates constituuntur euidentissime.

2 Deinde & euident habet & in lectione, & in actibus.

Quæ meliora habeat Tragœdia, quam Epopœia.

1 Accedit quodd finis imitationis est in minore longitudine.

Nam strictius est iucundius, quàm id, quod multi temporis mixtionem habet. Dico autem, quæ admodum si quis componeret Oedipum Sophoclis

clis in quot versib. Ilias est.

2 Præterea minus vna est qualiscunque imitatio Epicorum. Signum autem est, quòd ex qualicunque imitatione plures Tragœdiæ conficiuntur. Quare si vnam fabulam faciant, necesse est, vel vt breuiter ostensa appareat cauda muris, vel vt sequeus metri longitudinem appareat aquea. Sed si faciant plures, quemadmodum si ex plurib. actionib. fuerit composita, non erit vna, vt Ilias habet multas tales partes, & Odyssea, quæ etiam per se habent magnitudinē, etiam si hæc poemata constituta sint, quantū fieri potest, optima, & quæ maxime sint imitatio actionis vnus.

3 Si igitur & propter hæc omnia præstat, & propter artis etiam opus, (oportet enim ipsas non quamlibet efficere voluptatem, sed eam, quæ dicta est) apparet eam, quæ magis finem consequitur, meliorem sine dubio esse Epopœia.

Ac de Tragœdia quidem, & epopœia, & ipsis, & formis, & partib. ipsarum, & quot sint, & quid differant, & quæ causæ existant eius, quod bene est, & quod bene non est, & de reprehensionib. & solutionib. tam multa dicta sint.

Epilogus.

1840

The first of the month of January
 was a very cold day, and the
 wind was very strong. The
 snow was very deep, and
 the ice was very thick.
 The people were very
 busy, and the
 shops were very
 crowded. The
 children were very
 happy, and the
 old people were very
 sad. The
 weather was very
 bad, and the
 people were very
 tired. The
 day was very
 long, and the
 night was very
 dark. The
 people were very
 cold, and the
 wind was very
 strong. The
 snow was very
 deep, and the
 ice was very
 thick. The
 people were very
 busy, and the
 shops were very
 crowded. The
 children were very
 happy, and the
 old people were very
 sad. The
 weather was very
 bad, and the
 people were very
 tired. The
 day was very
 long, and the
 night was very
 dark. The
 people were very
 cold, and the
 wind was very
 strong. The
 snow was very
 deep, and the
 ice was very
 thick.

431
AUGUSTINO

NANIO, PATRITIO

VENETO,

Antonius Riccobonus Rhodiginus

S. D.



VOLUNTATIS tua significatio eò me adduxit, Augustine Nani, iuuenis magnifice, ut non solum id præstiterim, quod à me per litteras depoposcisti, sed plus etiam curauerim, quàm tu postulasti. Cum enim superioribus diebus de re Comica publice disputa uerim, quibus disputationibus adesse non potuisti, rogasti me propter flagrans harum rerum studiũ, quo mirabiliter exardescis, ut tibi seruare eas, quas memoria caussa soleo conficere annotationes. ego uero nõ solũ ipsas seruavi, ut tibi gratificarer, quæ in aduersarijs iacētes facile interyisset, verũ et, quia

quia *gestit* animus meus magnificētia tua
 morē gerere, aliquantisper dilataui: propte-
 rea quod si eas informes, & inchoatas misis-
 sem, verebar, ne plus incommodi tibi affer-
 rem in ipsis legendis, quā utilitatis in cō-
 templandis. Itaque scripsi totā comicam
 rationem; eamq; volui in tuo potissimum
 nomine apparere, ut siquid commodi ex ea
 ad studiosos poeticae facultatis manauerit,
 id ei acceptum referatur, cuius causa con-
 fecta est; quae si tibi placuerit, gaudebo: sin-
 minus, illud saltem consequar, quod me vo-
 luisse tibi obsequi, ut soleo tui similibus, in-
 tellexeris. Vale, Patavij kal. Mart.
 M D LXXIX.

459 633

DE RE COMICA
EX ARISTOTELIS
DOCTRINA.



ANTONII RICCOBONI
disputatio.



VM in principio artis Poeticę
quinque poematum genera Ari
stoteles Cmmemorasset, Epicū,
Tragicum, comicum, Dithyram
bicum, Auleticum, Citharisticū;
de Tragœdia quidem, & de
Epopœia quæ ipse scripsit, ad
nos peruenerunt: de Comœdia uero, & de ceteris
formis poesis, iniuria temporum magni philoso
phi scripta interierunt. Non enim dubitandum
est, quin de illis multa conscripserit, & maxime
de Comœdia, cum de ea proposuerit se tractaturū,
posteaquàm de Tragœdia, atque de Epopœia di
sputasset; & in Rhetorica etiam citauerit tracta
tionem de ridiculis, quæ sine dubio ad Comœdiā
pertinebat; quamque fuisse in libro secundo ar
tis Poeticę doctissimorum hominum coniectura
est. Nobis igitur consilium accidit, tum de Co
mœdia ea colligere omnia, quæcunq; apud gra
Ec uissimum

cerum suum est insectatus, quia sibi filiam despō-
 satam uxorem non daret, ut illum ad laqueum
 cum filia compulisse dicatur. In vetere Comœ-
 dia nominabantur ij, in quos maledicta conijcie-
 bantur, ut in Pluto Aristophanis Patrocles ille,
 qui tota uita nunquam lotus est. & in Nephelis
 eiusdem Aristophanis Socrates, quam Comœdiā
 scripsit Aristophanes, ut gratificaretur Anito, &
 Melito inimicis Socratis, introducens Strepsia-
 dem patrem Philippidis, mittentem filium ad
 gymnasium Socratis, qui inuenit eum cum Che-
 rephonte disputantem de rebus minimis, de sal-
 tu pulicis, & de similibus; ac disputationes eius
 esse nebulas, quæ non consistunt, sed facile dissol-
 uuntur. Formam accepit, ut putat Donatus, ab
 Odysea, ubi est duplex constitutio fabulæ, quæ
 complectitur meliores, & peiores, &, ut testatur
 Aristoteles, est magis Comœdiæ propria, ubi etiā
 inimicissimi, ut Orestes. & Aegisthus, amicis-
 simi sunt, & nullus per alterum moritur. Vel
 potius à Margite; cuius stultissimi hominis me-
 minit Plato in Alcibiade, scribens auctoritate
 Homeri, Margitem multa quidem scire, male au-
 tem scire omnia, id est, in perniciem suam. &
 Aristoteles libro sexto Ethicorum comprobans
 uerum sapientem diuersum esse ab eo, qui quo-
 dammodo est sapiens, Homeri de Margite te-
 stimonio; quem alii scribunt fuisse ita stultum,
 ut ignoraret, quis nam maiore atate esset, ipse ne,
 an mater ipsius, & quis ipsum peperisset, pater ne,
 an mater. Præterea matrem habuit Iambicam,
 unde manauit ridiculum conuicium, carmen iam-
 bicum & quoddam uerborum genus: nutricem
 Phallicam, ἀπὸ τοῦ φαλλοῦ id est à priapo dictā,
 unde sumpta est turpitudine, saltatio, harmonia.

2 Constat uero Comœdiam inuētam esse apud Dorienſes : ſed apud quos Dorienſes , incertum eſt . Nam inter ſe diſſenſerunt ij , qui Megaram Græciæ incoluerunt , & ij , qui Megaram Siciliæ , & ij , qui Peloponneſum . Nam qui Megaram Græciæ habitarunt , Comœdiæ inuentionem ſibi uendicarunt propter antiquam ſuam libertatem popularem, vbi illa potuit exerceri: non enim habuit locum Comœdia uetus ſub tyrannide, nec ſub oligarchia, ſed ſub democratia, in qua multum proderat moribus ciuitatis , cum vnus-quiſque ſequi uirtutes ſtuderet , ne publice eius vitia reprehenderentur . Qui uero Megaram Siciliæ, quòd Epicharmus Siculus fuerit uetultius Chonnide, & Magnete antiquis Comicis Græcis.

At, qui Peloponneſum , quòd Comœdia dicta ſit à uoce Peloponneſiaca, ut ἀπὸ τῶν κομῶν, id eſt à vicis, per quos uagabantur poætæ ueteres comici, notando uitia ſingulorum hominum : non à uoce Attica κομάζειν, id eſt comefſari, & comefſare . ſignificat etiam κομάζειν amicæ laudes noctu canere. Præterea quòd δράν, id eſt agere, & re præſentare, unde dramata, ſit uox Pelopōneſiaca.

3 Quomodo autem Comœdia aucta ſit, non ſatis apparet; quia primis temporib. in honore non fuit . Curiautem in honore non fuerit, afferuntur ab Ariſtotele duæ cauſæ ; quòd ſero magiſtratus conceſſerit chorum comœdorum, vbi chorus accipitur pro multitudine interloquutorum, & quòd pauci poætæ eam tractauerint . Quidam afferunt aliam cauſam , q̃ eſſet composita ex maledictis non aſperis, & ſeueris , qualia iambico poemate exprimebantur, ſed ſcurrilib. & ridiculis . Alij dicunt Comœdiam fuiſſe contemptam non propter ſe, ſed propter malos poetas. Ignoratur ergo quis
Co.

Comœdiæ assignauerit personas, & prologos, & multitudinem histrionum. Ac ceterarum rerum comicarum inuentio obscura est præter fabulæ comicæ inuentionem. Nam apud Græcos, uel Athenienses fabulam inuenit Crates: apud Siculos Epicharmus, & Phormis. Comœdiæ ueteris auctor uetustissimus nominatur Sānyrio. Floruerūt autē belli Pelopōnesiaci tēporib. circiter Olympiadem 87. illi, de quib. sic Horatius lib. 1. Sat. 4.

Eupolis, atq; Cratinus, Aristophanesq; poetæ
Atque alij, quorum Comœdia prisca uirorū est,
Siquis erat dignos describi, q̃ malus, aut fur,
Aut mēchus foret, aut sicarius, aut alioquin
Famofus multa cum libertate notabant.

Cicetonis uerba sunt ad Atticum lib. 6. Εὐπο-
λιν τῆς ἀρχαίας quis non dixit ab Alcibiade nauigante in Siciliam deiectum esse in mare? Plutarchus in uita Periclis scribit Periclem ab eo dictum esse κεφαληγέραν, id est, capite oblongo, & amplo, ac quasi congregato. Hæc postea fuit mutata, & nomen obtinuit mediæ, quæ dissimulato nomine uitia tantum exagitabat. Horatius;

- sed in uitium libertas excidit, & vim

Dignam lege regi. lex est accepta, chorusque
Turpiter obticuit sublato iure nocendi.

Hæc sequuta est Comœdia noua, in qua primas tenuit Menæder, potiente rerū Alexādro Magno. Cicero in Bruto memoriæ prodit Liuium primū fabulam dedisse C. Claudio Cæci F. qui in Catone Cētho nominatur, & M. Tuditano cosanno anteq̃ natus est Ennius, post Romā conditā quattordécimo, & quingentesimo. In præfatione primæ Tusculaniæ aut corrupte leguntur anni D X. pro DXIIII. aut est Ciceronis μηχανικὸν ἀμάρτημα: aut numerus rotundatus est. De poetis comicis

Latinis legendi sunt uersus Volcatij Sedigiti apud Gellium libro 15. cap. 24. in quibus Plautus quidem præfertur Terentio, quoad sermones comicos, & ridiculos, etiam si inferior sit quoad mores, & proprietatem sermonis. quod confirmat Varro apud Nonium in hunc modum; In argumentis Cæcilius poscit palmam: in ethesi Terentius: in sermonibus Plautus. & Seruius in primum Aeneidos sic: Sciendum est Terentium propter solam proprietatem omnibus comicis esse præpositum, quibus est, quantum ad cetera spectat, inferior. Hactenus de origine Comædiæ sequitur, ut, quid Comædia sit, exponamus.

DEFINITIO COMOEDIAE.



Definitur Comædia, ut sit imitatio, quæ sit sermone, saltatione, harmonia, per modum actiuū, in materia eius vitij, quod mouet risum.

1 Est imitatio: quia omnis poësis est imitatio, ut probatur

ab Aristotele initio Poeticæ.

2 Cum fiat triplici instrumento, distinguitur ab Epopœia, quæ sit sermone tantum; ab Orchestica, quæ saltatione tantum, ab Auletica, & Citharistica, quæ saltatione, & harmonia. Primum autem instrumentum Comædiæ est sermo, de quo queritur, an ipsa possit fieri soluta oratione. Nam Sophron, Xenarchus, & Plato imitati sunt soluta oratione. ergo uidetur etiam comica imitatio posse fieri sine versu. Respondet Aristoteles, agens de Epopœia, id commune non esse, id est communiter receptum. Itaque si esset communiter

muniter receptum, admitti posse uideretur. At nostris temporibus est communiter receptum, ergo admitti potest. Nam ita postulat usus;

Quem penes arbitrium est & ius, & norma loquendi, ut nobilis Poeta ait. Quòd si non vsum, sed rationem attendamus, profecto uidebitur Comædia, & omnis poesis, uersu esse conficienda; non quòd versus constituat naturam poesis, sed quia sit proprium instrumentum, uel uestimentum eius. Non constituit naturam poesis: quia versus sublatus diuersam non reddit poësim. Nam Oedipus Sophoclis soluta oratione scriptus adhuc est poësis quædam. & uersus additus historię, ipsam historiam non efficit poësim. historia enim Herodoti uersibus conscripta adhuc est historia quædam. Est tamen proprium eius instrumentum, uel uestimentum. Quare, quemadmodum, si historia uersibus scribatur, est quidem historia, ut inquit Aristoteles, sed historia quædam, id est, ut ego interpretor, quodammodo deformis: sic poësis si soluta oratione conficiatur, erit poësis quædam, id est deformior, quia proprio instrumento non utatur; vel proprio careat uestimento, perinde ac uir indutus ueste muliebri, & mulier induta ueste uirili. atque hoc modo erit reprehendenda; ut reprehensi sunt Mimi. Xenarchi, & Sophronis, ac sermones Socratici. Accedit quòd, ut quidam subtilissime notarunt, soluta oratio scenæ est minus accommodata propter submissionem suam: uersus accommodatior propter elationem. in soluta enim oratione non conuenit vocem extollere, nisi quantum necesse sit, ut alter alterum audiat; alioquin aut surdi, aut stulti existimarentur: at in uersu indecorum non est extollere ita uocem, ut à

ſpectatorib. audiatur. Secundum inſtrumentum eſt ſaltatio, quæ adhibebatur in choris. Saltatores autem, ut inquit Ariſtoteles, per figuratos numeros imitabantur mores, & perturbationes, & actiones. Tertium inſtrumentum eſt harmonia cantus, & ſoni. Nam quidam cantabāt: quidam etiam ſonabāt, ut tibicines. Ac tibiæ uel dextræ, uel ſiniſtræ fuerunt. Siniftræ habuerunt grauiorem ſonum: dextræ acutiorem. probatur ex Plī. li. 6. c. 36. de materia tibiæ legēdus eſt Iulius Pollux lib. 4. Præterea tibiæ aut erant pares, aut impares. pares habebant cauernam foraminis parem, ideoque ſonum parem reddebant, & dicebantur Saranæ. Impares cauernam imparem; ideoq; ſonum imparem, & Phrygię. Legendus eſt Seruius in librum nonum Aeneidos.

3 Comædia habet modum actiuum. Sic diſtinguitur à Dithyrambica, quæ modo narratio utebatur. & ab Epopœia, quæ uiruit mixto.

Triplex eſt materia poeſis; meliorum, peiorum, mediocrium. Tragœdia eſt imitatio meliorum: Epopœia meliorum, peiorum, mediocrium. Comœdia peiorum, non in omni uitij genere, ſed in eo, quod mouet riſum.

Ergo conuenit Comœdia cum aliis partibus poeſis, quia eſt imitatio.

Cum Epopœia in genere tantum:

quia ambæ imitationes.

Cum Tragœdia	{	in genere
		inſtrumento
		tempore
		modo,

quia ambæ imitationes ſunt: ambæ imitantur ſermone, ſaltatione, harmonia, ambæ unico ſolis circuitu clauduntur. ambæ ſunt per modum actiuum

actuum.

Cum Auletica, & Citharistica in genere tantū.

Differt ab Epopœia { in instrumento
modo
materia
tempore

quia Comœdia utitur triplici instrumento, ut superius declaratum est; Epopœia simplici, nempe sermone tantum, illa modum actuum habet, hæc narrativum mixtum. illa in simplici materia versatur, nempe piorum: hæc in triplici, meliorum, piorum, mediocrium. illa unico solis circuitu comprehenditur: hæc tēpore indefinita est.

A Tragœdia in materia.

quia Comœdia habet materiam piorum: Tragœdia meliorum.

A' Dithyrambica. { in materia
in usu instrumentorum.
quia Comœdia simplicem materiam tractat: Dithyrambica triplicem, quemadmodum etiā Epopœia. illa utitur tribus instrumentis in diuersis temporibus: hæc in eodem tempore.

Ab Auletica, & Citharistica in numero instrumentorum. Comœdia enim habet tria instrumenta, sermonem, saltationem, harmoniam: Auletica, & Citharistica saltationem, & harmoniam.



AT IS explicata est definitio Comœdiæ. Nunc ad partes qua-
litatis veniendum est, quæ eæ-
dē sunt in Comœdia, ac in Tra-
gœdia, idest fabula, mores, sen-
tentia, dictio, harmonia, appara-
tus. Fabula est rerum composi-
tio, quæ actiones extra scenam
habitas imitatur. Mores sunt, secundum quos agē-
tes cuiusdammodi apparent. Sententia est enun-
ciatio mentis vel in vniuersum; vel in parte, quæ
uel confirmat aliquid, vel refellit, vel cōcitāt, vel
sedat, vel amplificat, vel diminuit. Dictio est per
verba interpretatio. Harmonia est compositio cā-
tus, vel soni. Apparatus est pars, quæ allicit ani-
mus ex ipso prospectu. Ex quibus partibus tres
existunt, quas poetæ imitantur, fabula, mores, sen-
tentia: duæ quibus imitantur, dictio, harmonia:
vna, in qua imitantur, apparatus. Iam de singulis
breuiter agamus.

Fabula Comica est principium, & finis Comœ-
diæ. principium in poeta, qui primum in fabulā
debet intueri. finis in alijs partib. quæ ad fabulam
tamquā ad finem referuntur. præterea est ani-
mus Comœdiæ, vt quæadmodum corpus per ani-
mam viuit, sic Comœdia per fabulam animetur.
Fabulæ autem proprietates enumerantur octo.

1 Nam debet esse tota, quod tamen non nullā
habet dubitationem. In Menæchmis. enim Plauti
hec res agitur, quemadmodum mercator Siculus
habens duos filios geminos Menæchmum, & So-
siclem, Tarentum profectus sit cum Menæchmo

&

& Menæchmus surreptus sit, & auetus Epidamnum, & adoptatus à raptore, ac factus hæres ei mortuo, & pater mortuus sit Tarenti, & auus habito nuntio de ea re immutarit nomen Soficli, & cum nominarit Menæchmum, & hic quæritans fratrem per omnes oras venerit Epidamnum, & habitus sit pro vero Menæchmo à meretrice, ab vxore, à focero. Iam uero hæc tota actio non repræsentatur: sed tantum pars vnius dici, quo fratres congressi sunt. Sic dici potest de actionibus aliarum Comædiarum, quæ non totæ, sed secundum partem, repræsentantur. Ad quam dubitationem quidam responderunt, & recte, nostro quidẽ iudicio, responderunt, duplex esse totum, vnum magnum, vt corpus humanum: alterum paruum vt caput hominis. & in actione comica intelligi totum paruum, vt repræsentetur non tota actio multorum dierum, sed tota actio vltimi dici, in qua seruetur principium, medium, & finis.

2 Debet congruentem magnitudinem habere ut nec perexigua, nec permagna sit, sed accommodata ad eius temporis prospectum, quod fert commodum spectatorum, cum ratio commodi popularis habeatur, & necesse habeat populus post aliquot horas de theatro propter humanas necessitates discedere. Itaque tps fabulæ comicæ accommodatum necesse vnius, aut duarum horarum, nec duodecimam præterire censendum est.

3 Debet esse una, tametsi enim quandoque duæ actiones exprimentur, vt in Andria Terentijs actio Pamphili amantis Glycerium, & Charini amantis Philumenam, tamen vna est præcipua, altera aduentitia, & episodica. Tempus autem duodecim horarum, & angustia loci non permittit in Comædia multitudinem actionum.

4 Debet

4 Debet esse verisimilis. & hæc verisimilitudo spectatur in vniuersalibus, in singularibus, in nominibus. Nam vniuersalia tractantur, quæ contingere multis personis possunt: singularia vero, si sumantur, tractanda sunt in vniuersum ita, vt multa in eis fingantur ex verisimilitudine. Nomina autē ponenda sunt ex morū qualitate, vt Chremes avarus, Phœdria hilaris, Sophrona prudens, Mitio mitis, Demea demens. Thraso audax, & similia, in quibus decet consuetudinē loci, observare, qui repræsentatur. Quamobrem non possumus non probare illos, qui tametsi nouitas nominum soleat delectare: tamē propter verisimilitudinē in conuersionib. mutant nomina, & illa adhibēt, quæ sunt vsitata in ea lingua. in quam fit conuersio, ac simul mutant locū. Nā parū verisimile videtur esse, personas græcas in vrbibus græcis latine agere, vt apud Plautum, & Terentium, Nisi dicamus supponi populum ita rudem, vt putet omnes gentes, & nationes vno vti sermone. quod magis probaretur, si Comœdia non ageretur illis in vrbibus, in quibus diuersæ linguæ quotidie audiuntur.

5 Non debet esse episodica, idest contaminata superuacaneis episodijs. Intelligunt hic subtiliores explicatores episodioa res inuentas ad ostendendam naturam facti, quod summam tantum cognoscitur, quæ verisimiliter, aut necessario ostenda sunt. vt summam cognoscitur iu Menæchmis Plauti Menæchmum Sositalem agnouisse Epidamni Menæchmū surreptū, fratrem suū. quæ inuenta sunt ad ostendendam naturā huius facti dicuntur episodioa, quæ verisimiliter, aut necessario nexa sunt, vt cū Peniculus loquitur, superuenit Menæchmus surreptus increpans uxorem suā
inde

inde exit Erotium meretrix, & mittit Cylindrum ad emendum obsonium, postea venit Menæchmus Sosicles cum seruo, & falso accipitur à Cylindro, deinde ab Erotio, post à Peniculo, tū ab ancilla, deinceps ab vxore. sic fit progressus in ceteris partibus, quæ verisimiliter, aut necessario nexæ sunt.

Debet esse admirabilis, vt per ridiculam deceptionem inducat huiusmodi deceptionis purgationē: admiratio enim rerum malarum, & turpiū, quæ in Comædijs irridentur, ac vituperantur, docet spectatores, ne in illas incurrant. Nam, quem admodum Tragœdia mouet admirationem in rebus miserabilibus, & metuendis: sic Comœdia in turpibus, & irridendis. vt cum in Adelphis Terentij Demea pater decipitur, & credit Ctesiphonem esse filium probum, Aeschinum improbum, ex huiusmodi deceptione oritur admiratio, quæ cōmonefacit spectatores, ne similiter decipiantur, & hæc purgatio est propria Comædiæ.

7 Debet esse implexa, vt sit pulcherrima, quæ habeat mutationē aduersæ in prosperā fortunā.

Nā simplex est, quæ habet vnū fortunæ tenorē, ita vt progressus actionis sit semper felix, quemadmodum Prometheus Aeschyli fingitur semper infelix. Implexa, cū sit mutatio fortunæ peripetiam, & agnitionem, vtcum sit conuersio turbarum in nuptias, pacem, & tranquillitatem.

8 Debet esse affecta, vt moueat lētitiam, & molestiam. lētitiam ex turpitudine occultata, vel cessante, ex persona recuperata, ex amore expleto. molestiam ex turpitudine accepta, vel perdurante ex persona amissa, ex amore impedito, ex eiusmodi rebus, quæ cum representantur in scenis, simul mouent animos spectatorum. Quia in re-
mira

similitudo refertur ad eos, de quib. alij scripserunt. Cum autem in Comædijs nomina propria fingantur, & non sint antiqua, vt fere in Tragædijs, ualebit hoc præceptum nostris temporibus ad exprimendos mores quarundam personarum tales, quales iam communiter sunt recepti, vt Pantalconis Veneri, Ioannis Bergomatis, Gratiani Francolinensis, & aliarum huiusmodi personarum, quas alij introduxerunt.

Postremo sunt exprimendi mores æquales, de quib. Horatius.

Seruetur ad imum,

Qualis ab incepto processerit, & sibi constet,

Quamquam hoc videtur habere dubitationem, quia quandoque fit mutatio in Comædijs, vt in Demea, & in Mitione apud Terentium, Demea enim in principio durus, in fine lenis, in principio avarus, in fine prodigus apparet. Mitio vero ad extremum multum remittit de natura sua. Responderi tamen videtur posse, aut mutationem morū fieri sine vlla causā in poemate expressā, quæ valeat ad efficiendam huiusmodi mutationem, & tunc cum reprehensione poetarum, aut cum causā, & tunc sine reprehensione, quemadmodum cum Demea mutatur, exprimens causā mutationis suę multis verbis, & illam sententiā proferens; Re ipsa repperi.

Facilitate nihil homini esse melius, neque clementia.

Mitio etiam aliquantisper mutatur propter nimiam profusionem Demeæ, sed apparet quoque mitis.

Tertia pars qualitatis est sententia, quæ intelligitur esse omnis inuentio demonstrationis, con-
citationis, amplificationis, vt in Adelphis.

Venit

Venit ad me sæpe clamitans, quid agis
Mitio?

Cur perdis adolescentem nobis? cur amat?

Cur potat? cur tu his rebus sumptus suggeris?

Vestitu nimium indulges, nimium ineptus es.

Nimium ipse durus est præter æquumque, &
bonum.

Et errat longe, mea quidem sententia,

Qui imperium credat grauius esse, aut sta-
bilius,

Vi quod fit, quàm illud, quod amicitia ad-
iungitur.

Hoc in loco est sententia demonstrationis, qua
probatur Mitionē perdere adolescentē, & nimis ine-
ptum esse, propterea quòd amorib. & compotatio-
nibus adolescentis sumptus suggerat, ac vestitu ni-
mium iudulgeat. & Demeam nimis durum erra-
re, quia qui credit imperium esse grauius, & sta-
bilius per vim, quàm per amicitiam, errat. Præte-
rea est sententia concitationis, qua ostenditur,
Demeam mouere pudorem Mitioni ab impru-
dencia, Mitionem autem non recipere pu-
dorem propter prudentiam suam. Postremo est
sententia amplificationis, qua malum, & incō-
modum augetur ex facilitate Mitionis.

Quarta pars qualitatis est dictio. de dictione
autem Comica colligitur ex Aristotele Comœdię
congruere idiotecismum. qua in re valde lauda-
tur Plautus, non valde Terentius, qui vitauit vul-
garem elocutionem. Atque huius rei culpa reie-
cta est in Scipionem, & Lælium, homines nobiles
eleganti sermone vtentes, qui ei auxiliati sunt
in Comœdijs componendis. Qua de re ita in pro-
logo Adelphorum.

Nā quod isti dicūt malcuoli, homines nobiles
Eum

Eum adiutare, assidueque vna scribere.

Quod illi maledictum vehementes existimant,
Eam laudē hic ducit maximā, cum illis placet,
Qui vobis vniuersis, & populo placent,
Quorum opera in bello, in ocio, in negotio,
Suo quisque tempore vsus est. sine superbia.

Elegantior igitur visus est Terētius, quā ferre natura Comēdiæ videatur, quē Cicero ad Atti cum citat, tanquā bonū latinitatē auctorem propter elegantiam sermonis, cum appellet Cœciliū malum auctorem latinitatē. Probatum autem ab Aristotele in Iambicis, & sic etiam in Comicis, qui vtuntur iambis, formæ omnes elocutionis, quæ ad communem sermonem sunt accommodatæ, vt propria, translata, epitheta.

Quinta pars qualitatis est harmonia, & appellatur ab Aristotele maximum condimentorum, ac intelligitur per id, quod sub aurium sensum cadit, consequens poeticæ, non proprium, nec necessarium, quia sine eo potest poësis existere.

Sexta pars qualitatis est apparatus, qui sub visum cadit. primus autem Sophocles voluit scenā depingi, & fieri prospectum ad agendas Tragœdias. quod postea ad Comēdias trāslatum est. Dornatus scribit in Comēdia omnes seruos fuisse eodem modo vestitos, sic puellas, & alias personas. De vestib. comicarū personarum legendus est Iulius Pollux lib. 4. cap. 18. Nam senum vestis erat purpurea, vel nigra. Iuniorum purpurea. Seruorum vestis erat exomis, id est tunica alba ignobilis, in sinistro latere sutelam non habens. Parasiti vestis nigra, pullave, vel alba, cū nuptias esset celebraturus. Parasitus autē ferebat pectinē, & lecythum. Coqui duplex, & rudis vestis. Lenones tincta tunica, & amiculo splendido induebantur; virgamque rectā gerebant, quæ ἀπερχοῦ νό

minatur. Pera, idest, sacculus ad lumbos pē-
dens; & dipthera, idest indumentum ex pellib. cō-
fectum ad rusticos pertinens, qui ferebant pedū .
Anuum vestis erat melina, vel cærulea. si erant sa-
cerdotes, alba. Iuuenum alba, uel byssina. Nonnul-
læ mulieres habebant armillam, & symmetriam,
quæ erat tunica talaris purpuream fimbriam ha-
bens. Lenæ, vel meretricum matres vittam quan-
dam purpuream in capite gerebant .

Haftenus de partibus qualitatis .

PARTES COMOEDIAE QVAE DI-
cuntur Quantitatis.



ARTES quantitatis, ex qui-
bus Comoedia componitur, duo-
rum generum sunt, aut extra
actionem: aut in actione. Ex-
tra actionem duæ, prologus se-
paratus non adhibitus in Co-
mœdia veteri, sed in noua: &
chorus adhibitus in veteri, non in noua. In actio-
ne quinque, prologus coniunctus, episodium pri-
mum, episodiū secundū, episodiū tertiū, exodus.

In prologo separato inducitur persona, quæ
non est in alijs Comœdiæ partibus, vt apud Plau-
tum fere deus aliquis, apud Terentium consilia-
rius, aut defensor poetæ. Videtur autem qui-
busdam subtilissimis Aristotelis explicatoribus,
melius induci deus, quàm homo, cum res futu-
ras aperiat, quod magis ad deum, quàm ad homi-
nem pertinet. Ac iisdem videtur huiusmodi pro-
logus conuenire Comœdiæ propter eius mate-
riam obscuram ex conditione personarum, non
conuenire Tragœdiæ propter eius materiam no-
tam ex conditione personarum, quæ propter di-
gnitatē suam altissimo loco sitam ab omnibus ob-
seruatur. Ac huius quidē prologi præcipua mune-

ra existunt tria, vt fabulæ argumentū exponat, vt fabulam, vel poetam commendet, vt maledictis aduersariorum pro poeta respondeat. Primū munus præstatur à Plauto, non à Terentio. habet tamen illud rationis, quòd si factum summam nō cognoscatur obscurior est actio Comædiæ, & hoc modo minus iucunda. Quare nō est reprehēdendus Plautus, apud quem narratur in vniuersum actio, non modi actionis. Quanquā nec factū quidem Terentij est improbandum, in cuius prologis non exponitur argumentū fabulæ, ea fortasse ratione, quia magis afficit impropria delectatio, quàm prouisa, cum præserim in singulis partib. Comædiæ ita vitetur obscuritas, vt singillatim ipsas cognoscere facillimū sit, etiam si factum in prologo non narretur.

Chorus dupliciter accipitur, vt alij quoq; obseruauerunt. primum pro multitudine interlocutorum tum in Tragædia, tum in Comædia, vt apud Platonem de Rep. & apud Aristotelem, cū dicitur in Poetica, sero magistratum concessisse chorū comedorum, quem Terentius appellat gregem. & hic chorus sine dubio est in Comædia. Deinde pro multitudine personarum, quæ repræsentat vniuersitatem, vel populū aliquē. Atq; hic dupliciter consideratur, aut quatenus per aliquā personā loquentē ducit fabulā ad finē ipsius, & est pars actionis, nec proprie dicitur chorus; aut quatenus canit, & iudicat de actionib. Regis, ac proprie dicitur chorus. atque habet locū in Tragædia, nō in Comædia noua: quia in actiones regias, quales sunt Tragicæ. populus intuetur, cum præsertim sint admirabiles, vt possit de illis iudicium facere, non sic in actiones priuatas, quales sunt Comicæ. Chorus autē Tragicus, vt testatur Iulius Pollux lib. 4. continebat quindecim personas, Comicus quattuor & viginti. pro choro nunc adhibentur mimi, & harmonia, vel saltatio.

Prologus coniunctus in Tragedia, & Comedia tã veteri, quã noua, est primus actus, vt in Tragedijs Sophoclis, & Comedijs Aristophanis, ac Plauti, & Terentij. A recentioribus hæc pars dicitur protasis, idest propositio, & initium dramatis, ac actionis.

Episodium in Poetica Aristotelis ex obseruatione subtilissimorũ explicatorũ accipitur quadruplici ter, primo modo pro reb. quæ principalẽ actionem antecesserunt, & inseruntur in actione, vt cũ dicitur Homerũ impleuisse poema suũ episodijs. Secundo modo pro reb. quæ euenerunt tẽpore actionis in loco longinquo, & sunt pars actionis; ac per nuntiũ exponuntur, quas Arist. appellat episodia propria fabulæ. Tertio pro reb. inuentis à poeta ad ostendẽdã naturã facti, quod summam tantũ cognoscitur, quæ episodia necti oportere, docet Arist. ne fabula sit episodica, & quidẽ necti secundũ verisimilitudinẽ, ac necessitatẽ. Quarto pro secũdo, tertio, & quarto actu, qui replentur superiorib. trib. episodijs, & id circo merito appellãtur episodia. A recentiorib. hoc triplex episodiũ dicitur epitalis, i. incrementum, processusque turba: um, ac totius nodus erroris.

Exodus est vltima pars, quæ cõrinet catastrophẽ, & conuersionem rerum ad iucundos exitus.

Quæritur autẽ, cur tantũ sint quinq; actus, nec plures, nec pauciores. Quidã scribũt esse quinq; p p auxiliũ memoriæ, quia naturaliter diuisio non debet quinariũ numerũ præterire, cũ quinq; digitos natura fecerit in manu, in quib. solemus partes diuisas collocare, vt faciebat Hortensius, qui partes causæ in digitos diducebat. vnde Græci dicunt *πεντάκην* perfecte narrare. Nos dicimus esse quinq; hæc rõne, vt arbitramur; satis probabili, q partes actionis aut pertinet ad summã facti, aut continet incrementa. Si pertinent ad summã facti, aut valent ad ingressum actionis, aut ad exitũ, vt prologus coniunctus,

&

& exodus. Si cōtinēt incrementa, vt maiorē iucūditatem afferant, nec debent esse paucæ (absurdū. n. esset, congregari populū p̄p breuissimi t̄pis delectationē) nec multæ, quia lōgitudine actionis populus læderetur. paucæ essent, si duæ; multæ, si plures, quàm tres. ergo seruata mediocritate congruenter sunt tres, & tria episodia.

D E R I D I C V L O.



RELIQVVM est, vt, cū ppria materia Comœdiæ sint personæ personæ in eo vitij genere, quod est ridiculū, quæramus, quid sit ridiculū, de quo tamen si multi doctissimi homines conscripserunt, tamē ab re non erit colligere quàm breuissime illa, quæ eius naturam declarent.

Ac ridiculi quidem definitio ex Aristotele colligitur, vt sit, quod mouet risum, ex turpitudine aliqua aut corporis, aut animi, aut rerum extrinsecus positarum, quæ turpitudine placeat.

1 Dicitur, quod mouet risum. Sic cognoscendum est, quid sit risus. Nihil. n. aliud est risus, nisi signum lætitiæ, qđ facit animus p̄ dilatationē cordis ex spiritu resolutione, qui vincēte imagine rei lætæ cōtineri non possunt. Ex hac definitione à viris doctissimis tradita apparet, quid sit risus. Apparet simul, quo pacto concitetur, i, quæ sit causa risus effectrix. nā est lætitia, ac voluptas. Apparet, vbi sit. nā est in animo tāquā in re præcipua, quæ recipit risum, ac in corde, tāquā in instrumento animi. Apparet quō fiat, nēpe ex spiritu resolutione. Apparet quō latera, os, venæ, vultus, oculi occupentur, vincente imagine rei lætæ vim illā, quæ spiritus continet tū in thorace, tū in facie, tū etiā qñq; in cerebro, ita vt eius humiditas ex oculis erūpat, quæ lachryma nuncupatur. vnde Syrus de Demæa, Homini illico lachry

me cadunt, quasi puero, gaudio.

2 Dicitur ex turpitudine, quia, non omnis res, quæ mouet risum, appellatur ridicula, ut personæ, & res charæ, quib. occurrimus aut primū, aut post aliquod tps. Personæ charæ, ut mater, pater, filij, amatores, amici, & eiusmodi. Rex charæ, ut honores, magistratus, lapilli pretiosi, possessiones, læti nuntij, deniq; res omnes, quæ post diuturnū, & vehemens desiderium obtinentur. In ridiculo ergo requiritur turpitudō aliqua. Definitor autē turpitudō à Platone in Sophista, ut sit recessus qdā ab eo, qd naturę cōgruit.

3. Dicitur corporis, aut animi, aut rerū extrinsecus positarū. Nā quædā est turpitudō corporis, cuius exemplū affert Aristot. ridiculā faciē, turpēq;, ac distortam, qualis fuit facies Therisitidis, vnde *Θέρσιτιον βλέμμα*. de quo Homerus lib. 2. *Ἰλ. πολλὸς ἔην, χαλὸς δὲ ἕτερον πόδα*, & quæ sequuntur. Quædā est turpitudō animi, ut Margitis, de quo supra. Aliā est turpitudō rerū extrinsecus positarū, ut generis, rei familiaris, consuetudinis impudicæ. Suetonius in Vespasiano, Flauia gens obscura, ac sine ullis imaginibus. Samnites obtulerunt C. Fabricio imperatori dono grandem pecuniam, qd viderent multa ad splendore domus, atq; victus deheri, neq; pro magnitudine, dignitateq; lautū, paratūq; esse. Fabricius non accepit, deducens planas manus ab auribus ad oculos, ad nares, ad os, ad gulam, ad ventrem, & dicens, dū illis omnib. mēbris, quæ attigisset, obistere, atq; imperare posset, nunquā quicquā defuturū. auctor Iulius Higinus lib. 6. de vita, rebusq; illustriū virorum Sal. iam primum adolescens Catilina multa nefanda stupra fecerat cū virgine nobili, cū sacerdote Vestali, & alia huiusmodi contra ius, fasq;.

4 Dicitur, quæ placet. Nam si non placeat, non potest esse ridicula. Turpitudō n. corporis cū dolore non mouet risum, sed misericordiā, ut quæ in aper

ro existunt mortes, & ciuationes, & vulnerationes, & quæcunque talia, quæadmodū cū Oedipus p̄p sce-
lus cōmissum sibi eruit oculos, & Iocasta laqueo se
suspendit, & Aeolus p̄p incestū Canacis, & Macarei
nepotem feris deuorandū tradidit, & filiā occidit,
& Ajax post occisas in furore bestias resipiens se
occidit. Ac turpitudine animi cū improbitate non mo-
uet risum, sed odiū, vt sceleratus animus Catilinæ,
Clodij, & aliorū. Et turpitudine rerū extrinsecus posi-
tarum sine iactatione, & insolentia, non mouet ri-
sum, sed misericordiā. At contra, turpitudine corporis
sine dolore ridicula est. & turpitudine animi magis
cum stultitia, quā cū improbitate coniuncta. Cic.
lib. 2. de orat. Aderat contra Aculeonē Gratidiano
L. Aelius Lamia, deformis, vt nostis, qui cū interpel-
laret odiose, Audiamus, inquit, pulchellum puerum
Crassus. cum esset arrisum, non potui mihi inquit,
Lamia, formā ipse fingere, ingenium potui. Tū hic
Audiamus, inquit, disertum, multo etiam arrisum
est vehemētius. Et turpitudine rerum extrinsecus po-
sitarum cum insolentia. Cic. in eodem lib. C. Lælius
cum ei quidā malo genere natus diceret indignum
esse suis maioribus, vt hercle inquit tutius dignus.
Hæc triplex turpitudine egregie expressa est apud Te-
rentium. in vero Eunuchō, de quo ita Pythias; Hic
ē vetus, vietus, veterinosus, senex, colore mustellino.
in Thrasone, qui se stulte iactat, Est istuc datum pro-
fecto mihi, vt sint grata, quæ facio omnia in Dauo,
cum inter cetera inquit, Omnia habeo, neque quid
quam habeo, nil cum est, nil deficit tamen.

Iā uero turpitudine, quæ placet, ab ijs, qui de ridicu-
lis scribunt, tripliciter consideratur, vera, ficta, for-
tuita. Turpitudine animi vera est, vt cū quidā, qui se-
rebat arcā, postquā Catonē percusserat, dixit, Caue.
Ficta, vt cū Cato simulauit, se nescire, an ille aliud
ferret præter arcā. Fortuita, vt cū accidit aliquem

dicto, aut facto animi errorem patefacere. Turpitudinem corporis vera est, ut nasi grypitas, vel simitas à primis natalibus. Ficta, ut cum quis claudicat, ut claudicantem irrideat. Fortuita, ut cum quis ita cecidit, ut nihil mali ei contigisse videatur. Turpitudine rerum extrinsecus positarum vera est, ut vera paupertas. Ficta, ut ficta paupertas. Fortuita, ut cum quis in periculo fuit amittendi bona sua, sicut Sannio in Adelphis.

Præterea turpitudine, quæ placet in Comœdijs, est deceptio, propter quã aliquis dicit, aut facit, aut patitur res, quas nec diceret, nec faceret, nec pateretur, si non deciperetur, & quadruplex commemoratur.

1. Quæ evenit ex ignorantia earum rerum, quæ ad communem pertinent intelligentiam, qualis fuit ignorantia Margitis, aut ex ebrietate, somnio, phrenesi.
2. Quæ ex falsa opinione, cum quis falso putat se excellere in artibus quibusdam, & in viribus corporis, aut animi, atque in his inaniter se iactat, qualis ostentatio Thraſonis apud Terentium.
3. Quæ ex eo, quod res in aliam partem accipiantur, aut retorquantur in ipsarum auctorem. Cato Nobiliorem mobiliorem appellavit. Tiberius Nero dictus est Biberius Mero. Cum quidam dixisset, Lava os, & non manus, illud responsum tulit, de te non sum loquutus. Cum Q. Optimus consularis, qui adolescentulus male audierat, festivo homini Egilio, qui videbatur mollior, nec erat, dixisset, Quid tu Egilia mea, Quando ad me venis, cum tua colu, & lana?

Non pol, inquit, audeo.

Nam me ad famosas vetuit mater accedere.

4. Quæ ex alterius insidijs, aut casu, dummodo eum, qui deceptus est, magnum damnum non consequatur, ut cum maritus ille ab uxore insidijs sociorum cum meretrice deprehensus est. & cum casu à patre deprehensa est filia cum amante dormire, quæ can-

tu lusciniæ delectabatur.

Huius turpitudinis, quæ ridiculum nominatur, explicatio aut est εἰρωνεία, aut βωμολοχία. idest aut iocus, aut scurrilitas. vnum genus, inquit Arist. lib. 3. artis Rhetoricæ, libero homini conuenit, alterū vero secus. Est autem iocus scurrilitate liberalior. nam qui iocatur, sui causa ridiculum fingit. Scurra vero alterius. libro 2. Ethicorū legitur εὐτραπεία habere duo extrema, quorum vnum dicitur βωμολοχία, alterum ἀγροικία. Lib. 2. Rhet. definitur ἡ εὐτραπεία πεπαιδευμένη ὕβρις. Ad εὐτραπείαν per tinēt τὰ ἀστεῖα, καὶ τὰ εὐδοκιμοῦντα. Elocutionem autem urbanam fingere Arist. lib. 3. Rhet. scribit esse ingeniosi, aut exercitati. demonstrare vero methodi, ita vt urbana dicta speciatim à natura pendeant, & exercitatione, generatim arte demonstrantur, & hoc modo tollatur difficultas illius quæstionis à Cicerone propositæ, vtrum ridicula pertineant ad artē, an ad solā naturam, quod eruditissimus Vincentius Madius notauit in sua de ridiculis disputatione, quæ legenda est illis, qui copiosiores hac de re doctrinam habere cupiunt, cum tractatione Aristot. li. 3. Rhet. de urbana elocutione. & Ciceronis lib. 2. de orat. vbi sub persona Cæsaris disputat de facetijs. & Macrobij lib. 2. Saturnaliorum, vbi multorum iocos, ac dicteria colligit. & Balthesaris Castilionei, & aliorum.

INDEX RHETORICAE.



R hetorica ars	pag. 1. 201
Rhetorica imperfecte tradita ab aliis.	2
Rhetorica utilis	4
Rhetorica scientia	6. 202
Rhetorica facultas	17. 202
Rhetoricę finis persuadere	204
Rhetoricę munus uidere, quę pertinent ad persuadendum	206
Rhetoricę materia, uel res considerata.	208
Rhetoricę modus considerandi.	212
Rhetoricę definitio.	6. 214
Rhetorica considerat nō omne probabile, sed illud, quod est persuasibile	214
Rhetorica cōposita ex Analytica, & Politica	17. 219
Rhetorica agnatum Dialecticę, & Politicę	8. 220
Rhetorica similis Dialecticę, & Sophisticę.	17. 221
Rhetorica <i>ἀντίσπορος</i> Dialecticę.	1. 222
Rhetorica particula, & similitudo Dialecticę.	8. 224
Rhetorica pars Logicę	224
Rhetorica an percipi sine Logica possit	245
Rhetoricę minus exacta cōtēplatio, q̃ Politicę.	248
Rhetorica quomodo consideret affectus, an tamquàm suos, an tamquàm alienos	248
Rhetoricę an liceat mouere affectus.	252
Rhet. tres partes, fides, elocutio, partium dispō.	149
Fides duplex artificiosa, non artificiosa	7
Fides artificiosa triplex, demonstratio, mores, affectus,	7
Fides non artificiosa quotuplex, leges, testes, pacta, quę.	-

INDEX

458

quæstiones, iusiurandum.	65
Demonstratio oratoria, quæ est prima fides artificiosa, sit enthymemate, & exemplo.	8
Enthymema quid sit	9. 254
Exemplum quid sit	9. 265
Enthymematum uarietas	12. 255
Enthymematis materia, 9. 255. forma	10. 255
Exempli materia, pag. 9. 262. forma	12. 262
Enthymema constat ex uerisimilib. & signis	11
De uerisimili	11. 267
De signo	11. 267
Verisimilia, & signa ducuntur ptim ex formis, ptim ex oppositionib. cõib. ptim ex locis Topicis	274
Formæ sunt propõnes singulorũ generũ. 14. 274. 280	
Genera orationum oratoriarum tria, deliberatiuũ, demonstratiuũ, iudiciale	24
Deliberatiui generis auditor, partes, tempus, finis. pag. 14. Demonstratiui 14. Iudicialis	14
An oĩa contineantur sub trib. generib. causarũ. 275	
Quo in gñe sint ecclesiasticæ orationes.	278
Formæ deliberatiuæ, sunt de reb. cõtingentib. 16. potissimũ de quinque. 17. ducuntur ex iis, quæ pertinent ad felicitatẽ. 20. sunt aut bonorũ confessorũ. 25. aut controuersorũ. 27. aut comparatorũ. 29. sunt accommodandæ ad fines Rerump.	36
In formis deliberatiuis quædam explicata.	281
Formæ demonstratiuæ sunt de quattuor reb. 38. ducuntur ab honesto 38. aut sunt generaliores. 38. aut minus generales.	39
In formis demonstratiuis quædam explicata.	284
Formæ iudiciales colliguntur ex triũ rerum inspectione, Quæ sint causæ iniuriarum, Qui faciant iniuriam, Quib.	41
Iniuriam facere quid	45
Quarum rerum causa fiant iniuriæ.	46
A quibus fiant iniuriæ	55
Iniu-	

INDEX

Iniuriæ, & iustæ susceptæ actiones distinguuntur.	60
Maiores, & minores iniuriæ	63
In formis iudicialib. quædam explicata.	285
Cû formis coniugendæ sunt propositiones cões.	16.
Propositiones cõmunes sunt quattuor generû; possi- bilis, impossibilis: futuri, non futuri: facti, non fa- cti: magni, parui.	16. 116
Propositiones possibilis, & futuri cõueniunt magis deliberatiuo 117. propositiones magni demonstrati- uæ. ibidem. propositiones facti iudiciali. ibidẽ.	
Propositiones possibilis	117. 288
Propositiones futuri	119. 289
Propositiones magni	119. 289
Propositiones facti.	118. 288
Locus generatim, uel speciatim acceptus.	130. 289
Locus selectionis	128. 129. 296
Locus quid	130. 274
Locorum duæ species: una enthymematû uerorum: altera adumbratorum	130. 275
Enthymema uerum aut ualet ad demonstrandum, aut ad refellendum	130. 275
Loci enthymematum uerorum ad demonstrandû.	
130. 276. ad refellendum.	138. 281
Enthymema adumbratum aut spectatur in dictione aut in re	141. 142. 282
Loci enthymematum adumbratorum in dictione, 141. in re. 142.	
Enthymematum dissolutio fit duob. modis	145
Enthymema ducitur ex quattuor reb. uerisimili, exẽ- plo, tecmerio, signo	146
Quomodo dissoluatur uerisimile	146
Quomodo soluantur signa	147
Quomodo soluantur exempla	147
Tecmeria an possint dissolui	ibidem
Enthymematis pars est sententia 123. 282. senten- tia quid sit	123
Quot	

INDEX.

Quot sint species sententiæ	123
Quomodo utendum sit sententiis	124
Sententiæ dictio quàm utilis	126
Exemplum potest reduci ad enthymema	282
Exemplum est aut rei factæ, aut rei fictæ	120 282
Exēplū rei fictæ est, aut parabola, aut logus	121, 283
Exemplorum vsus	122
Mores, in quibus posita est secunda fides artificiosa, uarie considerantur	283
Mores in Rhetorica spectantur trib. rationib. oratoris, auditoris, elocutionis	284
Mores oratoris sunt tres, prudentia, probitas, bene uolentia	74 284
Mores auditorum considerantur quattuor modis, secūdū affectus, habitus, etates, fortunas	107. 285
Mores affectuum	ibidem
Mores habituum	ibidem
Mores ætatum, vt iuuenum. 108. seniorum. 110. uirorum.	112
Mores fortunæ; vt nobilium, 113. diuitum. 113. potentium 114 fortunatorum	115
Mores elocutionis secūdū genus, & habitū. 163.	286
Moratæ orationis usus	286
Affectus, in quib. inest tertia fides artificiosa, qui sint.	75. 293
Ad quam animi facultatem pertineant	295
Vnde originem habeant	ibidem
Quomodo quidam et uirtutes nominentur.	297
Sunt quattuor præcipui voluptas, libido, metus, ægritudo	297
De uoluptate, & eius partib.	49. 297.
De libidine, & eius partib.	298
De metu, & eius partib.	301
De ægritudine, & eius partib.	302
Fidei nō artificiosæ prima pars est in legib. de quibus. 63. secūda in testib. de quib. 66. tertia in patris,	

INDEX:

Quis, de quib. 68. quarta in quæstionib. de quib. 69.	
quinta in iurciurando, de quo	70
Secunda pars Rhet. est de elocutione	149. 150. 309
An elocutio curanda sit in aliis disciplinis	151. 310
Elocutionis ratio est duplex de uerbis simplicibus,	
de coniunctis.	311
Simplicium ratio est de propriis, & immutatis, &	
domesticis. 152. de metaphoris, 153. de epithetis,	
156. de diminutiuis. ibid. de frigida elocutione,	
ibidem, de imagine	158
Coniunctorum ratio est de elocutione emendata,	
160. tumida. 161. decora, 162 numerosa. 164. fusa,	
aut uersa. 166. urbana. 170. conuenienti. 177.	
Tertia pars Rhetoricæ est de dispositione partium	
orationis	149. 312
Partes orationis necessariæ propositio, & fides. 180.	
312. non necessariæ proœmium, & peroratio. ibi	
dem. Ad propositionem refertur narratio. ad fidem	
refutatio	181. 313. 314
De proœmio demonstratiuo	181. 319
De narratione demonstratiua	187. 318
De fide demonstratiua	191. 320
Peroratio non cõuenit generi demonstratiuo	180. 319
De proœmio iudiciali	182. 333
De narratione iudiciali	188. 339
De fide iudiciali	191. 333
De peroratione iudiciali.	196. 344
De proœmio deliberatiuo	115. 350
De narratione, quæ fieri solet in orationibus deli-	
beratiuis.	190. 351
De fide deliberatiua.	191. 359
De peroratione, quæ fit quandoquæ in genere deli-	
beratiuo.	181. 348

G ENVS poësis imitatio	pag. 385
Species imitationis quinque, Epopœia,	
Tragœdia, Comœdia, Dithyrambopœtica,	
Auletica, Citharistica.	385. 386
Triplex instrumentū poësis.	386
Triplex materia poësis.	387
Triplex modus imitandi.	387
Poeticæ causæ duæ imitatio, & harmonia.	388
Imitatio naturalis.	388
Harmonia naturalis.	389
Poësis una grauior, altera humilior.	369
De incrementis Tragœdiæ.	390
De incrementis Comœdiæ.	391
Quomodo inter se conueniant, & differant Tragœdia, & Epopœia.	391
Tragœdiæ definitio	392
Tragœdiæ partes qualitatis Apparatus, Melopœia,	
Dictio, Mores, Sententiæ, Fabula	392. 393
Fabula præfertur ceteris partib. qualitatis,	393. 394
Ordo partiū qualitatis secundū dignitatē	394. 395
Fabulæ Tragicæ proprietates. 395. ut sit tota. ibidem	
magnitudinem habens. ibidem. una. 396. possibilis.	
397. non episodica. 398. admirabilis. ibid. implexa.	
ibid. affectum habens.	400
Disposita per partes quantitatis, quæ sunt prologus,	
episodiū, exodus, choricū, 400. de choro, qui inseritur in actione	410
Quæ sit pulcherrima fabula Tragœdiæ	401
De terribili, & miserabili fabulæ Tragicæ.	402
De receptis fabulis, & nouis	403
De constituendæ Tragicæ fabulæ gradib.	403
De solutionib. 405. de nexu, & solutione	409
De agnitione	406
De fugiendis subcontrariis	407
De	

INDEX.

De perturbationib. animi exprimēdis ī fabulis.	408
De fabulis in uniuerſum ſpectandis, & per epīſodia producendis	408
Quattuor fabulæ Tragicæ ſpecies.	409
Fabula Tragica non debet eſſe longa, vt Epica	410.
De moribus Tragicę perſonæ.	404
In morib. attendendum neceſſarium, uel uerifimile.	405
De perfectō morum exemplo, & idea.	406
De ſententia	410
De diſtione	411
De harmonia, & apparatu	406
Epopœia quid ſit.	418
Epopœia, & Tragœdia inter ſe conueniunt, & diſſe runt.	419. 420
De reb. proprijs Epopœiæ,	420
De uitijſ communib. Epopœiæ, & Tragœdiæ.	421. 427
Solutiones obiectionum, quæ ſunt poetis	422
Primum caput ſolutionum.	422. 423. 424
Secundum caput.	423. 424. 425
Tertium caput	423
Epopœia præfertur Tragœdiæ duab. rationib.	427
Reſponſio ad duas rationes	428
Quæ habeat Tragœdia præter illa, quæ habet Epo pœia.	428
Quæ meliora habeat Tragœdia, quàm Epopœia	428.

Finis Indicis.



LABORATORIO

A. L.

VIA VALSUGANA

TEL. 8

